

საქართველოს სსრ მეცნიერებათა აკადემია

---

აკად. ს. ჯანაშიას სახელობის საქართველოს  
სახელმწიფო მუზეუმი

დ. აველიანოვი

# მეხიდეობა აღმოსავლეთ საქართველოში

(ეთნოგრაფიული მასალების მიხედვით)

აკადემიკოს ს. ჯანაშიას სახელობის საქართველოს სახელმწიფო მუზეუმის მეცნიერ თანამშრომლის დავით პავლიაშვილის ნაშრომი „მეხილეობა აღმოსავლეთ საქართველოში“ მიზნად ისახავს ეთნოგრაფიული შესწავლის საფუძველზე გამოავლინოს ამ დარგის საქართველოსათვის დამახასიათებელი მრავალმხრივი თავისებურებანი, საუკუნეების მანძილზე ჩამოყალიბებული ხალხის შრომითი ჩვევები და საწარმოო ტრადიციები, მეხილეობის ადგილი და როლი ქართველი ხალხის სამეურნეო ყოფაში.

ნაშრომი ემყარება ახალ ეთნოგრაფიულ მასალას, რომელიც განხილულია ისტორიულ-არქეოლოგიური, ფილოლოგიური, ბოტანიკური და სხვა სამეცნიერო დისციპლინათა მონაცემების ფონზე. დაწერილებით არის დახასიათებული ხეხილისათვის ნიადაგების შერჩევის, დამუშავების, გამრავლება-მოშინაურების, მოვლის, კრეფის, შენახვისა და დაცვის წეს-ჩვეულებანი, ხილის პროდუქტების დამუშავება-გამოყენების მდიდარი ხალხური ცოდნა-გამოცდილება. ნაშრომი უურადლებას იმსახურებს არა მარტო კულტურულ-ისტორიული საკითხების გარკვევის თვალსაზრისით, არამედ ხალხური მეთოდებისა და შრომითი ჩვევების პრაქტიკაში გამოყენების მიზანდასახულობით მეხილეობის დარგში.

## შ მ ს ა ვ ა ლ ( )

ხილი ადამიანის ისეთ საკვებს წარმოადგენს, რომელსაც კაცობრიობა ნანადირევთან ერთად უშველესი დროიდანვე ძირითად საარსებო საშუალებად იყენებდა. გარეული, ჭერ კიდეც მოუშინაურებელი და ადამიანის ხელით დაუმუშავებელი ხილი, სხვადასხვა სახის გელურ ნაყოფთან ერთად, პირველყოფილი ადამიანის მზამზარეული პროდუქტი იყო. როგორც ფ. ენგელსი წერს. განვითარების დაბალ საფეხურზე მყოფი ადამიანის „საკვებს შეადგენდა მცენარეთა ნაყოფი, კაკალი, მცენარის ფესვები“<sup>1</sup>.

შემგროვებლობითი მეურნეობის სტადიაზე მამაკაცი ძირითადად თუ მონადირეობით იყო დასაქმებული. ხილისა და სხვა სახის ცენარეული ნაყოფის შეგროვება ქალს ევალებოდა. ხილის მოშინაურება იწყება ადამიანის ბინადარ ცხოვრებაზე გადასვლის დროიდან. აქედანვე ხდება ხილის ჭიშების გაუმჯობესების ცდები, რაც თანდათანობით ვითარდება და განსაკუთრებულ ადგილს იჭერს საკვები პროდუქტების იმ მარაგში, რაც ადამიანის შრომითი ჩვევების, მდიდარი საწარმოო გამოცდილების შედეგად დაგროვდა. ბუნებაზე ადამიანის ზემოქმედების წყალობით საარსებო საშუალებათა ნოპოვება-გაზრდის შესახებ საყურადღებოა კ. მარქსის კლასიკური განმარტება. შრომის პროცესების განხილვასთან დაკავშირებით, ბუნებისადმი ადამიანის დამოკიდებულების შესახებ „კაპიტალში“ ვკითხულობთ: „ბუნების ნივთიერებას თვით ადამიანი უპირისპირდება. როგორც ბუნების ძალა. მას მოძრაობაში მოყავს თავისი ორგანიზმის ბუნებრივი ძალები: მკლავები. თავი და ხელი, რათა ბუნების ნივთიერება თავისი არსებობისათვის გამოსადეგი ფორმით მიიღვისოს“<sup>2</sup>.

<sup>1</sup> ფ. ენგელსი. ოჯახის, კერძო საკუთრებისა და სახელმწიფოს წარმოშობა, თბილისი, 1953. გვ. 27.

<sup>2</sup> კ. მარქსი. კაპიტალი. თბილისი, 1959. ტ. I. გვ. 226.

პირველყოფილი მიწათმოქმედება. რასაკვირველია, იყო ძალიან მცირე ფართობზე, სადაც ერთი ან რამდენიმე სახის მცენარეულა სადგომის ახლას იყო გაშენებული. მაგრამ ასეთმა პრიმიტიულმა მიწათმოქმედებამ ადამიანს შედარებით იოლადაც მისცა მუდმივი საკვები<sup>3</sup>.

მეხილეობის ისტორია იწყება იმ მომენტიდან, როცა ადამიანი ჩაება ბუნებრივი ევოლუციის მსვლელობაში და ბუნება პირადი ინტერესებისა და საჭიროების სამსახურში ჩააყენა

განვითარებული მეხილეობა ცნობილი იყო ჯერ კიდევ მონათ-ძელობელური წყობილების დროს მესოპოტამიასა და ეგვიპტეში, 4-5 ათასი წლის წინ ჩვ. წ. აღრიცხვამდე. წარწერები, ნახატები და სხვა იმდროინდელი ძეგლები ამტკიცებენ ყურძნის კულტურის, ლეღვის კულტურის, ფინიკიური პალმისა და სხვათა არსებობას<sup>4</sup>.

საბჭოთა კავშირის ტერიტორიაზე ხილის ნარგავები გვხვდება ჯერ კიდევ უძველესი დროიდან, რომელთაგან გამოირჩევა კავკასია (სომხეთი, ურარტუს სახელმწიფო). შუა აზია (სოგდიანა, ფერგანი) და ქერჩი.<sup>5</sup> პომეროსის ეპოსში, რომელი ავტორების ვირგილიუსის, ატონის, ვარონისა და სხვათა ნაწერებიდან მოწმდება მებალეობის კულტურა ხმელთაშუა ზღვის ქვეყნებში და კავკასიაში.

„Раскопки древнего поселения к западу от Ханлара (Азерб. ССР) относящегося к самому началу I тысячелетия до н. э., также выявили явственные следы земледелия, сочетавшегося с садоводством. Садоводство древнего ханларского населения выступает весьма отчетливо. В большом сосуде, впущенном в пол одного из разчищенных жилищ, оказались косточки винограда, свидетельствующие о далеком прошлом виноградарства и виноделия в Закавказье, а в обмозке пола другого жилища найдена косточка персика“<sup>6</sup>.

ჯერ კიდევ გვიანი ბრინჯაოსა და აღრეული რკინის ხანის ძეგლები აღმ. საქართველოში მეტყველებენ მეურნეობის ამ დარგის განვითარებაზე.

ბრინჯაოს სასხლავებისა და მოხრილი საბაღე დანების ფართო გავრცელება და ცოტა უფრო გვიანი ხანისათვის ყურძნის—წიბწე-

<sup>3</sup> М. О. Косвен, Очерки истории первобытной культуры, Москва, 1957, стр. 69.

<sup>4</sup> Б. С. Э., 1955, том. 33, стр. 267.

<sup>5</sup> იქვე.

<sup>6</sup> Б. Б. Потровский, Археология Закавказья, Ленинград, 1949, стр. 70—71.

დადასტურება უმაღლესი მონასწავლებელი უნდა ყოფილიყო მებაღეობა-მევენახეობის განვითარება.

უძველესი ბერძნული ცნობები (VI—IV სს. ძვ. წ.) საქართველოს მეცნარეულობით, ცნობილებითა და მინერალური ნედლეულით მდიდარ ქვეყანად გვიჩვენებს. კულტურული მეცნარეულები დასახელებულია ვახი და აღნიშნულია, რომ აყენებდნენ ღვინოს: მოხსენებულია კაკალი და წაბლი. აღსანიშნავია, რომ წაბლის წაყოფს დიდი რაოდენობით ხმარობდნენ, ან მოხარშულს, ან პურის სახით გამოიმცხვარს. საქართველოს შესახებ ნათქვამია, რომ აქ აშენებენ ყოველნაირი ჭაშისა და არგი ხარისხის მსხალსა და ვაშლს დიდი რაოდენობით, ბლომად ხარობს აქ აგრეთვე ლეღვი და ბროწეულიო. ზოგი ხეხილი აქ შემდეგში სხვა ქვეყნებშიაც გავრცელდა. მაგ., კოლხეთის ქალაქ კერასუნტოდან რომაელებმა პირველად შეიტანეს ევროპაში ბალი, რომლის სახელი ევროპულ ენებში კერასუნტის სახელთანაა დაკავშირებული<sup>7</sup>.

წინა აზიის უძველესი მოსახლეობის მეურნეობის შესახებ საყურადღებოა აკად. გ. მელიქიშვილის გამოკვლევა. სადაც აღნიშნულია: „ასურული წარწერების მიხედვით ნაირი-ურარტუს მოსახლეობის სამეურნეო საქმიანობაში ბუნებრივი პირობების და შესაბამისად წამყვანი ზოგჯერ მესაქონლეობა ჩანს, ზოგჯერ კი—მიწათმოქმედება. საინტერესოა, რომ მიწათმოქმედების კულტურასთან ერთად აქ განვითარებული ჩანს სოფლის მეურნეობის ისეთი ინტენსიური დარგები, როგორცაა მებაღეობა და მევენახეობა“<sup>8</sup>.

მიუხედავად წყაროთა სიმცირისა ჩვენამდე მოღწეული წერილობითი მასალები ზოგჯერ წარმოდგენას გვაძლევს საქართველოში ძველთაგანვე „ბეტლ-სამოთხეებისა“ და „ბაღ-წალკოტების“ მოწყობის შესახებ. უკვე ასურული ლურსმული წარწერებისა და წყაროებითგან.—აღნიშნავს განსვენებული აკად. ივ. ჭავჭავიძელი.— ჩანს, რომ მუსკებმა და ტაბალებს მევენახეობა ჰქონიათ, ამიტომ, ცხადია, რომ მიწისმოქმედების სხვა დარგებიც, მათ შორის მებაღეობა, მეხილეობაც იქნებოდა გავრცელებული“<sup>9</sup>.

<sup>7</sup> ა. აფაქიძე, ნ. ბერძენიშვილი. კალანდაძე, გ. ლომთათიძე, ო. ჭავჭავიძე, ნ. ხოშტარია. საქართველოს არქეოლოგია. თბილისი, 1959. გვ. 189.

<sup>8</sup> ნ. ბერძენიშვილი, ივ. ჭავჭავიძელი, ს. ჯანაშია. საქართველოს ისტორია. ნაწ. I, თბილისი, 1948. გვ. 45.

<sup>9</sup> გ. მელიქიშვილი, ურარტუ. თბილისი, 1951. გვ. 37.

<sup>10</sup> ივ. ჭავჭავიძელი. საქართველოს ეკონომიური ისტორია. წიგნი II. თბილისი, 1934, გვ. 108.

აღსანიშნავია. რომ ხალხი მტილ-სამოთხეებისა და ბალ-წალ ტების მოსაწყობად ძველთაგანვე დიდა შრომის ვაწევასაც არ ერდებოდა. „ბაბილონეთის ერთ-ერთი უკანასკნელი მეფის ნაბუქოდონოსორის (604—562) ლურსმული წარწერა გვატყობინებს, რომ მან თავისი საყვარელი ცოლის—მიდიელი ქალის—გასართობად გააგზავნა ბალები, რომლებსაც ძველი პერძნები სამყაროს სამშენებლო ხელოვნების შვიდ სასწაულს შორის იხსენიებდნენ. აგურისაგან აგებულ თალებზე დაყრილი იყო ნოყიერი მიწის სქელი ფენა და ღარგულა იყო ხეები, ბუჩქები, ყვავილები. მონები განუწყვეტლივ ტუმბავდნენ მდინარე ევფრატიდან წყალს ამ ბალების მოსარწყავად“<sup>11</sup>.

ძველ საქართველოში მებაღეობა-მესილეობის განვითარების შესახებ საინტერესო ცნობებია დაცული, როგორც საისტორიო წყაროებში, ისე სხვადასხვა დროის უცხოურ და რუსულ ლიტერატურაში. ისტორიულ დოკუმენტებთან ერთად საყურადღებოა მხატვრული ლიტერატურის ძეგლები და ფოლკლორი, სადაც ეს საკითხი თავისებურადაა ასახული.

როგორც ივ. ჯავახიშვილი აღნიშნავს, „ჯერჯერობით მხოლოდ ნე-6 საუკუნიდან მოყოლებული მოგვეპოვება ძეგლები, რომლებშიც მტილ-სამოთხეთა ვითარების გასათვალისწინებლად კონკრეტული ცნობებია დაცული. ერთ მათგანში მე-IV საუკ. იბერთა მეფის მცხეთის სამოთხეა მოკლედ აღწერილი. აი იქ სახელდობრ რა წერია.

შატბერდისეული ცხოვრების ცნობით, მირიან მეფემ წაწინოს უთხრა: „მიყუარან მაყუალნი ეგე შენნი... არამედ არავპრიდო სანოთხესა მას სამეუფოსა და ნაპუთა სიმაღლესა და ბაბილოთა მით ნაყოფიერებასა და ყვავილთა მით სულნელებასა“—ო.<sup>12</sup>

ძველთაგანვე მოყოლებული ქართველი მიწისმოქმედნი ძალღონეს არ იშურებდნენ მტილ სამოთხეებისა და ვენახების გასაშენებლად. როგორც ივ. ჯავახიშვილი წერს „თუმცა, გრ. ხანძელის ცნობით, შავშეთ-კლარჯეთის მეტისმეტი მთაგორიანობის გამო, არამც თუ საბოსტნე და საბაღ-ვენახე, თვით სახნავი ადგილებიც კი მეტის-მეტად ცოტა მოიპოვებოდა, მაინც ამ ორ თემში დამკვიდრებულ ბერებსაც-კი ადგილობრივ მოსახლეობასთან ერთად მცი-

<sup>11</sup> გ. მელქიიშვილი. როგორ ამტყველდნენ ლურსმული წარწერები, თბილისი, 1961. გვ. 27.

<sup>12</sup> ივ. ჯავახიშვილი. დასახელებული შრომა, გვ. 109.

ოდ ვენაქნი ქირითა და ურვითა დაუნერგვიან და ეგრეთვე მტ-  
ლები“<sup>13</sup>.

საქართველოს მებაღეობა-მევენახეობის დიდ კულტურაზე ცნო-  
ბებს მერმინდელი ხანის ისტორიკოს-გეოგრაფთა ნაწერებში-ც  
ეჭვდებით, რომელთაგან აღსანიშნავია ისტაპრი-ს (930 წ. ჩვ. წ.) ცნო-  
ბები, რომ თბილისი იმდროისათვის მეტად აყვავებული ხილ-ბოსტ-  
ნებით მდიდარი ქალაქი იყო<sup>14</sup>.

XII საუკუნისათვის საქართველოს ძლიერების ეპოქაში მება-  
ღეობისა და მევენახეობის კულტურა, რასაკვირველია, უფრო და-  
წინაუბრებული იყო, რაც შავთელის მიერ მეფის სასახლისა და ზა-  
ლის აღწერიდანაც ჩანს: „თუ უქო სრანი მე მასა, რანი? ვალაუანისა  
შემეულობანი მტილ-სამოთხენი, თვალ-სამოთხენი, ზედ ავაზანთა  
შემქმნულობანი, კართა სტოვანი... იპოდრომისა განხმულობანი“-ო<sup>15</sup>.  
ამავე პერიოდისათვის საყურადღებოა შოთა რუსთაველის ცნობაც,  
რომელიც ქალაქის გარეთა უბნების ბაღებით შემოფარგვლას შეე-  
ხება:

„ნახეს მოციული ქალაქი, გარე ბაღსა ტევრითა,  
გვარად უცხონი ყვაილნი, ფართა ბევრის ბევრიოთა  
მის ქვეყანისა სიტურჲუ რა გაგაგონო ენითა“-ო<sup>16</sup>.

შემდგომი პერიოდისათვის, საქართველოს ნაყოფიერებისა და  
ყვავილ მცენარეულობით ზოგად დახასიათებასთან ერთად, სხვა ქა-  
ლაქების გვარად ვახუშტი ბატონიშვილი წალკოტთა და ყვავილ-ხი-  
ლეულობით მდიდარ ქალაქად წარმოგვიდგენს ქ. გორსაც. მისი სიტ-  
ყვით გორში ქალაქს „გარემოს აქევან ვენახნი და წალკოტნი მრავ-  
ალნი“-ო<sup>17</sup>.

ვახუშტი ბატონიშვილის აღწერით თუ ვიმსჯელებთ მას მთელი  
იმდროინდელი საქართველო წარმოდგენილი აქვს ვენახ-ხილიანად,  
დაწყებული ველებიდან 1000—1200 მეტრის სიმაღლემდე<sup>18</sup>.

<sup>13</sup> ივ. ჭავჭავაძის შვილი, დასახელებული შრომა. გვ. 109.

<sup>14</sup> В. Караулов, Свед. араб. писателѣи о Кавказе: СМОМПК, вып. 29.

<sup>15</sup> ივ. ჭავჭავაძის შვილი, დასახ. შრომა, გვ. 111.

<sup>16</sup> შ. რუსთაველი, ეფთხისტყაოსანი, სოლ. ყუბანეიშვილ-ს გამოც. თბი-  
ლისი, 1956. ტუპა 1245.

<sup>17</sup> ვახუშტი ბატონიშვილი, აღწერა სამეფოსა საქართველოსა ნ.  
ბერძენიშვილისა და თ. ლომოურის რედაქციით, თბილისი, 1941, გვ. 74.

<sup>18</sup> ნ. კეცხოველი, წინასიტყვაობა ნ. ხომიზურაშვილი, ელ. ერისთავი,  
საქართველოს ხილი. თბილისი, 1939. გვ. 1.

მაშინაც კი, როდესაც საქართველო წინანდელთან შედარებით, ე.მურღენგისა და შემდეგ შაჰაბაზისაგან აოხრებული და ეკონომიურად ძალზე ჩამოქვეითებული იყო, მეხილეობა მაინც მაღალ დონეზე მდგარა: შარდენის ცნობით საქართველო მდიდარია ყოველგვარი ხილით. „ევროპაში არც ერთ ადგილას არ მოდის უკეთესი ვაშლი და მსხალი. აზიაშიც არ მოდის უკეთესი ბროწეული“<sup>19</sup>. ხოლო აკადემიკოს გულდენშტედტის ცნობებით ქართლ-კახეთში განსაკუთრებით გამრავლებულია: ლეღვი, ბროწეული, ვაშლი, მსხალი, ჭლიავი, ბალი, ნუში, ატამი, აბრიკოსი, კაკალი და სხვა<sup>20</sup>.

არანაკლებ საინტერესო ცნობებია დაცული რუს დესპანთა ნაწერებში. რომელნიც საქართველოს ხეხილით მდიდარ ქვეყანად აღიარებენ. მიშეცკის აღწერით XVIII ს. კახეთში ფართოდ ყოფილა გამრავლებული ვაშლი, მსხალი (გულაბი), არმუდი, ნარი, ყურძენი, ქიშმიში და ლეღვი; კაკალი, ალუბალი, შინდი, წიფელი, ფუსტული, რაყვალი და სხვა. ამასვე იმეორებენ ტოლჩანოვი და იევლიევიც<sup>21</sup>.

მეხილეობის შემდგომ განვითარებასა და ხეხილის მრავალფეროვნებაზე ქართული მწერლობის XVII საუკ. ნიმუშებიც მეტყველებენ: გარსევან ჩოლოყაშვილი—„ხილთა ქება“, თეიმურაზ II—„ხილთა ბაასი“ და სხვა.

„წმინდა ხილის ბალები საქართველოში გავრცელებული იყო უფრო იმ რაიონებში, სადაც ვაჭს ცოტად თუ ბევრად უჭირდა, მაგალითად ქართლისა და იმერეთის შუამთაში, მესხეთში ო სხვაგან. ძველი სიგელგუჯრები და წყაროები ცალკე ბალებს განსაკუთრებით სწორედ ასეთ მხარეთათვის მოიხსენიებენ. ამ მხარეში დღესაც მოიპოვება ბალები, რომლებშიც ასწლოვანი ადგილობრივი ჭიშის ხილულია (ვალე. უდე, ხერთვისი, კეხვი, კულბითი)“<sup>22</sup>.

XVII—XVIII ს. მთელი ევროპა და განსაკუთრებით ინგლისი სასწაულებს ახდენენ სოფლის მეურნეობაში, მათ შორის ბაღის კულტურების ახალი ჯიშების გამოყვანის საქმეშიც.

<sup>19</sup> ე. შარდენის მოგზაურობა საქართველოში (1672—1673 წწ.), თბილისი, 1903, გვ. 82.

<sup>20</sup> Описание Грузии и Кавказа, из путешествия акад. Гульденштедта через Россию и по Кавказским городам, в 1770—73 годах, Санкт-Петербург, 1809, стр. 195.

<sup>21</sup> საქ. მეცნ. აკადემიის ხელნაწერთა ინსტიტუტის ივ. ჯავახიშვილის ფონდი, № 11, გვ. 160—187.

<sup>22</sup> ნ. კეცხოველი. კულტურულ მცენარეთა ზონები საქართველოში, თბილისი, 1957, გვ. 307.

ევროპისა და სავაჭროდ უცხო ქვეყნების მესილეობა ინტენსიურად XIX ს. შენიჭარა კერ რუსეთში. სახელდობრ ყირიმში, და აქედან სულ მოკლე ხანში XIX ს. პირველი ნახევრის ბოლოს და მეორე ნახევრის დასაწყისში შემოღდა საქართველოშიც, სადაც უცხო ქვეყნების ინტროდუქცია ხდებდა აგლომე უშუალოდ ევროპიდანაც—წაი ზღვის გზით. სწორედ ეს ხანა საქართველოს მეხილეობის გარდატეხისა და სამრეწველო მეხილეობის დასაწყისად უნდა ჩაითვალოს<sup>22</sup>.

ევროპული ჯიშები პირველად იწერებოდა ქართლში, რომლის პიონერებად ითვლებიან ნიკო ზაქარიას ძე კეცხოველი—სოფ. ტყვიანში, ისაია ფურცელაძე—სოფ. ნერეთში. ს. ლეთაგურა—სოფ. ნიქოზში. ფრიდონოვი და ავსარქისოვი—სოფ. სკრაში. ხოლო ევროპული ჯიშების პირველი მთლიანი ნარგავები გაშენდა სოფ. კარალეთში (ელიზბარ ერისთავის ბაღი), ბორჩალოში (ბარონ ნეკლას ბაღი), რომელთაც ყავდათ საფრანგეთიდან მოწვეული მებაღეები<sup>23</sup>.

თუ წინათ ბაღების დიდ მასივებზე გაშენება ოთქმის შეუძლებელიც კი იყო, საბჭოთა ხელისუფლების დამყარების შემდეგ, როცა შეიქმნა გეგმაზომიერი განვითარება სოფლის მეურნეობის ყველა დარგში, შესაძლებელი გახდა ბაღების გასაშენებლად დიდი კაპიტალის დაბანდება. ამჟამად ეს საკითხი მეცნიერების მიწვევებით და პრაქტიკოს მებაღეთა გამოცდილებით ვადაწყვეტილია.

ახალი შეიღწილიანი გეგმის საკონტროლო ციფრები და პარტიის ცენტრალური კომიტეტის დეკემბრის პლენუმის გადაწყვეტილებანი ითვალისწინებენ მებაღეობა-მევენახეობისა და მეჩაიეობის ფართოდ განვითარებას. ხილის, კენკრის და ყურძნის წარმოების სულ ცოტა ერთი ორად და მეტად გადიდებას. თუ 1953 წ. ხეხილის ბაღების ფართობი საქართველოში 95.457 ჰექტარზე შეადგენდა, ხოლო 1956 წ. —113.000 ჰექტარს, 1965 წლისათვის იგი უნდა გაიზარდოს 140.000 ჰექტარამდე<sup>24</sup>.

ვიდრე ჩვენ მიერ მოპოვებული ეთნოგრაფიული მასალის რაობას შევეხებოდეთ და მის საფუძველზე დაწერილ წინამდებარე მონოგრაფიის აგებულებაზე რაიმეს ვიტყვოდეთ საჭიროდ მიგვაჩნია მოკლედ შევეხოთ XIX საუკუნის ლიტერატურას, რომელსაც ზემოთ აღნიშნულ წყაროებთან ერთად ვიყენებთ.

<sup>22</sup> ნ. ხომიზურაშვილი. ელ. ერისთავი, დასახ. შრილა. შესავალი.

<sup>23</sup> იქვე.

<sup>24</sup> კ. შირატაძე. გაზ. კომუნისტი, 1959. 7 იანვარი.

XIX საუკუნის მებაღეობა-მეხილეობის ირგვლივ საყურადღებო ცნობებია დაცული ქართულსა და რუსულ პერიოდულ ლიტერატურაშიც. „კუთნის დედა“ (1862—76 წწ.). „მეურნე“ (1888—1890 წწ.), „სასოფლო გაზეთი“ (1868—1874 წწ.), ჟურნ. „მოსავალი“. ამათ გარდა აღსანიშნავია:

„Сборник сведений по плодоводству в Закавказском крае“ (1895 г.), „Материалы для изучения экономического быта государственных крестьян Закавказского края“ (том IV, V, VII, 1887 г.), „Очерк садоводства“ (В. Гевский, Тифлис, 1878 г.) „Кавказское хозяйство“ და სხვა.

დასმული საკითხის შესასწავლად ვიყენებთ საბჭოთა პერიოდში გამოცემულ სპეციალურ ლიტერატურას და ქართველ ისტორიკოს-ეთნოგრაფთა შრომებს. მათ შორის უნდა აღინიშნოს ივ. ჯავახიშვილის ფუნდამენტალური შრომა ორ წიგნად „საქართველოს ეკონომიური ისტორია“ (თბილისი, 1930—1935 წწ.), II. М. Жукowski, „Культурные растения и их сородичи“ (Москва, 1950 г.), მისივე Земледельческая Турция (Москва, 1933 г.), გ. ჩიტაია. „რაკული სახენელი“ (ენიმკის მოამბე, ტ. 1, 1937), „Земледельческие системы и пахотные орудия Грузии“ (Вопросы этнографии Кавказа, 1952 г.), ალ. რობაქიძე, „მეფუტკრეობის ისტორიისათვის“ (თბილისი, 1960 წ.), გ. ჯალაბაძე „აღმოსავლეთ საქართველოს სამიწათმოქმედო იარაღების ისტორიიდან“ (თბილისი, 1960 წ.), შ. გეგეშიძე, „სარწყავი მიწათმოქმედება საქართველოში“ (თბილისი, 1961 წ.), ჯ. სონღულაშვილი, „მეზოსტენობა თბილისის სანაპიროში“ (თბილისი, 1959 წ.), ნ. კეცხოველი, „კულტურულ მცენარეთა ზონები საქართველოში“ (თბილისი, 1957 წ.), ნ. ხომიზურაშვილი და ელ. ერისთავი, „საქართველოს ხილი“ (თბილისი, 1939 წ.) და სხვა.

როგორც ვხედავთ. ყველა ზემოთ განხილული წყაროები და ლიტერატურა თავისთავად საინტერესო და მრავლისმეტყველია. მაგრამ მარტოოდენ მათზე დაყრდნობით არ შეიძლება სრული წარდგენა იქონიოს მკითხველმა მეხილეობის ხალხური ტრადიციებისა და საუკუნეების მანძილზე დაგროვილი ემპირიული ცოდნის შესახებ.

ყველა დასახელებულ წყაროს თუ ცალკეულ გამოკვლევას ჩვენ სათანადოდ ვიყენებთ ამა თუ იმ საკითხის შესწავლასთან დაკავშირებით, მაგრამ ძირითად წყაროს საკვლევი თემისათვის მაინც ჩვენ

მიერ სხვადასხვა დროს კომპლექსურ-ინტენსიური მეთოდით ველზე შეკრებილი ეთნოგრაფიული მასალა წარმოადგენს<sup>26</sup>. ზუსტად ფიქსირებული ეთნოგრაფიული მასალების მიხედვით აღნიშნული საკითხის შესწავლა საჭიროა მით უფრო, რომ მეხილეობის ხალხური ტრადიციების შესახებ დღემდე არც ერთი ეთნოგრაფიული გამოკვლევა არ გაგვაჩნია.

თემის დასამუშავეებლად ჩვენ მიერ სავსელ ეთნოგრაფიული მასალა იკრიბებოდა, როგორც აკად. ს. ჯანაშიას სახ. სახელმწიფო პუბლიკის მიერ მოწყობილ ექსპედიციებში მონაწილეობისას (სიღნაღის 1959, დუშეთის 1960, თეთრიწყაროს 1960), ისე ცალკე მივლინებების დროს გორისა და დუშეთის რაიონებში 1957—1960 წწ., ქარელისა და ბორჯომ-ახალციხე-ახალქალაქის რაიონებში 1959—1961 წწ.

გარდა ზემოთ დასახელებული მასალებისა საკითხის დასამუშავეებისას გამოვიყენეთ აკად. ივ. ჯავახიშვილის სახ. ისტორიის ინსტიტუტის ეთნოგრაფიის განყოფილებაში დაცული „შინამრეწველობის მასალები“ და შევისწავლეთ აკად. ს. ჯანაშიას სახ. სახელმწიფო მუზეუმის ფონდებში დაცული მეხილეობასთან დაკავშირებული ექსპონატები.

წინამდებარე ნაშრომი შედგება ოთხი თავისაგან: I — ნიადაგების შერჩევა-გამოყენების ხალხური მეთოდები მეხილეობაში, II — ხეხილის ვამრავლება, ბაღის გაშენება, ხეხილის მოვლა და ხეხილის დაავადებანი. III — ხეხილის მოსავლიანობის გადიდების, ხილის კრეფისა და გამოზამთრების ხალხური მეთოდები და IV — ხილეული და მათი გამოყენება.

ნაშრომის პირველ თავში „ნიადაგების შერჩევა-გამოყენების ხალხური მეთოდები მეხილეობაში“ გამოვლენილია ქართულ მეურნეთა ის მდიდარი ცოდნა-გამოცდილებანი, რასაც ხეხილისათვის ნიადაგების შერჩევისა და უვარგისი ნიადაგების გამოყენებისას იჩენდნენ. ამ მხრივ აღსანიშნავია ნიადაგების ავკარგიანობის შეტ-

---

<sup>26</sup> კომპლექსურ-ინტენსიური მეთოდის შესახებ იხ. გ. ჩიტაია. ქართული ეთნოლოგია. „მომომხილველი“ 1926, ტ. I. მისივე, *Этнографические исследования в Грузинской ССР*, „Советская Этнография“, 1948 № 4; მისივე, ქართლის ეთნოგრაფიული ექსპედიცია, 1948 წ. (წინასწორი ანგარიში), „მომომხილველი“, II. 1949; მისივე, *Принципы и методы полевой этнографической работы*, „Советская этнография“, 1957, № 4, А. И. Робакидзе, *К некоторым спорным вопросам этнографического изучения нового быта*, „Советская Этнография“, 1952, № 2.

ყოფილი: სუნი, მუქაში გამოფენით, მორწყით, ბალახეულობით და სხვა. აქვეა განხილული ხეხილისათვის ნიადაგის შემზადება-დამუშავების ხალხური მეთოდები, ფერლობა, ქაობიან, გაკაფულ და ნაწიშეკარ ადგილებში.

მეორე თავში „ხეხილის გამრავლება, ბალის გაშენება, ხეხილის მოვლა, ხეხილის დაავადებანი და მოვლა“ განხილულია გარეული ხეხილის მოშინაურების ხალხური ტრადიციები და მისი მნიშვნელობა ხეხილის გამრავლებისა და ახალი ჯიშების გამოყვანის საქმეში. ხეხილის გამრავლებიდან ხაზგასმულია „მცნობის“, „გადაწვევის“, „ლერწის“, „ფესვდაყოფისა“ და სხვა ისეთი წესები, რომელთაც ქართველი მეურნეები ოდითგანვე ფლობდნენ და თავიანთი ბუნების გასამდიდრებლად იყენებდნენ. აქვეა განხილული ხეხილის გასამრავლებლად გამოყენებული სხვადასხვა ხალხური მეთოდები: „ხეხილის საძირის ტყიდან ჩამოტანა“, „თესლთესვა“ და თვით თესლის დამზადება-გამოზამთრება და ა. შ. ამავე თავში წარმოდგენილია ხეხილის ბაღების მოვლა-დამუშავება და ხეხილის სხვადასხვა ავადმყოფობის საწინააღმდეგო ხერხები.

მესამე თავში „ხეხილის მოსავლიანობის გადიდებისა და ხილის გამოზამთრების ხალხური მეთოდები“ ნაჩვენებია ქართველ მეურნეთა დაუცხრომელი ზრუნვა ხეხილის მოსავლიანობის გადიდებისათვის ბრძოლაში. ამ მიზნით ყოფაში იყენებდნენ: „დაკოდვის“, „რწყვის“ „გაპატივების“, „გასხვლის“, „დაშინებისა“ და სხვა ხალხურ წესებს, სადაც აგრეთვე დიდ ყურადღებას აქცევდნენ ძველ რწმენა-წარმოდგენებსაც.

მეოთხე თავში „ხილის სახეობანი და მისი გამოყენება აღმოსავლეთ საქართველოში მონოგრაფიის ერთ-ერთი მნიშვნელოვანი ნაწილია. აქ ნაჩვენებია აღმოსავლეთ საქართველოს ფლორისათვის დამახასიათებელი ხილის კულტურები და შეძლებისდაგვარად განხილულია თვითეული მათგანის წარმოშობის ადგილები, მათი გამრავლების, გავრცელებისა ან შემოტანის გზები.

აღნიშნულ თავში ხილის კულტურების კლასიფიკაციისას ცალკეა განხილული მათი მნიშვნელობა როგორც სამეურნეო-ეკონომიური და სამკურნალო დანიშნულების თვალსაზრისით. ისე სხვადასხვა ხალხური რწმენა-წარმოდგენებისა და წეს-ჩვეულებების შესრულებისას, როგორც აუცილებელი ელემენტი. ამავე თავში ხილი, როგორც ქართული სუფრის ლაზათი განსაკუთრებული სიცხადით არის წარმოდგენილი, რომლის ირგვლივაც ხალხს სათანადო ლექსები და თქმულებანი შეუქმნია.

ენიდან აგების შერჩევა-გამოყენების ხალხური წესები მხილველთათვის

საქართველოს ეთნოგრაფიულ სინამდვილეში მეხილეობასთან დაკავშირებით შემონახული ხალხური ცოდნა მეტყველებს იმ დიდ მიღწევებზე, რაც ჩვენს წინაპრებს თავის დროზე შეუქმნიათ. საქართველოს მრავალფეროვანი ბუნებრივი პირობები მეურნეს უკარნახებდა თავისებურად შეერჩია ამა თუ იმ კულტურისათვის საჭირო ნიადაგები, ხელსაწყო იარაღები და განესაზღვრა დამუშავების ვადები და თვით სამუშაო ძალაც კი. ამის გამო ივ. ჯავახიშვილი საქართველოს როგორც რთულ სამიწათმოქმედო კულტურის ქვეყანას იმ კატეგორიად „მთად“ და „ბარად“ ყოფს, სადაც აღნიშნავს: „ბარისა და მთის ბოტანიკურ-გეოგრაფიული გარჩევის პრინციპი მრავალი მოსაზრების გამო ძველისძველი დაკვირვების შედეგად უნდა იქნეს მიჩნეული. მისი კვალი სტრაბონის თხზულებაში დაცულს იბერიის აღწერილობაშიაც ჩანს“<sup>1</sup>.

აკად. ივ. ჯავახიშვილმა თავის ფუნდამენტალურ ნაშრომში (საქართველოს ეკონომიური ისტორია, წ. I) განსაკუთრებული ადგილი დაუთმო ქართველი ხალხის იმ ხანგრძლივ დაკვირვებებსა და გამოცდილებებს, რაც ნიადაგის თვისებების დიფერენცირების ირგვლივ შეუმუშავებიათ. იმავე საკითხების ირგვლივ საყურადღებოა პროფ. გ. ჩიტაიას „ქართლის ეთნოგრაფიული ექსპედიცია 1948 წ.“ (მომოხილველი. 1, 1949), „Земледельческие системы и пахотные орудия Грузии“ (Вопросы этнографии Кавказа, Тб., 1953). მ. გეგეშიძის, „სარწყავი მიწათმოქმედება საქართველოში“, თბილისი, 1961 და სხვა.

მიწათმოქმედების მეხილეობის სისტემაში განსაკუთრებული სიართულე ნიადაგების არაჩვეულებრივი სიჭრელითა და მრავალფეროვნებით არის გამოწვეული. ამის გამო ქართველი მეურნე კარგად არჩევს: მსუქან, ღარიბ, მძიმე, მჩატე, ალქატ; გამოფიტულ, ჯანდაც და მლაშე ნიადაგებს. იგი ნიადაგების შერჩევას გადამწყვეტ მნიშვნელობასაც კი აძლევს, რადგანაც მან თავისი დაკვირვებებით იცის, რომ ხილის ესა თუ ის ჯიში სხვადასხვა ნიადაგებში თავისებურ შედეგებს იძლევა. ამის გამო ყოფაში ხშირად აღნიშნავენ ხოლმე: „ზოგი ხილი, სადაც გინდა დარგო იხეირებს, მაგრამ არ ივარგებს, არც კაი ტანს შეჰყრის და არც კაი მოსაეაღს მოგვეცემს-ო“.

<sup>1</sup> ივ. ჯავახიშვილი, საქართველოს ეკონომიური ისტორია, ტ. I, თბილისი, 1930, გვ. 298.

ხეხილისათვის შესაფერისი ნიადაგების შერჩევის წესები და პრაქტიკოსი ნიადაგმცოდნეები საქართველოში ძველადვე უნდა ყოფილიყვნენ. როგორც ივ. ჭავჭავაძის აღნიშნავდა, „სახნავი, საყაჭური, სავენახე, სათიბი, საძოვარი და ბევრი სხვა ც მეტყველებს მდინდვრეობისათვის, თუ ბალისა ანუ ვენახის გასაშენებლად განზრახულ მიწას მაშინდელი შეხედულებებითაც გარკვეული თვისება უნდა ჰქონოდა“<sup>2</sup>. ხალხური ნიადაგმცოდნეობის უტყუარ წარსულზე ბიგვითითებს ყოფაში ხმარებული რიგი ტერმინოლოგიის სიუსვე: შავი მიწა, წითელი მიწა, ტრედისფერი. ხირხატი, ჰანჰრობ-ჰაობიანი, ჰვიშიანი, ლამული, თირი, აყალო და სხვა, რომელნიც ნიადაგების თვისებების აღმნიშვნელად იხმარება.

შავი მიწა აღმოსავლეთ საქართველოში, როგორც ხეხილის ისე სხვა სამეურნეო კულტურებისათვისაც საუკეთესო და კარგი მოსავლის მომცემ ნიადაგად არის ცნობილი. იგი მთხრობელთა გადმოცემით მსუბუჰი დასამუშავებელი, ფხვიერი და გამწევიანიაო. ნიადაგის ეს სახელწოდება იმავე მნიშვნელობით იხმარება საქართველოს სხვა კუთხეებშიაც (რაჰა, ხევი). აღნიშნული ნიადაგის სიფხვიერისა და სინოყიერის გამო ხილსა და ვენახს ბევრგან 2-3 წელიწადში ერთხელ ბარავენ. მისი საუკეთესო მოსავლიანობის აღსანიშნავად ჰართლში და იმერეთში მას „დიღვამსაც“ უწოდებენ (აკად. ივ. ჭავჭავაძის ისტორიის ინსტიტუტში დაცული შინამრეწველობის მასალები, ჰვ. იმერეთი). ზეხილეთა დაკვირვებით ის ადვილად დასამუშავებელი და მოსავლიანი მიწაა. მათივე აზრით ხსენებული ნიადაგის ხშირი დამუშავებით ზოგიერთი წვრილი ხილი ისპობა და ნამეტნავად ჰარიან ადგილებშიო.

წითელი მიწას აღმ. საქართველოში თიხამიწას, ხოლო გურიანში ეწერსაც უწოდებენ, რადგანაც თიხის უმეტესი რაოდენობის შემცველია, იგი მოწითალო-მოყვითალო ფერისაა, მაგარია. ატალახებისას ფეხს ძალიან ეფისება, წყალს გვიან იშრობს, გვიან შრება და გახმობისას დასკდომა იცის/წითელი მიწა. როგორც, გვიან მშრობადი ნიადაგი კარგია ბოსტნეულისა და ისეთი წვრილი ხილის გასაშენებლად, რომელთაც სინესტე არ სწყენთ (ბალი, ალუბალი, ჰანჰური, ტყემალი, მოცხარი და სხვა). მთხრობელთა გადმოცემით მასში ხეხილის გაშენება ღრმად გადაბრუნების შემდეგ შეიძლება და უმეტესად კი იჰ სადაც აღმასი-ჩჰარი წყლით ირწყვის. რადგანაც ჩჰარი წყალი ლამსა და ჰვიშას შეიტანს, გამოგვალვას შედარებით

<sup>2</sup> ივ. ჭავჭავაძის, საქართველოს ეკონომიური ისტორია, ტ. I, თბლისი, 1930, გვ. 104.

კარგად აიტანს და გახმობისას ხეს პირს ისე ველარ შეუკრავს ანუ მოუქერსო. მათივე გადმოცემით ამგვარი ნიადაგი წვიმის შემდეგ მღვრიე წყლით მორწყვითაც კეთდება, რომელიც დატბორვით მორწყვისას ნიადაგში დიდძალ ლაშს ტოვებს.

წითელი მიწა საკვლევ რაიონში იშვიათად გვხვდება და როგორც გადმოგვცემენ ის „თვალდათვალ“ შეიძინევა, თუმცა მას სხვადასხვა თვისებებითაც ამჩნევენ. როგორც მოხრ. გიგუცა ხმიალაშილი (სოფ. ტირძნისი, გორის რ-ნი, 1958, 83 წ.) გადმოგვცემს. „მოწითალო ანუ ყვითელი მიწა თავდაპირველად ე. ი. ღრმად დამუშავებამდე მძიმეა, წყალგაუმტარი, ერთი ბარისპირის შემდეგ უძრავია, წერგს ფესვი ძნელად გააქვს და ამისათვის რაც სიღრმით გადაეაბრუნებთ იმდენად კარგად გამოკეთდება“. ყოველივე ამის გამო მეხილეობის განვითარების თვალსაზრისით წითელი მიწა ზემოთ აღნიშნული წესით დამუშავებამდე ყოფაში გამოუსადეგარ ნიადაგად ითიხნდათ. წითელი მიწა იგივე (დ. პ.) მუნი მიწა ქვაცხელა მიწაა, რომელიც მ. გეგეშიძის გამოკვლევით. ურწყავშია, ფერად წითელია, ცხელი და უღონო, გვალვაში ჭირნახულს არ მოიყვანს<sup>3</sup>.

ტ რ ე დ ის ფ ე რ ი მიწა ღია რუხი ფერისაა და აღმ. საქართველოს მიწათმოქმედებაში საშუალო ნიადაგად ითვლება. მთხრობელთა გადმოცემით, გარდა ქვიშისა და თიხისა მას მეტი რაოდენობით ურევი კირის შემცველი მიწა, რის გამო ქართლში, კახეთში, რაქაში და საქართველოს ზოგიერთ სხვა კუთხეებშიაც კირნარი მიწასაც კი უწოდებენ ხოლმე. ყოფაში ტრედისფერი მიწა საშუალო მოსავლიან ნიადაგად ითვლება, ხოლო ზოგიერთ ადგილებში ის საშუალოზე ნაკლებ მოსავალსაც იძლევა.

კ ი რ ნ ა რ ი მ ი წ ა რომელიც სიკეთეს ე. ი. ძალასა და სინოციერეს მალე ჰკარგავს, ხალხში „ფიცხ“ ნიადაგად არის მიჩნეული. კირნარი მიწა წყალს მალე იშრობს და თიხამიწასთან შედარებით ნსუბუქია. მეხილეთა დაკვირვებით იგი ყოველგვარი ხეხილის გასაღენებლად გვარობს და განსაკუთრებით კი მაშინ. როდესაც ღრმად გადაბრუნდება და განოყიერდება. ხოლო ისეთი ხეხილის გასაშენებლად, როგორიცაა მაგ. თუთა, კანჭური, ქერამი, ატამი, კომში, ტყემალი და ზოგიერთი სხვა ხილეულისათვისაც ჩვეულებრივი დამუშავებაც საკმარისია. ამისათვის ტრედისფერი და კირნარი მიწისათვის ისეთ ხეხილს ურჩევენ, რომელსაც „ეგრერიგად“ არ ესაჭიროება გაპატივება-დამუშავება.

<sup>3</sup> მ. გეგეშიძე, სარწყავი მიწათმოქმედება საქართველოში. თბილისი, 1951, გვ. 44.

ხირხატი მიწა უღონო და მოუსავლიან ნიადაგად არის ცნობილი, რომელშიც ურეცია კლდის ნაფშვენი, სილა და მეტე-  
წილ შემთხვევაში რიყენარევედაც წარმოგვიდგება. ხირხატი მიწა  
მთხრობელთა გადმოცემით შეიძლება იყოს სხვადასხვა ფერის, მაგ-  
რამ მეტწილ შემთხვევაში ის რუხი და ტრედისფერისა გვხვდება.  
თვით ტერმინი ხირხატი ანუ საბა ორბელიანის აღწერილ „ხირატი“—  
ევენარი სახანაო მიწაა, რომელიც დღეს ხირხატის სახელწოდები-  
თაა შემორჩენილი. საქართველოს თითქმის ყველა კუთხეში აღნი-  
შნული ტერმინის ქვეშ გულისხმობენ გამოფიტულ ქვა-ქვიშიან და  
მოუსავლიან ნიადაგს. ხოლო იმერეთში და გურიაში საერთოდ მო-  
უსავლიან ნიადაგს ეწერსაც უწოდებენ.

მეურნეთა დაკვირვებით ნიადაგი შეიძლება იყოს წმინდა  
და ნაწილობრივ ხირხატიანი, წმინდა ხირხატიანი დიდ შრომა-  
გარჯას თხოულობს. მაგრამ მასში მოსული მოსავალი ერთი-  
ორად კარგი შედგენილობისა გამოდის. სადაც აღსანიშნავია წვრი-  
ლი ხილისა და ყურძნის მეტი სიტკობიანობა. ნაწილობრივ ანუ ნა-  
ნევრად ხირხატიან ნიადაგს ყოფაში ისეთ მიწებს უწოდებენ, სადაც  
ზემოდან ნაკლებად შეიმჩნევა მისი შედგენილობა. მთხრობელის  
სიტყვით. „თუ ერთ-ორ ბარპირზე დავედით და რიყე დაგვიხვდა  
ბინც ხირხატი ქვიან. რადგანაც ესეთ ნიადაგს არც გამწეობა აქვს  
და ბარვაში რიყე ნელ-ნელა ზეით-ზეით მოიწვეს“-ო (მთხრ. ვ. აღ-  
ლადე, 72 წ-სა სოფ. გრემი. ყვარელის რაიონი, 1959 წ.). მისივე სიტ-  
ყვით, ხირხატი და ნახევრად ხირხატი ნიადაგები კარგია გვალვის  
ღროს, რომელიც ხშირად ინარჩუნებს სინესტეს. ეს რომ ნამდვილად  
ასეა და ხირხატ ნიადაგს რიყის ფენა ახასიათებს კარგად ჩანს აკად.  
პ. საბაშვილის შრომებიდანაც. მისი სიტყვით. „ეს ნიადაგები მათი  
რიყნარ (ყენკოვან) ნაფენებზე განვითარების შემთხვევაში გამოირ-  
ჩევიან ხშირად საკმაოდ ძლიერი ხირხატიანობით“<sup>4</sup>.

ხირხატიანი ნიადაგი საკმაოდ ძნელად დასამუშავებელი და ხე-  
ხილისათვის ნაკლებად გამოსაყენებელი იყო, რომელსაც არჩილ მე-  
თის სიტყვით: „კლდოვან ღირღატთა ადგილთა ვის შეუძლია ბაღე-  
შა“-ო<sup>5</sup>. ამის გამო ხირხატ-ქვიანი ნიადაგების გამოსაყენებლად ყო-  
ფაში მიმართავენ „მოქვევების“ ანუ „მოკარკვლის“ (მესხეთი), გა-  
ყამირებისა და გაბატივების ხერხებს.

<sup>4</sup> მ. საბაშვილი, საქ. სს რესპუბლიკის ტენიანი სუბტროპიკული ზონის  
ნიადაგები, თბილისი, 1936, გვ. 69.

<sup>5</sup> არჩილიანი, აღ. ბარამიძისა და ნ. ბერქენიშვილის რედაქ-  
ციით, თბილისი, 1937, გვ. 126.

ლამი ანუ ლამული ნიადაგები მეტნაკლებად საქართველოს ყველა კუთხეში გვხვდება, რომელიც სინესტრისა და სილაბიწის მომეტებულობით ხასიათდება. ლამულ მიწებს რაქაში ლამბულსაც უწოდებენ, ხოლო ძველად საქართველოში ლამი შავ ლიას ნიშნავდა, რომელიც მღვრიე წყლის ტბორეს უნდა რქმეოდა. მთხრობელთა სიტყვით ლამი წყლისაგან მამულში შეტანილ ან მდინარის პირას დატოვებულ ნალექს ეწოდება, რომელიც აკეთებს ულონო ნიადაგებსაო. ამის გამო ულონო და ჭანდაკ მამულებს ყოფაში, გაზაფხულობით, როდესაც წყლები მატულობს და მღვრიეა. ამჯობინებენ ხშირ რწყვას. ლამული ნიადაგები ადვილი გამოსაცნობია, რადგანაც ნეურნემ კარგად იცის, რომ ამგვარი მიწები ძირითადად მდინარეების ახლომახლო მდებარეობენ, რომელსაც საბა ორბელიანიც განმარტებისას აღნიშნავს „ლამი იგივე შავი ლიაა და წყლის პირნი ნაყოფიერი“. თუმცა ყველა მდინარის ლამები ერთნაირ სინოციერეს არ შეიცავენ. მაგ. პატარა ლიახვის ლამი შედარებით მწირიადი ლიახვის ლამთან და ა. შ.

ლამულ ნიადაგებს, გარდა იმისა, რომ მდინარეების ახლო დონებით იცნობენ. მთხრობელთა სიტყვით. იგი „ბარვისას ხრამბარუს გამოსცემს, სლოკინით. მიდის ბარი და მიუხედავად იმისა, რომ მძიმე მიწაა, როგორც არ უნდა გვალვა იყვეს, ერთი ბარის პირის სიღრმეზე მაინც კარგი დასამუშავებელია“. მეურნეთა გადმოცემით. „ახლად დაბარულ ლამულ მიწას რომ გახედავ სულ ლურჯად და ქრელად იტკირება“-ო.

როგორც ეთნოგრაფიული მასალები გვიჩვენებენ. ამგვარ მიწებში, მიუხედავად მისი სინოციერისა, თუ კარგად მშრალი ადგილები არ იქნება, ხეხილს არ აშენებენ. მეხილეებმა გამოცდილებიდან იციან, რომ ხეხილს უჯობს ფერდა ადგილები, სადაც ლამული ნიადაგები ნაკლებადაა წარმოდგენილი. მათივე დაკვირვებით, დაბლობ ადგილებში ხეები დიდრონები იზრდება, თუმცა მათი ნაყოფი შედარებით მდარე—ფოთქვია“-ო. ჩავარდნილი ადგილები რომ ხეხილისათვის ნაკლებგამოსაყენებელი იყო, ჩანს გასული საუკუნის მეორე ნახევრის ცნობიდანაც: „ბალი ჩავარდნილ—სველ გუბიან ადვილას არ გვარობს, მცირე მომალლო-დაქანებული ბალი საუკეთესოა თუ ამავე დროს აქვს წყაროები“-ო<sup>6</sup>.

ლამი ნიადაგების აღმნიშვნელად ძველ ქართულში ხმარებულა „მიწალებიც“. საბას განმარტებით, ეს სახელი არქასპის სინონიმია,

<sup>6</sup> ილ. რუსიევი, „გუთნის დედა“, 1862, № 15.

ხოლო, მისივე აზრით, რაკი არჯასპი სომსურია, ქართულად მიწა-  
ლები შესაღებავიაო. ივ. ჯავახიშვილის აზრით, მიწალები ორი ნაწი-  
ლისა—მიწისა და ლებისაგან შესდგება, რომელთაგან მეორე ლურჯს  
ნიშნავდა<sup>7</sup>.

ლამელ ნიადაგებში, როგორც აღნიშნული გვექონდა, თითქმის  
უოველგვარი ხეხილი გვარობს, თუმცა, მეურნეთა გადმოცემით,  
სშირი რწყვისა და აედრიანობის შემთხვევაში მდარე-წყლიანი ხი-  
ლი იცის, რომელიც დიდხანს ვერ ინახავს თავსაო.

ქ ა ნ ქ რ ო ბ ი მომეტებული ნესტიანი—„კყოზი“ ნიადაგია, რო-  
მელაც ძველ ქართულში იმავე სახელწოდებითა ცნობილი და საბა  
ორბელიანის განმარტებით: „კორდი წყლიანი ნოტიო“-ს, ხოლო ქა-  
ობი „სათიბი ნოტიო ადგილ“-ს ნიშნავს<sup>8</sup>.

როგორც ეთნოგრაფიული მასალები გვიჩვენებენ, ჭანჭრობი ანუ  
ქაობიანი ნიადაგი ფრიად ნოყიერია, მაგრამ მეტი ტენიანობის გამო  
გამოუსადეგარი, რის გამოც ძველად ამგვარი ადგილები მხოლოდ  
სანადირიოდა და სათიბ საძოვრებად გამოიყენებოდა.

სალაური დაკვირვებით, ჭანჭრობ ნიადაგს თუ წყალს დაუწყრე-  
ტავენ მას მამული არ შეედრება, რადგანაც ცნობილია, რომ დაქაო-  
ბების წესით ყოფაში ნიადაგის განოყიერებასაც მიმართავდნენ. ჭან-  
ჭრობი ნიადაგები მეხილეობაში გამოუსადეგარია, რის გამოც გამო-  
ცდილი მებაღეები მისი დაწრეტვის სხვადასხვა წესებს მიმართავენ,  
რომელზედაც ქვევით გვექნება საუბარი. მთხრობელთა გადმო-  
ცემით. ქაობიანმა მიწებმა სიმლაშე იცის და მისი გამოშრობის მერე  
სინესტეს მაინც ინარჩუნებს, რომელიც ხეხილისათვის სასარგებ-  
ლოაო.

ჭანჭრობიან ნიადაგს ხალხის დაკვირვებით გამხმარი ბელტის  
სითეთრითაც ამჩნევენ.

ქ ვ ი შ ა-მ ი წ ა გვხვდება ქართლში, კახეთში, იმერეთში, რა-  
ჭაში, ხევში და სხვაგან, რომელსაც იმავე სახელწოდებით იხსენიე-  
ბენ, ხოლო შენაცვლებით მას სილამიწასაც უწოდებენ. იგი გამო-  
ირჩევა თავისი სიფხვიერით, ქვიშის მეტი მინარევით, ტენიანობითა  
და წყლის კარგი გამტარიანობით. ქვიშა-მიწას თავისი პირვანდელი  
იდგომარეობით ხეხილის გაშენების საქმეში უვარგისად მიიჩნევენ.  
ამის გამო მისი გამოყენების თვალსაზრისით პრაქტიკაში ღვრია  
წყლით რწყვის, გაყამირებისა და გაპატივების ხერხებს მიპართა-  
ვდნენ.

<sup>7</sup> ივ. ჯავახიშვილი, დასახელებული შრომა, ტ. II, გვ. 122.

<sup>8</sup> ს უ ლ ხ ა ნ ს ა ბ ა ო რ ბ ე ლ ი ა ნ ი, ქართული ლექსიკონი, თბილისა,  
1928.

საბა ორბელიანის განმარტებით, „სილა რის ქვა. ვითარცა გაუ-რილი, ხოლო ქვიშა ხვარბალთა ოდენი“. ამრიგად სილამიწა თავისი ზემადგენლობით ახლოს დგას, როგორც ლამულ ისე ხირხატ ნიადაგებთან, რომელთაც აღნიშნული ნიადაგის მსგავსად დახერქვა-გადოგვალვა ახასიათებთ.

თირი მიწა, რომელიც კარგ ნიადაგად არის ცნობილი, განსაკუთრებით საუკეთესოა წვრილი ხილისა და ნამეტნავედ ვენახები-სათვის. მთხრობელთა გადმოცემით. იგი ფხვიერია, გვხვდება მთის-ძირა ფერდობებზე და მოწითალო-მოყვითალო ფერი დაჰკრავს. მი-სი დამუშავება თავდაპირველად მძიმეა, ხოლო შემდგომში მსუბუ-ქი, რის გამოც მორწყვისას პატარა წყლით რწყავენ, რომ დახრამვა არ გამოიწვიოს.

თირი, როგორც ნიადაგის აღმნიშვნელი სახელი ყოფაში უმე-ტესად იხმარება რბილი კლდისაგან ნაშალი მიწის შესატყვისად. რო-ბელიც ძველ ქართულშიც იმავე გაგებით ხმარებულა. საბას განმარ-ტებით, „თირი არს კლდე ლბილი და ადვილსათლელი“. ხოლო ივ. ჭავჭავაძის აზრით, „თირი თავისი სიმკვრივით უფრო კლდესა და ქვას მიაგავს, ვიდრე მიწასა“<sup>9</sup>-ო. ტერმინი თირი ვახუშტი ბატონი-შვილსაც აქვს ნახსენები, რომელიც დ. ლიხვის ხეობის აღწერი-სას აღნიშნავს: „თამარაშენ ზეით ერთვის თირის მონასტრის ხევი“<sup>10</sup>, სადაც თირი ნიადაგების გამო შესაძლებელია, რომ აღნიშნულმა ხევმა სწორედ იქიდან მიიღო სახელწოდებაც.

მეურნეთა გადმოცემით, თირი მიწა თავისი თვისებებით ნაქებია, იგი კარგი სამუშაოა, გრილია და საუკეთესოდ გვარობს, როგორც ხილბოსტნეული, ისე ვენახი. თირი მიწა ზოგან ცნობილია ლადა-ჩა მიწის სახელწოდებითაც, რომელსაც უღონო. „შინშილა“ ნიადა-გად მიიჩნევენ<sup>11</sup>.

აყალო მიწას საქართველოში ნიადაგის გარკვეული თვი-სების აღმნიშვნელად ხმარობენ. როგორც ივ. ჭავჭავაძის აღნიშ-ნავდა, აყალო მიწას „შენარევის საკმაო ოდენობის სახით ტუტე უნ-და ჰქონდეს, თუ მას დასარეცხადაც ხმარობდნენ“<sup>12</sup>. ეთნოგრაფი-ული მასალებიდან მოწმდება, რომ ამ ტერმინს მომლამო და თიხანა-რევი ნიადაგების აღმნიშვნელად ხმარობენ. მთხრობელთა თქმით აყალო მიწა ფეხს ისე ეკვრის, როგორც თიხა-მიწა, ხოლო მორწყუ-

<sup>9</sup> ივ. ჭავჭავაძის აღნიშვნა. დასახ. შრომა, ტ. II, გვ. 122.

<sup>10</sup> ვახუშტი, დასახ. შრომა, გვ. 76.

<sup>11</sup> მ. გეგეშიძე, დასახ. შრომა, გვ. 44.

<sup>12</sup> ივ. ჭავჭავაძის აღნიშვნა. დასახ. შრომა, გვ. 124.

სას ცოტა ხმაური-შიშინი და ქაფის მოგდება იცის. აყალო მიწა რომ უმეტესად თიხა მიწის შემცველია მოწმდება სხვა ეთნოგრაფიული მასალებიდანაც<sup>13</sup>.

აყალო მიწა, რომ თიხანარევია და წებოსავით იგლისება ეს იქიდანაც ჩანს, რომ იგი ფართოდ ყოფილა გამოყენებული მყნობის დროს, რაზედაც ჩვენ ქვემოთ გვექნება ლაპარაკი.

ეთნოგრაფიულ სინამდვილეში აყალოს საზოგადოდ უღონო, გამოფიტული, მოუსავლიანი და ყვითელი მიწის აღსანიშნავად ხმარობენ, რომელიც ძველდაც ხენა-თესვისათვის გამოუსადეგარი უნდა ყოფილიყო. საბა ორბელიანის განმარტებით, ეს საპონის მსგავსი და „მწიკულთა გამრეცხელი“ ყოფილა.

აყალო მიწას მეხილეობაში არახელსაყრელ ნიადაგად მიიჩნევენ, რის გამოც მისი გამოყენების მიზნით ღრმად გადაბრუნების, წღვრიე წყლით რწყვისა, გაყამირება-გაპატივებისა და სხვა ზერებს მიმართავენ.

ყველა ზემოთ აღნიშნულის მიხედვით დგინდება, რომ სხვადასხვა ხეხილის გასაშენებლად კარგია: შავი, ლამული, თირი, ტრედისფერი და ნაწილობრივ თიხანარევი და ხირხატი ნიადაგები. ხოლო ნიადაგების „გამოყენება“-გამდიდრების ვარეშე გამოუსადეგარია: მლაშე, ქანჭრობი, თიხა, ქვიშა, კირნარი და აყალო მიწები. სხვა კულტურებისათვის ნაკლებად მოსავლიან ნიადაგებად მიიჩნევენ აგრეთვე გოხა მიწას, ხიხო მიწას, თილი მიწას, სილა მიწას, რიციან მიწას და კირიან მიწას<sup>14</sup>.

აღსანიშნავია, რომ ვარგისი ან გამოუსადეგარი ნიადაგის გამოცნობას გამოცდილი მეურნეები სხვადასხვა მეთოდებით იკებენ, რომელთაგან აღსანიშნავია: მისი მუქაში გამოფშვნის, ატალახების, სუნის, ფერის და შიგ ამოსული ბალახის საშუალებით.

ძარღვიან-მაგარ მიწას ე. ი. დასამუშავებლად მძიმეს, მაგრამ გამწვევს თითებში გამოსრესა-გამოჰყულეტვით არჩევენ. ასეთი მიწა წელიწადის ყველა დროს გამოჰყულეტვისას მძიმეა და თითებზე ეგლისება, ხოლო ჩვეულებრივი უფრო ნოყიერი მიწა კი მსუბუქად იფშვენება თითებში. ასევე მორწყვისას, როდესაც ნიადაგი ვვიან შრება იტყვიან „მოღლილი. ღარიბი-გაჯანდაკებული მიწა“-ო, ხოლო ღონიერზე, რომელიც შედარებით მალეც ირწყვის, აღრე მძრალდება და ამავე დროს მალეც შრება იტყვიან ისეთი ღონიერი

<sup>13</sup> იხ. გ. ჯ ა ლ ბ ა ძ ი ს ხენა-თესვა ძველ სამკორში. ჟურნ. სოციალისტური სოფელი, № 8, თბილისი, 1952. გვ. 22.

<sup>14</sup> მ. გ ე გ ე შ ი ძ ე, დასახ. შრომა, გვ. 44.

იწაა. რომ ხნულშივე კაცი მუხლამღე ჩავარდებო. ხალხის დაკვირ-  
ვებით ღონიერმა და საშუალო სინესტის მქონე ნიადაგმა ბარვისას  
ყველივით თლა, ხოლო ბელტის გადაგდებისას დაშლა იცის. ამასთან  
ერთად აღნიშნულმა მიწამ გვალვიან წელიწადს იშვიათად იცის დას-  
კდომა-გამაგრება.

საყურადღებოა ნიადაგის აეკარგიანობის გამოცნობა შიგ ამო-  
სული ბალახების საშუალებით, რომელიც, მთხრ. სიტყვით, რომ  
ვთქვათ, თუ მიწაში „გვიმრა, დათესაგებელა, ჩადუნა, ეკალი და  
ზოგიერთი სხვა ერთგვარი ბალახეულობაა მორეული, ის მიწა სან-  
დო არ არის, შეიძლება ხილმა იხეიროს, მაგრამ ისე კი ვერა, რო-  
გორც წესი და რიგია, ამიტომ იქ ხილის გაშენებას ვერიდებით ხოლ-  
მე“-ო (მთხრ. გ. ხშიადაშვილი 83 წ., გორის რაიონის სოფ. ტირძნი-  
სი, 1958).

ბალახეულის საშუალებით მიწის აეკარგიანობის გამოცნობის  
ეს ბალახური წესი სათანადო ლიტერატურიდანაც არის ცნობილი,  
რომ „კარგი ბალახები კარგ იმედებს გვაძლევს“, ხოლო გამოუსა-  
დეგარი მაგ. „ჩადუნა, გვიმრა. ბირკა, ეკლანა, დათესაგებელა და  
სხვა ცუდ იმედებს“<sup>15</sup>.

არანაკლებ საინტერესოა ნიადაგების სუნით გამოცნობის წესი,  
რომელსაც მებაღეები წვიმიან ამინდში და განსაკუთრებით კი გა-  
ზაფხულობით ბარვისას ამჩნევენ. მთხრობელთა გადმოცემით, ზე-  
მთ აღნიშნულის დროს კარგი მოსავლის მომცემ მიწას თავისებუ-  
რი სასიამოვნო სუნი ახასიათებს და იტყვიან: ეს ისეთი სასიამოვნო  
სუნის მამული ჩანს, რომ რაც გინდა მიაბარო ერთიორად იქცევაო.  
(მთხრ. ს. პავლიაშვილი, 1957, ს. ტყევიავი, 67 წ.).

როგორც აღვნიშნეთ, ამა თუ იმ სამეურნეო დარგისათვის მიწის  
ვარგისიანობის გადასაწყვეტად ნიადაგის თვისების ცოდნაა საჭირო.  
ძველდაც მიწათმოქმედმა კარგად იცოდა, რომ ზოგი ხეხილის მოყ-  
ვანა-გაშენებისათვის ნოყიერი ნიადაგი იყო საჭირო, ზოგიც ღარიბ  
ნიადაგში კარგად გვარობდა და სხვა. ყოველივე ამის გამო ყოფაში  
ნიადაგების თვისებათა გამოსაზატავად სათანადო ტერმინოლოგიაც  
გვაქვს შემონახული. მაგ. აღმ. საქართველოს სინამდვილეში საუ-  
კეთესო მოსავლიან ნიადაგს „დილღვამი“, უღონო-მოღლილ მიწას  
„ნაბეჩხარი“, გასარჩევსა და ქვიანს „ღორჯოიანი“, ხოლო მთლად  
უმუშევარს, „ხამი“ ეწოდება.

მიწისმოქმედთ ძველთაგანვე კარგად უნდა სცოდნოდათ ნას-

<sup>15</sup> ი. რ უ ს ი ე ვ ი, „გუთნისდედა“, 1862, № 15.

ვენი და ახლად გატეხილი ნიადაგების ღირსება, რომლის დასამუშავებლად რა თქმა უნდა სსვადასხვა მეთოდებსაც მიმართავდნენ.

ახლად გასატეხი ნიადაგის დასამუშავებლად ქართველი ხალხი მიმართავდა „ცეცხლის გამოყენებას“, „ამოძირკვას“. „კაკაფვას“, „მოქვავენას“. „ტეოასების“-ა და „საწრეტების მოწყობას“ და სხვა.

როგორც აღნიშნული გვექონდა მთლად უმუშევარ მიწას ეთნოგრაფიულ სინამდვილეში „ხამს“ უწოდებენ, რომელიც ძველ ქართულშიც იმავე მნიშვნელობით ხმარებულა. თვით ტერმინი მიგვიტოთებს. რომ ამგვარი „ხამი“ მიწა ჯერ დაუმუშავებელი უნდა ყოფილიყო. რადგანაც საბას განმარტებით „ხამი“ ეს გლენთაგან მიღებულ არს და სახელსდებენ პარტახთა აგარაკთა და გამოუჩაგავთა ცხენთა და სხვათა“.

საქართველოში ხამი მიწის ანუ ახოს გატეხვის ირგვლივ მრავალი გამოკვლევები არსებობს,<sup>16</sup> სადაც აღნიშნულია მისი დამუშავების სხვადასხვა ხალხური მეთოდები.

მიწათმოქმედების მეხილეობის სისტემაში ვხვდებით ნიადაგების დამუშავების სხვადასხვა ხერხებს, მათ შორის „ტახტებად მოწყობის“, „შემობარვის“. საწრეტების გათხრისა და სხვა.

რსივე. როგორც მიწათმოქმედების სხვა შემთხვევაში მეხილეობაშიაც ტახტებად ადგილის დაყენება-მოსწორება გვხვდება შიშან ან ძალიან ფერდა ადგილებში. როგორც ისტორიული და ეთნოგრაფიული ცნობები გვიჩვენებენ ტეოასებს ანუ ტახტებს უმეტესად აღმოსავლეთის მხარეზე აწყობდნენ,<sup>17</sup> სადაც რწყვის ან გააკურების შემთხვევაში მოსალოდნელი იყო გადარეცხვა-ჩახრამვა. ისევე, როგორც ახოს ალების შემთხვევაშიც ტეოასების მოწყობას ამ ადგილებში მიმართავდნენ, სადაც ჭარბ მოსახლეობას სახნავ-სათესი მიწა აღარ ყოფნიდა და სადაც მისი გაფართოების საშუალებას ადგილმდებარეობა იძლეოდა<sup>18</sup>.

ტახტებად ნიადაგების მოწყობა ახოს ალების ერთ-ერთი სახეობაა. სადაც მის მოსაწყობად დამატებითი სამუშაო იარაღები და მუშახელია საჭირო.

მეხილეობის რაიონებში ტახტებად მოსწორებულ ადგილებზე უმეტესად ვხვდებით ე. წ. წვრილი ხილის განაშენიანებას (ქლიავი, ქანკურბი, ბალი, ალუბალი, მოცხარი, ზღმარტლი და ა. შ.), ხოლო

<sup>16</sup> გ. ჩიტიანი. რაჭული სახენელი, ენიშკის მოამბე. I. თბილისი. 1937. გვ. 174. გ. გეგეშვიძე. დასახ. შრომა. გ. ქალაქაძე. დასახ. შრომა. ქ. სონელუაშვილი, მებოსტნეობა თბილისის სანახევში. თბილისი. 1959.

<sup>17</sup> В Г е в с к и й, Очерк садоволства, Тифлис, 1878, გვ. 35.

<sup>18</sup> გ. ქალაქაძე, დასახელებული შრომა, გვ. 17.

თუ საკმაოდ დიდი ტახტია, მაშინ ყველა სახის ხილსაც. როგორც  
 რთვეა ტახტების მოსწორება სხვადასხვა სასოფლო-სამეურნეო  
 კულტურების მოსაყვანად ხდება, მაგრამ ძირითადად მას იყენებენ  
 მევენახეობა-მეხილეობასა და მებოსტნეობაში. როგორც გასული  
 საუკუნის მეორე ნახევრის ცნობებიდან ჩანს, ამგვარი „ტერასები“  
 ანუ „ტახტები“ ფართოდ ყოფილა გამოყენებული საქართველოს  
 სხვადასხვა კუთხეებში. გვესკის ცნობით, ასეთ ტერასებს აწყობენ  
 ხილისათვისაც, მაგ. ხერთვისში. ურაველში მდ. ურაველ  
 ჩაიზე<sup>19</sup> და ა. შ. ეთნოგრაფიული მასალებიდან ირკვევა, რომ ტახ-  
 ტების პირველადი მოსწორებისას ხეხილს ან ვაზს ჩაყრიდნენ, სა-  
 დაც ამავე დროს ბოსტნეულსაც თესდნენ. მთსობელთა გადმო-  
 ცემით. „ახლად მოსწორებული დარეჯის ანუ ტერასის მიწა ფოთ-  
 ქვია, მას ხეხილის—ნარგავის ფესვები შეკრავს და დააბეგებს, მით-  
 უმეტეს, რომ 2-3 წლის განმავლობაში ბარვას არ თხოულობს და  
 უამისოდაც კარგი ფენის მოსავალი მოდის“-ო. ხალხური წესია ტე-  
 რასის დაბეგება დღეს პრაქტიკაში ფართოდაა დანერგილი. სპეცია-  
 ლისტთა აზრით, ბაქნებსა და ტერასებზე ადგილობრივ პირობებ-  
 თან შეფარდებით უნდა შეირჩეს, როგორც სათესი, ისე მრავალწლი-  
 ანი კულტურები. „ასეთები, როგორც საფიქრებელია. უმთავრესად  
 იქნება ხეხილი, ვაზი, ხოლო შემდეგ ბოსტანი“<sup>20</sup>.

ეთნოგრაფიულ სინამდვილეში ტახტები გვხვდება სხვადასხვა  
 ზომისა, უმეტესად კი ვიწრო და გრძელი. ცნობილია, რომ ტახტე-  
 ბის მოსწორება მძიმე საქმეა და გაერთიანებულ შრომას თხოუ-  
 ლობს. მიწას ფერდის მხარეზე იღებენ ბარის, წერაქვის, თოხის, რკი-  
 ნის კეტის და ნიჩბების საშუალებით. ასეთ დროს ეწყობა მეზობელ-  
 ნათესების გაერთიანება, რასაც ხშირად დაძახილს ანუ ულაშს  
 ეძახდნენ<sup>21</sup>.

საქართველოს მიწათმოქმედების სისტემაში მთიანი რელიეფის  
 გამო ნიადაგის დამუშავების ამგვარი. ხელოვნური ხერხები მეტ-  
 ნაკლებად ყველა კუთხეებში გვხვდება, რომელიც სხვადასხვა სახელ-  
 წოდებით არის ცნობილი: „ორკები“-ს, „ტახტები“-ს, „ჩეჩმე-  
 ბი“-ს, „ტერასები“-ს, „ბაქნები“-ს, „დარეჯები“-სა და სხვა.

„ირკვევა, რომ ქართლში, ისევე, როგორც მესხეთ-ჯავახეთშიც.  
 სამეურნეო ნაკვეთების დასაფხურება რამდენიმე მნიშვნელოვან

<sup>19</sup> В. Г е е в с к и и, დასახელებული შრომა, გვ. 35.

<sup>20</sup> ვ. შ ი რ ზ ა შ ე ი ლ ი, ნიადაგის დაეკის ღონისძიებანი მთიან რელიეფის  
 პირობებში. თბილისი, 1955, გვ. 63.

<sup>21</sup> ქ. ს ო ნ დ ე ლ ა შ ე ი ლ ი, დასახ. შრომა, გვ. 14.

მოთხოვნილებას პასუხობდა. ეს ღონისძიება უზრუნველყოფდა: 1. ეროზიის წინააღმდეგ ბრძოლას, 2. მორწყვის მაქსიმალურ ეფექტს. იგივე ღონისძიება აგრეთვე ამცირებდა ქვის გორვას და ასევე თუ ტერასებზე ხეხილის ბაღები იყო გაშენებული, ჩამოცვენილი ნაყოფის დანაკარგს“<sup>22</sup>.

როგორც სოფ. აწყურის მცხოვრ. ფილიპე ესტატეს ძე გელა-შვილი გადმოგვცემს—„დარეჯის ანუ ტახტების გაკეთებას ვიწყებდით მეზობელ-ნათესაების დახმარებით, მთის ფერდობიდან მიწის ჩამოღებით. როდესაც ციკაბო ადგილას ვაკეთებდით, მაშინ დაქანების მხრიდან მშრალად ნაგებ კედელს ამოუყვანდით ესე სახლის საძირკველის სისქისას ან უფრო განიერს, რაც დარეჯის დაქანებასა და სივანეზე იყო დამოკიდებული“. იმ შემთხვევაში, თუ დარეჯი ბევრ მიწას მოითხოვდა მოსწორებისათვის, მაშინ ამგვარ—„გაუმადლარ“ ადგილას დიდ ლოდებსა და ყოველგვარ მიწას მიაყრიან, ხოლო ზემოდან კარგ ნიადაგს შეურჩევენ. მთხრობელთა გადმოცემით ქვების ჩაყოლებისას თანდათან ისე უნდა მიეყაროს მიწა, რომ არსად ცარიელი ადგილი დარჩეს, თორემ მორწყვის ან წვიმის დროს შესაძლებელია ჩაწვეს-ჩაიხრამოს. მათივე გადმოცემით, ლოდებით ამოვსებულ-მოსწორებულ ტახტეს ის უპირატესობაც აქვს, რომ გვალვიანობისას ნიადაგი დიდხანს ინარჩუნებს სინესტესა და ნოსავალსაც ადრე იძლევა.

ეთნოგრაფიული მასალიდან ჩანს, რომ ტახტებზე ახლად გაშენებულ ხეხილს მესამე წლიდან უბარავენ ძირებს, ე. ი. მაშინ, როდესაც ნიადაგი კარგად არის დამჭლარ-დაბუგვილი, ხოლო შემდეგში მთლიანად მოვაკებასაც ბარავენ. ეს ძველი ქართული ხალხური წესი ცნობილია დღევანდელ აგროტექნიკაშიც. სპეციალისტების აზრით, „ახლად მოსწორებულ ტერასებს მთლიანად არ უნდა ბარვა, სადაც უშავდება ტერასის ვაკისი, ხოლო მისი ფერდობები დაკორდებულიდვე რჩება“<sup>23</sup>.

ისეთ ადგილებში, სადაც მებოსტნეობაა განვითარებული, ტერასის ფერდობებს, რომელსაც მეხილეობაში აყამირებენ აქ, მასაც ინტენსიურად იყენებენ და სხვადასხვა ბოსტნეულს სთესენ. იქ, სადაც ტახტეები სარწყავია, ერთი მთავარი კვალია გაყვანილი, რომელიც ნაკადულეზად არის დაყოფილი იმის მიხედვით, თუ შიგ რა კულტურა უნდა იქნეს დათესილი. ასე, მაგალითად, ბოსტნეულს ზშირი კვალვა ესაჭიროება, ხილს ყველაზე ნაკლები და ა. შ.

<sup>22</sup> მ. გეგეშიძე, დასახ. შრომა, გვ. 46.

<sup>23</sup> ნ. კვარაცხელია, ნიადაგის ნაყოფიერების გადიდება ხეხილის ბაღში, თბილისი, 1956, გვ. 37.

ატენის ხეობაში დამოწმებულია ნიადაგის ბაქნებად მოწყობის თავისებური ხალხური წესი, რომელსაც ხეხილის ჩაყოის შემდეგაც მიმართავენ. მთხრობელთა გადმოცემით, ახლად გაშენებულ ბაღვენახს, რომელიც თავქვეზე მდებარეობს, თანდათანობით ასწორებენ. მოსწორებას იწყებენ ერთ მხრიდან ჩვეულებრივი ღრმად ბარჯის წესით, რომელსაც ქვევიდან ზევით მიყვებიან იაე. რომ ზეღტი დაბლობისკენ გადაიყაროს. აღნიშნული პროცესის დროს ზევით მდგარ ნარგავებს ფესვები უჩნდებათ—„უტიტვლდებათ“, მცენარე მალა იწვეს და საჭიროებს იმავე ადგილზე ხელახლა ჩარგვას, რომელსაც ყოფაში ნარგავის „ძირს დაშვებას“ უწოდებენ. ამ სამუშაოს სისტემატიურად ასრულებენ და თანდათანობით მთელ ფართობს მოავეაკებენ. შედარებით ვაზთან ხეხილიანი ნიადაგის ამგვარ დამუშავებას დაჩქარება უნდა, ისე რომ დარგვიდან 2-3 წელიწადში მოსწორდეს, რადგანაც დავვიანების შემთხვევაში ღიდრონი ხეხილის ძირს დაშვება შეუძლებელი ხდება. აღნიშნული წესით ნიადაგის მოსწორება, ხალხური დაკვირვებით. სასარგებლოა იმითაც, რომ ძირს დაშვებისას ნარგავს ფესვები ეჭრება, იმ ადგილას ახალ ფესვებს იკეთებს და თამამდებაო. მათივე გადმოცემით ბევრჯერ ერთი დამიმავე ნარგავს, განსაკუთრებით კი ვაზს, ორ-სამჯერაც უხდება ძირს დაშვება, რაც დამოკიდებულია ნიადაგის მდებარეობა-დაქანებაზე.

აღსანიშნავია, რომ მთაში ხეხილის გაშენებას ტერასების მოწყობილადაც მისდევდნენ, რომელსაც ჩვენ პირობითად „შემობარვის“ წესი ვუწოდებთ. აღნიშნული წესი ხეხილის გაშენება-დამუშავებისათვის დამოწმებულია მთიულეთში, სამხრეთ ოსეთში, ალგეთისა და ვერის ხეობებში, სადაც ხეხილის გაშენებას შერჩევითი წესით აწარმოებენ<sup>24</sup>. მთიან ადგილებში გარდა ბაქნებად მოწყობისა ხეხილის ბაღებს ფართოდ აშენებდნენ შემობარვის ანუ მხოლოდ დასარგავი ნერგის მცირე ადგილის მოსწორების წესითაც.

იმ შემთხვევაში, თუ მიწა ბუჩქნარიანი იყო „გაჯაგამდნენ“, ხოლო რიყიანს „მოაქვავებდნენ“, რის შემდეგაც იწყებდნენ ამოსათხრელი ორმოებისათვის ადგილის მოსწორებას. მთიან პირობებში განსაკუთრებულ მნიშვნელობას ანიჭებენ საბაღე მიწის შერჩევას მისი ადგილმდებარეობის მიხედვით. მთხრობელთა გადმოცემით უნდა შეირჩეს მისადგომი, მყუდრო და ნიაღვრისაგან დაცული ადგილები. იმ მიზნით, რომ ხეხილმა კარგად მოასწროს დამწიფება და ამავე დროს ყინვისა და გვალვისაგან იქნეს დაცული ყოფაში ურჩე-

<sup>24</sup> დ. პავლიაშვილი, მხილვობაში ნიადაგების შერჩევის ხალხური წესები ქართლში, საქ. სახ. მეზეუმის მოამბე, ტ. XXII—B, თბილისი, 1961, გვ. 287.

ვენ ხეობების დაბლობ და წყაროების ნაპირა მიწებს. თეთრი წყაროს რაიონის სოფ. ღვევეში მთხრ. პავლე გივის ძე აფციური (85 წლის, 1961 წ.) გადმოცემით უმჯობესია სამხრეთით დაქანებულ ფერდობზე გაშენდეს ხესილი, რადგანაც მზე მთელ დღეს უყურებს და გემოიანი ხილი გამოვაო. მაშინ, როდესაც ადგილი ცალზე დაქანებულია, ორმოს ამოსათხრელად განკუთვნილ ადგილს შედარებით ღრმად მოასწორებენ—ჩამოიღებენ და შემდეგ ამოთხრიან. მისი მოთხრა ხდება გარდიგარდმო მწკრივად, რომელთა სიწორე გასაშენებელი ხეხილის თვისებაზეა დამოკიდებული. როგორც მთხრობელები გადმოგვცემენ ასეთ ადგილებში რამდენიმე კვირით ორმოების წინასწარი მოთხრა მიუღებელია. რადგანაც ხის დარგვამდე ამოივსებაო.

აღნიშნულ ადგილებში ხეხილის გაშენების შემდეგ მის სრულად დამუშავებას არ მისდევენ, რადგანაც ნამუშევარი მიწა ადვილად იხრამება და ირეცხება. ამის გამო მეურნე-მეხილეები მთაში წხოლოდ მისი ირგვლივი შემობარვის წესითაც კმაყოფილდებიან.

ხეხილის გაშენების საქმეში არანაკლებ საინტერესოა ეთნოგრაფიულ სინამდვილეში დღემდე შემორჩენილი ქაობიანი ნიადაგების დაწრეტვა-გამოყენება. როგორც ზემოთ გვქონდა აღნიშნული, ქაობიანი ადგილები ძველად ძირითადად სათიბ-საძოვრებად და სანადიროდ იყო გამოყენებული. მაგრამ იქ, სადაც სახნავ-სათესი ფართობების სივიწროვე იყო ქაობიანი ადგილების დასამუშავებლად „დაწრეტვის“ წესსაც მიმართავდნენ.

საწრეტების მოწყობა მიწის დაქანების მხრიდან ღრმა არხების გათხრაში მდგომარეობს. მას ხშირად მთელი ფართობის სამ მხარეს ჰკრიდნენ. სამი მხრიდან არხის გაქრით ნიადაგი შედარებით მალე იწრეტებოდა. სადაც გათვალისწინებული იყო, რომ დაწრეტულ ანუ „ნაჟურ“ წყალს გასავალი ერთ საერთო არხში ჰქონებოდა. საწრეტი არხი იმისდა მიხედვით თუ როგორი ამინდები შეხვდებოდა წელიწადში ან ორ წელიწადში ერთხელ დანალექისაგან იწმინდებოდა. სამი მხრიდან კარგად ღრმად გათხრილი საწრეტი არხები ნიადაგს 3-4 წელიწადში გამოაშრობდა, რის შემდეგაც გვერდით არხებს გაუტყმებდნენ. ისეთ ადგილებში, სადაც ნახევრობით ქაობიანი ნიადაგები იყო, ეთნოგრაფიულ ყოფაში დამოწმებულია ხეხილის თავდაპირველადვე ჩაყრა, ხოლო შემდგომში საწრეტების მოწყობა, ამ მიზნით ნიადაგს ზატხულშივე სიმშრალით ამუშავებდნენ, რომ მონავალ გაზატხულზე ხილი გაეშენებინათ და ფეხის მოსავალიც მოეყვანათ.

აღმოსავლეთ საქართველოში დამოწმებულია ნიადაგების საწრეტებად მოწყობის სხვა ხალხური წესებიც, რომელნიც გათვალისწინებულია გვალვისას ნიადაგის სინესტის შენარჩუნების მიზნით, რაც ფართოდ ყოფილა აგრეთვე გამოყენებული მებოსტნეობაში<sup>25</sup>.

გორის რაიონის სოფ. სვენეთში (მთხრ. გიუნაშვილი ფიქო სოლომონის ძე 74 წ. 1958 წ.) დამოწმებულია ჭაობიანი ნიადაგის დაუწრეტავად ხეხილის გაშენების წესი, რომელიც საინტერესო მაგალითს წარმოადგენს უვარგისი ნიადაგების გამოყენების საქმეში. მისი გადმოცემით რომ ვსთქვათ, „ჭანჭრობ ადგილებში თუ ხილის ჩარგვა გვინდა მაშინ მორდილა ორმო უნდა მოვთხაროთ, კარგი დიდი კეცი-ქვეები ჩავაწყოთ, მერე ხამი მიწით ამოვავსოთ, ავამალოთ და ზედ ხე დავრგოთ“-ო. მეურნეთა გადმოცემით ქვეებს იმისათვის უწყობენ, რომ წყალი არ დაიყენოს—გაატაროს და ამავე დროს ზემოდან დაყრილი-ამაღლებული მიწა შეიმავროს ჩაწოლისაგანაო. აღნიშნული წესით ხეხილის დარგვის ეს საინტერესო წესი, რომელსაც ჭაობიან ადგილებში იყენებდნენ გასული საუკუნის რიგ სასოფლო-სამეურნეო ეურნალ-გაზეთებითაც მოწმდება.

ზემოთ აღნიშნულ მასალებთან ერთად ჭანჭრობ-ჭაობიანი ნიადაგების დამუშავება-გამოყენების შესწავლა ინტერესს იწვევს იმ მხრივაც, რომ მიწათმოქმედების საწყისი ფორმების კვლევისას მეცნიერთა გარკვეული ნაწილი სწორედ ამგვარ ნიადაგებში ეძებს მის დასაბამს<sup>26</sup>.

### თ ა ვ ი მ ე ო რ ე

#### ხეხილის გამრავლება, ბალის გაშენება, ხეხილის მოვლა და ხეხილის დაავადებანი

ჩვენ ხელთ არსებული ეთნოგრაფიული მასალებიდან ყურადღებას იქცევს მცენარეთა მოვლა-მოშენების ხალხური წეს-ჩვეულებები და კერძოდ, გარეული ხეხილის მოშინაურების საკითხი. ქართველი ხალხის მიერ მრავალსაუკუნოვანი ცოდნა-გამოცდილება დღევანდელ ეთნოგრაფიულ სინამდვილეში აშკარად შეიმჩნევა, რომელიც საქართველოს თითქმის ყველა კუთხისათვის მეტნაკლებად არის დამახასიათებელი და საწარმოო გამოცდილებაზეა აგებული.

<sup>25</sup> ქ. სონღულაშვილი, დასახ. ნომი, გვ. 15.

<sup>26</sup> М. О. Косвен, Очерки истории первобытной культуры, Москва, 1957, გვ. 69.

როგორც განსვენებული აკად. ივ. ჭავჭავაძის აღნიშნავდა მცენარეული ძველადვე ორ მთავარ ჯგუფად ყოფილა დაყოფილი: „ყვავილნი“ ანუ ყვავილოვანნი და „ნერგნი“ ანუ ნერგოვანნი.<sup>1</sup> მისივე სიტყვით ეს ორივე თავისი სადაურობის მიხედვით შეიძლება ყოფილიყვნენ ან „შინაურნი“ ან „ველურნი“. ხოლო თვით ნერგი უეჭველია რგვა ზმნისაგანაა და დარგვით მოყვანილი ყოველნაირ მცენარის აღმნიშვნელი უნდა ყოფილიყო.<sup>2</sup>

ეთნოგრაფიულ სინამდვილეში ერთეულ მცენარეს ძირი ეწოდება, ხოლო მისი პირდაპირი მნიშვნელობით ძველთაგანვე ძირი მცენარის იმ ნაწილს რქმევია, რომელიც მიწაშია მოქცეული. ძირზე გამოტანილ წვრილ ფესვებს კი ძველად ჩინჩლი რქმევია, რომელსაც საბა ორბელიანი განმარტავს, ხოლო დღევანდელ სინამდვილეში ტერმინი „ჩინჩლი“ ძალიან ნაკლებადღა იხმარება. ასევე ითქმის მცენარის სხვა შემადგენელ ნაწილებზე—ტანზე, ტოტებზე და სხვა, ივ. ჭავჭავაძის სიტყვით „ტანი ზროდ, რტოი—შტოდ შეიცვალა“<sup>3</sup>.

ძველ საქართველოს ტერიტორიაზე ხილეულის ფართოდ გამრავლება, რომელზედაც რიგი ისტორიულ-არქეოლოგიური მონაცემები მეტყველებენ, შეპირობებული უნდა ყოფილიყო ბუნებრივი გარემოთი და მოსახლეობის მაღალი კულტურით.

ცნობილია, რომ პირველ მიწისმოქმედად ქალი, ხოლო მამაკაცი მონადირე მოსაქმედ არის აღიარებული. ისიც ცნობილია, რომ დედაკაცის მიერ შეგროვებითი წესით მოტანილი სხვადასხვა ხილეულისა და ძირხვენეულის ნარჩენების მოხვედრამ ბინის ახლო-მანლო მიწაში დასაბამი მისცა მცენარეულის მოშენებას.

გარეული ხილის მოშინაურება კაცობრიობის განვითარების იმ საფეხურზე იწყება, როცა მოხეტიალე შემგროვებლური ხასიათის მეურნეობიდან ადამიანმა დაიწყო დამჭდარი მეურნეობის წარმოება, რომელიც ენგელსის მიხედვით, ემთხვევა ბარბაროსობის ქვედა საფეხურს<sup>4</sup>.

ჩვენს ქვეყანაში ძველადვე ველურ ყვავილ-მცენარეების გაშინაურების ცდებზე, სხვა ისტორიული ცნობების განხილვასთან ერ-

<sup>1</sup> ივ. ჭავჭავაძის აღნიშნული, საქართველოს ეკონომიური ისტორია, წიგნი II, თბილისი, 1930, გვ. 275.

<sup>2</sup> იქვე.

<sup>3</sup> ივ. ჭავჭავაძის აღნიშნული, დასახ. შრომა, გვ. 278.

<sup>4</sup> ფ. ენგელსი, ოჯახის, კერძო საკუთრებისა და სახელმწიფოს წარმოშობა, თბილისი, 1953, გვ. 34.

თად, ივ. ჯავახიშვილი შენიშნავს: „თუ ქართველი ზეურნე ცდილობდა შორეული, უცხო ქვეყნიდან მოტანილი ხეებითა, მცენარეებით შეემკო და გაემდიდრებინა თავისი ბაღ-წაღკოტი, რა თქმა უნდა, თავისი სამშობლოს თვალწარმატატი ბუნების სიმშვენიერესა და ჯვავილ-ხეების მრავალფეროვან სიუცხოვესაც გამოიყენებდა. ამის შესახებ, განაგრძობს ავტორი, ვახუშტი ბატონიშვილის ცნობა ასეთია—არს ყვავილი სუბზული ფერით სპეტაკი... სურნელი, ვითარცა ამბრი და უშეტესად ფშოსანი და ეკლოვანი. ეს ველური ყვავილი ისე მოსწონებიათ, რომ მეფემან ვახტანგ მოიღო სავარდესა შინა“-ო<sup>5</sup>.

ზემოთ აღნიშნულიდან ირკვევა, რომ ძველ საქართველოში ყვავილ მცენარეთა, ხეხილთა შერჩევისა და ველურთა გაშინაურების ცდებს ფრიად მნიშვნელოვანი ადგილი უნდა ჰქონოდა დათმობილი.

დღევანდელ ეთნოგრაფიულ სინამდვილეში შემორჩენილია გარეული ხეხილის მოშინაურების სხვადასხვა ხერხები, რომელსაც აკად. ნ. კეცხოველი დიდ შეფასებას აძლევს. „საქართველო—აღნიშნავს ავტორი—კულტურულ მცენარეთა წარმოშობის ერთ-ერთი კერაა, მცენარეთა გაკულტურება დღესაც ხდება, ბევრგან დარჩენილია გაკულტურების ძველი წესიც, ამიტომ ახალი მეთოდების მოხსენებასთან ერთად, ძველი წესის აღწერასაც საკმაო ადგილი დაუთმეთ, რადგან ამას ერის ისტორიის გაცნობისათვის უდიდესი მნიშვნელობა აქვს“<sup>6</sup>. ამასთან დაკავშირებით აღსანიშნავია პ. უუკოვსკის სიტყვები: როგორც ხალხის მიერ შექმნილი შესანიშნავი ხელოვნების ძეგლები შეგვაჩერებენ და ჩვენს აღტაცებას და გაკვირვებას გამოიწვევენ მონუმენტალურობით, სიდიდით, ასევე უნდა ვჩერდებოდეთ კულტურული მცენარეულის თითოეული სახეობის წინ, და გაკვირვებას გამოვთქვამდეთ, რომელთა შექმნა ხალხის მრავალსაუკუნოვან შემოქმედებით შრომას უკავშირდებაო<sup>7</sup>. აქვე უნდა აღინიშნოს ისტ. მეცნ. კანდიდატ—მ. გეგეშიძის შეფასება ტყის გარეული ხილის მოშინაურება-გამოყენების შესახებ, რომელიც ქართველი ხალხის აქტიურ საწარმოო გამოცდილებაზეა დამყარებული. იგი აღნიშნავს: „საქართველოს ეთნოგრაფიულ სინამდვილეში დღემდე შემონახული ხალხური სასოფლო-სამეურნეო წესები და

<sup>5</sup> ივ. ჯავახიშვილი, დასახ. შრომა, წ. II, გვ. 137. ვახუშტი ბატონიშვილი, დასახ. შრომა გვ. 39.

<sup>6</sup> ნ. კეცხოველი, კულტურულ მცენარეთა ზონები საქართველოში, თბილისი, 1957, გვ. 9.

<sup>7</sup> П. М. Жуковск ий, Земледельческая Турция, М.-Л., 1933, გვ.93.

ჩვევები აშკარად მიუთითებენ იმაზე, რომ ჩვენს ხალხს ძველთაგანვე უნდა შეემუშავებინა აქტიური საწარმოო დამოკიდებულება ტყის სასარგებლო მცენარეულის მიმართ. ამისი ერთ-ერთი გამოსატულებაა ტყის გარეული ხილის საცხოვრებელ ადგილზე—ბაღებში ან საკარმიდამო ნაკვეთებზე გადმორგვა<sup>ა</sup>.

### ხ ე ხ ი ლ ის   გ ა მ რ ა ვ ლ ე ბ ა

მეხილეობაში ძველთაგანვე იცნობდნენ და იყენებდნენ ხეხილის გამრავლების ისეთ ხერხებს, როგორცაა: მოშინაურება, მყნობა, გადაწვენა, ტოტების ჩაყრა, ფესვის ბარტყობა, ფესვთ დაყოფა, თესლთ-თესვა და სხვა.

მ ო შ ი ნ ა უ რ ე ბ ა. ქართველი მეურნე, რომელიც დაინტერესებული იყო ხეხილის გაუმჯობესება-მოშინაურებითა და მისი ნაყოფის მაღალი ღირსებით, მიდიოდა ტყეში, სადაც მას ეგულებოდა ხილის ნორჩი ნერგები. საზოგადოდ ტყიური, ნორჩი ნერგების აღმნიშვნელ სახელად აღმ. საქართველოს ეთნოგრაფიულ სინამდვილეში მიღებულია „ბაყილო“, რომელიც ქართველ ლექსიკოგრაფს საბა ორბელიანს იმავე მნიშვნელობით აქვს განმარტებული. გარდა იმისა, რომ ტყიური ნერგის აღმნიშვნელად ყოფაში ზემოაღნიშნული ტერმინია ხმარებული, ზოგიერთი ხეხილის გარეულ სახეობას თავისი განსაკუთრებული სახელწოდებაც გააჩნია, რომელიც უშუალოდ განსაზღვრავს მის რაობას. მაგალითად, ვაშლის გარეულ ბაყილოს უწოდებენ „მაყალოს“, მსხლის გარეულ ბაყილოს „პანტას“ და ა. შ., რომელსაც საბა ორბელიანი ისევე განმარტავს.

აქვე უნდა აღინიშნოს, რომ საქართველოს რიგ კუთხეებში, როგორც გარეულ ისე შინაურ ხილეულს სხვადასხვა სახელწოდებითაც იხსენიებენ. გარეული ვაშლი ქართლში მაყალო, ქვ. რაჭაში, ქვ. იმერეთში „ჭკუტა ვაშლი“—ს სახელწოდებითაა ცნობილი; ლეჩხუმში—: ტყის ვაშლი“, „მწარე ვაშლი“, საინგილოში—„ჭირვაშლი“, „ჭირჭიმა“; ჭანეთში—„მტკუი უშქირ“; სამეგრელოში—„ტყარ უშქური“, „კვეტელი უშქური“. გარეულ მსხალს ქართლში პანტა, ზემო რაჭაში „პანტა მსხალი“, რაჭაში, ქვ. იმერეთში „ჭკუტა მსხალი“; ლეჩხუმში „ჭკუტა“; ზემო იმერეთში „ჯარჭი“; გურიაში „კვიჭიჭი მსხალი“; საინგილოში „ჭირჭიმა, ჭანეთში „მტკუი მცხული“; სამეგრელოში „ვეტელე სხული“, „ტყარ სხული“, „ჭიკო სხული“<sup>ა</sup> და ა. შ. ასევე სხვა ხილეულის უმრავლესობაც საქართველოს ეთნოგრაფიულ სინამდვილეში ნაირი სახელწოდებითაა წარმოდგენილი.

<sup>ა</sup> შ. გეგეუძე, დასახ. შრომა, გვ. 175—176.

<sup>ა</sup> ა. მაყაშვილი, ბოტანიკური ლექსიკონი, თბილისი, 1949, გვ. 41.

ხეხილის გამრავლება-მოშინაურებით დაინტერესებული მეურ-  
ნე ბაყილოს მოსატანად მიდის ისეთ ადგილებში, სადაც მას საკმა-  
ოდ ეგულება იგი. ასეთ ადგილად ხალხის დაკვირვებით და ბოტა-  
ნიკოს სპეციალისტთა გამოკვლევით მაგ. მაქალოსა და პანტისათვის  
ცნობილია რცხილნარ-მუხნარი ტყის ძირები, მდინარის პირა ქ-  
ლები და სხვა. როგორც აკად. ნ. კეცხოველი აღნიშნავს—„მუხნარი-  
სა და რცხილნარის სარტყელისათვის ფრიალ დამახასიათებელია  
ხილნარი. ველური ხილის მომცემი მცენარეები ყველაზე მეტი სწო-  
რედ ამ სარტყელშია. განსაკუთრებით ბევრია პანტა და მაქალო.  
ბევრგან ამ ხეხილისაგან შექმნილია უზარმაზარი ცენოზები, სა-  
დაც უხილო ქვეყნიდან მიდიოდა ხალხი და ხილს აგროვებდა ჩირის  
დასამზადებლად, არყის სახდელად თუ ნელლად სახმარად. ამ მხრივ  
განსაკუთრებით შესანიშნავია ასპინძის, თეთრიწყაროს და სხვა რა-  
იონები, სადაც პანტიანები დიდი რაოდენობით გვხვდება“<sup>10</sup>. ბაყი-  
ლოს მოსატანად წასვლისას მეურნეს თან მიჰქვს ბარი, წალდი, ან  
ტული, დანა ან სასხლავი მაკრატელი, ტომარა და ბევრჯერ ხელმარ-  
ხილიც კი.

ბაყილოს მოტანისას რჩებენ ისეთივე ნიადაგის ნერგს, რო-  
გორშიაც მისი დარგვა სურთ. მოხრობელთა გადმოცემით, იმ მიზ-  
ნით, რომ ბაყილო კარგად შეეგუოს ახლად გადარგულ ნიადაგს და  
არ დაიხაგროს, ამისათვის თუ შესაძლებელია ისეთი ჯურის ადგი-  
ლის ნერგი უნდა შეირჩეს, როგორშიაც ის უნდა ვახეიროთო (წიკ-  
ლაშვილი ალექსი მიხეილის-ძე, 95 წ-ს; სიღნაღის რ-ს სოფ. ყარაღა-  
ჯი, 1959 წ.) მათივე გადმოცემით, შავი მიწისათვის მაგ. უმჯობესია  
ღოთლიანი ტყის ბაყილო, ლამული მიწისათვის — მდინარისპირა  
ბალები და ა. შ.

მეხილეობაში დასარგავი ნერგისათვის ნიადაგის შერჩევის აღ-  
ნიშნული წესი, რომელიც ქართველ მეურნეებს ოდითგანვე უნდა  
სცოდნოდათ, პარალელურად ავლებს ჯერ კიდევ ძველად ცნობილი  
იტალიის მებაღეობასთან. იმავე ნერგის კარგად შეგუების მიზნით  
იტალიაში სათანადოდ ურჩევდნენ ისეთსავე ნიადაგს, როგორშიც  
ის იყო ან იგი შემდეგში უნდა გადაერგოთ<sup>11</sup>.

სათანადო ნიადაგის ბაყილოსათვის შერჩევის შემდეგ. რომელიც  
უნდა იყოს „თამამი“, გარკვეული სიდიდისა და თუ შესაძლებელია

<sup>10</sup> ნ. კეცხოველი, დასახ. შრომა, გვ. 152.

<sup>11</sup> М. Е. Сергеевко, Очерки по сельскому хозяйству древней  
Италии, Москва, 1958, гв. 96.

სწორად ნაზარდიც. იწყებენ მის ფრთხილად მოთხრას. ფესვებს დაუზიანებლად ამოღებისათვის მოთხრას აწარმოებენ ბაყილოდან ასე „ორი მტკაველის“ რადიუსით, რაც მისი სიმსხო-სიდიდეზეც არის დამოკიდებული. ბაყილოს მოთხრისას შემობარვის საღოვე, მთხრობელთა სიტყვით თუ ვიტყვით, არ აღემატება „ერთი ბარის პირს“, რადგანაც ის მეტწილად „ზეზეა ამოსული“-ო. ხალხის დაკვირვებით, მისი შემოუბარავად ამოგლეჯა მიუღებელია, რადგანაც ფესვები უზიანდება, უმეტეს შემთხვევაში, როცა ის თესლზე კი არ არის ამოსული, არამედ „ნაბარტყია“. ამისათვის გაუფრთხილებლობის, ე. ი. შემოუბარავად ამოგლეჯისას შეიძლება მთავარი ფესვი წიგ იირში ჩაიხლიჩოს და ბაყილო მთლად წახდეს.

წესისამებო მიწის შემოთხრის მერე ფესვებს ირიბად ჩაუჭრიან ფრთხილად ამოიწვევენ და ამოღების შემდეგ ჩინჩლა ფესვებს „შემოუკვერცხვენ“. გამოცდილი მებაღეები ბაყილოსათვის სინესტის შენახვისა და უცხო ნიადაგში კარგად შეგუების მიზნით აძკობინებენ ძირზე ამოყოლილი მაწის შერჩენას. ამ მიზნით ამოღებულ ბაყილოს ხავსს ან გამხმარ ფოთლებს შემოუღებენ და „სუფთა“ წვრილი წნელით კარგად შეკრავენ, ამის შემდგომ ე. ი. ცალცალკე შეკრულ ბაყილოებს რამოდენიმეს ერთად კონად შეკრავენ, რაც ბაყილოების სიმსხო-სიდიდეზეა დამოკიდებული, რომელსაც შემდეგ ტომარაში ჩასდებენ და ზურგით ან ხელმარხილით წაიღებენ.

ბაყილოს ამოღებისას მის პირველად გასხვლას ადგილზე აწარმოებენ. რაც მხოლოდ გრძელი ტოტების „წაკვერცხვა“ — წვერების წაჭრაში მდგომარეობდა. ხალხის დაკვირვებით ამგვარი გასხვლით მსუბუქდება რა ბაყილო. ამავე დროს გზაში ტოტების დაზიანების შემთხვევაში მეურნეს შესაძლებლობა ეძლევა, რომ ის სხვა ტოტით შეცვალოს.

წლის დროის მიხედვით, როგორც ეთნოგრაფიული მასალებიდან ჩანს, ბაყილოს მოთხრას აძკობინებენ გვიან შემოდგომით. როდესაც, მთხრობელთა სიტყვით თუ ვიტყვით—„საქმეები საკმარისად აქვთ მოყმიერებული“. ამ პერიოდში ხეს „ლობო“ აქვს შემშრალი—აღარ „მუშაობს“ და გადატანისას ვერაფერს იკვებს. ბაყილოებს სახლში მიტანისთანავე შემოხსნიან, კონას დამლიან და წაწვენილი წესით მიწაში წაფლავენ, რომელიც გაზაფხულამდე ადგილზე ზამთრდება. ისეთ ადგილებში, სადაც დიდი ყინვებია მოსალოდნელი წაფლულ ბაყილოებს წელამდე ბელტებსაც მიაწყობენ. რაც კარგად იცავს ყინვისაგან.

ზემოთ აღნიშნული წესებით გამოზამთრებულ ბაყილოებს უმეტეს შემთხვევაში ამოღების შემდეგ,—„კუკური რა დაუორსულდე-

ბა“, დაამყნინან ან დაუშენელად დარგავენ. მთხრობელთა გადმოცემით, „იმ შემთხვევაში თუ ბაყილო დასამყნელად გვინდოდა ვრჩეობდით მის დარგვამდე დამყნას, რადგანაც დარგვიდან ერთ წლამდე ე. ი. სანამდე ნერგი კარგად არ დახარდება მასზე ნამყნის გაკეთება არ შეიძლებოდა, რაც ერთი წლით გვაგვიანებდა“-ო (მთხრ. დ. ჩიქლაძე 80 წ-სა, გორის რ., სოფ. ტყვიავი, 1958 წ.).

აქვე უნდა აღინიშნოს ქართველ მეურნეთა ის ღრმა ცოდნა-გაბოცდილება, რომელიც მეხილეობაში ნერგისათვის ნიადაგის შერჩევასთან ერთად თვით მისი დარგვის წესში მდგომარეობს. აქ ჩვენ მხედველობაში გვაქვს გადასარგავი ნერგისათვის ნიშნის დადების ხალხური თავისებურებანი, რათა ნერგის გადარგვისას ძველი ნადგომი მხარე არ შეცვლოდათ. გადასარგავი ნერგისათვის პირვანდელი მდგომარეობის შენარჩუნებასთან ერთად გამოცდილი მეურნეები დიდ ყურადღებას აქცევდნენ მზის გულის ანუ „მზვარე ადგილსა და ჩრდილის“ ნარგავს, რათა მისთვის შესაფერისი ადგილი მიეჩინათ, რაზედაც დიდად იყო დამოკიდებული ნერგის კარგად „დახარება და გაზრდა“.

ეთნოგრაფიული მასალები გვიჩვენებს. რომ ნერგის ის მხარე, რომელსაც მზის სხივები უფრო ფართოდ ხედება გამოირჩევა თავისი შეფერილობით—კერძოდ მეტი სისუფთავითა და მოწითალო ფერით. იგივე ითქმის ფესვთა სისტემაზეც, რომ თითქოს სამხრეთ-აღმოსავლეთის მხრიდან შედარებით უფრო კარგად განვითარებული აქვს ხოლმეო. გადასარგავი ბაყილოს ამ ნამყნისათვის „ქველ ნადგომის“ სახით დარგვის მიზნით ყოფაში ხშირად მიმართავდნენ ტოტებზე და ფესვებზე ნიშნის დადების წესს, ხოლო გამოცდილი მეურნეები ნერგის-პირვანდელ მხარეს მისი საერთო მოყვანილობის ფორმითაც გებულობდნენ. თუ ნერგი ოდნავ წაწვენილი ფორმით იქნებოდა ნაზარდი მაშინ იტყოდნენ, „ეს ქვენა ქარის მხარეა ან ზენა ქარისა“-ო და ა. შ. ხოლო რომელი ქარი უფრო ძლიერად და ხშირად ქროდა ამა თუ იმ ადგილას, ეს რა თქმა უნდა კარგად იცოდა ადგილობრივმა მოსახლეობამ.

საკითხთან დაკავშირებით საინტერესოა პანკისის ხეობაში მ. გეგეშიძის მიერ დამოწმებული წესი, სადაც ტყიდან გადმოსარგავ ხორჩ ნერგს ადგილობრივი მოსახლეობა ამოღებამდე ნახშირით უბრალოდ ნიშანს დაადებდა, რომ დაემახსოვრებინათ მზის მხარე რომელი იყო და დარგვისას ხე ძველ ნადგომზე მოეხვედრებინათ<sup>12</sup>. სწორედ ამიტომ შემთხვევითი არ უნდა იყოს ის გარემოება, რომ

<sup>12</sup> მ. გეგეშიძე, დასახ. შრომა, ვვ. 176.

ზაყილოებით სეხილის მოშინაურება-მომრავლებას სათანადო პირობების მქონე საქართველოს ყველა ადგილებში მისდევდნენ და როგორც ველზე შეკრეფილი ეთნოგრაფიული მასალებიდან ჩანს რიგ სოფლებში: კოშკა, ტირძისი, ტყვიავი (გორის რაიონი), ლევი (თეთრი წყაროს რაიონი), ზენუბანი, ქართალი (ღუშეთის რაიონი), ბაყილოების ჩამომტანი მოხელეებიც დგინდება. მოხელეებს ტყიური ნერგები სოფლებში ჩამოქონდათ ძირითადად წინასწარ დაკვეთით, რომელშიაც ლებულობდნენ, როგორც ფულს, ისე ქირანაღულსა და პროდუქტსაო (მთხრ. ანტონ მეცხვარიაშვილი, გორის რაიონი, ს. კოშკა, 1958 წ.).

სეხილის მოშინაურებასთან დაკავშირებით უნდა აღინიშნოს ის ძველი ხალხური რწმენა-წარმოდგენები, რაც ეთნოგრაფიულმა სინამდვილემ ჩვენს დრომდე შემოინახა. ხალხის დაკვირვებით ბაყილოს ამოღება და მისი დარგვა ახალ მთვარეზე მიუღებელია, რომლის მოსატანად სახლიდან გასვლისას კაცი ისე უნდა წასულიყო, რომ ცუდი თვალი არა სცემოდა. მთხრობელთა ერთი ნაწილის აზრით კი ახალ მთვარეზე მხოლოდ დარგვა შეიძლება, რადგანაც ღღრო კარგ ფესვებს გაიტანს და მთვარესავით ივსებაო (მთხრ. შაქრო მარკოზაშვილი, გორის რ-ნი სოფ. დიცი, 75 წ. 1959 წ.).

სეხილის მოშინაურება-გამრავლების მიზნით ზემოთ აღნიშნულთან ერთად, ფართოდ იყენებდნენ ე. წ. გამორჩევისა და ტყის გაკაფვის წესებს.

აღმ. საქართველოს ეთნოგრაფიულ სინამდვილეში დღესაც გვხვდება განმარტოებით, ამა თუ იმ ადგილას მდგარი კარგად მოზრდილი მსხმოიარე მაკალოს, პანტის ან სხვა გარეული ხილის ხეები, რომელზედაც დაინტერესებული ადამიანის ხელით დამყნილია კულტურული ჯიშები. ბევრი მათგანი კი დაუმყნელიცაა, რადგანაც კარგი ნაყოფის მომცემი ბუნებრივი თესლნერგი ხშირად გვხვდება საჩხეხე ქალებში და ბოლოს სრულიად მივარდნილ ადგილებშიც კი.

დაკვირვებული მეურნე, როდესაც შეამჩნევს უადგილო ადგილას ამოსულ ბუნებრივ თესლნერგს, მას გულმოდგინეთ დაათვალიერებს, ითუ ჯაგებშია „შემოატიტვლებს“ და სათანადოდ გასხლავს. ამის შემდეგ შემოუბარავს, გაანოყიერებს, იმ შემთხვევაში თუ უსწორ-რასწორო ნაზარდია სარის შიდგმითა და ზედ მიბმით „აწვრთნის“ და ასე იწყება მისი თანდათანობით გაშინაურება-გაკეთილშობილება, რომელსაც ჩვენ „გამორჩევითი“ წესით ვიხსენიებთ.

ყოველივე ამის შემდეგ მას უფლის ისევე, როგორც სხვა კულტურულ ჯიშს და ხშირად უფრო მეტი დაინტერესებითაც. რადგანაც მას გამოცდილებიდან იცის, რომ ბაყილო ბევრჯერ საუკეთესო ხი-

ლის მომცემია და დაძინას აღარ საქიროებს. როგორც მთხრ. ბესტა-  
ვაშვილი გადმოგვცემს (გორის რ-ნი, სოფ. ხიდისთავი) „ვეერჯეო  
შაგალითად მაქალო ქანტა, თესლზე ამოსული ატამი და სხვა ისეთ  
ქარგ ნაყოფს იძლევა, რომ ნამყენისაგან ვერ გამოირჩევა. რაც მთა-  
ვარია კარგი მოყვანილობის ძირი იზრდება და გაქირვებას უფრო  
კარგად იტანს“-ო. ნ. კეცხოველის მტკიცებით მაგ. თესლზე ამოსუ-  
ლი „გოგიაანთ კიტრა“ (ს. ტყვიავეში), „ნისკარტა“ (ს. კარალეთში)  
შეიმჩნა ამ 50--60 წ. წინ.

ამ საკითხთან დაკავშირებით ინტერესს მოკლებული არ იქნება  
შოვიყვანოთ ერთ-ერთი მთხრობელის აზრი ვაშლის—„კეხურას“  
გაჩენა-მოშინაურების შესახებ. ცხინვალის რაიონის სოფ. კეხვში  
მცხ. სანდრო იოსების ძე ზანგალაძის გადმოცემით „სოჟელს ხევი  
კეხურა ჩამოუდის, რომელიც სათავეს დედაღეთის ეკლესიისაგან  
ღებულობს და როგორც ვიცი იმ ხევის წყალს ჩამოუტანია ვაშლის  
იესლი, საიდანაც აღნიშნული ვაშლი გამრავლებულა-ო“<sup>13</sup>.

ხალხის დაკვირვებით. გარეული ნერგის სიძლიერე და ამტანია-  
ნობა, მის „ყვერა“ ფესვზეა დამოკიდებული, რომელიც დაკუნძე-  
ი ული სახით ძირის შუა ადგილას სწორი მიმართულებით ეზრდება.

ზემოთ აღნიშნულთან ერთად სესილის მოშინაურება-გაპრავე-  
ლის საქმეში ერთ-ერთ ორიგინალურ ხერხს წარმოადგენს ტყის ანუ  
ქალის გაკათვა-ამოძიკვა.

ახოს აღების წესით მიწის დამუშავება-ათვისება, რომელსაც  
ჩვენ წინა თავში ნაწილობრივ შევეხეთ. მსოფლიოს თითქმის ყველა  
ნიწისმოქმედ ხალხს ძველთაგანვე უნდა სცოდნოდა. ხოლო რაც შე-  
ეხება მისი აღება-დამუშავების ხერხებს, იგი სხვადასხვა კუთხეში  
სხვადასხვა ხასიათის მატარებელია, რაც გამოწვეული უნდა იყოს  
გეოგრაფიული პირობებით, ამა თუ იმ კულტურის თავისებურებე-  
ბით და სხვა.

ამის გამო „საქართველოს რთული და მრავალმხრივი სამიწათ-  
მოქმედო კულტურა იცნობს მიწათმოქმედების შემდეგ სისტემებს:  
ახოს აღების, აჩეჩვის, ბელტის გადაბრუნებისა და ღრმად ხვნას. მათ  
შეესატყვისება გარკვეული სახის იარაღები: ახოს აღების სისტე-  
მისათვის—თოხ-წერაქვები, კაფწვერა. სახენელი; აჩეჩვისათვის—  
ქართული, ფშაური და რაკული აჩაჩა ბელტის გადაბრუნებისათ-  
ვის—ჭილლა-გოგორა. ერქვანი და ღრმა ხვნისათვის ფამფულაქიანი

<sup>13</sup> გ. ვასიტაშვილი, დიდი ლიხვის ხეობაში მიუდინების ანგარაში,  
ხელნაწერი, 1961.

დიდი გუთანნი. ამის გარდა ახოს ალების სისტემა გულისხმობს ნიადაგის დამუშავებას ვაწერის წესით<sup>14</sup>.

საქართველოს ეთნოგრაფიულ სინამდვილეში დამოწმებული ტყის გაკაფვის წესებიდან, რომელსაც ახოსათვის მიმართავდნენ, საყურადღებოა „შეყვერვის“ მეთოდი. როგორც პროფ. გ. ჩიტაია აღნიშნავს—ძველად რაქაში ახოს ალება შემდეგნაირად სცოდნიათ: „მოახობის მიზნით წინ-წინ ხეებს შეყვერავდნენ. კანს გააცლიდნენ, შეყვერილ ხეებს გახმობის შემდეგ გადაწვავდნენ ხოლმე, ფერფლსა და ნაცარს იყენებდნენ საპოხად“<sup>15</sup>.

ხეხილის მოშინაურების მიზნით აღმ. საქართველოს სინამდვილეში ბევრჯერ ტყისა და ქალის გატეხვასაც აწარმოებდნენ. ამ მიზნით გამოცდილი მეურნეები ურჩევდნენ, როგორც კარგი ნიადაგის, ისე ბაყილოებით მდიდარ ადგილებს.

მიწისმოქმედების ახოს გატეხვის სისტემა ყველაზე შრომატევადი სამუშაოა, სადაც ცეცხლის გამოყენებას უდიდესი მნიშვნელობა ჰქონდა. იგი აადვილებდა მუშაობას, ანოყიერებდა ნიადაგს და წლების განმავლობაში წმენდდა სხვადასხვა სარეველა მცენარეულობისაგან.

ახოს გატეხვისას, რომელიც საქართველოს რიგ რაიონებში, ძირითადად ხენა-თესვის მიზნით ხდებოდა, ფართოდ მიმართავდნენ ცეცხლის გამოყენებას. ამ მხრივ პირველ რიგში უნდა აღინიშნოს მენახშირეების მიერ ტყის გაკაფვა. მენახშირეობამ გასული საუკუნის მიწურულიდან განსაკუთრებით თბილისის მიდამოებში, გაანადგურა ტყის დიდი მასივები, რასაც მოყვა ისეთი გარეული ხილის გაკაფვა როგორიც იყო: ტყემალი, შინდი, ზღმარტლი, კვრინჩხი, კოწახური, ჯახველი და სხვა. ისინი (მენახშირეები), რომელნიც ამავე დროს მიწათმოქმედებასაც მისდევდნენ. ამისათვის ტყის გაკაფვის შემდეგ დარჩენილ ჯირკებსა და კუნძებს ცეცხლს უკიდებდნენ, რომელიც ფესვებიდან იწოდა. აქვე უნდა აღინიშნოს, რომ გაკაფვადაწვის პროცესში აკრძალული იყო საერთოდ ხეხილის და განსაკუთრებით კი პანტისა და მაჟალოს მოჭრა-დაზიანება (აღსანიშნავია, რომ ამ წესს, მხოლოდ ადგილობრივი მენახშირეები თუ იცავდნენ ხოლმე), რის გამოც დღესაც აშკარად შეიმჩნევა სახნავ-სათესში გადანტულად მდგარი პანტის ან მაჟალოს დიდრონი ხეები (თეთრი-

<sup>14</sup> G. Čitaja, Hackenbau in Westlichen Georgien (Kolchis). Agrar-ethnographie, Berlin, 1957, გვ. გვ. 83, 87.

<sup>15</sup> გ. ჩიტაია. რაჭული სახენელი, ენიმკის მოამბე, I თბილისი, 1937, გვ. 174.

წყაროს რაიონი სოფ. პანტიანი, ორბეთი, დრე, ზირბითი, ვანეთი და სხვა), ხოლო სოფ. პანტიანში ძველთაგანვე მომდინარეობს პანტის სპეციალური ბალები.

აღმ. საქართველოს ეთნოგრაფიულ სინამდვილეში გარეულო ხილის მოშინაურობის მიზნით ტყის გაკაფვა-ამოძიკვას იწყებენ ჯერ გადაჩეხვის, ხოლო შემდეგ დარჩენილი ტოტებ-ლატანების გამოზიდვით. მთხრობელთა ვადმოცემით. ტოტების წინასწარი გადაკაფვა საჭირო იყო იმდენად, რამდენადაც ხეს, წაქცევისას არ დაეტანა სასურველი ბაჟილოება.

ფართობის ამგვარი გასუფთავების შემდეგ, სადაც ხშირად ამოუძიკავ კუნძებს ხელუხლებლადაც ტოვებდნენ, დარჩენილ ბაჟილოებს „წვრთნიდნენ“ (გასხლავდნენ, სარს მიუდგამდნენ, მიაკრავდნენ), დაბაჯავდნენ და ფეხის მოსავალს მოიყვანდნენ. ახლად გატეხილ ფართობში დარჩენილ ძირკვებს გზადაგზა ზემოთ აღნიშნულ ცეცხლის ჩანთების წესით ამოსწვავდნენ ან დაღობის შემდეგ ცუღით ამოყრიდნენ და მთლიანად გაასუფთავებდნენ. თანდათანობითი მოახოების აღნიშნულ ტერხს ხეხილის გამრავლება-მოშინაურობის თვალსაზრისით ძირითადად სოფლის ახლო-მახლო ჭალებისა და ტყეების გაკაფვისას მიმართავდნენ, სადაც ბაჟილოები სათანადო რაოდენობით იქნებოდა შექმნეული.

აკად. ნ. კეცხოველი თავის გამოკვლევებში განსაკუთრებულ ყურადღებას უთმობს მცენარეთა გაკულტურების ძველ ხალხურ წესებს, რომელსაც დღევანდელ ეთნოგრაფიულ სინამდვილეშიც არ დაუკარგავს თავისი მნიშვნელობა. მოვიყვანო ერთ ასეთ მაგალითს: „ფოლადაურის ხეობაში (ზურტაკეტის მთების კალთები), ალგეთის ხეობაში, კციის ხეობაში, თეთრიწყაროსთან. თუნდაც სოფ. სამღრეთის მიდამოებში და სხვაგან წიფლნარ-რცხილნარებში საკმაოდ მრავლადაა გავრცელებული ველური ხილეული, უმთავრესად კი ვაშლი (მაჟალო), მსხალი (პანტა), ტყემალ, ზღმარტლი, ბალამწარა, აუნელი და სხვა მისთანანი, რომელნიც მრავალ ადგილას ქმნიან ტყე-ბალებს. ეს პროცესი შემდეგნაირად მიმდინარეობს: როდესაც ტყეს ჩეხვენ და ძირკვავენ, პირველ ხანებში ტოვებენ ყოველგვარ ხილეულს—უმთავრესად კი ვაშლს, პანტას, ტყემალს, ბალამწარას და ზღმარტლს. ამის შემდეგ ვიღებთ ბაღნარს, სადაც ხეები ურთიერთისაგან დაცილებულია 20—30 მეტრით. გაახოვებული ადგილი იხვნება ან იბარება და ითესება—პირველ ორ-სამ წელს კარტოფი-

ლი, შემდეგ კი ხორბლეული“<sup>16</sup>. ეს არის მცენარის გაკულტურების პირველი საფეხური, რომელიც უშუალოდ მაქალოსა და პანტის მოწინაურებას ეხება.

„მეორე ეტაპია—დარჩენილი ხილეულის პირველადი გადარჩევა. 2-3 წლის შემდეგ იჩეხება ისეთი ხეები, რომელნიც მწკლარტე და მწარე ნაყოფს იძლევა. ზღმარტლი „ბალის“ შუა ნაწილში იჩეხება და იძირკვება, მას მხოლოდ „ბალის“ ნაპირებზე ტოვებენ. ბალამწარა ჩვეულებრივად ან მთლიანად იჩეხება, ანდა რჩება მხოლოდ თითო-ორლა ისეთი ხე. რომელსაც ნაყოფი შედარებით ტკბილი აქვს (ასეთი გვხვდება, მაგრამ იშვიათად). ტყემალი უმეტეს შემთხვევაში რჩება. რადგან განსაკუთრებით ხეებისაგან განთავისუფლების შემდეგ ბარაქიანი მსხმოიარობა იცის.

მესამე ეტაპია—მეორე გადარჩევის შემდეგ დაკვირვება და ხეების შერჩევა ნაყოფის სილამაზის, გემოსა და გამძლეობის უნარის მიხედვით. ამგვარად მთავრდება ტყიდან ბალის შექმნა, თუმცა შემდეგში მისი გაუმჯობესება მაინც წარმოებს. ისეთი ხეები, რომელთაც ნაკლები სილამაზისა და გემოს ნაყოფი აქვთ, იბელება და ბათზე ემყნობა შესაფერი ჭიშის მცენარის კვირტი ან კალამი“<sup>17</sup>.

დასახელებული ლიტერატურიდან ნათლად ჩანს ხალხური ცოდნა-გამოცდილებანი „ტყე-ბაღების“ შექმნის ირგვლივ, რომელსაც თავისი განვითარების სამი ეტაპი აქვს გავლილი და კიდევ წარმოებს მისი გაუმჯობესება მოწინაურების ცდები, რომელზედაც ჩვენ ქვემოთ შევიჩერდებით.

მეხილეთა დაკვირვებით. ჰალეების ხშირი ჩეხვა, რომელსაც ყოფაში 2-3 წელიწადში ერთხელ მიმართავდნენ (ფიჩხისა და სარის ასაღებად) ბუნებრივ ოესლენერგს საშუალებას აძლევდა კარგი ზრდა-განვითარებისათვის.

ყოველივე ზემოთ აღნიშნულის გამო ყოფაში ხშირად ვხვდებით ჰალის ან ტყის პირებში კარგად მოვლილ-მოწინაურებულ ხეხილის ბაღებს. მათ შორის ვაშლნარების, სხალნარების, შინდნარების, თხილნარებისა და სხვათა მასივებს, როგორც გაკაფულ, ისე გაუკაფავ ტყეებში, რომელიც კარგად ჩანს ძველ ლიტერატურული წყაროებიდანაც (ვახუშტი ბატონიშვილი „აღწერა სამეფოსა საქართველოსა“). ზემოთ აღნიშნული წესებით დატოვებული ანუ, მოწინაურებული ხეხილის პროცესები, რომელმაც ჩვენს დრომდე მოაღწია კარგად შეუწინავეს ოცდაათიოდე წლის წინათ ცნობილ ბოტანიკოსს ვინოგრადოვ-ნიკიტინსაც, რომლის სიტყვითაც „ამგვარ ვე-

<sup>16</sup> ნ. კეცხოველი. დასახ. შრომა. გვ. 153.

<sup>17</sup> იქვე. გვ. 153—154.

ლურ ნარგავებს უკავია რაზოდენიმე ათეული ჰექტარი და მეორე სართულის სახითაა წარმოდგენილი ფოთლოვანი ან წიწვნარი მცენარეების ნარგავებში. მაგ., ბაკურიანისა და ციხის-ჯვრის მიდამოებში ცნობილი ყოფილა ნაძვნარის დიდი ტყეები მსხლის მეორე სართულებით<sup>18</sup>. ეს პროცესი, როგორც ზემოთაც გვქონდა აღნიშნული, კარგად წარმოგვიდგება დღესაც ვერისა და ალგეთის სუობებში.

ყოველივე აღნიშნული ხალხური მეთოდებით დასარკვეულ ხილს, ტყიური მდგომარეობიდან მისი ჩამოტანა-გადარგვისა და მოვლის მეშვეობით თავისი განვითარების გზა აქვს გაკლავა. მას ნაწილობრივ დაკარგული აქვს ველური თვისებები და გაკულ-ტურების გარდამავალ პერიოდში გვევლინება. სალხის დაკვირვებით ეკლიანს საკმაოდ ეკარგება ეკალი, ზრდას ისრულებს, ნაყნაყნ იმსხვილებს და კარგ შეფერილობას იღებს. გემოსაც შედარებით იწინდავს და სწორადაც იზრდება. ამის დამადასტურებელია ყოფაში ჩმარებული რიგი ტერმინების არსებობა: „ბაღის მაქალო“, „მსხალა-ბანტა“. „ბაღური შვინდი“, „ბაღური ზღმარტლი“ და სხვა, რომელნიც აშკარად განსხვავდებიან ამავე ველური ჭიმების მოუვლელ სახეობებიდან.

ამასთან დაკავშირებით საყურადღებოა ის გარემოება, რომ აღნიშნული წესებით მიღებული ხეხილის ახალი ან უცნობი ჭიმები აღმ. საქართველოს სინამდვილეში ცნობილია მისი მომშინაურებლის ან გამმრავლებლის სახელწოდებით. მაგ. მაქალოსაგან მიღებული სახეობებიდან აღსანიშნავია ქართლში გავრცელებული ისეთი სახელწოდებები როგორცაა: „სოფოს ვაშლი“, „ილას ვაშლი“, ანუ მაქალო. „გენოს მაქალო“ და სხვა. სადაც ამა თუ იმ ადამიანის სასელი მხოლოდ კუთვნილებას კი არ აღნიშნავს, არამედ გარკვეული ჭიმის ვაშლსაც. ყოფაში ვხვდებით ისეთ მაგალითებსაც, როცა ამა თუ იმ ვაშლის ჭიმი ატარებს სახელს იმ კაცისას ვინც იგი პირველმა მოიტანა და დანერგა ადგილზე, ან ერთ რომელიმე ადგილიდანაა გასენებულ-გამრავლებული. მაგალითად: „კუდიანის კრინკა“, „ვოჯი-აანთ კრინკა“, „ოტორინე“, „ეხხურა“. „ზერტულა“. „მერეთულა“, „ხანდაკურა“ და სხვა. ასევე ითქმის სხვა ხილეულზეც მაგ. ატაში „ბესტავაშვილი“, „ხიდისთაური“, „წედისური“. „გორული“, „ხირსული“ და ა. შ.

<sup>18</sup> П. Виноградов-Никитин, Плодовые и пищевые деревья лесов Закавказья, Ленинград, 1929, გვ. 88—89.

მყნობა. ზემოთ აღნიშნული გვექონდა, რომ ბაყილოს ჩამო-  
ჭანის შემდეგ, თუ ის სათანადო ნაყოფს არ მისცემდა მეურნეს, მა-  
შინ მას იყენებდა საძირედ, რომელზედაც კვირტით ან კალმით სა-  
ურველ ხილს დაამყნიდა. ბაყილოს საძირედ გამოყენება ოდითგან-  
ვე მომდინარეობს, რომელიც ეთნოგრაფიულმა სინამდვილემ დღე-  
ჯანდლამდე შემოგვინახა და სათანადო სამსახური გაუწია მეხილე-  
ობაში აგრო-მეურნეობის განვითარების საქმეს. ახალი ხეხილის გა-  
პოყვანის საქმეში განსაკუთრებული მნიშვნელობა სწორედ ბაყი-  
ლოს თვისებებზეც არის დამოკიდებული, რომელსაც ყოფაში სხვა-  
ორასხვა ზემოთ ხსენებული მიზეზებით ხსნიან.

მყნობის საქმეში ბაყილოს ფართო გამოყენებაზე მიუთითებს  
ეგვესკის ცნობაც რომელიც აღნიშნავს: „საქართველოში ხეხილის  
ქასაშენებლად ტყეში თხრიან ახალგაზრდა ხეებს და რვავენ ჩვეუ-  
ლებრივად. გადარგულ საძირეს დარგვიდან მეორე წელს ამყნიან  
პიწიდან 4-6 ვერშოკის სიმაღლეზე ან 1 1/2 არშინზე“. მისივე ცნო-  
ბით, დამყნას აწარმოებენ აგრეთვე გადაურგავ გარეულ საძირე-  
ზეცო<sup>19</sup>.

ხეხილის გაუმჯობესება-გამოყვანის საქმეში ცნობილია მყნო-  
ბის მრავალგვარი ხერხი, რომელთაც კაცობრიობა ჩვენს ერამდე  
ექვსი ათასი წლის წინათ იყენებდა.<sup>20</sup> მყნობა რომ ცნობილი იყო  
ჯერ კიდევ უძველესი დროიდან კარგად ჩანს რიგი ისტორიული ცნო-  
ბებიდანაც. ბერძენ მწერალს ე. ი. მოლპუსს ათენში და კატონს რომ-  
ში სცოდნიათ და აუწერიათ მყნობის რამდენიმე ხერხი; ხოლო პა-  
რიზის ბოტანიკური ბაღის ყოფილ დირექტორს ტუენს გასული საუ-  
კუნის ოციან წლებში აუწერია ყველა სხვადასხვა წესით მყნობის  
ტერსები, რომელიც ორასზე მეტს შეადგენდა. ყველა ეს მეთოდები  
მას სამ მთავარ ჯგუფად ჰქონია დაყოფილი: მიღებით, კვირტით და  
კალმით<sup>21</sup>.

პლინიუსის ცნობით ჩვ. წ. აღრიცხვის I საუკუნეში იტალიელ-  
მა მებაღეებმა იცოდნენ მყნობის ყველა ხერხი, რომელიც ეხლაც  
გამოიყენება<sup>22</sup>. აღსანიშნავია, რომ ცნობილი რუსი მეცნიერის ჟუკო-  
ვსკის ცნობით ხმელთაშუეთში ელინებზე უფრო ადრე მყნობა,  
სცოდნიათ ბასკებს, რომელთაც უსწავლიათ იბერებისაგან. რადგანაც

<sup>19</sup> В. Геевский, დასახ. შრომა, გვ. 35.

<sup>20</sup> ნ. ხომიჭურაშვილი. ელ. ე რ ის თ ა ე ი. საქართველოს ხილი, თბი-  
ლისი.

<sup>21</sup> Э. О. Рого, Руководство к изучению садоводства и огородни-  
чества. Санкт-Петербург, 1875, გვ. 88.

<sup>22</sup> М. Е. Сергеевко, დასახ. შრომა, გვ. 103.

არის ვარაუდი, რომ ბასკები კავკასიასთან უნდა იყვნენ თავისი წარსულით დაკავშირებულნი, შესაძლებელია მათ იქიდან შეისწავლესო. ხოლო საერთოდ მყნობის სამშობლოდ ავტორი კავკასიას მიიჩნევს<sup>24</sup>.

ქართული წყაროების სიმცირის გამო. როგორც ივ. ჯავახიშვილი აღნიშნავს, XI — XII საუკუნეებში მაინც მყნობა ქართველ სოფლის მეურნეებს უნდა სცოდნოდათ<sup>25</sup>. რაც XII ს. ჯრუჭის ოთხთავის მხატვრობამაც შემოგვინახა. რომელზედაც ვაზის მყნობის პროცესია მოცემული<sup>26</sup>.

ტერმინი „მყნა“ ძველ ქართულში იმავე სახელწოდებითა და ნნიშვნელობით ყოფილა ხმარებული. რომელზედაც სულხან საბა ორბელიანი აღნიშნავდა: „მყნა—სიუა ხეს სხვაზე შეაბას“—ო. ხოლო განსვენებული აკად. ი. ჯავახიშვილი „ყანობის“ მყნობისაგან ნაწარმოებად მიიჩნევს. მისი მტკიცებით მყნობა ძველ ქართულში „დამყნობა“-ს, დამაგრებას უდრის, სადაც წმინდა ნინოს შატბერდისეულ ცხოვრებას იმოწმებს: „დადგა ხარისხსა ზედა თვისსა და დამყნა ხეთა შეუხებლად კაცთაგან“<sup>27</sup>. ამასთან ერთად დასმული საკითხის ირგვლივ ივ. ჯავახიშვილი საყურადღებო გარემოებად მიიჩნევს ისეთ მეგრულ ტერმინებს, როგორცაა: დაყნორი, ჭიმაყონირი, ნახეყარძმა (ნამდვილად ძმად მყნობილი) და დიდაყონირი—დედინაცვალი (ნამდვილად დედამყნობილი) მამაყონირი—მამინაცვალი (ნამრავალად მამადმყნობილი) და სხვა<sup>28</sup>.

საქართველოს ეთნოგრაფიულ სინამდვილეში დამოწმებულია ზეხილის მყნობა-გამრავლების უამრავი ხალხური ხერხები და მეთოდები, რომელთაგან სვენ შევეხებით „ჩხირით“ ანუ „კეწრით“ მყნობის წესს.

გამოცდილმა მებაღემ შემკვიდრობიდან იცის, რომ ბაყილს თავისი ჭურის მიხედვით, უნდა „შეერჩეს“ გასამრავლებლად განკუთვნილი ესა თუ ის ზეხილი. ზეხილი, რომ უეჭველად თავისივე სახეობის ან მონათესავე საძირეზე უნდა დაემყნოს ეს კარგად ჩანს ძველი ხალხური გამოთქმიდანაც:

„შენ ვერ ამყნობ ზესა ზეზე,  
თუ არ არის გვარი მისი“ (მთხრ. ვ. ბესტაეაშვილი).

<sup>24</sup> П. М. Жуковский, Культурные растения и их сородичи, Москва, 1950, стр. 306.

<sup>25</sup> ივ. ჯავახიშვილი, ხელნაწ. ფონდი. № 11, გვ. 34.

<sup>26</sup> ივ. ჯავახიშვილი, საქ. ეკონ. ისტორია, წ. II, გვ. 530.

<sup>27</sup> ივ. ჯავახიშვილი, ხელნაწ. ფონდი. № 11 გვ. 35.

<sup>28</sup> იქვე, გვ. 36.

ვიდრე უშუალოდ მყნობის წესების შესწავლაზე გადავიდოდეთ ბოკლედ გავეცნოთ სამყნელად განკუთვნილი „კეწრის“ შერჩევის, გამოზამთრებისა და შენახვის ხალხურ მეთოდებს.

კეწერი ძველადვე ხის ტოტის წვერის აღმნიშვნელი ტერმინი ყოფილა. რომელიც საბას განმარტებით „ხეთა რტოთა წინა მწუერ-ვალს ნიშნავს“.

დაინტერესებული მეურნე იმის მისეღვით. თუ რომელი ხილი წელიწადის რა დროს საკიროებს მყნობას, წინასწარ შეგულულ ზეზე აჭრის კეწერს. ძირითადად მისი აჭრა წარმოებს ადრე გაზა-ფხულზე ან გვიან შემოდგომაზე. ხოლო გამონაკლის შემთხვევაში ე. ი. როდესაც კეწერი ერთი ადგილიდან მეორე ადგილზე გადატანას არ ოხოტლობს და იქვე უნდა იმყნოს, მაშინ მას აჭრისთანავე დაამყნიან. კეწრის აჭრა ხდება მჭრელი დანით. „წალდუნით“ ან სას-ხლავი მაკრატელით, რომელსაც სათანადო შერჩევა ესაკიროება. ხალხის დაკვირვებით, სანამყენე კეწერი უნდა იყოს დასრულებული „მადლარი“ და „მუშა კვირტის“ მქონე და არა „აწრიოკებული“. ძალიან თამამი, იგი უნდა შეიჭრას ძალიან ფრთხილად, ხის გარეთა და უფრო სამხრეთის მხარეზე, რადგანაც ამგვარი კეწერი ზეს მეტწილად იქ ეზრდება ხოლმე.

ზემთთ აღნიშნული წესების დაცვით შერჩეულ კეწრებს ინახვენ ბნელსა და ნესტიან ადგილებში—სარდაფებში, რომელთაც ცოცხლად შენახვის მიზნით ჩაარკობენ სილამიწაში, ხოლო ჩვეულებრივი მიწის დაყრისას კი დროდადრო წყალს მოასხურებენ. აღსანიშნავია ის გარემოებაც, რომ კეწრის ცოცხლად შენახვის მიზნით ერთი ადგილიდან მეორე ადგილზე გადატანისა და მყნობის პროცესშიაც კი გამოცდილი მეურნე მას თავისივე ნაყოფში ან რაი-ნე ბოსტნეულშიც არკობს—ინახავს.

ეთნოგრაფიული მასალებიდან ირკვევა, რომ კარგი ხეხილის გამოსაზრდელად გარდა საძირის შერჩევა-გამოყვანისა აუცილებელ პირობას კეწრის შერჩევაც წარმოადგენს. ამის გამო მენილები მოსავლის დაჩქარების ან ხეხილისათვის კარგი ზრდა-დასრულებისათვის არჩევენ ე. წ. „ახალსა“ „ძველს“, „თამამსა“ და „მუშა“ კეწრებს. მთხრ. გიგა მიხეილის ძე ჯოხარძის (სიღნაღის რაიონი, სოფ. საქობო, 75 წ, 1959 წ.) სიტყვით „თუ ახალი ნაზარდი—თამამი კერწით დაიმყნობოდა, მაშინ ნამყენი ესე 12-15 წელზე ადრე არ მოგვეცემა მოსავალს, ხოლო ძველი—მუშა კენწრით დამყნოილი 7-10 წლიდან სხმაში შედიოდა“. ხალხის დაკვირვებით უმჯობესია ახალი-თამამი კეწრით მყნობა, რადგანაც ის დიდი ტანის ნამყენი იზრდება და გვიან მოსხმას არა მარტო ფარავს არამედ აჭარბებს კიდევაცო.

ჩვენ მიერ დამოწმებული მყნობის სხვადასხვა ხერხებიდან საქართველოს ეთნოგრაფიულ სინამდვილეში ხეხილის გამრავლება-გაუმჯობესების მიზნით ძირითადად კეწრითა და კვირტით მყნობის წესებს მიმართავდნენ. კეწრით მყნობის ეს ძველი ხალხური წესი საქართველოს რიგ კუთხეებში სხვადასხვა სახელწოდებითაც ცნობილი. მაგ. ქართლში იტყვიან: ჩხირით და კალმით, რაჭაში კინწით. ქიზიყში კაწრით, კალმით, ხოლო საინგილოში და მესხეთში კალმით მყნობას და სხვა. ამასთან აღსანიშნავია, რომ თვითმცდელი მეურნე-მებაღეები მყნობისას სხვადასხვა მეთოდებს იყენებდნენ, რაც სათანადო საგოზავების მრავალფეროვნებაში და შეკვრის თავისებურ წესებში მდგომარეობდა, რაზედაც ჩვენ საგანგებოდ გვექნება საუბარი.

როგორც ცნობილია ხილეულს თავისი თვისებების მიხედვით მყნობისას სათანადო ვადები და დრო გააჩნია. იგი ძირითადად სრულდება შემოდგომა-გაზაფხულობით, თუ გამონაკლისად არ ჩავთვლით ზაფხულობით კვირტით მყნობის წესს, რომელიც თვით ხილის სიმწიფის დროსაც შეიძლება.

კეწრით ანუ ჩხირით მყნობისას საქირთა: სასხლავი ხერხი, დანა, ხის ჩხირი, წვრილი წნელი ან ბაწარი, სუფთა თივა, ხავსი, ტილო ან თელის ქერქი და საგოზავი. მეხილეთა გადმოცემით კეწრით მყნობის ეფექტიურობა იმაშია, რომ ის ნაკლებად ცდება, რადგანაც რამდენიმე ჩხირიდან ერთი მაინც იხარებს და ამავე დროს იოსახერხებელია დიდრონი ხეების დამყნისას.

გარდა იმისა, რომ გამოცდილი მებაღეები ერიდებოდნენ სიციხესა და ავდარში ხეხილის დამყნას, ხალხის დაკვირვებით ნამყენი არ შეიძლება გაკეთდეს ახლად ამოსული მთვარის პერიოდშიც. მათი რწმენით ახალ მთვარეზე დამყნალი ჩხირი ან კვირტი ვერ იხეირებს და კიდევაც რომ იხეიროს შემდგომში მაინც დაჰიანდებაო. ამავე მიზეზის გამო ახალ მთვარეზე თვით სანამყენე კეწრის აჯრასაც იერიდებიან ხოლმე.

უნდა აღინიშნოს, რომ მყნობის ან ჩხირის აჯრის პერიოდში მთვარეზე დაკვირვებას მებაღეები ოდითგანვე მიმართავდნენ, რომლის პარალელურად ძველი იტალიელი მებაღეების ცოდნა-გამოცდილებაშიც ეპოულობთ. მაგ. კატონის ცნობით გამონაკლის შემთხვევაში «Следует прививать в поволауние после полулуия, когда нет южного ветра»<sup>28</sup>.

<sup>28</sup> Катон, Варрон, Колумелла, Плиний, О сельском хозяйстве, Москва, 1957, стр. 114.

როდესაც ყოფაში დიდრონი საძირის დამყნა სურდათ პირველ რიგში მას ტოტებს გადაუკაფავდნენ, ხოლო შემდეგ სათანადო ადგილას „მომორავდნენ“ ან მსხვილი ტოტების გადაკაფულ ადგილას დასამყნობად გაამზადებდნენ. მეხილეთა გადმოცემით, მსხვილი ტოტების გადაუკაფავად გადახერხვა მიუღებელია, რადგანაც მთლიანად მოხერხვამდე გადავარდება და ნაწიბურს გაიყოლებს—ჩამოიხლიჩება. ხოლო მაჯის სიმსხომდე საძირეს კი ჩვეულებრივად გადახერხავდნენ, რომელსაც მკრელი დანით პირს კარგად მოუსუფთავენ. აღსანიშნავია, რომ დიდრონი ხის „წელზე“ მყნობა არ შეიძლება, რადგანაც ქერქი გახვეებული აქვს მყნობაც ძნელია და ძნელადაც გვარობს. ამის გამო ყოფაში დიდრონი ხეებზე ნამყენის გაკეთებისას რჩეობენ დატოტვილი ადგილიდან მტკაველ-მტკაველ ნახევარი სიმაღლით გადაკაფვასა და დამყნობას. ამ შემთხვევაში ნამყენს რამდენიმე ტოტზე აკეთებენ და იმის მიხედვით თუ ის რა სიმსხოსია, იმდენსავე ჩხირს დაამყნიან. დაკვირვებიდან იცინა, რომ ჩხირით მყნობისას უმჯობესია „თითის“ ან „მაჯის სიმსხო“ საძინე, რადგანაც ის ადვილად „იღუღებს“ დამყნობისას უფრო ღონივრად იზრდება და არ „ინაკება“-ო. სასურველი ხის გადაკაფვა-მომორვის შემდეგ მას მკრელი დანით შემოასუფთავენ, აიღებენ წინასწარ გათლილ ჩხირს, რომელიც უმჯობესია იყოს სპელი შინდის ხისა და ურთხილად ჩაატარებენ ქერქსა და გულს შუა. იმის გამო, რომ ჩხირ-ჩა არ გახეთქოს ან „ქერცლი“ არ „ჩახვეტოს“, მას უკეთებენ წამახვილებულ წვერს, რომელიც ბრტყელ ფორმას იღებს, ხოლო იმისათვის, რომ ჩხირი ზომავზე ჩაერქოს გათლისას თავისივე „ყბას“ დაუტოვენ, რომელიც მომორილს ეყრდნობა ხოლმე.

მთხრობელთა გადმოცემით „ჩხირი მძიმე-მძიმეთ უნდა ჩაერქოს, რათა ქერქსა და გულს შუა არსებული ქერცლი ანუ „პერანგი“, (როგორც მას ხშირად უწოდებენ ხოლმე) არ ჩაიხვეტოს ქერცლის ჩახვეტვა“ მათი აზრით, იწვევს ჰაერის ჩადგომას, გაშავებას და ცუდად შედუღებას, რომელსაც ხშირად ჰიაც უჩნდება ხოლმეო. ამის გამო სამყნობ ხელსაწყოს—ჩხირს ისე გათლიდნენ, რომ ყბის მხარეს ბრტყელი, ხოლო გარედან ოვალური ფორმა ჰქონებოდა მიცეძული. აღნიშნული ჩხირის საერთო სიმსხო ძირითადად ერთია, რადგანაც როგორც მსხვილს, ისე წვრილ საძირეზე თითქმის ერთნაირი კეწრების დამყნობას აწარმოებდნენ, რის გამოც ყოფაში მოხელე სპეციალისტებს, რომელთა პროფესიად მყნობა აურჩევიათ, ძვლის რუდმივი ჩხირებიც ჰქონიათ დამუშავებული.

როგორც ზემოთ აღნიშნულიდან ირკვევა, კეწრით მყნობისას აღნიშნულ ჩხირს განსაკუთრებული როლი უნდა სჭეროდა, რის გა-

როც ყოფაში გავრცელებული ტერმინი „ჩხირით მყნობა“ შესაძლებელია მისგან იყოს ნაწარმოები.

ამრიგად, სათანადოდ გამზადებულ საძიარეში ჩარკობილ ჩხირს მანამდე იმავე ფორმით გამოთლილ კეწერს არ დაამზადებენ, შიგ ჩატოვებენ, რომლის ამოღების შემდეგ კიდევ უფრო მეტი სიფრთხილით ორ-სამ კვირტზე დაყენებულ კეწერს ჩაურჭობენ. მთხრობელთა ერთი ნაწილის მტკიცებით „წინწინ ჩარკობა კეწრის გასაკვლევად საზიანოა, რადგანაც კეწრის გამზადებამდე შიგ ჰაერი ხვდება—შრება და შედუღებას აძნელებს, ამის გამო კეწრის გამზადება და ჩხირით გაკვლევა ერთდროულად სჯობიან“-ო.

როგორც ჩხირის გამოთლა-ჩარკობა ისევე თვით კეწრების შერჩევა-გამზადებას ყოფაში სხვადასხვაგვარად მიმართავენ. მაგ. ზოგიერთი მეხილე სამყნობელად განკუთვნილ კეწერს უტოვებს ერთ კვირტს, ხოლო ნაწილი ორსა და სამსაც კი. მთხრ. ვანო გაბრიელის ძე წიკლაურის (81 წ. სოფ. ზირბითი, თეთრი წყაროს რ-ნი, 1961 წ.) გადმოცემით კეწერს, როდესაც ერთ კვირტს უტოვებთ ის მალეც ხეირობს და თამამიც იზრდება, ხოლო რამდენიმე კვირტის მქონე კი ინაკება-იჩაგრება ხოლმეო. მისივე აზრით „რამოდენიმე კვირტის დატოვება მხოლოდ იმ შემთხვევაშია კარგი, როცა ერთის გაცდენისას მეორე მაინც იხეირებს, ხოლო თუ ყველამ იხეირა დროულად უნდა გადავკრათ და ერთი ან ორი დაუტოვოთ“-ო. სწორედ ამავე მნიშვნელობით აკეთებენ თვითეულ საძიარეზე რამდენიმე ჩხირსაც, სადაც საბოლოოდ ტოვებენ ერთ ან ორ კეწერს.

განსხვავებული ხერხებით ამზადებდნენ აგრეთვე კეწრის თვით წამახვილებულ ნაწილს, რომელსაც ნაწილი მოხელეებისა ყბას უკეთებდა, ნაწილი გეზად ჩაუთლიდა და ისე ჩაურჭობდა. ისევე როგორც მის გარეთა ქერქს ზოგი აცლის და მხოლოდ „გინგლს“ იგივე ქერქლს ანუ „პერანგს“ უტოვებს, ზოგი მთლიანად აშიშვლებს ან სრულებითაც არ აცლის კანს და ა. შ. ჩვენს ხელთ არსებული ენთოგრაფიული მასალები გვიჩვენებენ. რომ ზემოთ აღნიშნული ხერხებიდან ყოფაში ძირითადად კეწერზე ზემოთა კანის გადაცლისა და გინგლის დატოვების მყნობის წესს მიმართავდნენ.

აღსანიშნავია, რომ კეწრის გამზადებისას მოხელე ყურადღებას აქცევს ქვედა კვირტის მდებარეობას. რომელიც სათანადო სიმაღლეზე და გარეთა მხარეზე უნდა იყოს მოქცეული. იმ შემთხვევაში, როდესაც საძიარე წვრილია და ჩხირის ჩატარებისას საშიშია ქერქის გასკდომა, მაშინ მას შუაზე გააპობენ. შიგ ორივე მხრიდან ყბაგაკეთებული 1 ან 2 კეწერს ჩაურჭობენ და საგოზავის

წაცხების შემდეგ კარგა მაგრად შეკრავენ. აღნიშნულ წესს ყოფაში გაპობით მყნობასაც უწოდებენ.

მთხრ. მიხა სოლომონის ძე ბეგიაშვილის (სიღნაღის ო-ნის სოფ. ძვ. ანაგა, 1959 წ.) გადმოცემით „მყნობა ორ ჯურად ხდება ტოტით იკრევე კაწრითა და კვირტითა. ტოტსა რამწავ გამაანდება კვირტი უკვე ვიგებთ რო მოძრაობს, მაშინ მოვკრიოთ, მიწაში შავინახავთ ესე ერთ-ორ კვირას, რაკი მაშინვე რო ვამყნოთ დაძრება-დაშრება. ბემრე როცა კარგა ჩაუდგება წყალი ე. ი. ლობოს რომ გაიკეთებს მაშინ ვამყნით კიდევაც. სამყნობი კინწერი რომ ადრევე არ მოვკრათ იმათაც ვგრევე გამეწევა კვირტი და აღარ იხეირებს. ამის მერე ქერქსა და გულს გაუპობთ საძირესა, სამყნელი ჩხირით გავფეჩამთ, გათლილ ტოტს-კინწირს ჩავდებთ და ან სანთელს წაუსვამთ ან აყალო ლაფს. ამის მერე შეეახვევთ მხვრითა და ზემოდან წნელ შემოუჭერთ, რომ სიცხემა და წვიმამ არ შიაწუხოს. ორი კვირის შემდეგ შეეტყობა, თუ კვირტი დაიძრა ნახარებია თუ არა და ძიენ ძნელად რო მერე გამოიტანოს“. მისივე გადმოცემით „გახეჩვით“ მყნობისას: ე. ი. როდესაც პატარა-წვრილი საძირეა, მაშინ მას ჯერ დანით დაუმჩნევენ პირს, შემდეგ ხმელი ხის სოლით გაფეჩავენ-გააპობენ აქეთ-იქით ე. ი. ნაპირებში თითო კეწერს ჩაურკობენ. მერე სოლს ამოიღებენ, ტოტები შიგ დარჩება და ესეც ისევე გადაიხურება—შეიკვრება და მიწით ამოივსება.

ჩხირით მყნობის წესის შესრულებისას განსაკუთრებულ მნიშვნელობას ანიჭებდნენ სათანადო საგოზავეების გამზადება-წაცხებას. საგოზავებად განსაკუთრებით გამოიყენებოდა სარო ბალახის ძირისაგან გამოწადენი ე. წ. „ლაბა“-წვენი, საქონლის უმარილო ქონი, ფუტკრის სანთელი, ზეთი, საქონლის ნაკელი, თიხა ან აყალო მიწა, ზალახნარევი მიწა და სხვა. აღსანიშნავია, რომ ბევრი მათგანის: ტალახის, ქვიშისა და ძროხის განაულის გამოყენებას მყნობის დროს უძველესი დროიდანვე მიმართავდნენ<sup>29</sup>.

როგორც მთხრობელები გადმოგვცემენ, მყნობისას საგოზავეების გამოყენება აუცილებელი პირობათაგანია, რადგანაც ის ხელს უწყობს შედუღების პროცესს—არ უშვებს სიცხეს, „ავდარსა“ და სხვა. როგორც მთხ. გაბრო გიორგის ძე წიკლაური (ს. ძვ. ზირბითი, თეთრი წყაროს რაიონი, 1951 წ.) გადმოგვცემს „ნამყენს უფრო ვაკუთებლით კალამით ე. ი. კეწრით, რომლის მყნობისას უეჭველი ცყო ფუტკრის სანთლის, ძროხის ქონისა და ზეთის ნარევი, ზოლო

<sup>29</sup> იხ. Катон, Варрон, Колумелла, Плиний, დასახ. შრომა,

წმინდეგ საქონლის ნეხვი. სანთელი ამაგრებს, რომ ქონი არ დადნეს, ზეთი სირბილეს აძლევს, რომ არ დასკდეს არც ქონი და არც სანთელი და არ ჩამოცვივდეს. როდესაც საგოზავს ვაკეთებთ ერთი წილი სანთელი, ერთი წილი ქონი და ნახევარი წილი ზეთი უნდა აირიოს ერთმანეთში და აზელილი შემოედოს. საგოზავის შემოდების მერე იმის გამო, რომ ჩიტებმა და თაგვმა არ შექამოს ნაჭერს შეიშოვადებთ და ნეხვს ან იგრე მიწას ჩავაყრით, თუ არა და უამისოდაც, როგორი ამინდოც არ უნდა დაუდგეს არ ჩამოცვივა“. მისივე აზრით ჩვარის შემოსევით და შიგ მიწის ჩაყრით ნამყენი კიდევ უფრო გრილდება და კარგად ხარობს.

ქარგი, ლამაზი ნამყენის გამოყვანა მეურნეებს სასახლოდ მიაჩნდათ, რომელსაც ხალხი ქალის ტანის სილამაზის გამოსახატავდაც კი იყენებდა:

„თანადა ჰგევხარ ნამყენსა,  
შუქი გაქვს ნათელ-მხისაო.  
აჲა, შენ ქალო ლამაზო.  
ამოსულს ალვის ხისაო“<sup>30</sup>

გ ა დ ა წ ვ ე ნ ა. გადაწვევის წესით, როგორც ცნობილია, ძირითადად ამრავლებენ შემდეგი ჯურის ხილეულს: ლედვს, ბროწეულს, ჯახს, ხუნწს, ხურტკმელს, თხილს, ჯონჯოლსა და სხვა. თუმცა გამოხატვისად ვხვდებით თითქმის ყოველგვარი ხილეულის აღნიშნული წესით გამრავლების ცდებსაც მაგ. მსხლის, ვაშლის, ატმის, ქერმის, ტყემლის, ქლიავის, კომშისა და სხვათა გადაწვენასაც.

გადაწვევის ანუ გადაწიდვის წესით ხეხილის გამრავლება ქართველ მეზღვე-მევენახეებს ძველთაგანვე უნდა სცოდნოდათ. ტერმინი წიღნა საბა ორბელიანის განმარტებით ვენახის გარდაფვლას ნიშნავს.

ძველთაგანვე იმ ვაზს, რომლის ტოტსაც გადაწვევდნენ ხოლმე, დედა ვაზი ერქვა და ჰქვია ეხლაც, გადაწვევილს კი წიღნა<sup>31</sup>. ეს ძველი ქართული ტერმინები — „წიღნა“ და „დედა-ვაზი“ ჩრდილო კავკასიის ხალხებშიც გვხვდება, რომლებიც ქართულიდანაა გადასული „ზიღნა“-ს და „ანავაზი“-ს სახელწოდებით. რადგანაც „ანა“ ჩვენურად დედას ქვია მაშასადამე სიტყვა „ანავაზი“ დედა-ვაზს წარმოადგენს<sup>32</sup>. რაკი ძველი მევენახეობის ირგვლივ არსებული ისტორიული მასალები მეტყველებს ქართველი ხალხის დიდ სამეურ-

<sup>30</sup> თ ა მ ა რ ო ყ რ ო შ ი ძ ე. შრომის სინდერები. თბილისი. 1961. გვ. 184.

<sup>31</sup> ივ. ჯ ა ვ ა ხ ი შ ვ ი ლ ი, დასახ. უკრძა. წ. II. გვ. 621.

<sup>32</sup> ე. ს ი ჭ ი ნ ა ე ა, მასალები მევენახეობისა და მეღვინეობის ისტორიისათვის საქართველოში. თბილისი. 1960 გვ. 128.

ნეო ცოდნა-გამოცდილებაზე. სადაც მის გასამრავლებლად სხვადასხვა ხერხებთან ერთად ძირითადად გადაწვევის წესიც იქნებოდა ცნობილი, ცხადია ამ ცოდნა-გამოცდილებას სხვა ხილულის გამოწველების საქმეშიც გარკვეული როლი უნდა ეთამამა.

საქართველოს ეთნოგრაფიულ ყოფაში გადასაწვენათ განკუთვნილ მცენარეს, რომლისთვისაც ეს მოხერხებული იყო. ერთი-ორი წლით ადრე აჩეხავდნენ, რათა თამამი და საკმაო რაოდენობის „ამონახეტი“ გამოეტანა. ამ მიზნით ბუჩქოვანისა და წახევრად ბუჩქოვანის სეზონის ხეების გადაკაფვის შემდეგ ზემოდან ბელტებსაც მიაყრიდნენ. რომ მზეს არ „დაეწვა“ და „თამამი“—ბლომად ამონახეტი გამოეტანა და ხეც ფესვებით ვალონიერებულყო.

მთხრობელთა დაკვირვებით გადაწვევის წესით ხეხილის გამოწვევა წესიერად ყოველ დროს შეიძლება. მაგრამ ყველაზე ეფექტურია გაზაფხულზე. ასე, რომ შემოდგომაზე გადაწვენილ ნერგს ზამთრის სიცივე აშინებს და გაზაფხულამდე ფესვის გაკეთებას სულ ერთია ვერ დაიწყებსო.

გადასაწვენად ურჩევენ კარგად მოსულ—თამამსა და ჭანსად ყლორტს, რომელსაც მოხერხებული მხრიდან უნდა გასთხროდა 4-5 მეტრეული სიღრმის კვალი. რომლის სიგრძე ნაზარდის სიდიდეზე იყო დაშორებული. გადასაწვენ ანუ გადასაწილნავ ტოტს ფრთხილად დაწვენდნენ. ხის პატარა კანების ჩარკობით დაამაგრებდნენ, ზემოდან ოდნავ პატივარევე ფხვიერ მიწას მიაყრიდნენ და კარგად დასტკეპნიდნენ. ამგვარ წილნას გადაწვენიდან მეორე-მესამე წლის გაზაფხულზე დედას ჩაუტკიან-მოაშორებენ და იმავე ან მეორე წელს სასურველ ადგილას გადარგავენ. როგორც ეთნოგრაფიული მასალებიდან ჩანს ხეხილის უფრო სწრაფად გამრავლების მიზნით, ყოფაში ერთი დიდი ტოტის დაწვევით ერთდროულად რამდენიმე ნარგავსაც ღებულობდნენ. ჩვენ მიერ დამოწმებული მაგალითებიდან აღსანიშნავია ფერდობ ადგილებზე ხეხილის აღნიშნული წესით გამოწველების ცდები. რაც შემდეგში მდგომარეობდა: ფერდობ ადგილებზე. სადაც დიდრონი ტოტის დაწვენა შედარებით იოლად ხერხდება. რასაც ხელს უწყობს აღმართის მხრიდან ტოტების მიწასთან სიახლოვე და ბევრჯერ ბუნებრივად ტოტების მიწაზე „გართხნა“, ხალხი ასეთ ადგილებში შედარებით იოლად ამრავლებდა სასურველ ხეხილს. იმ შემთხვევაში, თუ ვაკე ადგილზე სურდათ ხეხილის დაწვენა. მაშინ სათანადო ტოტი ძირში ოდნავ ჩაქრას თხოულობდა. რათა უფრო „მოქნილად“ დაწოლილიყო. ამის გამო გადასაწვენ ტოტს ურჩევენ შედარებით დაზიანებულსა და ქვემოთა მხრიდან ნაზარდს. სათანადო ტოტის შერჩევის შემდეგ მის დასწვ-

რივ მებაღე ერთიან ორმოს მოთხრიდა და პატარ-პატარა ყლორტებს ერთმანეთისაგან გაშლილი წესით დაამაგრებდა. იმ შემთხვევაში, როდესაც სათანადო ყლორტები ერთმანეთთან ახლოს იქნებოდნენ დატოტვილი, მაშინ მათ ძირში გააპობდნენ და ამ წესით ტოტებს ერთმანეთისაგან დააცალცალკეებდნენ.

ისევე, როგორც ვაზის გადაწვევისას ლერწს სარი ესაპიროებოდა, აქაც დაწვენილი ხეხილის ტოტის კენწეროს სარს მიუღდამდნენ და ზედ აკვრით გაასწორებდნენ. აღნიშნული წესით ხერხდებოდა ე. წ. პატარა „სანერგის“ მოწყობა, სადაც ერთდროულად 15-20-მდე ნარგავს ლებულობდნენ, როგორც შინაური ისე ველური ხეხილიდან.

აღსანიშნავია ის გარემოება, რომ გადაწვევის დროს ყოფაში რღიოთგანვე დამკვიდრებული და დღევანდლამდე შემორჩენილი წიღნისადმი ხელოვნურად ქრილობის მიყენება სასარგებლოდ არის მიჩნეული, რომელსაც მებაღეები განსხვავებული ხერხებით აწარმოებდნენ. მებაღეთა ერთი ნაწილი, როგორც აღნიშნული გვქონდა. შთავარი ტოტის დაწვევისას ძირში ნახევრობით ჩაქრის წესს იყენებდნენ, მეორენი თვით პატარა ყლორტზე ქვემოთა მხრიდან კანის ცლით კმაყოფილდებოდნენ. ხოლო დანარჩენნი მისი შუაზე გაოზითა და შიგ პატარა ხხირის ჩადებით ან მიწის ჩატენვის წესით აწვენდნენ და ისე ამრავლებდნენ სასურველ ნერგებს. მოხრობელთა გადმოცემით წიღნის ამგვარი გაღიზიანება აჩქარებს ფესვების გამოტანას და შედარებით ადრე ხერხდება მისი ჩაქრა-გადარგვა. გადაწვევის შედარებით ეს რთული ხერხები ყოფაში გამოიყენებოდა უმეტესად ისეთი ხეხილის გამრავლების საქმეში. რომელიც ადვილად ვერ იტანდა წიღნას (ვაშლი, მსხალი, კომში, ბალი და სხვა). სოლო ადვილად გასამრავლებელი ხეხილის დაწიღვნისას არსებობდა ისეთი შედარებით მარტივი წესები. როგორც იყო. ორმოს გაუოხრელად წიღნაზე ბელტის დაწყობა, დიდრონი ქვის დადება და სხვა.

მოხრობელთა გადმოცემით გადაწვევის წესით გამრავლებული ხეხილი ზუსტად დედის თვისებებს ინარჩუნებს და ძალიან ძნელად სცდება, იგი ადრე იძლევა მოსავალს, თუმცა დიდტანოვანი და გამძლე ხე არ იცის ხოლმეო (ვლადიმერ სოლომონის ძე ნადირაძე 79 წ. სოფ. ვალე, ახალციხის რ-ნი 1961 წ.). ამ მიზნით გამოცდილი მუხილეები ცდილობდნენ, რომ გადაწიღვნა რამდენადაც შესაძლებელი იყო იმდენად ღრმად ეწარმოებინათ. მოხრო. გენო ლუარსაბის ძე ნიქლაძის (სოფ. ტყვიავი, გორის რ-ნი, 1957 წ.) გადმოცემით—გადა-

წვენიტ გამრავლება განსაკუთრებით უხდება ვაზს, ხომანდულს, ლელვს, ჭონჯოლს, მოცხარს, ხურტკმელსა და სხვა, რადგანაც ისინი ბუჩქებივით იზრდებიან და ფესვებსაც მალე იღებენო. გარდა ზემოთ აღნიშნულისა ეთნოგრაფიულ სინამდვილეში ეხვდებით ვაშლის, მსხლისა და სხვა ხილეულის გადაწვევის ისეთ წესს, რომელსაც „ნამხრეულის წიდნას“ უწოდებენ (ნამხრეული ხის ძირზე გამოტანილ ნორჩ ყლორტებს ეწოდება). ნამხრეულს თითქმის ყველა ხეები იკეთებენ, რომელთაც მეურნე-მებაღეები საჭიროებისას გადასაწვენად იყენებდნენ.

ტოტებით გამრავლება ანუ, როგორც მას ლერწით გამრავლებასაც უწოდებენ ქართველ მეურნეებს ოდითგანვე უნდა სცოდნოდათ, როგორც ყველაზე ხელმისაწვდომი ხერხი.

ისტორიული ძვრების პერიოდში მოსახლეობის აყრისა და ერთი ადგილიდან მეორეზე გადასვლისას, რომელთაც ხშირად უნაყოფო ველებზეც უხდებოდათ დასახლება, რა თქმა უნდა, მათ თან ჰიპოქონდათ ხეხილის გასაშენებელი მასალაც: თესლი, ნერგი, ლერწი და სხვა. ამ მხრივ საყურადღებო ცნობას ვპოულობთ ირანის ისტორიაში, რომელიც ქართლ-კახეთსაც შეეხება. როგორც ცნობილია, 1614—1625 წწ. კახეთში და ქართლში შემოსევების დროს შაჰ-აბასმა 100.000-ზე მეტი ქართველი ტყვე გადაასახლა ირანში, იქ სადაც უნაყოფო ველები იყო—შირაზის ოლქში. ასეთი ავბედობის დროსაც კი ქართველ მეურნეებს არ დავიწყებიათ თავიანთ მეურნეობაზე იზრუნველობა და თან წაუღიათ ქართული ვაზის ნერგები და შირაზის ოლქში შემოუღიათ და განუვითარებიათ მევენახეობა. დასახლების ადგილის მიხედვით მისთვის „შირაზული“ ვაზი დაურქმევიათ, საიდანაც ღვინო „შირაზული“ დაუყენებიათ, რომელიც საუკეთესოდ ითვლებოდა მაშინდელ ირანში და დიდი რაოდენობით იგზავნებოდა აზიისა და ევროპის ქვეყნებში<sup>33</sup>.

იმას გამო, რომ ვაზი ძირითადად როგორც ძველად ისე ეხლაც ყოფაში ლერწით მრავლდება, საფიქრებელია, რომ მოსახლეობას სათანადო ლერწის წაღება უფრო არ გაუძნელდებოდა ვიდრე ნერგისა, რომელიც განსაკუთრებულ სიფრთხილესა და მზრუნველობას თხოულობდა.

ლერწით გამრავლება, რომ კაცობრიობისათვის უძველესი დროიდანვე ყოფილა ცნობილი ეს კარგად ჩანს იტალიური მწერლობიდანაც, სადაც ბაღებს სხვა საშუალებებთან ერთად ამრავლებ-

<sup>33</sup> ვ. სიკინავა, დასახ. შრომა, გვ. 113.

დნენ: გადაწვენიო, ლერწიოა და თესლით, იტალიაში ისევე, როგორც საქ. ეთნოგრაფიულ სინამდვილეში ძველი მებაღეები დაწვენიდან მეორე წელს წიღნას დედას აპრიდნენ და სათანადო ადგილზე რგავდნენ. ხოლო ლერწით გამრავლებისას თითის სიმსხო ტოტებს კვირტთან ახლოს 4-5 ვერშოკის სიგრძისას სპრიან და ერთი არ კვირას წყალში ამყოფებენ<sup>21</sup>.

ხალხის დაკვირვებით ლერწის დამზადებისას, რომელსაც მარტ-აპრილის თვეებში აწარმოებენ, უმჯობესია, რომ აპრის დროს ძველი ნაზარდის ნაწილი ანუ „მუხლი“ გაყვეს. რადგანაც მათ გამოცდილებიდან იციან, რომ ლერწი უმეტესად სწორედ იმ ადგილიდან იღებს ფესვებს და საკმაოდ ბევრსაც. ლერწის დამზადებას მებაღეები შემოდგომის პერიოდშიც მიმართავენ, რომელსაც საგანგებოდ გრილსა და ნესტიან ადგილას ინახავენ. ლერწის კარგად დახარების მიზნით გაზაფხულის პირიდან ერთი-ორი კვირის განმავლობაში წყალში ან ნესტიან ქვიშაში ამყოფებენ და კვირტი როცა დაეძვრის მაშინ იწყებენ მის გაშენება-ჩაყრას. აღნიშნული წესით შენახული ლერწი ადვილად ხარობს, რადგანაც ის მებაღეთა დაკვირვებით ლობოს ადრე იკეთებს და ამავე დროს კვირტის აკვარგიანობას იმჩნევსო. გამოზამთრებული ლერწი, რომელიც სინესტის ასაღებად ძირითადად კონებად შეკრული წესით ინახებოდა დამზადების პერიოდშივე ისხელებოდა. მისი სიმსხო უმჯობესია, რომ ცერა თითს არ აღემატებოდეს, რადგანაც ხალხის დაკვირვებით მსხვილ ლერწს ნაკლებად აქვს დახარების უნარიო, ხოლო სიგრძით ნახევარ მეტრს არ უნდა სცდებოდეს, რაც გასამრავლებელი ბეხილის თავისებურებაზეც არის დამოკიდებული.

ისევე როგორც ხეხილის გამრავლების სხვა შემთხვევებშიაც ლერწის ჩასაყრელად განკუთვნილი ნიადაგი კარგად უნდა იყოს გაფხვიერებული, რათა ჩარქობისას კანი არ „ჩაეცვლიწოს“-ვასძვირეს. ამ მიზნით, იმ ადგილას, სადაც ლერწი უნდა ჩაერქოს ჭერ წერილ პალოს—ჯოხს ჩატარებენ და შემდეგ ლერწს, რომელსაც მაგრად მოუტკეპნიან მიწას, ლერწის ჩარგვისას მიწის ზემოთ ერთი მესამედის სიმაღლეს ტოვებენ, რომელსაც სიფრთხილისათვის სარს უდგამენ ახლად ჩაყრილ ლერწს მალ-მალე სთოხნიან და რწყავენ: რომელიც მეორე-მესამე წლიდან კიდევაც გადაიარგვის ხოლმე.

ეთნოგრაფიულ სინამდვილეში ლერწით ძირითადად ამრავლებენ: ვაზს, გარეულ ხილს (ფშატს, კუნელს, ხურტკმელსა და სხვა),

<sup>21</sup> М. Е. Сергеевко, დასახლებული შრომა, გვ. 93.

რომელთაც განსაკუთრებით ფართოდ იყენებენ ცოცხალი ღობ-სა და საჩეხი კალების გაშენების საქმეში.

ფესვის ბარტყობა მეტნაკლებად თითქმის ხეხილის ყველა ჯურს ახასიათებს, რომელიც ხელს უწყობს მის შემდგომ გამრავლებას. მეხილეთა გადმოცემით ნაბარტყი განსაკუთრებით იცის ნაკლებად ნამუშევარ ნიადაგის წვრილმა და გარეულმა ხილმა, რადგანაც მათ ფესვები შედარებით ზევით-ზევით უნვითარდებათ ხოლმეო.

ნაბარტყის ამოღებას ყოფაში დიდი სიფრთხილით ეკიდებიან, რადგანაც მათ ფესვები შედარებით ზევით-ზევით უნვითარდებათ განვითარებული. ამის გამო მისი ძალით ამოგლეჯა მიუღებელია. საზოგადოდ გაკულტურებული ხეხილის ნაბარტყი მისი დედის პირვანდელი-ველური თვისებისა იზრდება, რომელზედაც შემდეგში სასურველ ჯიშს დაამყნიან.

ცნობილია, რომ ბარტყობა განსაკუთრებით ნაკლებად იცის ისეთმა ხეხილმა, როგორიცაა მაგ. ვაშლი, მსხალი, თუთა და სხვა. ზაგრამ საკითხთან დაკავშირებით უნდა აღინიშნოს ერთი გარემოება, რომელიც მეცნიერებმა 1960 წ. აღმოაჩინეს. ტიანშანის მთაში უზსუქმა მეცნიერებმა აღმოაჩინეს ვაშლის ხეების ტყე. ყველა ხეხილს უხვად ესხა ერთფერი ვაშლი. შესწავლის შემდეგ გამოირკვა, რომ ტყე 600 ვაშლის ხისაგან შედგებოდა და ყველა მათგანი აღმოცენებული იყო ერთი განშტოებული ძირის ფესვებზე<sup>35</sup>.

ფესვდაყოფა. ფესვდაყოფით ყოფაში ძირითადად ამრავლებენ ისეთი ჯურის ხილეულს, რომელთაც უმეტესად ბუჩქოვანობაში ახასიათებთ: ხომანდული, ხურტკმელი, მოცხარი, ყოლი, ბროწეული, ლეღვი, თხილი, კოწახური და სხვა, ისე რომ ყველა ბუჩქოვან ხილს ცალცალკე ლერწებად არჩევენ და მთხრობელთა სიტყვით „საკმარისია 1-2 ძაფივით ფესვი ამოყვეს და უკვე კარგად ხეირობს“-ო.

თესლთესვა, როგორც აღნიშნული გვქონდა ხილეულს მრავალგვარი ხერხებით ამრავლებენ, სადაც განსაკუთრებულ ყურადღებას აქცევენ თესლთესვის წესს.

როგორც ეთნოგრაფიული მასალები გვიჩვენებს, საქართველოს მდიდარი ბუნებრივი ნერგების გვერდით ახალი ხილის გამოყვანისათვის გამოცდილი მეხილეები ფართოდ მისდევდნენ თესლთესვის წესსაც. ყველაზე ძვირფასი საწერგე მასალა, რომელსაც დღევანდელ

<sup>35</sup> ქუთაისის გაზეთი, 1960, 5 იანვარი.

აგროტექნიკაში დიდი მნიშვნელობა აქვს ახალი ხეხილის გამოყვანის საქმეში. სწორედ თესლთესვის გზით ხდება. რომელიც ქართველ მიწა-მოქმედთ ოდითგანვე უნდა სცოდნოდათ.

საქართველოს სინამდვილეში შემორჩენილი თესლის დამზადებისა და თესვის მდიდარი გამოცდილებანი სწორედ მის დიდ წარსულზე მიგვიბრუნებს.

როგორც ცნობილია. ყოველგვარი ხილეულის სათესლე ნაყო-კარგად უნდა იყოს შემოსული. რომელსაც ყოფაში სხვადასხვა მნიშვნელობა და მათ შორის „დაბრაწვით“ ამჩნევენ. თვით სათესლე მასალის მოპოვებას სხვადასხვა ხალხური მეთოდებით აწარმოებდნენ. რომელთაგან ჩვენ განვიხილავთ „დაჩეჩქვის“, „დაჩირვის“, „დაქაჩვისა“ და „დალბობის“ წესებს.

და ჩეჩქვით თესლის გამოღებისას კარგად შემოსულ თეს-ლოვან ხილეულს ხის ვარცლში ჩაყრიან და ხის ზედათ ან ბრტყე-ლი ქვით დახეთქავენ-დაჩეჩქავენ. დაჩეჩქვილს ზევით-ზევით „აჩე-ჩჩავენ“—აიღებენ და საარაყედ ჩაყრიან. ხოლო გამორჩეულ თესლს ცბაში გაატარებენ და სიგრილეზე გააშრობენ.

და ჩირვით თესლის გამოღება ბუნებრივად ხდება. რადგან-ნაც ჩირის დამზადება-დათლის დროს, როდესაც გულს გამოაჭრი-ან თან მისდევს თესლიც. რომელსაც შექცნობის შემდეგ გამოფშვნი-დნენ ხოლმე. ისევე როგორც თესლის დამზადების სხვა შემთხვე-ვებშიც სათესლე ხილს თავდაპირველად აქაც ცალკე გადაარჩევდ-ნენ მისი შემოსულობისა თუ ჯიშის მიხედვით და მისგან გამოლე-ბულ თესლს განცალკევებით ინახავდნენ.

და ქაჩვით თესლის დამზადებას როგორც ჩვენი მასალები-დან ირკვევა აწარმოებდნენ სპეციალური ხილის საწური საქაჩავე-ბით. რომელსაც შემდგომ ბელით გამოფშვნიდნენ და ისე გააშრობ-დნენ. ამგვარი ხილის საწური საქაჩავები, რომელნიც თავის დროზე ყოფისათვის საკმაოდ უნდა ყოფილიყო დამახასიათებელი. ჩვენ მი-ერ დამოწმებულია გორის რაიონის სოფ. ტირძნისში და ახალციხის რაიონის სოფ. უდესა და ვალეში. როგორც სათანადო აღწერილო-ბებიდან და მთხრობელთა გადმოცემებით დგინდება. აღნიშნული სა-ქაჩავები ძირითადად ყურძნის ქაქის საქაჩავების პრინციპზეა აგე-ბული. რომელსაც, როგორც ცნობილია. ქართველი ძეურნეება უძველესი დროიდანვე იყენებდნენ.

საქართველოს სახელმწიფო მუზეუმის ხის ფონდში დაცულია ერთი ასეთი საქაჩავის ტიპი. რომელსაც სამეგრელოში „ხილში ოწერალი“ ეწოდებოდა და უნდა აღინიშნოს. რომ ის შედარებით განსხვავებული ფორმითაც წარმოგიდგება (№ 51—39/51). იგი წარ-

მოადგენს ხის ბრტყელ ფიცარს. რომლის შუაში ჩადგმულია მაღალი 4 გვერდიანი ქურჭელი. რომელიც სამ გვერდზე გამაგრებულია ხის სალტით. ფიცრის თავში ვერტიკალურად ჩასმულია ბრტყელი სვეტი, რომლის თავი გახვრეტილია; ნახვოეტში გაყრილია ხისავე გრძელი ღერძი ასაწევ-დასაწევით: ცალ გვერდზე ფიცარი ორ ადგილას ამოღარულია სითხის სადენად; მთელი ეს ხელსაწყო შემდგარია ხის ორ ფეხზე; ხილის გაწურვის დროს სავესე ქურჭელში ჩასდებენ ხის ხუფს. ზედ ვერტიკალურად დააყენებენ ხისავე მრგვალ ჯოხს, რომელსაც ზემოდან დააქერენ ღერძს, დაწოლის შედეგად ხილი იწურება და წვენი ღარებით გადის ქვეშ მოქცეულ გობში; მაგრად დაწურვის მიზნით ხუფზე დასაპერი ჯოხები იცვლება უფრო გრძელი ჯოხებით, ხილის ჩასაყრელი ქურჭლის სიმაღლე 45 სმ; სიგანე 20 სმ; ძირის ფიცრის სიგრძე 61 სმ; სვეტის სიმაღლე 57 სმ; ღერძის სიგრძე 60 სმ. აღნიშნული საქაჯავით ხილის გამოწურვის შემდეგ დარჩენილ ჩენჩოს გააშრობდნენ, გააცხავებდნენ და თესლს სათანადო ადგილას შეინახავდნენ.

როგორც ეთნოგრაფიული მასალები ვვიჩვენებს აღნიშნული საქაჯავებით ანუ ხილის. საწური ხელსაწყოებით ძირითადად ე. წ. „წვრილი ხილეულის“ გამოწურვას აწარმოებდნენ. თუმცა ახალციხის რაიონის რიგ სოფლებში (უდე, ვალე) ვაშლისა და მსხლის სპეციალური ხის საქაჯავებიც დავამოწმეთ.

და ა ლ პ ო ბ ი თ თესლის გამოღება ყველაზე ეფექტურია, რადგანაც ამ წესით აშხადებენ, როგორც თესლოვანი, ისე კურკოვანი ჭეხილის თესლებს.

სათესლედ გადარჩეულ ხილს ხის კასრებში და ზოგჯერ ქვევრებში ჩაყრიდნენ და დაამეჯებდნენ. ანუ როგორც იტყვიან დაალობდნენ, რომელთაგან ზოგიერთ მათგანს (რაც ხილის ჭიშხეა დამოიკლებული) დაჩეჩქვავდნენ და ისე ჩაყრიდნენ (ვაშლი. მსხალი. კომში). ამგვარი წესით ჩაყრილ სათესლე მასალას კარგად დამეჯავების შემდეგ (რაც ერთ თვემდეც გრძელდებოდა ხოლმე) წყალს დაასხამდნენ ან ამოიღებდნენ და ხის ვარცლში რეცხავდნენ სანამდე მთელი სიღამპლე არ მოსცილდებოდა. აღსანიშნავია, რომ მისი პირველადი გარჩევა გარეცხვისას ხდებოდა. რომელსაც წყალზე მოგდების-ამოტივტივებისას ხდიდნენ. მთხრობელთა გადმოცემით ზემოთ მოგდებული თესლი ისევე, როგორც ხორბლის გარეცხვისას ყოველივის „ფშითია“—მსუბუქია და სათესლედ არ ივარგებს.

ყველა ზემოაღნიშნული სამუშაოები (რომლებიც თესლის დამზადებასთან იყო დაკავშირებული) ქალის საქმეს წარმოადგენდა, რაც ამ მხრივ საკმაოდ დახელოვნებას მოითხოვდა,

† თესლის გამოღება, გაშრობა და შენახვა დიდ სიფრთხილესა და ცოდნას თხოულობს, რათა მცენარეს აღმოცენების თვისებები არ დაეკარგოს. ხალხის დაკვირვებით სათესლე მასალის მუხზე გაშრობა მიუღებელია, რადგანაც „აასწრაფებს, ქერქს შეუქცნობს. ვულწი სინესტე დარჩება და შენახვისას ობი მოეკიდება“-ო. მათივე გადმოცემით, მას ობიც, რომ არ მოეკიდოს მაინც დასათესად უუარგისი იქნება, რადგანაც გარედან მაინც „მოხალული“ იქნება. კარგი სათესლე მებაღეთა გადმოცემით მსუბუქი და ნაცრისფერისა კი არ უნდა იყვეს, არამედ „მაძღარი—გაბერილი“ და წაბლისფრად მოზინვარე-დაბრაწული“-ო, ყოველივე ამ დადებითი თვისებების მატარებელი თესლი მიიღება: კარგად შემოსული ხილისაგან, დროულად და კარგად ჩრდილში გამოშრობისა და მშრალ ჰაერზე შენახვისას. ამის გამო მის დამზადება-გამოშრობის შემდეგ დიდ ყურადღებას აქცევდნენ, როგორც ზამთრის ისე თესვის პერიოდში თესლის სათანადო სათავსოებში და გარკვეულ ადგილებში შენახვას. ]

იმის გამო. რომ სხვადასხვა ხილეულის თესლეულს გარკვეული თესვის პერიოდები გააჩნია და მათი ერთმანეთში არევა მიუღებელია, ყოფაში მათი ცალ-ცალკე დამზადებასთან ერთად ცალკე სათავსოებშიც ინახავდნენ. თესლმთესველებმა გამოცდილებიდან იციან, რომ ახლად დამზადებულ თესლს შედარებით ნაკლებად გააჩნია აღმოცენების უნარი. ამის გამო ცდილობენ ძველი თესლების თესვას და თესვის წინა ხანებში სათანადოდ შენახვის წესების დაცვას.

† საზგასმით უნდა აღინიშნოს ის დიდი ცოდნა-გამოცდილება, რაც თესლ-თესვის, ხალხურ თავისებურ კანონებთან არის დაკავშირებული. მაგ. კურკოვანების დათესვას გამოცდილი მეურნეები შემოდგომით აწარმოებდნენ, რომ ზამთრის პერიოდიდან დაიწყოს გაღვიძება, რადგანაც ნაკუჭიანობის გამო გაზაფხულზე ნათესი, შემოდგომის პირზე ამოდის და სიცივე აფუჭებსო. ასევე ვარკვეული ვადებში თესავდნენ თესლოვანებს, რომლებიც ძირითადად გაზაფხულობით ითესებოდა. ]

† საყურადღებოა ის გარემოებაც, რომ ყოფაში თესლის ადრე გაღვიძება-გაღვიყების მიზნით ფართოდ გამოიყენებოდა წყალში წინასწარი დალბობის მეთოდი. წყალში დალბობის აღნიშნულ წესზე, რომელიც ძველთაგანვე უნდა ყოფილიყო ცნობილი, თავის დროზე ფილოსოფოსი ჰუმოლტიც აღნიშნავდა<sup>36</sup>. ]

კურკოვანი თესლეულის ხალხური წესით შენახვა-გამოზამთრებიდან აღსანიშნავია მისი ქვიშაში დამარხვა, რომელსაც შემდეგ აღ-

<sup>36</sup> კურნ. „გუთნის დედა“, № 18, 1870.

რე გაზაფხულზე თესავდნენ. ხალხის დაკვირვებით, იმ შემთხვევაში, ოუ აღნიშნული თესლის გაზაფხულზე დათესვისას ადრე ამოსვლა სურდათ. მაშინ მას ზამთრის პერიოდში სითბოსთან ახლოს—ქვიშაში დამარხული სახით ინახავდნენ. თესლისადმი დიდ ყურადღებას მუხილეს მისი სამეურნეო მნიშვნელობა უკარნახებდა, რომლის წიხითაც გამრავლებული საძირე უპირველეს ყოვლისა ნებისმიერ ნიადაგში ზრდა-განვითარებას ეჩვევა. ამის გამო მწირ ან სხვა თავისებურ ნიადაგებში გადასარგავ საძირეებს დათესვისას ისეთსავე ადგილებს ურჩევდნენ და ბოლოს თესლზე ამოსულ ნერგს რამდენჯერმე უხდება რა გადარგვა, ეს უკანასკნელი ხელს უწყობს ჭანსალი და ღონიერი საძირის გაზრდის საქმეს. იმავე მიზნით სანერგეების მოწყობისას მებაღე-სპეციალისტები უმეტესად ურწყავ ადგილს ურჩევდნენ, რათა მომავალი ნამყენი უფრო გამძლე და ამტანიანი თვისებისა გაზრდილიყო.

როგორც ისტორიულ-ეთნოგრაფიული მასალები გვიჩვენებს, ამის გამო თვითმცდელი ქართველი მეურნეები ხეხილის გამრავლება-გაუმჯობესების მიზნით დიდ ყურადღებას აქცევდნენ სათესლედ განკუთვნილ სპეციალური პატარა ნაკვეთების მოწყობას, რომელსაც ყოფაში „შკოლა“-ს უწოდებდნენ. შკოლად თესვის მთავარი მიზანი იყო ხეხილის გამრავლება-გაუმჯობესება, რაც იმავე ადგილზე ხდებოდა.

თესლით საძირის უხვად გამრავლების მიზნით, რომელზედაც მოთხოვნილება განსაკუთრებით გაიზარდა საქართველოში, ევროპული და სხვა უცხო ხეხილის ჯიშების გასაუცლებლად დიდი როლი ითამაშა შკოლად მოწყობის წესებმა, რაც გასული საუკუნის მეორე ნახევრიდან საქაოლ მოზრდილ კერძო საცდელ ნაკვეთებად იქცა. აღნიშნული პერიოდიდან მაგ. ქართლის სინამდვილეში ხეხილის გამრავლება-გაუმჯობესების საქმეში დიდი წვლილი მიუძღვით; ნიკო ზაქარაას ძე კეცხოველს (გორის რაიონის სოფ. ტყვიავი), ისაია ფურცელაძეს (გორის რაიონის სოფელი მერეთი), ძმებს ფრიდონოვებს, ავსარქისოვს (გორის რაიონის სოფ. სკრა), ს. ხეთაგუროვს (სოფ. ნიქოზი), აფრიკიანს (ქ. გორი) და სხვ.

თვითმცდელი—ცნობილი მებაღის ვასილ გიორგის ძე ბესტავაშვილის (78 წ. სოფ. ხიდისთავი, გორის რაიონი) სიტყვით „ტყვიავში ძიენ კარგი ხეხილის მკოდნეთა და მებაღეთ ითვლებოდა ნიკო კეცხოველი. იმას ბევრი ნამყენი უკეთებია და როგორც ვიცი ბევრისთვისაც უსწავლებია მყნობა და ისეთი კეთილი კაცი ყოფილა, რომ ბევრს ხეხილის ნამყენს ისე აძლევდა ოღონდ გააშენეთო. ამი-

ტომ იქ ისე შეეკიდა ხალხი ხეხილს<sup>37</sup> გაშენებას, რომ იმ ხანად ტყვი-  
აგმა ხილით ყველაზე ძირე გაიწია. ამის მერე გამოჩნდა ისაია ფურ-  
ცელაძე მერეთში, მერე გორში და უფრო და უფრო ინტერესი ჩა-  
ვარდა ხალხში ხეხილის გასაშენებლათა. რომელსაც ქართულ ვახუბა-  
შიაც კი აშენებდნენ ხოლმე<sup>38</sup>.

აღნიშნულ პერიოდში საყურადღებოა გორის რაიონის სოფ.  
სკრაში იმ დროისათვის კარგად ორგანიზირებული სანერგე. რომე-  
ლიც ძმებს გ. და მ. ფრიდონოვებს ეკუთვნოდათ.

ე. წ. ფრიდონოვების ფირმა ხეხილის ახალი და კარგი თვისე-  
ბის ჭიშების გამოყვანისათვის. 1897 წლიდან 1903 წლამდე სრუ-  
ლიად რუსეთის სხვადასხვა გამოფენებზე პეტერბურგში დაჰილდო-  
ვებული იქნა ოქროს ოთხი მედლით და საპატრო სიგელებით.

ძმები ფრიდონოვები ფართოდ აწარმოებდნენ და ყიდდნენ რო-  
გორც ქართული. ევროპული ისე ამეროკული ჭიშის 1-დან 4 წლამდე  
დამყნის ხეებს, რომელთა ფასი ცალობით 30 კაპიკიდან 50 კაპი-  
კამდე მერყეობდა<sup>39</sup>.

ყოველივე ამის შემდეგ საქართველოს სხვადასხვა კუთხეებში  
არსდება მებაღე-სპეციალისტთა მოსამზადებელი კურსები. ასეთი  
კურსები დაარსებული იყო მაგ. ს. ქვ. ჭალაში, სადაც 17-19 წლის  
შრომისმოყვარე ყმაწვილებს ლეზულობდნენ და წელიწადში მხო-  
ლოდ 5 მებაღეს ამზადებდნენ<sup>40</sup>.

### ბ ა ლ ის   გ ა შ ე ნ ე ბ ა

„მემტილეობა და მებაღეობა ისევე, როგორც მევენახეობა— აღ-  
ნიშნავდა ივ. ჯავახიშვილი. მიწისმოქმედისაგან გევმთან მუშაობას  
თხოულობდა, რომ ხეები სათანადო და გარკვეულ რიგზე ყოფილი-  
ყვნენ დარგულ-დათესილი“<sup>41</sup>. მისივე აიტყვიით. ბაღში სათანადო  
გზები და საჩრდილობლები უნდა ყოფილიყო. რაც გარკვეული გეგ-  
მის გარეშე არ შეიძლებოდა განხორციელებულიყო.

XVII საუკუნეში ე. ი. მაშინ. როდესაც შაჰ-აბაზისაგან საქარო-  
ველო აოხრებული იყო. თბილისში შარდენის მოწმობით მშენე-  
რი ბაღები ყოფილა. ამავე საუკუნის ვრანგი მეცნიერი პოტანკო-  
ვის აკად. ტურნეფორის ცნობითაც ბაღები საქართველოში გა-  
ლებით უფრო უკეთესად ყოფილა გაშენებულ-მოვლილი ვიდრე ოს-

<sup>37</sup> იხ. ძმ. გ. და მ. ფრიდონოვების ხეხილების სანერგეები და ბაღები,  
თბილისი, 1905.

<sup>38</sup> ცენტრ. არქივი. ფონდი 215. № 14, 1907.

<sup>39</sup> ივ. ჯავახიშვილი, დასახ. შრომა, წიგნი II, გვ. 117.

მალეტში. რომელიც მაშინ უდიდეს და უმდიდრეს სახელმწიფოდ ითვლებოდა<sup>40</sup>. თვით პოლიტიკურ-კულტურული დაქვეითების ხანაშიც კი მებალეობა აღმ. საქართველოში საკმაოდ მაღალ დონეზე მდგარა, რასაც რიგი ისტორიული ცნობებითაც ვგებულობთ:

„ერო ბაღ და სასახლე ვრემს იღვა ლევან მეფისა—  
მას შენობაზედ ეტყობის გაცემა სიიფისა;  
ყოველი ყვაილი. ხეხილი გარმოცუდყო სეფისა.  
განცე-ფრდებოდა მხახვი, იქმნის სიბრძნისა მკრეფისა“<sup>41</sup>.

როგორც ისტორიულ-ეთნოგრაფიული მასალები გვიჩვენებენ ხეხილის ბაღები და ვენახებიც კი მარტო მოსავლის მოყვანისთვის კი არ იყო განკუთვნილი, არამედ დროს ვასატარებლაც. ამის გამო ხილუულთან ერთად ვარდ-ყვავილებსაც რგავდნენ, რაც საკმაო ცოდნა-გამოცდილებას საჭიროებდა, როგორც შოვლის ისე მისი შიგნითა განაწილება-დარგვის მიმართ. ბაღის შიდა განაწილების სურათი, რომელიც ჩვენს დრომდეა მოღწეული ეს არის XVIII ს. „ქილილა და დამანას“ №—68 ხელნაწერში ილუსტრირებული დოკუმენტი (ივ. ჯავახიშვილის დასახ. შრომა, ტ. II). აღნიშნული ტანის ბაღები ძველად ბაღ-წალკოტების სახელწოდებით იხსენიებოდა, რომელშიც ძირითადად ხეხილ-ყვავილი და სხვა მაჩრდილობელი დეკორატიული ხეებიც უნდა მდგარიყო. საბა ორბელიანის განმარტებითაც. წალკოტი ხილის ალაგი, ბაღი არის.

მეწალკოტეობა-მებალეობა იმდენად მჭიდროდ იყო გეგმიან მუშაობასთან დაკავშირებული, რომ ამის წყალობით განსაკუთრებული ტერმინი დაწალიკებაც კი შექმნილა, რომელიც საბა ორბელიანს თავის ლექსიკონში მწკრივად წასვლის მნიშვნელობით აქვს განმარტებული.

იმავე რიგს განეკუთვნება ძველი ქართული ტერმინი სამოთხე, რომელიც წყაროებში ბაღის მნიშვნელობითაც იხსენიება (ცნ. ნინოსი, Onuc, II, 775). ამ ცნობაზე დაყრდნობით ივ. ჯავახიშვილი ასკვნის, რომ სამოთხეში ქართველ მეურნეს თავმოყრილი ჰქონია სხვადასხვა ხეები და ყვავილ-მცენარეები, რომელთაგან ზოგიერთი „საგემებლად და დამატკობლად სასათა, ხოლო რომელიმე სასუონებლად და სურნელმყოფლად საყნოსელათ“ ყოფილა განკუთვნილი<sup>42</sup>.

<sup>40</sup> ი. ქ. გ. გვ. 113.

<sup>41</sup> არჩილიანი. ლ. ბაკამიძისა და ნ. ბერძენიშვილის რედაქციით,

<sup>42</sup> ივ. ჯავახიშვილი, დასახ. შრომა, წიგნი II, გვ. 108—110.

როგორც დღევანდელი ეთნოგრაფიული მასალებიდანაც ჩანს, პრაქტიკოსი მებაღეები ბალის გაშენებისას გარდა იმისა, რომ ზემოთ აღნიშნული წესით სათანადო ნიადაგებს ურჩევდნენ ისინი მტკიცედ იცავდნენ ბალის, როგორც გარეგნულ ფორმას, ისე ხეხილის შიგნითა განაწილების პრინციპებს. მაგ., აღმ. საქართველოს სინამდვილეში ძირითადად ბალ-ვენახების გაშენების დაკუთხული წესია ღილებული, რაც გაპირობებულია მის მწკრივად გამრავლებისა და რწყვის სისტემის თავისებურებაზე. მაგ., ხეხილის მწკრივად გაშენება სინათლის კარგად განაწილებასა და ბალის ადვილად დამუშავებას ემსახურება და ა. შ.

ხალხის დაკვირვებით საბაღედ მეტნაკლებად შეიძლება განოცუებული იქნას თითქმის ყოველგვარი ნიადაგი, რომლის დამუშავება ერთი არშინის სიღრმემდე შეიძლება. საერთოდ კი კარგი ბალის გასაშენებლად საუკეთესოა, რომ საბაღედ ადგილი 12-14 ვერშოკის სიღრმეზე გადაბრუნდეს.

საზოგადოდ ბალის გასაშენებლად უპირატესობას სწორ ან ოდნავ დაქანებულ ადგილებს არჩევდნენ. როგორც მთხრობელები გადმოგვცემენ „უფრდა ადგილი, რომელიც მზის ამოსვლის მხარეს იცქირება უფრო მშრალია და გრილი“, რომელიც სხვა ადგილებთან შედარებით მზისაგან უფრო განათებულიაო. მათივე დაკვირვებით შემდეგ კი უფრო კარგია ხეხილის გასაშენებლად სამხრეთ-დასავლეთისა და სამხრეთ-აღმოსავლეთით დაქანებული ადგილები.

როგორც ნაწილობრივ ზემოთაც გვქონდა აღნიშნული, ბალის გასაშენებლად განსაკუთრებით ნაკლებად იყენებდნენ ქვიშიან, ქაობიან, კირიანსა და მარილიან ნიადაგებს, ხოლო დანარჩენი ნიადაგები, რომელთა დამუშავებაც მთხრობელთა გადმოცემით 12-14 ვერშოკის ანუ 75-90 სმ სიღრმეზე შეიძლება საბაღედ მეტნაკლებად არის გამოსადეგი. იმ შემთხვევაში, თუ მაგ. ნიადაგს ქვეშიდან ახლოს აქვს კლდე, მაგარი თიხა, ქვიშა და სხვა მაშინ მეურნემ გამოცდილებიდან იცის, რომ ამგვარ ნიადაგში ხე კარგად ვერ გაიზრდება.

იმ შემთხვევაში, როდესაც მეურნე ხეხილის პატარა ბაღს— „ბაღჩა“-ს თავის სიამოვნებისათვის გააშენებდა, მაშინ იქ რგავდა იმ მხრისათვის დამახასიათებელ თითქმის ყოველგვარ ხილეულს, სადაც ნაკლები ყურადღება ექცეოდა, როგორც ნიადაგის შერჩევას ისე ხეებს შორის დაკანონებული ინტერვალის დაცვას. ხოლო ისეთი ბაღების გაშენების დროს, რომელთა ძირითადი მიზანი შემოსავლის სამრეწველო დანიშნულებით გამოყენება იყო, მაშინ, იქ სათანადო ჯიშების შერჩევასთან ერთად მტკიცედ იცავდნენ, როგორც ფარ-

თობის შერჩევისა და ნარგავთა შორის განსაზღვრული მანძილის დაცვას, ისე რიგი სამუშაოების დიდი სიფრთხილით ჩატარებას.

ხეხილის გაშენებისას რიგთა შორის ან ხეებს შორის მანძილის დაცვა—განაშენებელი ხის, ნიადაგისა და თვით ადგილის მდებარეობაზე იყო დამოკიდებული. მიუხედავად ამისა ყოფაში საზოგადოდ გაშლისა და მსხლის ხეების დარგვა სამი საყენის (საყენი ორ მეტრს უდრის) უფრო ახლო ერთიმეორისაგან არ უნდა ყოფილიყო დარგული. ხოლო დანარჩენი ხილეულის დარგვისას (ქლიავი, ალუბალი, ბალი, ატამი, კომში, ქერამი და სხვა) კი 1—1/2—3 საყენის დაშორებით. ამრიგად, ხეხილთა შორის ნანძილი 4—5 საყენს მაინც უნდა უდრიდეს, ისე რომ მთხრობელთა აზრით ერთ დესეტინაზე 100—150 დიდი ხე, ხოლო 250-ზე მეტი პატარა ხე უნდა დარგულიყო. ხეხილთა შორის განსაზღვრული მანძილის დატოვება ისევე, როგორც სხვა პროცესების დაგეგმარება დიდი კულტურის ქვეყნებში ოდითგანვე უნდა ყოფილიყო ცნობილი, ისევე როგორც „მაღალკულტუროსანი ერი მაღალხარისხოვანი ჭიშების მოშენებას აწარმოებს“<sup>43</sup>.

ხეებს შორის, რომ ძველადვე გარკვეული მანძილი ყოფილა დაცული კარგად ჩანს კოლუმელას ცნობიდანაც. მისი რჩევით ხეხილის შორისი ფართობი 30-40 ფუტი მაინც უნდა ყოფილიყო.<sup>44</sup>

საქართველოს ეთნოგრაფიულ სინამდვილეში ხეხილის განაშენიანების თავისებური პრინციპი იმაში მდგომარეობდა, რომ დიდი ქალაქების ახლო-მახლო მოსახლეობა უმთავრესად „წვრილი ხილის“ განაშენიანებით იფარგლებოდა, რასაც ახლო ბაზარი აპირობებდა. ხოლო დიდ ქალაქებიდან მოცილებული მოსახლეობა უფრო გამძლე ე. წ. „მომხო“ ხილს აშენებდა, რასაც იგივე ბაზრის მოთხოვნილება და ტრანსპორტირების ამტანიანობა განსაზღვრავდა.

როგორც ისტორიული ისე ეთნოგრაფიული მასალებიდან ირკვევა, რომ XIX ს. დასასრულს და XX ს. მიჯნაზე ცალკეულად გამოყოფილი ხეხილის ბაღების მშენებლობამ უფრო ფართო ხასიათი მიიღო. მანამდე არსებული ხეხილი უმთავრესად ეზოებითა და ვენახებში გაფანტული ან მის ირგვლივ გაშენებული სახით იყო წარმოდგენილი, თუ გამონაკლისად არ მივიჩნევთ თავდაზნაურთა და ზოგიერთი დაწინაურებული გლეხის ხეხილის ბაღების არსებობას.

<sup>43</sup> ვ. სიკინავა, დასახ. შრომა, გვ. 112.

<sup>44</sup> М. Сергеевко, დასახ. შრომა, გვ. 99.

..ცალკე გამოყოფილი ხეხილის ბაღები—აღნიშნულია გასული საუკუნის ერთ-ერთ ცნობაში—(კავკასიაში) იშვიათად გვხვდება, რის გამოც იგი ძირითადად ვენახთან ერთად შიგ არის გაფანტული, ხოლო ხშირად ვენახის ირგვლივაც არის შემორტყმული<sup>45</sup>. მეხილეობა-მევენახეობით დაინტერესებულმა მეურნეებმა შემდგომში იწყეს მათი განცალკევება, რადგანაც მათ გამოცდილებიდან იცოდნენ, რომ ეს ორივე კულტურა ერთმანეთში შერეული სახით განსაკუთრებით ვნებდა ვენახს. აღნიშნული პროცესი განსაკუთრებით აშკარად შეიმჩნეოდა აღმ. საქართველოს ქართლის სინამდვილეში: ატენის ხეობა, ხიდისთავი, ახალქალაქი, მეტეხი (თემის ხეობა): ძეგვი. ქალა. მეჩვ. რისხევი, პატარა და დიდი ლიახვის ხეობების რიგ სოფლებში და ა. შ., სადაც ხილმ ან მოსპო ქართული ვაზი ან საგრძნობლად შეამცირა.

ზემოთ აღნიშნულიდან არ შეიძლება დავასკვნათ, რომ საქართველოს მიწათმოქმედებაში ძველად ცალკე გამოყოფილი ბაღ-ვენახები არ არსებობდა, რაც, რა თქმა უნდა, შეუძლებელია. რიგი ისტორიულ-არქეოლოგიური მონაცემების საფუძველზე დაყრდნობით დგინდება საქართველოში მიწათმოქმედების მაღალი და უძველესი კულტურის არსებობა. იმავე ისტორიული ცნობებით ვგებულობთ, რომ მიწათმოქმედების რიგი დარგები ისტორიულ დაქვეითება-აღორძინების ხანას განიცდიდა. ერთ-ერთ ასეთ აღორძინების ხანას მიეკუთვნება X საუკუნის მიწურული. „საქართველოში ადრე ფეოდალური საზოგადოებრივი ურთიერთობის დამთავრების შემდეგ, როდესაც ქვეყანა ფეოდალური განვითარების ახალ, უფრო მაღალ საფეხურზე შედგა, ინტენსიური გახდა სოფლის მეურნეობაც. რასაც მოწმობს დიდი სარწყავი არხები და რთული რუსხმულები, ისტატურად ნაგები წყალსადენები, დიდი ცოდნა-გამოცდილებით იმეშუშავებული ზვარ-ვენახები... ხეხილისა და თუთის ბაღები. გაჩნდნენ სოფლიდან-სოფლად ან ქვეყნიდან-ქვეყნად მიმომავალი ხელოსნები... ბაღ-ვენახის მშენებლები. სეზონური მუშები“<sup>46</sup>.

ცნობილია, რომ ხეხილის ბაღების მშენებლობა დიდ შრომასა და მოთმინებას მოითხოვდა, რის გამოც უცხო დამპყრობთაგან ხეხილის გაკაფვა-განადგურების შემდეგ, მისი ერთბაშად აღორძინება საკმაოდ რთულ საქმეს წარმოადგენდა. სწორედ აღნიშნული მიზე-

<sup>45</sup> Н. Н. Спешнев. Сборник сведений по плодоводству в Закавказском крае, Горныйский уезд, Тифлис, 1895, стр. 78.

<sup>46</sup> ნ. ბერძენიშვილი, ვ. დონდუა, მ. დუმბაძე, ვ. მელიქიშვილი, შ. მესხია, პ. რატიანი, საქართველოს ისტორია, I, თბილისი, 1958, გვ. 137.

ზების გამო ერთ დროს ცნობილი ხეხილის ბაღები მოსახლეობასთან ერთადაც კი უკაცრიელი და გავერანებული რჩებოდა. რომლის სანაცვლოდ დღევანდელმა ეთნოგრაფიულმა ყოფამ შემოგვინახა ტერმინები: „ხილნარი“, „პანტნარი“ „თუთნარი“, „ნიგვზნარი“, „ნაზალვარი“, „ნავენახარი“, „ვაშლოვანი“, „პანტიანი“, „ლელოვანი“, „თხილოვანი“ და სხვა გეოგრაფიული სახელები, რაც მეურნეობის ამ დარგს შეეხება.

ცნობილია, რომ ძველ საქართველოში ისევე, როგორც სახანეთის მიწები, ბალვენახებიც ეკლესია-მონასტრების, მემამულეებისა და მოქალაქეთა ხელში იყო, რომლებსაც გამოცდილი მეურნეები ამუშავებდნენ. ამისათვის მებაღეობას კისრულობდა ის ვისაც შეეძლო მისი გაშენება-დამუშავება. მუშახელის რიცხვი განსაკუთრებით მატულობს XIX ს. მეორე ნახევრიდან კაპიტალიზმის სწრაფ განვითარებასთან ერთად. ამ პერიოდში მუშახელთა რიცხვში ადგილობრივთან ერთად ვხვდებით აღმ. საქართველოში ჩამოსულ მეგრელებს, იმერლებს, რაჭველებს, გურულებს, ლეკებსა და სხვა. როგორც ადგილობრივი ისე ჩამოსული მუშები დღიურ და სანარდო სამუშაოებთან ერთად მიწებსაც ქირაობდნენ, რომელთაგან აღსანიშნავია: „იჯართ აღება“. „მიწის დაგირავება“, „სანახევრო“. „სამწილადი“. „მიწის დამუშავება ოთხწილად“ ე. ი. ამსაწავით დამუშავება, მიწის ბალნარად გაშენება, რომელიც „მონაშენობის“ სახელწოდებითაა ცნობილი და სხვა.

მთხრობელთა გადმოცემით მონაშენობისას მიწის მფლობელი წინასწარი მორიგებით აძლევდა მებაღეს და დაუთქვამდა, თუ რამდენი წლის მერე უნდა გაეყოთ გაშენებული ბაღი. ბაღის გაყოფამდე „ფეხის“ მოსავალი („კახეთში ხელის მოსავალი“—ლობიო, სიმინდი, ბოსტნეული) ორ ნაწილად იყოფოდა, რაც წინასწარ მორიგებაზეც იყო დამოკიდებული. იმ შემთხვევაში თუ მიწის მფლობელი დათქმულ დროზე ადრე მოისურვებდა გაშენებული ბაღის გაყოფას, მაშინ ის ნახევარზე ნაკლებს მიიღებდა, ხოლო კარგად სმებაში შესული ბაღის დროს კი ნახევარს. რადგანაც მანამდე ნაკრეფი ხილი ე. ი. „ნიშანი“ და „ნაქარი“ მებაღეს ეკუთვნოდა. მებაღეთა გადმოცემით სოფლიდან დაშორებული მიწები უფრო მებაღის სასარგებლოდ „სწყდებოდა“—იყოფოდა, ვიდრე „ნაფუზრები“. რადგანაც ახლო მიწები—ნაფუზრები უფრო ძვირად ფასობდა ისე რომ თუ მაგ. მინდვრის მიწები—აღწ. მთხრ. ს. პავლიაშვილი (67 წ. სოფ. ტყვიავი. გორის რაიონი, 1957 წ.) დღიური 20—25 მანეთი ღირდა კარის მამულები ათ თუმნამდეც კი აღიოდა და გასაყიდად მაინც ძნელად თუ იმეტებდნენ ხოლმე“.

ბალის მონაშენეობა ისევე, როგორც მ-წის დამუშავების სხვა ფორმებიც წერილობით ფორმდებოდა. „წერილობითი იჯარის ვადის კასელამდე—წერს პროფ. პაატა გუგუშვილი—მონაშენე მემამულეს აძლევდა მარცვლიდან მიღებული მოსავლი: მეექვსედს (იშვითად მესამედსაც), ხოლო ყურძენი და ხილი მთლიანად მონაშენეს ეკუთვნოდა. ვადის გასვლისას თუ აღმოჩნდებოდა, რომ მონაშენემ ვალდებულება ჭეროვნად ვერ შეასრულა ე. ი. ვენახი (ან ხილი—დ. პ.) ვერ გააშენა იგი უნდა ჩამოცილებოდა ნაკვეთს. და პირობის შეცვლის დროს მემამულისათვის გადახდილი ფული, ისევე როგორც ნაკვეთზე გაწეული შრომაც, მას ეკარგებოდა. თუ მონაშენე ვალდებულებას დროზე და ჭეროვნად შეასრულებდა, მაშინ, ნაკვეთი ვენახი (ან ხილი—დ. პ.) რჩებოდა მის სარგებლობაში ვანუსაზღვრელი ვადით, მოიჯარე ამიერიდანაც საკუთარი საშუალებით ეწეოდა ყოველგვარ მუშაობას და მიღებული მოსავლის, ღვინის, ხეხილის ნარევარს უხდიდა მემამულეს, ჭაჭა მოიჯარეს, მონაშენეს რჩებოდა—ასევე ხეხილი და მხოლოდ მას ეკუთვნოდა მასში ჩათესილი მარცვლეული თუ ბოსტნეული“<sup>47</sup>.

მიწების გაქირავების ფორმებიდან აღსანიშნავია თვით გაშენებული ბალ-ვენახების „იჯარით“ გაცემის წესი. ისევე, როგორც ზემოთ ვეჭონდა აღნიშნული, ამ შემთხვევაშიც ორივე მხარის მოლაპარაკება საბუთით ფორმდებოდა. საქართველოს ცენტრალურ არქივში დაცულ ერთ-ერთ საბუთში, რომელიც ივანე ალექსანდრეს ძე ამილახვარისაგან არის გაცემული, აღნიშნულია, რომ—ქვემო ჭალაში (გორის მაზრა) მდებარე თავის მამულს, ბალ-ვენახს იგი აძლევს სოფ. გორაკელ გლეხებს ხუბაშვილსა და მუჩაშვილს ხუთი წლის ვადით. სადაც გლეხები ვალდებულნი არიან კისრულობდნენ ნატურით ეხადათ ხილი და ყურძნის მოსავლის ნახევარი, ბოსტნეულის ორი მესამედი. მოსავლის აღებისას ამილახვარი ვალდებული იყო დროულად აენახლაურებინა გასამრჩელო. მებაღეებს უფლება ჰქონდათ ეცხოვრათ მარანში, რომელიც იმავე ბალში იყო აშენებული და იქვე უნდა დაებინავებინათ მოსავალიც. მათივე მოვალეობას შეადგენდა ბალ-ვენახის ყარაულობა და ამავე დროს თავიანთი ხარჯებით უნდა გაეშენებინათ ყოველ წელიწადს თითოს ასი ძირი ახალი ვაზი და დახმარებოდნენ დაჟვად ამილახვარს ახალ-ახალი ხეხილის დარგვაში. ამავე დროს მებაღეები ვალდებულები იყვნენ მთელი ბალის

<sup>47</sup> პ. გუგუშვილი. საქართ. დაა-კავკას. ეკონომიური განვითარება. XIX—XX სს. ტ. II, თბილისი, 1956. გვ. 680.

ცოცხალი ღობე მახევრობით თავიანთი ხარჭებით გაეშენებინათ, ხოლო ნახევარი კი მეპატრონის ვალი იყო.<sup>48</sup>

როგორც ჩვენ ხელთ არსებული მასალებიდან ჩანს ბალ-ვენა-ეების გაშენება განსაკუთრებით ფართოდ ყოფილა წარმოდგენილი „საინხეილოდ“ ანუ „საინხეილოდ“, რომელიც იგივე სანახევროს ან სანახაროს ფორმას უნდა უდრიდეს. როგორც მთხრ. გიკუცა ლუარ-საბის აქ ხშირადშვილი მოკვითხრობს: „ცხინვალს იყო ერთი იმე-რელი პეზაღე ალექსა ერქვა, რომელმაც საინხეილოთ მეზო ხუცი-შვილისაგან 10—12 დლიური ზვარი გააშენა. ზვარი ქვემო ნიქოზის მხარეს მდებარეობდა და იქ მუშით, ხან დლიურად, ხან ნარდათ ვმუ-შაობდი. თათონ ალექსამ ხეხილის მყნობა კი არ იცოდა, სულ სხვებს ამუშავებდა, ისე რომ ის მარტო ხელმძღვანელობდა და ამა-შენი მახევარ წილში უდგა მიწის პატრონსა“—ო.

ხეხილის გაშენებისა და საერთოდ მიწით სარგებლობისა და და-მუშავების ირგვლივ მრავალი ისტორიულ-ეთნოგრაფიული მაგა-ლითების მოყვანა შეიძლება, რომელზედაც ჩვენ აღარ შევჩერდებ-ით.

ზოგადად ჩვენ შევეხებთ ბაღების გაშენების ფორმებს, ახლა გა-დავიდეთ უშუალოდ ხეხილის გაშენება-განაწილებაზე თვით ბაღე-ბის შიგნით.

თუკი ქართველი მეურნე დახელოვნებული იყო ხეხილისათვის ნიადაგის შერჩევაში. მისი გამრავლების წესებში, ბაღების დაგეგმა-რებასა და სხვა ზემოთ აღნიშნულ სამუშაოებში, რასაკვირველია ხე-ხილის თვითეულ ნერგს მისი დამახასიათებელი ბუნებრივი თვისე-ბის შესაბამისად სათანადო ადგილსაც მიუჩენდა.

უძველესი დროიდანვე უკვე ებრაელთა მწერლობა (დაბადება-ბიბლია) მცენარეულობას ორ ჯგუფად იხსენიებდა: „თესლის გამომ-ღები და ხე ნაყოფიერი“. ივ. ჭავჭავაძის განმარტებით მცენარის მიერ დაყვავილების შემდგომ გამოღებულსა და მოსხმულს ნაყოფი და ხილი ეწოდებოდა, მაგრამ უძველეს ხანაში-ვე — განაგრძობს ავტორი — ტერმინს „ნაყოფს“ ზოგადი მნიშვნე-ლობის გარდა თავისი სპეციალური მნიშვნელობაც ჰქონდა. „ნაყო-ფი“ და „ხილი“ იმით განირჩეოდნენ ერთმანეთისაგან, რომ ნაყოფს ველის უმერქნო მცენარე იძლეოდა. ხილს კი ხე<sup>49</sup>.

საბა ორბელიანის განმარტებით „ხილი ეწოდება წალკოტთა მყოფთა ხილთა ხეზედ სხმულთა ქერქრბილთა, ვითარცა ვაშლთა.

<sup>48</sup> ცენტრ. არქივი, ფონდი 215. № 14. გვ. 20.

<sup>49</sup> ივ. ჭავჭავაძის ილ., დასახ. შრომა, ტ. I, გვ. 284—285.

ბროწეულთა, ყურძენთა, ღიმოხთა და მისთანათა--ხოლო ხული  
 ჯერქმაგარათა, ვითარცა ნუშთა, ნიგოზთა. წაბლთა. ნაქუთა და მის-  
 თანათა.--ხოლო ხმილი ბალახთა ზედა ბმულთა--ხოლო ხინატე-  
 ლი ველურთა ტყეთა შიგან უმუშავოთ მოსულთა ხის ნაყოფთა<sup>ა</sup>.  
 აქვე უნდა აღვნიშნოთ, რომ ვახუშტი ბატონიშვილი ყველა შინაურ  
 ხილს თვინიერსაც უწოდებს. ამრიგად, ძველ ქართულში ხის ნაყო-  
 ფი ძირითადად ორ ნაწილად ყოფილა დაყოფილი: რო-  
 მელთაც თავთავისი შესატყვისი სახელი ჰქონიათ: ბილი და ხმილი.  
 ხილი, რომელიც ამჯერად ჩვენი კვლევის საგანს წარმოადგენს, საბა  
 ორბელიანის განმარტებით, ეწოდება „წალკოტთა მყოფთა ხილთა  
 ღეზედ სხმულთა, ვითარცა ვაშლთა, ბროწეულთა, ყურძენთა, ღი-  
 მონთა და მისთანათა, ხოლო ხმილი ბალახთა ზედა ბმულთა --ნესე-  
 თა, მელსაპეპონთა, კიტრთა, მარწყუთა და მისთანათა“. ყოფილი ნა-  
 ყოფის თავისებურების წყალობით ხილეულისამ ძირითად ჯგუფად  
 არის დაყოფილი: თესლოვანები, კურკოვანები და კაკლოვან-ნაქუ-  
 ქიანები. აღნიშნული დაყოფის გვერდით ეთნოგრაფიულ სინამდვი-  
 ლეში ხშირად ხილეულის ზოგადი დაყოფისას ყველა კურკოვანებსა  
 და შემოდგომამდე ე. წ. „მოსალევ“ ხილს წვრილ ხილსაც უწოდებ-  
 ნენ (ბალი, ქლიავი, ტყემალი, ჭერამი, შვინდრი, ნუში, მოცხარი, ყო-  
 ლო და სხვა).

ნაყოფის მიხედვით ხეხილის დაყოფასთან ერთად და მისი  
 ზრდის თვისებების მხრივ ყოფაში არჩევენ: ბუჩქებს, ნახევრად ხეებ-  
 სა და დიდრონ ხეებს. მაგ. ბუჩქოვან ხილეულში თვლიან: ხურტ-  
 კმელს, ყოლოს, ბროწეულს, მოცხარს. თხილს. კვირინჩხს, კოწახურს,  
 სომანდულს, კუნელს, ასკილს. ჯახველსა და სხვა. ნახევრად ხეებში  
 კი ნუშს, ლელვს, ზეთის ხილს, ატამს. ზღმარტლს, ალუბალს, ტყე-  
 მალს, ქლიავს, შინდს. კომშს, და სხვა, ხოლო ხეებში: ვაშლს,  
 მსხალს, კაკალს, თუთას, ბალს, ჭერამს, ფშატს პერყენას და ა. შ.

როგორც ჩანს, ქართველი მეურნე კარგად ერკვეოდა ხეხილის  
 ტანისა და ნაყოფის დამახასიათებელ თვისებებში, რომელიც თავის  
 დროზე სათანადოდ ჰქონია დაყოფილი და კლასიფიცირებული. ამის  
 გამო მებაღე თვითეული ჯურის ხეხილის დარგვისას შესაფერის აღ-  
 გილს ურჩევს. ყოველივე ამას თავისებური კოდნა-გამოცდილება  
 ესაქიროებოდა. რისთვისაც ბალ-ვენანის მშენებელი მოხელე სპე-  
 ციალისტები სოფლიდან სოფლად ან ქვეყნიდან ქვეყნად მიმოდ-

<sup>ა</sup> საბა ორბელიანი, ლექსიკონი, იხ. ხინატელი.

ოღნენ. ამის გამო XIX ს. 80-90 წლებში საქართველოში სხვა ხე-  
ლოსანთა რიცხოვრივ ზრდასთან ერთად იზრდებოდა მებაღე-მევენ-  
ნახე ხელოსანთა რიცხვიც. მაგ. ქ. გორში ამ ხანად ხელოსნებს შო-  
რის მებაღე-მევენახეთა რიცხვი 43 ითვლიდა, რომელთაც 5 შეგირ-  
დიც ჰყავდათ ე. ი. სულ 48<sup>51</sup>.

მებაღე-მშენებლებიდან განსაკუთრებით გამოირჩეოდნენ ად-  
გილობრივი მოხელები, რადგანაც უცხო მებაღეები ადგილობრივ  
პირობებს სათანადოდ ვერ აფასებდნენ. ამის გამო ქართველი მება-  
ღეები ხშირად სინანულითაც აღნიშნავდნენ ხოლმე, რომ „ბაღების  
მშენებლობა დაიწყო, მაგრამ ბოლომდე ვერ მიიყვანეს და ეს იმი-  
ტომ, რომ მეტწილად (განსაკუთრებით XIX ს. 90-იან წლებში).  
უცხოელები იყვნენ მებაღეები და ყველა პირობებს-ადგილებს კარ-  
გად არ იცნობდნენ“-ო<sup>52</sup>.

ძველად საქართველოში მეფე-დიდებულების სასახლეებს, რო-  
გორც ცნობილია გარს ეკრათ დასასვენებელი და თვალთა საამე-  
ზელი ბაღები, რომელთაც „მტილ-სამოთხენი“ ეწოდებოდა, სადაც  
ბოსტან-ხილეულთან ერთად, როგორც ზემოთაც გვქონდა აღნიშნუ-  
ლი, ყვავილებიც ყოფილა გაშენებული. ამის გამო იქ მომუშავესა  
და მომვლელს „მემტილე“ ეწოდებოდა, რაც საბა ორბელიანის გან-  
მარტებით მებაღეს ნიშნავდა. ამის გამო ძველ საქართველოში ტერ-  
მინის მებაღის ნაცვლად მემტილე იხსენიებოდა.

მემტილეს ანუ მებაღეს ევალებოდა ბაღის ყოველგვარი სამუ-  
შაოების შესრულება მოსავლის საბოლოო დაბინავების ჩათვლით,  
რაც დიდ შრომასა და ბაღიდან გამოუსვლელობას მოითხოვდა. ამი-  
სათვის ბაღში მომუშავეს ძველი დროიდანვე „სახლაკი მცირე“<sup>53</sup>  
სდგმია მტილ-სამოთხეში, რომელსაც ჯერ კიდევ ბაღის გაშენებამდე  
აეთებდნენ. ბაღ-ვენახებში მცირე სახლაკის მოწყობა მებაღისათ-  
ვის, თავშესაფარი და მოსავლის დასაბინავებელი ადგილი აუცილე-  
ბელ საჭიროებას წარმოადგენდა, რომელმაც ჩვენს დრომდე „მარა-  
ნისა“<sup>54</sup> და „მებაღის ქოხის“<sup>55</sup> სახელწოდებით მოაღწია. აღსანიშნა-  
ვია, რომ ძველ ქართულში სპეციალური ტერმინი „ხილსაცავი“-ც  
ხმარებულა, რომელიც საბა ორბელიანს მეხილის ქოხად აქვს გან-  
მარტებული, ბაღ-ვენახებში სათანადო მცირე სახლაკების მოწყობა

<sup>51</sup> დ. გვრიტიშვილი, გორის ისტორია, თბილისი, 1954, გვ. 125.

<sup>52</sup> ბაღოსნობის შესახებ, გაზ. მეურნე, 1890. № 5.

<sup>53</sup> იე. ჯაქაზიშვილი, დასახ. შრომა, წ. II, გვ. 116.

<sup>54</sup> საქ. ცენტრ. არქივი, ფონდი № 215, № 14.

<sup>55</sup> ჯ. სონღულაშვილი, დასახ. შრომა, გვ. 167.

ქველთაგანვე ტრადიციულად მომდინარეობს. რომელიც ძველი იტალიის მებაღეებსაც ბაღების შემოღობვისთანავე უკეთებიათ<sup>66</sup>.

ამავე თავის წინა ნაწილში ჩვენ აღნიშნული გვექონდა საბაღე ადგილის დამუშავების ხალხური მეთოდები და ხეხილთა შორის სასაბაღოდ მანძილის დაცვა. ასლა გადავიდეთ თვით ხეხილის დარგვის ხალხურ მეთოდებზე.

საბაღედ განკუთვნილ ნიადაგს, რომელსაც ჯერ კიდევ შემოდგომით ხნავენ ადრე გაზაფხულზე ორმოების მოსათხრელად ამზადებენ—ფარცხავენ, ხის სამკუთხედი ფორმის ხელსაწყოთი ზომავენ და პალოების დარკობით ორმოს მოსათხრელ ადგილს ინიშნავენ. რმისათვის, რომ ხეხილის მწკრივი სწორად იქნეს გაშენებული თავდაპირველად ნაკვეთის ერთ მხარეზე თოქს სწორად გააბამენ და ერთი ბოლოდან იწყებენ წინასწარ ზომაზე დაყენებული ხის სამკუთხედით გადაზომვას. რომლის ერთი კუთხე თოქის დასაწყისში იდება და ამრიგად ინიშნება სამი წერტილი, სადაც ორმო უნდა იქნეს მოთხრილი.

ეთნოგრაფიულ სინამდვილეში ვიდრე ხეხილის დარგვის დრო დადგებოდეს, გამოცდილი მებაღეები მისთვის საჭირო ორმოებს 3—4 კვირით ადრე თხრიან. ორმოების სიფართოვე დამოკიდებულია თვით ნიადაგის შედგენილობაზე. მაგ., თუ ნიადაგი ფხვიერი და ლონიერია ხალხის დაკვირვებით ის ერთი არშინი სიგანეზე და ნახევარი არშინის სიღრმეზე უნდა მოთხრილიყო. ხოლო უღონო და ქვალორიანი ნიადაგს ორი არშინის სიგანეზე და არშინამდე სიღრმეზე ამოთხრიდნენ. რათა მაგარ ნიადაგში ხეს ფესვების გადგმა-გახარება არ გასჭირვებოდა. ორმოს სიღრმე განსაზღვრული იყო აგრეთვე გადამბრუნებული და ჩვეულებრივად ნამუშევარი ნიადაგისათვისაც, სადაც ამ უკანასკნელის დროს ორმო შედარებით ღრმად უნდა ამოთხრილიყო. ხალხის გადმოცემით ორმო რამდენადაც ადრე ბოითხრება, იმდენად დიდად უნდა მიწის ამოღება, რომ დარგვის დრომდე ხელშეორედ მოთხრა არ დასჭირებოდა. მათივე გადმოცემით ადრევე მოთხრილ ორმოს დიდი მნიშვნელობა აქვს, რადგანაც ჭარისა და წვიმისაგან ფხვიერდება ანუ „იქარება“ და ნერგისათვის ძალიან სასარგებლოა.

<sup>66</sup> М. Е. Сергеевко, დასახ. შრომა, გვ. 92.

ორმოების მოთხრობას გამოცდილი მებაღე ძირითა ანუ „უძრავ“ მიწას ერთ მხარეს დაყრიდა, ხოლო ზემოთას—„დამწვარს“ მეორე მხარეს. რომელთაც ნერგის დარგვისას ცალ-ცალკე მიაყრიდა ისე, რომ უძრავი მიწა ზემოდან მოქცეოდა. აღსანიშნავია ის გარემოება, რომ იმ შემთხვევაში, თუ ორმოების წინასწარ ამოთხრა ვერ მოხერხდა, მაშინ გამოცდილი მეურნე შედარებით დიდ ორმოს ამოთხრის, შიგ ჩაყრის ზევით-ზევით აღებულ დამძრალეულ მიწას, ხის ნაცარს და ჩარგვის შემდეგაც იმავე მიწისა და ნაცრის ნარევეს მიაყრის. ორ მოს გამოქარვის მიზნით, როდესაც მას წინასწარ ვერ თხრიდნენ მებაღეები თავისებურ მეთოდებს იყენებდნენ: ბალში მოგროვილ ნარჩენებს (ბოსტნეულს, სიმინდისა და სხვა) გაზაფხულობით ახლად ამოთხრილ ორმოებში აგროვებდნენ და ცეცხლს უკიდებდნენ, ამ ნეთოდით მიწის ხელოვნურ გამოწვასა და ამავე დროს ნაცრით გაწოყიერებას აწარმოებდნენ. ნაცრის გამოყენებას ქართული მიწის მოქმედნი. როგორც აღნიშნული გვქონდა, ოდითგანვე მისდევენ. მეხილეობაში მას ფართოდ იყენებდნენ ხის სხვადასხვა დაავადებებისა და განოყიერების თვალსაზრისით, ნაცრით განოყიერება ხალხის დაკვირვებით განსაკუთრებით უხდება ლელვს, ბროწეულს ატამს და სხვა.

ორმოების წინასწარ ამოთხრას ან ხელოვნურად გამოწვას ზთხრობელთა გადმოცემით ძირითადად დიდრონი ხეების (განსაკუთრებით ვაშლის, მსხლის, კაკლის) გაშენების დროს მიმართავდნენ. თუმცა, მათივე გადმოცემით, ის ყოველგვარ ხილეულს რგებდა.

მეხილის ჩარგვისას მიწას მიუტკეპნიან, რომ შიგ ღია ადგილები არ დარჩეს, სიდაც წყალი დგება იქ ნერგი ავადმყოფდება და ხმება. გამოცდილი მებაღე ჩარგვის წინ ნერგს, როგორც ტოტებს ისე ფესვებს გაუსხლავს ე. ი. დაზიანებულ ან მომხმარ ფესვებს წააქრის. ტოტებს „შეუთხელებს“ და იმ მიზნით, რომ ახლად დარგულს პატივი „სწვამს“. მას „წუნწუხში“—პატივიან წყალში, (სიდაც აყალ<sup>57</sup> მიწაც არის გახსნილი) ამოვლების შემდეგ ჩარგავდნენ. ახლად ჩარგულ ნერგს სწორად ზრდისა და კარგად დახარების მიზნით აუცილებლად საჭიროებს სარი, რომელზედაც ნარგავს მიაყრავენ, ხოლო იმისათვის, რომ მიწის „დაჯდომის“—დაწევის მერე ნერგი სარს არ ჩამოკიდებოდა ამ უკანასკნელს პირველადვე უფრო ღრმად ჩაარჭობდნენ. თუმცა მთხრობელთა გარკვეული ნაწილი ნერგისა და სარის ერთდროულად დარგვას ამჯობინებენ, რომ „ერთად ჩარგვი-

<sup>57</sup> მთხრ. გადმოცემით აყალო მიწაში ნარევი ძვირ უფრო კარგად ეკვრის ფეხებსაო.

სას ნერგიცა და სარიც ერთად მისდევენ მიწასა“-ო.

ყოველივე ზემოთ აღნიშნულის გამო ნერგის დარგვისას ნება-  
ღებები დიდ ყურადღებას აქცევენ მის თავდაპირველ ნარგაობას, თუ  
რა სიღრმეზე იყო დარგული და ახლად დარგვისას ორა ვერშოკით  
ფუფრო ღრმად რგავენ. ხოლო რაც შეეხება გრძელი ფესვების წაჭ-  
რას, მას იმ მიზნით აწარმოებენ, რომ ჩარგვისას ცუდად არ მოიქე-  
ცოს და დამახინჯებულად არ განვითარდეს. ამბო. ალექსი მიჩეილის  
ძე წიკლაშვილის (95 წ., სოფ. ყაოლაჯი. სიღნაღის ოაიზი, 1960 წ.)  
გადმოცემით „მოკეცვით ჩაყოლებულმა ფესვმა დაკუნ-  
ცებულად იცის გაზრდა და სხვა ფესვებსაც უშლის ხელსა“-ო. მი-  
სივე აზრით ასეთმა უსწორმასწორო ფესვებმა ხეხილს გაზრდაც  
თანაბრად არ იცის.

საყოველთაოდ ცნობილია, რომ ყოველივე ახლად გადარგულ  
ძეწნარეულობას, როგორც ბოსტნეულს. ისე ზეხილს მანამდე ის  
„გაცოცხლებოდეს“ ანუ დაზარდებოდეს განსაკუთრებულ მზრუნ-  
ველობას საჭიროებს. როგორც ჩვენს ხელთ არსებული ეთნოგრაფი-  
ული მასალებიდან ირკვევა ამ ძსრის მკაცრად იცავდნენ პირველ  
რიგში ახლად გადარგული ნერგის წყლით უზრუნველყოფის წესს.  
ამის გამო ახლად დარგულ ხეხილს „ირველივე მცოცრად ჩადაბ-  
ლებული მიწისავე რკალი გაუყეთდებოდა. რასაც კახეთში გუბეს  
უწოდებენ. ქიზიყში (და ქართლში—დ. პ.) კი ამ ცნების შესატყვი-  
სად კალო იხმარებოდა. ეს იმიტომ უყეთდებოდა. რომ აუცილებე-  
ლი იყო დარგული ხისთვის წყლის დასხმა. წყლის დასხმა ხანგამო-  
შვებით ხდებოდა და იგი გრძელდებოდა მანამდე. სანამ ხე გაიხარებ-  
და“<sup>68</sup>. როგორც მთხრობელი შაქრო გიორგის ძე გელდიაშვილი  
(82 წ., ქარელის რ-ნი. ს. რუისი, 1959 წ.) გადმოგვცემს „ახლად და-  
რგულ ხეხილს დარგვის დღიდანვე უნდა წყლის დასხმა მანამ კარგად  
არ გაცოცხლებდეს. დასხმული წყალი სხვაგან რომ არ გაქეუთლიყო,  
ამისათვის მიწას მოუკალოვებდით, სადაც წყალი გუბუებოდა და ნე-  
ბანება ნერგის ფესვებში იღლინებოდა. თორემ ახალი ნარგავის მი-  
წა ისე იყო ხრამე მიტყეპნილი. რომ ერთბაშად დასხმით ევოე იოლადა  
წყალი ფესვებამდე ვერ გაატანდა“-ო.

ხალხის რწმენით კარგი ხეხილის გასაშენებლად ნერგი ახალ  
ნთვარეზე უნდა ჩარგულიყო, ხოლო კარგად დაზარების და „მეწ-  
ლეულობის“ საწინააღმდეგოდ კი ის დარგვისას ორავე ხელათ უნ-  
და სჭეროდათ.

<sup>68</sup> მ. გეგეშიძე, დასახ. შრომა, გვ. 178.

აღმ. საქართველოს ეთნოგრაფიულ სინამდვილეში „სათავითაო“ ადგილებში ზამთრის ხილს აშენებდნენ. რომელთა მწკრივებშიც სხვადასხვა წვრილ ხილს ურიგებდნენ (ხომანდული, ზღმარტლი, ატამი, გარგარი, მოცხარი, ხურტკმელი და სხვა), ხოლო დანარჩენ წვრილ ხილს ძირითადად მიჯნის ნაპირებზე რგავდნენ. აღსანიშნავია, რომ წვრილი და საერთოდ ნაადრევი ხეხილის ბალ-ვენახების შუა ადგილებში გაშენებას ერიდებიან, რადგანაც მათ გამოცდილებიდან იციან, რომ იქ ხშირად ადამიანის ფეხი ხვდება და მამული ფუჭდება. ამის გამო ყოფაში ზაფხულ-შემოდგომის ხილეულს, როგორც აღნიშნული გვქონდა, ბალ-ვენახების ნაპირა მიჯნებს ურიგებდნენ, რომლებიც ამავე დროს ლობის დანიშნულებითაც გამოიყენებოდა.

ჩვენ აღვნიშნეთ, რომ აღმოსავლეთ საქართველოში ბალ-ვენახები ძირითადად ოთხკუთხა ფორმით იყო წარმოდგენილი. რომელშიც თავისი მხრივ შიდა ფართობის განაწილებაც თავისებური კანონზომიერებით მიმდინარეობდა. ერთი მთლიანი ფართობი დანაწილებულია შიდა ნაკვეთებად, რომელნიც ერთმანეთისაგან მიჯნებით განიყოფებიან. სათანადო მიჯნებით გამოიყოფა ბოსტანი, ვენახი, ხეხილი და სახნავ-სათესი. მიჯნის სიგანე ერთიდან ორ მეტრამდეც კი აღწევს ხოლმე.

აღმოსავლეთ საქართველოს სინამდვილეში არჩევენ ოთხი სახის მიჯნას: აგარდითი, შუა, თავისა და ბოლოს. გვერდითი მიჯნა, რომელიც შედარებით უფრო განიერია ხოლმე მასზე აშენებენ, როგორც საკაფ ხეებს, ისე ნახევრად მოზარდი ხეხილის ხეებს, როგორცაა მაგ. ჯონჯოლი და სხვა. აღსანიშნავია ის გარემოება, რომ დიდრონი ხეხილის ჯიშებს განსაკუთრებით ფართობის იმ მხარეს ურჩევენ. რომელსაც ჩრდილი მხოლოდ მზის „გადაწვევრვისას“ მოაქვს. გარდა ნაკვეთის დანაწევრებისა თვითეულ მიჯნას თავისი სპეციფიკური მნიშვნელობაც აქვს. მაგ. თავის მიჯნა ძირითადად რწყვის დროს სასიარულოდ გამოიყენება, რომელიც ამავე დროს აყამირებს-ამაგრებს მთავარ სარწყავ კვალს: ბოლო მიჯნა ნაყურების მარეგულირებელიცაა, შუა მიჯნა წყალგამყოფი და სხვა. ყოველი მათგანი ყველა შემთხვევაში ფეხით სასიარულოდაც გამოიყენება. მიჯნა, რომელსაც მთავარი სარწყავი კვალი ჩამოუდრიოდა, როგორც ითქვა. შედარებით განიერი უნდა ყოფილიყო, რასაც წყლის საგანგებო ბილიკის აუცილებლობა მოითხოვდა<sup>59</sup>. შუა მიჯ-

<sup>59</sup> აღნიშნულ საკითხზე იხ. მ. გეგეშიძის დასახ. შრომა, გვ. 65..

ნა შედარებით ვიწროა და ხეხილის გასაშენებლადაც ნაკლებად გამოსადეგია (თუ მხედველობაში არ მივიღებთ ხუნწის, ხურტკელის და სხვა ბუჩქოვანი ხეხილისა და მანულის განაშენიანებას).

მიჯნით მიწის შიდა. დანაწილებულ თვითეულ ნაკვეთს ყოფაში „ეტი“ ეწოდებოდა. ეტის გამომყოფია მიჯნა თავისი სარწყავი კვალით — ეტით. საბას განმარტებით, — ეტი არაკალია და კენახის ეტს უწოდებენო.<sup>60</sup> ის ეტი, რომელიც „მამულის“ თავში მდებარეობდა და პირველად ირწყვოდა იქ, ხეხილის გაშენებას რჩებოდნენ. მოხრ. გადმოცემით „თავის მამული მალე ღარიბდება და ირუცება, რასაც ბოსტანთან შედარებით ხეხილი უფრო ადვილად იტანს“-ო. იმის გამო, რომ მიჯნებზე ხეხილის ნარგავებია გაშენებული ერთი შეხედვით მიწა, რომელიც შერწყმული კულტურებით ხასიათდება, ერთი მთლიანი ბაღის შთაბეჭდილებას ტოვებს, რის გამოც ყოფაში ხმარებული ერთი მთლიანი ტერმინის—ბაღის არსებობა ამით უნდა იყოს გამართლებული.

### ხ ე ხ ი ლ ი ს მ ო ვ ლ ა

კერ კიდევ უხსოვარ დროს, როდესაც ადამიანი მივიდა იმ დასკვნამდე. რომ ხილი ყოველთვის სასარგებლოა მისთვის. მაშინ დაიწყო მისი მოშინაურება და ამასთან ერთად მოვლაც. ისიც ცნობილია, რომ ყოველი ხილის ჯიში. რომელმაც ჩვენს დრომდე მოაღწია და ხალხი თავის სასარგებლოდ იყენებს ერთ დროს ტყის გაველურებულ ნარგავებს წარმოადგენდა. რა თქმა უნდა პირვანდელველურად მდგარ ხეხილს ახლანდელი ხილის გემო და ლაზათი არ გააჩნდა. რომელიც შეჯვარებისა და მოვლის წყალობით არის მიღებული. ეთნოგრაფიულ სინამდვილეში ვხვდებით ოდესღაც კულტურული ხეხილის ჯიშებს ძველ ნამოსახლარებთან. რომელთაც მოუღლელობის შედეგად პირვანდელი—გარეული თვისებები აქვთ დაბრუნებული. ისე, რომ „თუ ხილს არ მოუარე უკანუკან მიდის და თავის წინაპარს ემსგავსება“<sup>61</sup>.

ხეხილის ჯიშთა თვისებები რომ ნიადაგის. ჰავისა და მოვლის პირობების წყალობით შესაძლებელია შეიცვალოს. ქართველ ხალხს კერ კიდევ დიდი ხნის წინათვე უნდა შეემჩნია. რაზედაც ეთნოგრაფიულ სინამდვილეში შემორჩენილი მდიდარი ტერმინოლოგიაც მეტყველებს. კერძოდ აღმ. საქართველოს სინამდვილეში დღესაც ხმა-

<sup>60</sup> ს უ ლ ხ ა ნ -ს ა ბ ა ო რ ბ ე ლ ი ა ნ ი, ლექსიკონი, გვ. 16 და 111.

<sup>61</sup> ნ. კ ე ც ხ ო ვ ე ლ ი, ბაღის მიწასაც მოვლა უნდა, თბილისი, 1926, გვ. 2.

რეპაშია ტერმინები „გადაჯიშება“, „გადაგვარება“ და სხვა, რაც ხეხილის პირვანდელი თვისების შეცვლის შემთხვევაშიაც არის ხმარებული. ხეხილის გადაჯიშებისას, რომელიც ნიადაგის გამოცვლის კლიმატისა ან სხვა პირობების შემთხვევაშიაც კი ხდება ხოლმე, ხშირად ესა თუ ის კულტურა ყოფაში ახალ სახელწოდებასაც კი ღებულობს.

სიტყვა გადაჯიშებას ხალხი მაშინ მიმართავს, როცა ესა თუ ის ხეხილი ადგილია გამოცვლით ან სხვა ხელისშემწყობ ნიადაგზე სხვა თვისებებს იძენს. გადაგვარებულს იტყვიან მაშინ. როდესაც ერთ დროს მსხმოიარე ხეს ნაყოფის მოცემის თვისება დაუკარგავს, ხოლო „უშვილო“ კი თავიდანვე—დარგვიდან ნაყოფს არ იძლევა და სპეციალისტების მტკიცებით მამრობით ეგზემპლიარებს წარმოადგინენ.

გ ა ს ხ ე ლ ა. ბალ-ვენანების გასხვლა საქართველოში ძველთაგანვე უნდა სცოდნოდათ, როგორც მეურნეობის იმ დარგებით დაწინაურებულ ქვეყანას, რომელთა გასხვლის გარეშე დღევანდლამდე შემორჩენა შეუძლებელიც კი იქნებოდა. აღნიშნული საკითხის გადასაქრელად დიდი მნიშვნელობა ენიჭება არქეოლოგიურ მასალებს. რომელნიც საქართველოს ტერიტორიაზეა მოპოვებული. ამ მხრივ აღსანიშნავია ბრინჯაოს თავისებური, წვერმოკაუჭებული ცული, პროტოტიპი თანამედროვე დასავლურ-ქართული წალდისა, რომელიც ბუჩქნარის გამოსაჩეხად და ტყის მალღარი ვენახების სასხლავად იხმარებოდა<sup>62</sup>.

ისტორიული წყაროების სიმციობის მიუხედავად, შესაძლებლობა გვაქვს ზოგიერთი ცნობები მოვიშველიოთ, რომელნიც უშუალოდ ვახის სხვლასთან არიან დაკავშირებული და წარმოდგენას გვაძლევენ მებაღეობა-მევენახეობის ამ სამუშაოს პროცესზე (სტრაბონისა და შარდენის ცნობები საქართველოს შესახებ).

საკითხის შესასწავლად არანაკლებ საყურადღებოა ჩვენ მიერ გელზე მოპოვებული ეთნოგრაფიული მასალა, რომელიც ნათელ წარმოდგენას გვაძლევს იმ მდიდარი ხალხური წეს-ჩვეულებების შესახებ. რაც მეურნეობის ამ დარგთან არის დაკავშირებული.

საქართველოს სინამდვილეში ხეხილის გასხვლას დარგვიდანვე იწყებდნენ. რათა ხისათვის გარკვეული ფორმა და კარგად დახარების საშუალება მიეცათ. იმის გამო. რომ ზამთარში ყინვამ არ შეაწუხოს ხეხილს მეტწილად ნაადრევ გაზაფხულზე სხლავენ. გასხვლი-

<sup>62</sup> ბ. კ უ ფ რ ი ნ ი, კავკასიაში ქართული კულტურის უძველესი ფესვების საკითხისათვის, საქ. სახ. მეზუმიის მოაზბე, ტ. XII-ბ, თბილისი, 1944.

სას მეურნე მხედველობაში იღებს ამა თუ იმ ხის ბუნებრივი ზრდას თავისებურებას და იმისდა მიხედვით თუ როგორი ტანის ზრდა ახასიათებს, თავისებურ ფორმას უტოვებს. გამოცდილმა მეზღვემ კარგად იცის, რომ ყველა ხე მეტ-ნაკლებად კონუსის ფორმას იზრდებდა, რის გამოც პატარა ნერგის გასხვლის დროს ქვედა ტოტებს შედარებით განზე აჭრიან. ისე, რომ მას თავიდანვე კონუსის ფორმას აძლევენ, რათა უფრო მეტი მოსავალი მიიღონ.

მეზღვეთა გადმოცემით. ხეხილის გასავლა აუცილებელიც კი არის, რადგანაც ხეს შნო და ლაზათი ეძლევა. ხე თავისუფლად იზრდება, ღონიერდება და ამასთან ერთად ახალი ტოტები ემატება.

ყოფაში განსაკუთრებულ ყურადღებას აქცევენ ახლად დარგული ხეხილის გასხვლას—„დაყენებას“, რომელსაც აწარმოებდნენ, როგორც დარგვამდე ისე დარგვის შემდეგ. ძმების ფრიდონოვების რჩევით „დარგვის დამთავრების შემდეგ საჭიროა ტოტების გასხვლა. ჩვენში ტოტები უნდა გაისხვას ერთ მესამედზე. ან უნდა დარჩეს ერთი მესამედი თუ ერთი მეოთხედი სიგრძის. ამასთანავე ქვეშთა ტოტები ორი ან სამი კვირტით უფრო გრძლად უნდა იქნან დატოვებულნი, ვიდრე ზემო ტოტები. უმთავრესი მწვერვალი ტოტი უნდა დატოვებული იქნას გვერდის ტოტებზე უფრო გრძლად. ტოტებენ დაახლოვებით ათ კვირტამდე. გადაჭრა ყოველთვის საჭიროა გარეთა კვირტზე და გადაჭრილი ადგილი უნდა დაფისოთ“<sup>63</sup>.

ხეხილის გასხვლას საზოგადოდ წელიწადის სამ პერიოდში აწარმოებენ: შემოდგომით, გაზაფხულობით და ზაფხულში. მეხილეთა დაკვირვებით გაზაფხულის პერიოდში ისეთი ხე ისხვლის. რომელიც ჩვეულებრივი ნაზარდია, ე. ი. არც ძალიან ღონიერია და არც უღონო. ხეხილის სხვლა, რომელიც ძირითადად შემოდგომა-გაზაფხულობით მიმდინარეობს. საყოველთაოდაა აღიარებული. თუმცა ეთნოგრაფიული მასალებიდან ირკვევა, რომ ზოგ შემთხვევაში ე. წ. „შერჩევითი სხვლა“ ზაფხულობითაც კი სასარგებლოა ხოლმე. როგორც მთხრ. გიგა მიხეილის ძე ჯოხარიძე (სიღნაღის რ-ნი. სოფ. საქობო, 1959 წ.) აღნიშნავს: „ზაფხულობით ხეს მაშინ გაესხვავთ, როცა ის თანაბრად არ იზრდება. ე. ი. როდესაც რომელიმე ტოტი იჩაგრება მაშინ ნამზრეულებს — ანუ ბარტყებს გაეცლით. რომელსაც შეფურთვანასაც უწოდებთ. იმავე ზაფხულის პერიოდშივე ხდება

<sup>63</sup> ხეხილის სანერგეები და ბაღები. ძმ. გ. და მ. ფრიდონოვებისა, თბილისი, 1905, გვ. 13.

აგრეთვე თამამი ხის შეჩერება—წვერების წაქრა, ხოლო შემოდგომის პერიოდში დაზიანებული ტოტებისაგან ხის გასუფთავება“.

მიუხედავად იმისა, რომ რამდენიმე წლის გაუსხლაობით ხეხილი არ იღუპება, არ ხმება, რასაც განსაკუთრებით ვერ იტანს ვაზის კულტურა, გამოცდილი მებაღე ხეხილის ხეებს ორ წელიწადში ერთხელ მაინც უეჭველად სხლავს, თუ მხედველობაში არ მივიღებთ ახალგაზრდა ნამსრეულების წელიწადის ყოველი დროის განმავლობაში დანით და პატარა ხერხით შეკლას.

გასხვლის მნიშვნელობა უაღრესად დიდია, რადგანაც მისი მეშვეობით ხეს ნებისმიერად ზრდიან ან აჩერებენ მის ზრდა-განვითარებას, აღიღებენ მოსავალს, იცავენ სხვადასხვა უამინდობის შემთხვევისაგან და სხვა. გასხვლას დიდი პრაქტიკული მნიშვნელობა აქვს აგრეთვე დაბერებული ხეების „გადახალისების“ საქმეში, რაზედაც ჩვენ მომდევნო თავში შევჩერდებით.

დიდრონი ხეხილის გასხვლისას მებაღეები სხვა პირობებთან ერთად განსაკუთრებულ ყურადღებას აქცევენ ტოტების შინა განაწილებას, რაც ტანის შიდა ნაწილის ჰაერიანობას ემსახურება. ამ მიზნით გამოცდილი მებაღე ისე გასხლავს ხეებს, რომ შიგნითა ტოტებში ცუდად „გაბრუდებულსა“ და ნაზარდ. ტოტს არ გააჩერებს, რომელსაც გაასწორებს ან მოჭრის. მთხრობელთა გადმოცემით ხე ისე უნდა იყოს გასხლული, რომ შიგნით ჰაერი თავისუფლად ტრიალებდეს და ტოტები ერთმანეთს არ ეხახუნებოდესო, რადგანაც ამგვარად „დაყენებული“ ხე კარგ ნაყოფსაც „იღებს“ და მოსავალსაც კარგად ინარჩუნებს ბოლომდეო.

ხეხილის უდროვოდ გასხვლას ეთნოგრაფიულ სინამდვილეში ერიდებოდნენ, რადგანაც ხე იჩაგრებოდა და ცუდი ამინდების შემთხვევაში გახმობის მიზეზიც კი ხდებოდა. ამის გამო, როდესაც დიდი ტოტი გამრუდებას იწყებდა და მისი მოჭრა დროის ან საჭიროების შემთხვევაში არ შეიძლებოდა, მაშინ მას კავების დახმარებით გაასწორებდნენ. ამისათვის გამოთლიდნენ კარგ „ლონიერ“ ლატანს, რომელსაც სასურველი იყო თავ-ბოლოში კავი ქონებოდა, რათა ტოტს უფრო საიმედოდ მოსდებოდა. როდესაც გასასწორებლად ან „ჩახლეჩილ“-დაზიანებულ ტოტს კავს გამოსდებდნენ იქ, სადაც კაცი უნდა მოსდებოდა ან მიბმულიყო მის შიგნითა მხრიდან—„ილიაში“. წინასწარ წმინდა თივას. ხავსს, ან რაიმე ჩერებს ჩაუვებდნენ და წნელით მიაბამდნენ, რათა ხის მერქანი არ დაზიანებულიყო. ამ შემთხვევაში კი თუ საკმაოდ დიდი ტოტის გასწორება სურდათ, მაშინ მას ძირიდან მოზრდილ ხეს—ბოწკინტს შეუყენებდნენ და იგივე

თივის ჩაგების წესით ე. ი. იმის მიხედვით თუ როგორ შეიძლება ან გასწორდებოდა, მერე გამოაცილიდნენ. იმავე წესს იყენებენ მსხმოიარე ხეხილის ტოტების დამტვრევისაგან დაცვის მიზნითაც. გასხვლა თავის გარკვეულ წესებს და სათანადო ხელსაწყო იარაღებს საჭიროებს. ცული გასხვლის შედეგად მაგ. თუ ტოტი ჩამოიხლიჩა ან პირდაპირ გადაიხერხა, მაშინ ის წვიმის წყალს დაიუნებს, სოკოს ან ხავსს გაიჩენს და გულში სიღამპლე შეეპარება.

აღმ. საქართველოს სამეურნეო ყოფაში სასხლავ იარაღებზე გამოიყენება: წალდი, ხერხი (გრძელწვერა, წვრილი ხერხი), დანა და ვაზის მაკრატელი. ამათგან, როგორც ზემოთ აღვნიშნეთ და რაზედაც არქეოლოგიური მონაცემები მეტყველებს, ყველაზე უაქველესი რალი გასხვლის საქმეში არის წალდი.

როგორც ივ. ჭავჭავიძე აღნიშნავს: „ვაზის გასასხლავად განკუთვნილი იარაღის სახელად საქართველოში სულ ოთხი სიტყვა არსებობდა: სავაზე, სასხლავი, წალდი და ბურკული“<sup>64</sup>. საბა ორბელიანის განმარტებით, წალდი „ფიჩხის საკაფი“ იარაღია და ბუნებრივია, რომ ის ძველი დროიდანვე ხეხილის გასხვლის საქმეშიც გამოიყენებოდა.

როგორც ნ. რეხვიაშვილი აღნიშნავს სასხლავი იარაღი „წალდუხა წალდრსაგან არა მარტო თავისი ყურწიანი სატარეთი განირჩევა. არამედ ფუნქციითაც. პირველი ძირითადად საწალდავი იარაღია, მეორე—გამსხლავი. უკანასკნელი თავისი მოქმედების სიძლიერით და ინტენსიობით წალდს ვერ შეედრება. საამისოდ არც ტარი და არც სატარე არ არგია... ამჟამად მისი გავრცელების არეს, უმთავრესად ბარის ზოლი შეადგენს. მთის ზოლში მისი იშვიათობა, საფიქრებელია. იმით აიხსნება, რომ იგი ძირითადად საბაღოსნო ბასიათის იარაღია“<sup>65</sup>.

აღმ. საქართველოს ეთნოგრაფიული მასალებით დგინდება, რომ საკვლევ რაიონებში ფართოდ ყოფილა გავრცელებული დღევანდელი წალდის შემცირებული ფორმის სასხლავი იარაღი, რომელსაც „წალდუნა“ ეწოდებოდა. წალდუნა თავისი მოყვანილობით, რომელსაც „ნიღრი“, პირთან აქვს გაერთიანებული. პარალელს წარმოადგენს ყოფაში ცნობილი „ნამყენი დანის“ პირისას. რო-

<sup>64</sup> ივ. ჭავჭავიძე, დასახ. შრომა, ტ. II, გვ. 331.

<sup>65</sup> ნ. რეხვიაშვილი, მკვდლობა რაჭაში, თბილისი, 1953, გვ. 153.

გორც მთხრობლები გადმოგეცემენ, სანამდე სასხლავი მაკრატელი შემოვიდოდა, ქართული ვაზი სულ ზემოთ აღნიშნული წალღუნით ისხვლებოდა ხოლმეო.

ხეხილის გასხვლისას მებაღე დიდი სიფრთხილით ეკიდება როგორც ტოტის მოჭრას, ისე მის მოცილებას, რომ ხეს კვირტები არ დაუზიანოს. ხოლო გადახერხვა-გადაჭრას აწარმოებს ირიბად, რათა წყალი არ გაიჩეროს და სიღამპლე არ შეეპაროს. ამ მიზნით გამოცდილი მებაღე ხეს მოჭრილ ადგილას იმავე საგოზავებს წაუსვამს, რომელიც მცნობის პროცესში გამოიყენებოდა და სათანადო ადგილას გეჭონდა აღნიშნული. საგოზავების გამოყენება განსაკუთრებით სასარგებლო და აუცილებელია ტოტის უდროვოდ მოჭრის ან ხის ტანის დაზიანების შემთხვევაში.

ბ ა დ ის ბ ა რ ვ ა. ძველმა ქართულმა ხელნაწერებმა ნაწილობრივ შემოგვინახა ხეხილის დამუშავების რიგი საილუსტრაციო მასალა, რომელნიც მეურნეობის სხვა პროცესებთან ერთად ბალის ან ვენახის ბარვასაც ასახავენ. ერთ ამგვარ საბუთად შეგვიძლია დავასახელოთ XII ს. ჭრუჭის ოთხთავში წარმოდგენილი მინიატურა, სადაც ბალ-ვენახის ბარვის პროცესია წარმოდგენილი და ასევე XVII ს. ვეფხვის ტყაოსნის ხელნაწერის მხატვრობაში ასახული ბალის ბარვა და მებაღე (აკად. ივ. ჯავახიშვილი, საქართველოს ეკონ. ისტორია ტ. II, გვ. 108, 530).

ხეხილის ბაღების ნიადაგის დამუშავება-ბარვა საყოველთაოდ ჰიღებულა შემოდგომის მიწურულსა და ნაადრევ გაზაფხულზე. შემოდგომის პერიოდში განსაკუთრებით ამჯობინებდნენ ახალგაზრდა ხეხილის ბალის დამუშავებას, რომელსაც შედარებით „ზევით-ზევით“ ბარავენ, რათა ძირი არ შეურყიონ. მებაღეთა დაკვირვებით ახლად გაშენებული ხეხილის ბალის დამუშავება მეორე წლიდანვე იწყება, რომელსაც ჯერ თოხნიან, ხოლო დარგვიდან მესამე წელს კი ბარავენ. შემოდგომის პერიოდში ბარვა, მთხრობელთა გადმოცემით, სასარგებლოა იმდენად, რამდენადაც ის მალე მზრალდება, პატივივით შეერგება და ამავე დროს ჩვილი მიწა კარგად იკავებს ყინვასაო.

ხეხილის ბაღში ბარვა თავისებურ სიფრთხილეს თხოულობს, რადგანაც ბარის „გამეტებით ჩართვით“ შესაძლებელია ფესვი დაზიანდეს. ამისათვის გამოცდილი მებაღე ძველ ნაყამირალს შედარებით ნაკლები სიღრმით ბარავს, რადგანაც მან გამოცდილებიდან იცის, რომ რაც უფრო დაუმუშავებელია ნიადაგი ნარგავებს ფესვებით უფრო ზევით-ზევით უნვითარდებათ. ამის გამო ყოფაში ხეხილის ბალის დამუშავებისას ბრტყელპირა და მოკლეტარიანი ბარი იხმარება. მოკლეტარიანი ბარი განსაკუთრებით გამოიყენება დაბ-

ლად დაყენებული ტოტებით განვითარებულ ხეხილში, სადაც შედარებით ბარის დაწვენილი წესით ბარვას მიმართავენ. მიუხედავად აგროტექნიკის დიდი მიღწევებისა, სადაც მთელი რიგი სამუშაოები მექანიზაციის წესით სრულდება, ბარის როლი ხეხილის დამუშავების საქმეში ჯერ კიდევ დიდია.

ხეხილის ბალის დამუშავებას მექანიზაციის ძალით, მხოლოდ მწკრივთა შორის მიმართავენ. ხოლო თვით ხეხილის ძირებს—მწკრივებს, ბარის მეშვეობით. ბარზე მუშაობა, რომელიც მთხრობელთა გადმოცემით უკან-უკან მოძრაობასა და დიდი სიმძიმის აწევას თხოულობს უბარაქო სამუშაოა, ამისათვის აქ განსაკუთრებით მიღებული იყო, როგორც ნაკვალავარდის წესი ისე დაქირავებული მუშახელის გამოყენება<sup>66</sup>.

აღმ. საქართველოში ხეხილის ნიადაგს განსხვავებული წესებით ამუშავებდნენ. მაგ. თუ ახლად გაშენებულ ბალს 8-10 წლამდე (ქართლში) ყოველ წელიწადს ბარავდნენ; ძველ ხეხილს ორ-სამ წელიწადში ერთხელ, მაშინ როდესაც კახეთში და განსაკუთრებით ითიულეთში და მესხეთში ან 4-5-ჯერ დაბარავდნენ ან სრულიად დაუბარავად დააგდებდნენ.

ცნობილია, რომ ნიადაგის დამუშავებას ყველა ხეხილი თხოულობს, თუმცა მას შერჩევითი წესითაც ამუშავებენ ხოლმე, რადგანაც წვერილი ხილის უმეტესი ნაწილი ისეთ ადგილებში ირგვის (მიჯნებზე, ღობეებში და სხვა), რომ მიუწვდომელია მისი ბარვათოხნა. ამისათვის მოსახლეობის ის ნაწილი, რომელიც ქალაქების ახლო-მახლო ცხოვრობდა და მისი ყოველგვარი ხილეული საბაზრო დანიშნულებით გამოიყენებოდა იქ წვერილი ხილის საგანგებო დამუშავებას-ბარვას ოდითგანვე დიდი ყურადღება უნდა ჰქონოდა დათმობილი. როგორც ეთნოგრაფიული მასალებიდან ჩანს, ქართველმა მეურნემ გამოცდილებიდან იცის, თუ რომელი ჯურის ხეხილს შეუძლია ცოტა თუ ბევრად შეეგუოს დაუმუშავებელ ნიადაგს, რომელს საჭიროებს ყოველწლიური დამუშავება და სხვა. მათი სიტყვით ნიადაგის დამუშავებას განსაკუთრებით თხოულობს: ატამი, კერამი, ვაშლი, მსხალი, ნუში, ქლიავეები და სხვა, ხოლო უამისოდ დიდხანს ძლებს კაკალი, თხილი, თუთა, ყოლო, ბროწეული, ლეღვი და სხვა.

აღსანიშნავია, რომ ფერდობ ადგილებში, იქ სადაც ხეხილია გაშენებული ნიადაგების დამუშავებას სრულიადაც არ მიმართავენ

<sup>66</sup> ჯ. ს. ნ. დ. უ. ლ. ა. შ. ვ. ი. ლ. ი., დასახ. შრომა, 1959, გვ. 23.

ხოლმე. ღუშეთის რაიონის სოფელ ჩაბარუხში მცხოვრებ შაქროვიკოს-ბე ქავთარაძის (1960 წ., 80 წლის) გადმოცემით: „დაქა-ხებულ ბაღებში რომ მიწა ვბაროთ ნიადაგი მოზღვავდება და ხეები გადაიქცევა. ამისათვის დაბეგებულ-დაყამირებულ მიწას პირს არ გაუხსნით, სამაგიეროდ ორ წელიწადში ერთხელ მაინც ხეების ძირებში ნეხვს მოუფენთ ხოლმე“. ნეხვი იმავე მთხრობელის გადმოცემით ნიადაგს აფუებს, სინესტეს უნარჩუნებს და მაღალ ბალახსაც იკეთებს, რომელსაც წელიწადში 2-3-ჯერ გამოვითბავთ ხოლმეო. ხოლო რაც შეეხება აღმ. საქართველოს ბარს, აქ ხეხილის ბაღებში ფართოდ მოყავთ „ფეხის მოსავალი“: სიმინდი, ლობიო, კიტრი, პამიდორი და სხვა. ამის გამო ბაღები დაბარვასთან ერთად წელიწადში რამდენიმეჯერაც ითოხნება ხოლმე. მეურნეთა დაკვირვებით ბაღ-ვენახების თოხნა „ფეხის მოსავლის“ გარეშეც სასარგებლოა, რადგანაც ნიადაგი გრილდება, ფხვიერდება და ბალახეულობისაგან იწმინდება. იმ შემთხვევაში თუ ხეხილის ბაღის დაბარვა ვერ მოხერხდებოდა, მაშინ მას წელიწადში ორჯერ—აღრე გაზაფხულზე და ზაფხულის პერიოდში ღრმად დაჩერკნიდნენ.

ხეხილის ბაღში კარგი მეურნე გუთანს არ „გააქაქანებდა-არ მოუკიდებდა“, რადგანაც ნარგავს ფესვები ეგლაჯებოდა. გუთნით მოხვნისას იმ დროს მართლაც დაზიანდებოდა ფესვთა სისტემა, რადგანაც, როგორც ზემოთ აღვნიშნეთ, ძველად ე. ი. გასაბჭოებამდე საქართველოში ხეხილის გაშენებისას მწკრივთა და ნარგავთა შორის მანძილი თითქმის ერთიორად მცირე იყო... ახლა როდესაც თვითეული ნარგავი (თუ წვრილ ხილს არ მივიღებთ მხედველობაში, 10—12 მეტრით არის ერთმანეთისაგან დაცილებული, ბუნებრივია მისი რიგთა შორის გუთნით დამუშავება ფესვებს არ დააზიანებს.

გ ა ნ ო ყ ი ე რ ე ბ ა. ცნობილია, რომ ნიადაგი ღროთა განმავლობაში თავის ძალას კარგავს—ირეცხება და მეტ-ნაკლებად ადგილის მიხედვით იფიტება კიდევ. ამის გამო მიწათმოქმედებაში ოღოთგანვე ცნობილი იყო ნიადაგების განოყიერების სხვადასხვა ხალხური წესები.

როდესაც პირველყოფილმა ადამიანმა ველურ ცხოვრებას თავი დაანება და ხელოვნურად მცენარეულობის მოყვანას მიჰყო ხელი, იმ დროისათვის მას უკვე ჰყავდა შეჩვეული პირუტყვი-საქონელი და მუდამ ჰქონდა შემთხვევა, რომ შეემჩნია საქონლის განავლის გავლენა მიწაზე.

ვიღრე უშუალოდ ხეხილის გაპატივებაზე გადავიდოდეთ მოკლედ. შევეხებით ნიადაგის დასვენების წესებს, რომელსაც ქართვე-

ლი მებაღეები აღრევე მიმართავენ. „იმასთან დაკავშირებით თუ მოხვნის შემდეგ მიწა რამდენ ხანს ისვენებდა, შემუშავებული იყო შესატყვისი ტერმინები: ნარბილი, რცხალი, ყამირი, კორდი, ნასვენები, ანეული, მზრალი და სხვა“<sup>67</sup>.

აღსანიშნავია, რომ საქართველოს პირობებში ნიადაგის დასვენებას სხვადასხვა დროისა და წესების დაცვით მიმართავენ. მაგ. გურჯაანში ვენახის სამ წელიწადს ზედიზედ ბარავდნენ და თოხნიდნენ, შემდეგ მარტო თოხნიდნენ. ახაშენში 2-6 წლამდეც კი ტოვებდნენ მოუთოხნავს და ა. შ<sup>68</sup>. ხოლო ქართლის პირობებში კი ვენახს ყოველ ორ წელიწადში ერთხელ ბარავდნენ და წელიწადში 3-4-ჯერ თოხნიდნენ. იგივე ითქმის ხეხილის მიწის დასვენების ირგვლივ, სადაც ნიადაგს 2-3 წლით ასვენებდნენ ხოლმე. მართალია ქართველ მეურნეს კარგად ესმოდა ნიადაგის ხანგრძლივი დროით დასვენების სარგებლიანობა, რასაც ფართოდ იყენებდა კიდევაც მეზინდვრეობის სისტემაში, მაგრამ მან გამოცდილებიდან ისიც კარგად იცოდა, რომ დიდი ხნით უმუშევრად „ნაგდები“ ბალი „გადაგვარდებოდა“ და ხმებოდა. ამის გამო ქართლის სინამდვილეში, სადაც ხშირად ბაღებს 5-6 წლითაც ასვენებდნენ ანუ აყამირებდნენ, ორ წელიწადში ერთხელ თვით ნარგავის ძირებს დაახლოებით ორი მეტრის რადიუსით უბარავდნენ ხოლმე.

ხეხილის მეტ-ნაკლები ვადით დაყამირებას ყოფაში სისტემატიურად მიმართავენ, რადგანაც გარდა იმისა, რომ ნიადაგი ისვენებს—კეთდება, თვით ნასვენი მიწის ხილის მოსავალი კარგი გამოვნიებით, გამძლეობითა და შეფერილობით ხასიათდება. ამ მიზნით დასასვენებლად დაგდებულ ხეხილის ბაღში წინა წლის შემოდგომის პირზე ბალახს (იონჯას ან სამყურას) ანეულის სახით დათესავენ და დაჩერკნიდნენ. ბალახეულობით მიწის დასვენება-გაპატივეება ძველთაგანვე მომდინარეობს, რომელიც ივ. ჯავახიშვილის მტკიცებით ქსენოფონტეს დროს ნიადაგის პატივით გაპოხიერების გარდა „ბალახ-ნაბჭიანი მიწის გადაბრუნებითაც ცდილობდნენ ხოლმე სახნავის განოყიერებას“<sup>69</sup>.

მოხრ. გენო ლუარსაბის ძე ჩიქლაძის (75 წ. გორის რ-ნის სოფ. ტყვიავი, 1958 წ.) გადმოცემით „ღვინოცა და ხილიც ყამირისა ჟობიან, ნაყოფი კარგი იცის და ესე გასინჯე ხილით მოვაქრე ბაყლებიც ძიენ ეტანებოდნენ ხოლმე, რომელნიც გვეტყოდნენ: ე ფეხის

<sup>67</sup> გ. ჯ ა ლ ბ ა ძ ე, დასახ. შრომა, გვ. 140.

<sup>68</sup> ივ. ჯ ა ვ ა ხ ი შ ვ ი ლ ი, დასახ. შრომა, წ. II, გვ. 365.

<sup>69</sup> ივ. ჯ ა ვ ა ხ ი შ ვ ი ლ ი, დასახ. შრომა, წიგნი I, გვ. 382.

გასავლის გულისათვის ხილს ნუ აფუქებთ და მაგი ფასს ჩვენ გადა-  
გიხდით ხოლმეო“.

მესილეობაში ბაღების გაყამირებასთან ერთად ფართოდ იყენებდნენ გაპატივების წესებს, რაც კარგად ჩანს წერილობითი წყაროებიდანაც. „XVII ს. ერთ ძეგლში (ვახტანგ VI „დასტურამალი“, გვ. 45) აღნიშნულია, რომ კავთისხევის ზეარს ყოველწლიურად 69 ჯინი ნახვი სკირდებოდა, რომ ამ სოფლის თვითეული 23 სახასო გლეხთაგანი 3 ჯინს ნახვს იხდიდა და სხვა“<sup>70</sup>.

ხეივანის ბაღში ნახვის გატანა ხდება ზამთრის პერიოდში მარხილების საშუალებით, რომელზეც (უმთავრესად თხილის) წნელისაგან მოწნული ჯინია გამართული. ჯინი საბა ორბელიანის განმარტებითაც გოდორ-მარხილს ნიშნავს, რომელსაც ყოფაში სასიმიინდედაც სწნავენ და „ძარსაც“ უწოდებენ. კელძარი კი საბას განმარტებით „ხელის ჯინი საზიდარია. ჯინში ანუ ძარში 10—15 ფუთამდე ნახვი ჩადის. აკად. ივ. ჯავახიშვილს ეთნოგრაფიული მასალების საფუძველზე ჯინის საშუალო ტევადობა ათ ფუთამდე აქვს განსაზღვრული“<sup>71</sup>.

მთხრობელთა გადმოცემით, „თითო კარგად მოზრდილ ძირს ერთი ჯინი ნახვი კარგად ყოფნიდა, ხოლო წვრილ ხილს იგრე ვარაუდით მოუფენდით ხოლმე“<sup>72</sup>. „ნაკელის დაყრის რაოდენობა დამოკიდებული იყო აგრეთვე გლეხის შეძლებაზე. დღიურზე საშუალოდ აყრიდნენ 100—150 ჯინს. ისე როგორც პროფ. გ. ჩიტაიას მასალებიდან ირკვევა ნაკელი მიწაზე ვერშოკნახევარი სისქით უნდა მოეფინათ“<sup>72</sup>. აქვე უნდა აღინიშნოს, რომ ნაკელის დაყრა თვით ხეხილის წლოვანობაზეც იყო დამოკიდებული.

მებაღეთა დაკვირვებით ახალგაზრდა დაახლოებით 15-20 წლის ხეს 5-8 ფუთი ნახვი ყოფნის საშუალო გამწეობის მიწაში, რომელიც 4-5 წელიწადს უნარჩუნებს სინოციგრეს, ხოლო დაბერებულ ხეებს 10-15 ფუთი, რადგანაც გვიან იგებს სინოციგრეს და ფესვებიც განზე აქვს გადგმულიო. ამ მიზნით გამოცდილი მებაღეები ძირიდან დაახლოებით ორი არშინის მოშორებით 1—2 არშინის სიგრძის არხებს გაუჭრიდნენ და ნახვით ამოავსებდნენ. აღნიშნული წესით ხეხილის გაპატივებისას მებაღეები ხელს უწყობდნენ ბებერ ხეებს, რათა დამატებით გამოეღოთ ახალი—ჩინჩლა ფესვები და გალონიერებულიყვნენ. წინააღმდეგ შემთხვევაში ბებერი ხე, როგორც აღნიშ-

<sup>70</sup> ივ. ჯავახიშვილი, დასახ. შრომა, წიგნი, II. 365.

<sup>71</sup> ივ. ჯავახიშვილი, დასახ. შრომა, წიგნი II, გვ. 366.

<sup>72</sup> გ. ჯალაბაძე, დასახ. შრომა. გვ. 143.

ნული გექონდა, გვიან იგებდა რა გაპატივებას, მას უგვიანდებოდა ახალი ფესვების გამოტანა და ხმობას იწყებდა. ცნობილია, რომ გაპატივება უმჯობესია დამწვარი ნაკელით. რადგანაც ხე მალე ითვისებს, ხოლო გამძლეობის ე. ი. ნიადაგის სინოციერის დიდი ხნით შენარჩუნების მიზნით კი ახალი ნაკელი უჭობს.

აღმ. საქართველოს ეთნოგრაფიულ სინამდვილეში ნიადაგების გასანოციერებლად იყენებდნენ: საქონლის, ცხერის, ცხენის, ღორის. ფრინველისა და ადამიანის ანუ ე. წ. „ლამის ოქროს“ სასუქებს, რონელიც ნიადაგების მიხედვით გამოიყენებოდა. მაგ. მაგარი და გრილი ნიადაგებისათვის მისი გაფიცებისა და გამსუბუქების მიზნით აყენებდნენ ცხენისა და ვირის ნეხვს, ანუ „ჩონჩოჩის“. ფიცხი და ცხვიერი ადგილებისათვის სასურველია ღორის ნეხვი ანუ „ჩხრინკელი“ (საბა, ლექსიკონი), რომელიც შედარებით დაბალი ღირსებისაა. ხოლო საქონლის ნეხვი ყოველგვარი ნიადაგების გასანოციერებლად გამოიყენება. აღსანიშნავია, რომ დახელოვნებული მეურნეები კარგად ამჩნევენ რა ზეშოთ აღნიშნულ სასუქებს იმის მიხედვით მათ გამძლეობასაც განსაზღვრავდნენ: ძროხის ნეხვი ხალხის დაკვირვებით მაგარ და გრილ ნიადაგებში 5—6 წლამდე ძლებს, ხოლო ფხვიერსა და მსუბუქ ნიადაგებში 3—4 წლამდე. ცხერის ნეხვი ანუ „დრემლა“ (საბას განმარტებით—„დენგრა“), სხვა სასუქებზე ღონიერია, მაგრამ მალე კარგავს თავის თვისებას. ამისათვის კარგია მაგარი და გრილი ნიადაგებისათვის. ყოფაში კარგად არჩევენ აგრეთვე ნეხვის ღირსებას საქონლის ასაკის მიხედვითაც, რომ „ბებერი საქონლის ნეხვი კარგია. ხოლო ახალგაზრდასი შედარებით უღონოა და ამისათვის ერთმანეთში ვურევთ და ნიადაგში ისე შეგვაქ ხოლმე“-ო (მთხრ. ჯირკვალაიშვილი 70 წ., სოფ. მარანა, გორის რ-ნი. 1958 წ.).

ახალგაზრდა საქონლის ნეხვის შედარებით მდარე თვისებებზე აღნიშნულია XIX საუკუნის მეორე ნახევრის ერთ-ერთ გაზეთშიც, სადაც ვკითხულობთ: „თუ პირუტყვი ახალი გაზრდილი ანუ მაკეა იგი მძიმდება და ამ დროს განაეალს ნაკლებად მისდევს სასარგებლო ნივთიერება მიწისათვის“<sup>75</sup>.

აქვე უნდა აღინიშნოს. რომ ყოფაში ხეხილის გაპატივებისას, როდესაც ნიადაგის დამუშავების დროს ვერ ასწრებენ პატივის „მოშლას“ და ჩაბარვას, ასეთ შემთხვევაში იყენებდნენ „ეი-ყო“-ს გაკეთებას. ეიყოს მოსაწყობად ბალ-ვენახების თავში რამოდენიმე საკმაოდ მოზრდილ ორქოს მოთხრიდნენ, შიგ ახალ პატივს

<sup>75</sup> მიწის გაპატივება, გაზ. მეურნე, თბილისი, 1888, № 33.

ჩაყრიდნენ და წყალს მიუგდებდნენ. ორმოში წყლის ჩასვლასთან ერთად მას დროდადრო ამოურევდნენ ე. ი. წყალში გახსნიდნენ და ამ წესით რწყავდნენ „ნაკადელის“ ბოლოში გასვლამდე. გაპატივე-ზის იგივე პრინციპი ფართოდ გამოიყენებოდა საქართველოს რიგ ადგილებში, რომელიც „მონეხეწყლის“ სახელწოდებითაც არის ცნობილი<sup>74</sup>

რწყვა. ძველად საქართველოში სარწყავი სისტემის მოგვარე-ვის განსაკუთრებული ყურადღება ექცეოდა, რადგანაც ის ითვლე-ბოდა დიდ სახელმწიფოებრივ საქმედ.

ჯერ კიდევ XI—XII საუკუნეებში სოფლის მეურნეობის დაწინაურებაზე, რაც ბევრად იყო დამოკიდებული სარწყავი არხების სის-ტემაზე, მოწმობს საქართველოს მიწათმოქმედების მაღალ კულტუ-რაზე. ეეოდ „სარწყავი არხები, რომლებიც ტირიფონის ველზე, რუის-ურბნისის მიდამოებში, მუხრანში, სამგორში, შიგნით კახეთ-ში და გაღმა მხარეში იქნა გაყვანილი XII საუკუნეში“<sup>75</sup>.

ძველი დროიდანვე სარწყავი არხების გაყვანა ძირითადად ბალ-ვენახებისა და ბოსტნეულის მოსაყვანად იქნებოდა განკუთვნილი, რადგანაც ეთნოგრაფიული მასალების დამოწმებით იქ, სადაც წყა-ლი მცირე რაოდენობით გააჩნდათ ხოლმე პირველ რიგში ბოსტნე-ზისა და ბალ-ვენახების მოსარწყავად იყენებდნენ, ხოლო მეორე რიგში სახნავ-სათესი მიწებისათვის<sup>76</sup>. აღნიშნული წესი ისე იყო და-ტული და დაკანონებული, რომ ხელს თვით მეფეც კი აწერდა<sup>77</sup>.

ყოველივე ამის გამო, რასაკვირველია, ხეხილის გასაშენებლად რსეთი ნაკვეთი ირჩეოდა, რომელსაც წყალი მიუდგებოდა. საბაღე მიწაში სარწყავი სისტემის მოწყობა ხეხილის გაშენებამდე ბარვი-სას ხდება, რადგანაც მწყრივთა განაწილება მასზეა დამოკიდებული და ისე დაკვალიავენ, რომ თვითეულ მწყრივზე ერთი კვალი „მოვი-დეს“. დაკვალვის სისტემა დამოკიდებულია ნიადაგის შედგენილო-ბა-თვისებაზეც; მაგალითად ღონიერსა და ფხვიერ—„გადაბრუნე-ბულ“ მიწაში სარწყავ კვლებს ზოგჯერ ერთმანეთისაგან 10 მეტრის დაშორებითაც ავლებენ, ხოლო თიხნარსა და სუერთოდ მაგარ მი-წებში ახლო-ახლო, 3-5 მეტრის დაცილებით.

<sup>74</sup> გ. ჯალაბაძე, დასახ. შრომა, გვ. 144.

<sup>75</sup> ნ. ბერძენიშვილი, ვ. დონდუა, მ. დუმბაძე, გ. მელიქი-შვილი, შ. მესხია, პ. რატიანი, საქართველოს ისტორია, თბილისი, 1958, გვ. 170.

<sup>76</sup> გ. ჯალაბაძე, ძველი და ახალი რწყვის სისტემა გორის რაიონში, 1954, ხელნაწერი, გვ. 5.

<sup>77</sup> საქართველოს სიძველენი, ტ. II, თბილისი, 1909, გვ. 308.

მიუხედავად იმისა, რომ ხეხილის მორწყვისას (თუ ის ტერასებზე ან ფერდობებზე არ არის გაშენებული) ჩახრამვა ნაკლებად არის ზოსალოდნელი, ყოფაში მას თავისებური სიფრთხილით ეკიდებიან. მებალეს კარგად ესმის, რომ დიდი წყლის მიცემის შემთხვევაში „მამული გადაირეცება—ბოლოში გაიტანს“ და ამავე დროს მიწის ზემოდან გადავლისას „წაიკრავს“, რაც თავის მხრივ ცუდი დასამუშავებელია და ნარგავს „პირს უკრავს“— აწუხებსო.

ამის გამო, გამოცდილი მებალეები იმასთან ერთად, რომ პატარა წყალს მიუგდებენ, ამჯობინებენ ბალ-ვენახის ღამით რწყევას. მთხრო შიო გორგიშელის (გორის რაიონის სოფ. მერეთი 86 წ-სა, 1958 წ.) გადმოცემით „რაკი საღამოობით წყალი თითონ მატულობს, ამისათვის როცა კარგად დაუნაკადლებთ, სათავეში წყალს ზომაზე დაკაყენებთ, კარგი ყამირის ბელტს ან ქვას ჩაუდებ რომ წყალმა არ გადაქამოს და ნება-ნება მოვრწყავთ“. მისივე სიტყვით—ღამე მორწყვა რამულს დედი რძესეფ შეერგება, რადგანაც მიწაც გრილია, წყალიცა და ყველაფერს ქონივით უჭდება“.

აღმოსავლეთ საქართველოში ხეხილი ხშირ რწყევას არ საჭიროებს, თუ გამონაკლისად არ ჩავთვლით გვალვიან ამინდებსა და ნაწილობრივ ნიადაგის შედგენილობას. მთხრობელთა სიტყვით, გვალვიან წელიწადში ხეხილის ბაღს ზოგჯერ 4-5 ჯერაც საჭიროებს მორწყვა, თუმცა ხალხის დაკვირვებით, მალ-ნალე რწყევამ შეჩვევაც იცის და არ ვარგაო. ამის გამო, რწყევას თავისი კანონზომიერება გააჩნია, როგორც სახნავ-სათესში ისე ბალ-ვენახის მორწყვისას. ხალხის დაკვირვებით, როგორც მომეტებული რწყვა ავენებს-აყვითლებს და ახმობს ხეხილს, ისე უწყლობა, რის გამოც ამ უკანასკნელის დროს ხშირად ხდება ხოლმე ხეხილის გადაგვარება.

სარწყავი სისტემის მოწესრიგებისას ახლად გაშენებულ ბაღებში შედარებით ხშირ დაკვალვას აწარმოებენ, რადგანაც ახალ ნერგს პატარა ფესვების გამო წყალი კარგად უნდა მიუღდეს. წყლის ნაკლებობისას მთხრობელთა გადმოცემით ნიადაგმა „ყაშა-ყაშა“ დასკდომა, ხოლო ნარგავის ფოთოლმა კი ძირს დაშვება და მორკალვა იცის.

მეურნე-მებალეთა დაკვირვებით ხეხილის დროულად მორწყვას გადამწყვეტი მნიშვნელობა აქვს, როგორც მცენარის ზრდა-განვითარებისათვის ისე მოსავლიანობის გადიდების საქმეში. ქართველმა მებალემ გამოცდილებიდან კარგად იცის, რომ ხშირ რწყევას ნაჩვევი ბალი მალე მეჩხერდება, გაკვირვებას ნაკლებად იტანს და მოსავალსაც შედარებით მდარე ხარისხისას იძლევა.

ხილის ბალისათვის მორწყვა. აღნიშნავს მთხრ. ლადო სოლომო-  
ნის ძე სახეაძე (62 წ., გორის რ-ნის სოფ. ფხვენიანი, 1958 წ.), განსა-  
კუთრებით საშიშია ხეხილის ყვავილობაში. რადგანაც მეტი წყალი  
აჩქარებს დაყვავილებას და ბევრი სანაყოფე კვირტი სცდებოა. ამ  
მიზნით ხეხილის რწყვის პერიოდი დაახლოებით ნაყოფის კარგად  
„გამონასკვის“ შემდეგ იწყება. რაც აგრეთვე ზამთრის ტენიანობა-  
ზეც არის დამოკიდებული. იგივე ითქმის რწყვის დაგვიანების შემ-  
თხვევის დროსაც, როდესაც ნაყოფი დასრულების პერიოდშია და  
წყალი მოაკლდება ნაყოფი ქვდება. ქიანდება. დროზე ადრე შემო-  
დის, „ნაქარს“ იმატებს, „ხორციან“ ნაყოფს არ იძლევა და სხვა. ისე  
რომ წყლის დროული და გარკვეული წესებით მორწყვას მეხილეო-  
ბაში დიდი მნიშვნელობა აქვს, რასაც ხეხილი თავიდანვე უნდა მიე-  
წვიოს. „ხშირად მორწყული ხეხილი თამამად და ღონივრად იზრ-  
დება, მაგრამ სამაგიეროდ მომეტებული მორწყვა ხეხილს ავნებს,  
რადგან ნორჩი ხეები მორწყვას ეჩვევიან, ნოტიო მიწაზედა გვა-  
რობენ და ხმელ მიწაზე გადარგვისას ის ძალიან ძნელად იტანს სიმ-  
შრალესა და ბევრიც ხმება“<sup>76</sup>.

ხეხილის დაავადებები და მისი მკურნა-  
ლობის ხალხური წესები

ხეხილს მრავალგვარი დაავადებები უჩნდება. რომელთა უმე-  
ტესობას გამოცდილი მებაღეები თავისებური მეთოდებით მკურნა-  
ლობენ.

როდესაც ხეს ფოთოლა უყვითლდება და რომელიმე ტოტის  
წვერი ხმობას იწყებს ამგვარ ხეს ყოფაში პირველ რიგში ფესვების  
ავკარგიანობას შეუმოწმებენ. იმ შემთხვევაში თუ ფესვს სიღამპლე  
აქვს შეპარული, მაშინ მას ფრთხილად მოსჭრიან იმ ადგილას, სა-  
დაც სიღამპლე თავდება. ჩაქრა ხდება ირიბად. ისე რომ ქრილობა  
დაბლა მხარეს მოექცეს, შემდეგ ჩაუყრიან წინასწარ დამბალ ქერს  
და ცხვრის დრემლას, რომელსაც ზემოდან ახალ მიწას მიაყრიან.  
მთხრობელთა დაკვირვებით. დამბალი ქერი თავისი სიმხურვალით  
ხელს უწყობს მოჭრილი ფესვის შეხორცებას და ახალი ფესვების  
გამოტანას. ხეხილის დაავადებისას ძველად იტალიელი მებაღეები  
თითქმის იმავე მეთოდებით მკურნალობდნენ, სადაც ხეხილის. რო-  
გორც სწრაფად ზრდისა და მსხმოიარობის დაჩქარებისათვის. ისე  
სამკურნალო დანიშნულებისათვის გარკვეული რაოდენობის თხის-  
წყველსა და ნაცარს იყენებდნენ<sup>77</sup>.

<sup>76</sup> არჩ. დარეჯანაშვილი, მოკლე დარიგება ხეხილის გამრავლებაზე.  
თბილისი. 1889, გვ. 4.

<sup>77</sup> M. E. Сергееenko, დასახ. შრომა, გვ. 100.

როგორც ეთნოგრაფიული მასალებიდან ირკვევა, ხშირად ხეს არავითარი დაავადება არ ემჩნევა. მაგრამ მისი ზრდა-განვითარება ქალზე ნელა მიმდინარეობს. ასეთ შემთხვევაში მეზალე ფესვებში მიწას გამოუცვლის ე. ი. დამწვარ პატარეში გარეულ დამძვრალეულ მიწას მიაყრის და მორწყავს. დაზიანებული ფესვების დროულად ჩაჭრის მნიშვნელობა იმაში მდგომარეობს, რომ სიდამპლემ ხის ტანის გულამდე არ შეაღწიოს და ამავე დროს ფესვები „გაუხალისდეს“ ე. ი. იმ ადგილას ახალი ფესვები გამოიტანოს.

ხეხილის ქერქის ავადმყოფობიდან აღსანიშნავია მატლის გაჩენა. ხავსის ან ობის, სოკოს ან ფითრის „მოკიდება“ და სხვა. ეთნოგრაფიულ სინამდვილეში ქერქის მატლის გაჩენის მიზეზები არ დაგვიდასტურებია, ხოლო ხავსის, სოკოსა და ფითრის გაჩენის მიზეზს ყოფაში ნიადაგის მომეტებული ტენიანობითა და ჩრდილიანი ადგილებით ხსნიან.

იმისათვის, რომ ხეხილმა ხავსი და მატლი ანუ როგორც ყოფაში იტყვიან—ჭია არ გაიჩინოს შემოდგომით ან ნაადრევ გაზაფხულზე „წელზე“ (ტანზე) კარგად გაფხეკის შემდეგ ნაყარწყალს ან კირწყალს წაუსვამენ. როგორც მთხრობელები გადმოგვცემენ. „ხე ისე უნდა გასუფთავდეს, რომ ვერაფერზე ვერ მოიკიდოს ფეხი“-ო. ამ მიზნით ხის ტანის გაფხეკას ყოფაში აწარმოებდნენ მოზრდილი დანით ან სპეციალურად ვაკელებული რკინის სამკუთხედით. რომელსაც 20-30 სანტიმეტრამდე ხის ტარი აქვს დაგებული. ხეხილის ტანის ერთი ასეთი საფხეკი ჩარალი დაცულია საქ. მეცნ. აკადემიის აკად. ს. ჯანაშიას სახ. სახელმწიფო მუზეუმის ლითონის ფონდში № 37—56/1.

XIX საუკუნის მეორე ნახევრის ერთ ცნობაში ვკითხულობთ: „შემოდგომას ანუ ნესტიანი ზამთრის შემდეგ ხეხილის ღეროებს ედება ბლომად ხავსი და ობი. რომელშიაც ადვილად იკეთებენ ბუდეს მავნებელი მწერნი, წყალი დგება და სოკო ჩნდება ნამეტრავად ბებერი ხეების ძირებზე. ამის მოსაშორებლად წყალში ხსნიან 3 გირვანქა კირს. ნახევარ გირვანქა გოგირდს. 2 გირვანქა დანაყულ წენგოს. ურევენ კარგად და წაუსვამენ. ამისათვის ყველაზე კარგი დროა გაზაფხული და თვითონ ჩამოსცივია“<sup>80</sup>.

ხეხილს არა ნაკლებ ზიანს აყენებს ქერქის მატლი. რომელიც მათეთრო ფერისაა და ხალხში „ცხვირა-ჭია“-ს სახელით არის ცნობილი. ცხვირა-ჭია, როგორც მთხრობელები გადმოგვცემენ უმეტესად ხეხილის ახალგაზრდა—თამამი ტოტის ან ტანის ქერქს უჩნ-

<sup>80</sup> „გუთნის დედა“, 1863, № 9, გვ. 119.

დება. აღსანიშნავია, რომ ცხვირა-ჰია ქერქში ძირითადად ქვევიდან ზევით მოაბრახს, რომელიც ქერქის შიგნითა—ცილის ნაწილს აზიანებს როდესაც ხეს ცხვირა-ჰია გაჩნდება მეურნე მას ამჩნევს ჟანგის ფერად გამონადენ ნახერხის მაგვარ ნაკუწებზე, რომელთაც ზის წვენიც მოსდევს ხოლმე. ასეთ შემთხვევაში გამოცდილი მება-ღე ჰიის ნაკვალევში ნავთში დასველებულ ჯოხს შეუყრის და ისე როკლავს, ხოლო დაზიანებულ ქერქს სუფთად ჩამოათლის და საგო-ზავის წასმის შემდეგ კარგად შეკრავს.

ხეხილის მევენებლებთა შორის დიდი ზიანი მოაქვს ფოთლის ჰიასაც, რომელსაც აღმ. საქართველოს სინამდვილეში „ბუხუნძელა ჰიის“ ან „ოქროყუდას“ სახელწოდებით არის ცნობილი. ბუხუნძელა ჰია ბალნიანია. რომელიც ძალიან სწრაფად მრავლდება. იგი განსა-კუთრებით ფართოდ იყო გამრავლებული 1940--1945 წლებში. რომელმაც დიდი ზიანიც მიაყენა მეურნეობის თითქმის ყველა ტარგს. მის გასანადგურებლად აგროლონისძიებებთან ერთად ფარ-თოდ გამოიყენებოდა ხალხური მეთოდებიც. რომელთაგან აღსანიშ-ნავია: „მოტუსვით“, „გარხევით“, „ხელით სრესით“, „ტაოტის წას-მით მკურნალობა.

მოტუსვისა და ხელით სრესის წესით „ბუხუნძელას“ ხოცვა დილით ნამიანზე უნდა მომხდარიყო, რადგანაც ამ დროისათვის ჰიას რამდენიმე ადგილას შეგროვილი სახით ძინავს. ჰია ყოველ-თვის პულობდა ხის ტოტების, როგორც მსხვილი ისე წვრილი გან-ტოტების ადგილას. სადაც „მაშხალას“ მიუთებდნენ ხოლმე. მაშხა-ლა წარმოადგენდა გრძელ ჯოხზე დახვეულ ძონძმანძებს. რომელიც ნავთში ან მაზუთში იყო ამოვლებული და კარგად ეკიდებოდა ცეცხლს. მაშხალის მკერი კაცი „მარჯვეთ და სწრაფად მოძრავი“ უნდა ყოფილიყო, რადგანაც მისი დიდი ხნით ხის ტოტებში გაჩერე-თა ხეს დაზიანებდა.

არანაკლებ საინტერესოა ჰიის გაცლა შერხევის წესით. რომე-ლიც მეურნეთა მიერ იყო დანერგილი. ამ მიზნით დასარხევ ხეს ძირიდან მტკაველ-მტკაველნახევარ სიმაღლეზე ტაოტიან ქაღალდს შემოაკრავდნენ და კარგად რომ დაცხებოდა და ჰია ხეზე გაიფინე-ზოდა ხეს მაგრად შეარხევდნენ, რის შემდეგაც ჩამოცვინული ჰია ტაოტის დახმარებით ხეზე ველარ აღიოდა.

ყოფაში ფართოდ არის ცნობილი „კოკორის ჰია“ (წვრილი თეთ-რი მატლია). რომელიც ხეხილს (უმეტესად ვაშლს, მსხალს, კომშს). ყვავილობის პროცესში უჩნდება. მისი წარმოშობის გზები ეთნო-გრაფიული შესწავლით არ დაგვიდასტურებია, ხოლო მისი მოქმედე-

ბის პერიოდი მთხრობელთა გადმოცემით ხილის „გამონასკვამდეა“ ე. ი. ნაყოფის გამოჩენა-გამაგრებამდე. ვარდა აგრომეთოდებისა ხალხურ მეხილეობაში ჩვენ ვერ მივაკვლიეთ მისი მოსპობის რაიმე საშუალებებს. მათი გადმოცემით, იმისათვის, რომ ხეხილმა კარგად დაიყვავილოს ამ პერიოდში შშრალი და ცხელი ამინდებია საჭირო. რათა მალე მოასწროს გამოფოთქვა. ისე რომ „კოკრი ქიას“ (როგორც მას ყოფაში უწოდებენ) მოქმედება, მხოლოდ ჭერ კიდევ გაუზღველ კოკორში ხდება, რომელიც გაფოთქვისთანავე იღუპება. სწორედ ამ მიზეზით არის შემორჩენილი ხალხური გამოთქმა: „აღდგომა ჯობს ნამიანი, ამალღება დარიანიო“, რადგანაც ძირითადად სწორედ ერთ-ერთი ხალხური დღესასწაულის დროს — ამალღებას ყველა ხეხილი.

ბ ა ლ ე ბ ი ს დ ა ც ვ ა. ძველი წერილობითი წყაროებიდან ნაოლად ჩანს ბალ-ვენახების შემოზღუდვის მნიშვნელობა. ლევენჯი ვაზის გაჩენის შესახებ ამ საკითხის ამოხსნაშიც გვეხმარება. სადიცნათქვამია: „...დათესე ისინი ბალის ერთ კუთხეში და კარგად შემოზღუდე ეს ადგილი ისე. რომ არც ოთხფეხმა შეაღწიოს შიგ და არც რომელიმე ფრინველმა შესძლოს მისი დაზიანება. დროდადრო მოჩახსენე ხოლომე ნათესის მდგომარეობა“<sup>81</sup>.

შატბერდისეულ წმინდა ნინოს ცხოვრების ავტორის მოთხრობიდან ჩანს, რომ მე-IV ს-ში მეფის სასახლესთან მდებარე ბალსაც, რომელსაც მაშინდელი ქართული ტერმინოლოგიით „სამოთხე ეწოდებოდა“, გალავანი თუ არა, ღობე მაინც უნდა ჰქონოდა. მას ჰქონია „ქარი სამოთხისაი“ და განსაკუთრებული მცველიც ჰყოლია: რომელსაც „სამოთხის მცველი“ ეწოდებოდა“<sup>82</sup>.

ბალ-ვენახების შემოზღუდვა რომ ერთი აუცილებელი პირობათაგანია და ქართველი მეურნე უძველესი დროიდანვე იცნობდა და საჭიროებისამებრ იყენებდა, ამაზე ეთნოგრაფიულ ყოფაში ღობეების უამრავი სახეების შემორჩენაც მეტყველებს. აღმ. საქართველოს სინამდვილეში დამოწმებულია შემდეგი სახის ღობეები: „ქვის ღობე“, „ბელტის ღობე“, „ჩაწნული ანუ წნულის ღობე“. „ძეძვის ღობე“, „ცოცხალი ღობე“ (ბროწეულის. ლიმონის. ვეკალხუნციის და სხვა), „ლამპრის ღობე“, „მარგილის ანუ სარის ღობე“. „ლასტის ღობე“, „ფიცრის ღობე“, „ეკლიანი მავთულის ღობე“ და სხვა.

თვითეთული სახეობის ღობის განხილვას ჩვენ არ შევუდგებოდ-

<sup>81</sup> გ. მელიქიშვილი, დასახ. შრომა, გვ. 115.

<sup>82</sup> ქართლის ცხოვრება, ტ. 1, ს. ყ ა უ ხ ჩ ი შ ვ ი ლ ი ს რედაქციით, თბილისი, 1955, გვ. 93.

რადგანაც ზოგიერთი მათგანი ეთნოგრაფიულად შესწავლილია (იხ. ჯ. სონდულაშვილის დასახ. შრომა).

ქვის ღობე აღმ. საქართველოში ფართოდაა გავრცელებული, როგორც სხვადასხვა ტერმინებით გვხვდება: „მშრალი ქვის ღობე“ (მესხეთ-ჭავჭავთი), „ტყლუშული ღობე“, (საინგილო), „ქვიტიკის ღობე“, „კედლის ღობე“, „გალავანი“, „ყორე“ (ჯახეთი, ქართლი). და სხვ. ქვის ღობე ძირითადად სახლის ახლო-მახლო ბაღ-ვენახები-სა და ეზოკარმიდამოს შემოსაზღვრავად შენდებოდა. ხოლო როგორც ახალციხის რ-ს სოფ. აწყურის მკვიდრი აკაკი გერასიმეს ძე მახათაძე (74 წ.) გადმოგვცემს „აქაური ხალხი ბაღებს მსხვილი ქვის კედლებით ღობამდნენ, რომელსაც მშრალი წყობით აშენებდნენ. კედლის სიგანე ერთი არშინის სიგანის და არშინნახევარი-ორი არშინის სიმაღლისა მაინც უნდა ყოფილიყო, რაც მის ადგილმდებარეობაზეც იყო დამოკიდებული“. კედლის ღობეები აქ განსაკუთრებით გამოიყენებოდა, რადგანაც აქაური რელიეფი, რომელიც ძირითადად ტერასული მეურნეობით ხასიათდებოდა, კედლის ღობე საიმედო საყრდენსა და ამავე დროს კარგ ზღუდესაც წარმოადგენდა.

ქვის ღობე სხვადასხვა ზომისა და ფორმისა შენდებოდა, რაც პატრონის შეძლებაზეც იყო დამოკიდებული, რადგანაც ის საკმაო ხარჯებს თხოულობდა. მაგ. მშრალად ნაგები ღობე შედარებით ქვიტიკის ღობესთან განიერი და უმეტეს შემთხვევაში დაბალია, ხოლო ქვიტიკისა კი პირიქით, რომელსაც თავი იმისათვის, რომ წვიმა არ დაიყენოს. ამობურცული სახით აქვს ამოყვანილი.

ძეძვის ღობეს ყოფაში სხვადასხვა წესებით აკეთებენ: კონებად, „ზეზე“ ანუ „ფეხად ჩაყრით“ და შეუკონავად. იგი კარგსა და შეუვალ ღობეთ ითვლება და ძალზე გავრცელებული იყო განსაკუთრებით. „გარეთა მამულების“ შეღობვის საქმეში. ძეძვის დამზადება და შეღობვა არც თუ ისე იოლი საქმე იყო, რის გამოც მისი დამამზადებლები მოხელეებადაც გვევლინებიან. მოხელეები ძეძვს კიდნენ. როგორც კონებად, ისე შეუკონავადაც; როგორც ნატურით ისე შრომის ანაზღაურებით

XVIII საუკუნის ერთ საბუთში, სადაც ბალის გაშენების ხარჯთაღრიცხვაა წარმოდგენილი ვკითხულობთ... „ძეძვი ვიყიდე ღობისათვის ურემი 1, ფასი ორი აბაზი; ძეძვი ვიყიდე კიდევ ზურგი 14, ზურგი შაურნახევარი (ერთი მინალთუნი და ერთი შაური)“...<sup>83</sup>.

<sup>83</sup> მასალეი საქ. ეკონომიური ისტორიისათვის, წიგნი I, ნ. ბერძენი-შვილის გამოცემით, თბილისი, 1935, გვ. 38.

საქართველოს სამეურნეო ყოფაში ფაქტობრივად უფრო აგრეთვე გამოყენებული „ჩალხის ღობე“ (ფეფოსი, ქაქვისი, კვინჩისი, კუნელისი მოჭრილი ბუჩქები). რის გამოც აქვე სიგელვებში სპეციალური „საჩალხე“ აღვლივბიც იხსენიება.

იმასთან დაკავშირებით, რომ ღობე, სეზონური ხასიათი არ ქონდეს (ხშირად ყოფაში მაგ. ფინჩისა და ლატინის ღობეს მოსავლის აღების შემდეგ იღებენ), ამისათვის ყველაზე სასარგებლო და საბოლოოა ცოცხალი ღობის გაშენება. ცოცხალი ღობე ხშირად სხვადასხვა ხილნარებითაც არის ხოლმე წარმოდგენილი. რომელიც ამავე დროს ქარსათარის როლსაც ასრულებს. იმისათვის, რომ ღობე უფრო გაუვალი იყოს, მას აშენებენ შემდეგი მასალისაგან: „ქრისტეს გვირგვინი, კუნელი, ფშატრი, კოწახური, ზღმარტლი, კვინჩისი, ღობიოს ზე, ქაცვი, ძეძვი, მათევალი“ და სხვა<sup>84</sup>.

აღნიშნული მცენარეულობის შოვნა ადვილი და ხელმისაწვდომი იყო მაგ., „საბურთალოს მინდორზე — აღნიშვნის ივ. როსტომაშვილი — 10 დესეტინას გაუქეთე ასეთი ცოცხალი ღობე და ღამიჭდა თითო კაპიკი ძირი“<sup>85</sup>.

ცოცხალი ღობეებისა და ქარსაცავეების დიდ სარგებლიანობაზე და მისი შერჩევითი განაშენიანების ირგვლივ ფართოდ აქვს აღნიშნული ნ. კეცხოველს თავის ფუნდამენტალურ შრომებში („კულტურულ მცენარეთა ზონები საქართველოში, 1957 წ.; საქართველოს მცენარეული საფარი, 1960 წ.).

გარდა იმისა, რომ ყოფაში ბაღ-ვენახების შემოზღუდვას აწარმოებდნენ, ენთოგრაფიული მასალებიდან დგინდება თვით ცალკეული ნარგავების შემოფარგვლა-დაცვის სხვადასხვა ხერხები და ამავე დროს ნაყოფის დაცვის მიზნით საფრთხობელების მოწყობის თავისებურებანი. ცალკეულ ნარგავთა დაცვის მიზნით აღსანიშნავია: „ასარკით“ შემოზღუდვა, „ეკლის შემოღება“, „გოდრის მოწენა“ და სხვა.

ასარკის წესით ახლად დარგული ნერგის დაცვისას, ირგვლივ ერთი-მეორისაგან 2-3 თითის დადების დაშორებით სარკებს ჩაურკობდნენ და თავს წნელით შეუკრავდნენ, რომ უფრო საიმედოდ ყოფილიყო დაცული. უნდა აღინიშნოს, რომ სარკების თავში წნელის პოჭერის შემთხვევაში, რომელიც კონუსის ფორმას იღებს. მებაღეები ცდილობენ სარკების შედარებით გან-განზე ჩაურკობას. მთხრობელთა გადმოცემით, „ნარგავი ისე უნდა იყოს დაცული. რომ მზენა და ჰაერს მოკლებული არ იყვეს“-ო აღნიშნული წესით ნარგავის

<sup>84</sup> ა რ ჩ. დ ა რ ე ჯ ა ნ ა შ ვ ი ლ ი, საუნჯე ნებალისა,თბილისი, 1903, გვ. 13.

დაცვას განსაკუთრებით სახლის კარ-მიდამოზე ხეხილის დახარების ღროს მიმართავენ ხოლმე. იმავე დანიშნულებსამებრ იყენებენ გოდორის მოწვნის წესსაც, რომელსაც შედარებით მსხვილი „მანების“ შემორიგების შემდეგ წნელით თხლად წნავდნენ. მისი სიმადლე მეტრ-მეტრნახევრამდეც აღწევდა, რომელსაც ზემოთა პირი ღიად უხდა ჰქონდა დატოვებული.

ბალ-ბოსტნების დასაცავად საფრთხობელების მოწყობა ქართველ მეურნეებს ძველადვე უნდა ცოდნოდათ. ამის შესახებ ივ. ჯავახიშვილი აღნიშნავს: „როგორც ჩანს ...ფრინველებისაგან მტილსამოთხის დასაცავად ძველადვე მათი საფრთხობელებით დაშინება უოდელია მიღებული. ამიტომ ფრინველის შესაშინებლად და ხეხილის<sup>85</sup> დასაცავად მტილში „საფრთხოლი“ კეთდებოდა“.

გარდა ზემოაღნიშნულისა, სიმწიფეში შესულ (უმეტესად წვრილი) ხილის დაცვის მიზნით ყოფაში ძეძვის ეკლის გამოყენებასაც მიმართავდნენ. ძეძვის ეკალს ხეზე ამაგრებდნენ, როგორც შეკონილი, ისე შეუკონავი სახით, რაც მიუვალს ხდიდა ერთეულ ნარგავთან მისასვლელად. ამავე ძეძვის ან სხვა რომელიმე ეკლის ძეშვეობით იცავენ „დაკმურტნისაგან“ ახლად დარგულ ან მოზარდ ნარგავებს ტყის პირად გაშენებულ ბაღებში, რომელსაც განსაკუთრებით აფუჭებს, როგორც გარეული, ისე შინაური ცხოველები (კურღლეული, თხა, ცხვარი და სხვა საქონელი). ამ მიზნით თვითეულ ნარგავს ძირში შეუკონაველ ძეძვის ტოტებს შემოადებენ-მიუწყობენ ხოლმე.

ბალ-ვენანებისა და ბოსტნების დასაცავად ხალხი არანაკლებად იყენებდა სხვადასხვა სახის საფრთხობელებს, რომელნიც ხმაურის ან თვალსაჩინოების პრინციპზე იყო აგებული, რის გამოც ყოფაში ორი სახის საფრთხობელას არჩევენ: გარეულ ნადირთათვის—ხმაურის პრინციპზე აგებული და თვალსაჩინოებისას. რომელიც ფრინველთაგან ხეხილის დაცვას ემსახურებოდა. აკადემიკოს ჯანაშიას სახელობის საქართველოს სახელმწიფო მუზეუმის ხის ღონდში დაცულია ერთი ე. წ. „დათვის საფრთხობელა“, რომელიც მოძრაობაში მოდის წყლის დახმარებით და გამოსცემს ხმაურს. აღმოსავლეთ საქართველოს სინამდვილეში აღნიშნული საფრთხობელების მოწყობას ეხლაც ვხვდებით და მათ შორის ვენახებში და ზედ ხეხილზე გამართული სახით, რომელიც გრძელ—ჭვარდინსარზე ძველი ტანსაცმელს ჩაცმით კეთდება და ადამიანს მოგვაგონებს. ეს საფრთხობელა ისეა მოწყობილი, რომ ნიავის ღროს მოძ-

<sup>85</sup> ივ. ჯავახიშვილი, დასახ. შრომა, წიგნი II, გვ. 117.

რაობაში მოდის და ფრინველს აშინებს. ამ მიზნით მასზე ხშირად  
გრძელ ჯოხს ან ცოცხსაც მიამაგრებენ ხოლმე.

### თავი მესამე

ხეხილის მოსავლიანობის გადიდების, ხილის კრეფისა და შენახვის  
ხალხური წესები

მეხილეობის განვითარების დონეს, ზემოთ აღნიშ-  
ნულ ჩვევებთან ერთად, სათანადო ნათელს ფენს მეურნეობის ამ  
დარგთან დაკავშირებული ძველი ხალხური წესები ხილის მოსავლი-  
ანობის გადიდებისა და მისი შენახვა-გამოზამთრების ირგვლივ.

აღმოსავლეთ საქართველოში მოპოვებული ეთნოგრაფიული  
მასალების მიხედვით ჩვენ შესაძლებლობა გვაქვს ხეხილის მოსავ-  
ლიანობის გადიდების მხრივ შემდეგი სახის ღონისძიებები დავად-  
გინოთ: ნიადაგის გაკორდება ანუ გაყამირება, ნიადაგის გაპატივე-  
ვა. რწყვა. ხეხილის სხვა. დასერვა, გადახალისება ანუ გაახალ-  
ვაზრდავევა, ჭიაკოკონას დანთება და სხვა.

ნიადაგის გაყამირება-გაკორდება. ჩვენ ჩიერ  
მოპოვებული ეთნოგრაფიული მასალები მეტყველებს აღმოსავლეთ  
საქართველოს. როგორც ბარის ასე მთიანი ზოლის მეხილეობაში  
ბაღების გაყამირება-გაკორდების წესების ფართო გამოყენებაზე.

ნიადაგის გაყამირებისას ხეხილის ფესვები, როგორც წინა თავ-  
შიც გვქონდა აღნიშნული, ზევით-ზევით იწყებს ზრდა-განვითარე-  
ბას და დამატებით ფესვების გამოტანას. ცნობილია, რომ გაყამირე-  
ბისას ნიადაგის შედგენილობა მასში მორეული ბალახეულობის  
წყალობით მდიდრდება, რასაც ხეხილის ბაღებში თვით ხის ფოთ-  
ლების სინოყიერეც ემატება. ყოველივე ამის გამო ნიადაგის სტრუქ-  
ტურის შენარჩუნების მიზნით გამოცდილი მეურნეები ხეხილის ბა-  
ღების გაყამირებას და გაკორდების წესებს მიმართავდნენ.

ხეხილის ბაღების გაყამირებას, იმის მიხედვით, თუ ხეხილი რო-  
გორი შედგენილობის ნიადაგში იქნებოდა გაშენებული, გაყამირე-  
ბას 10-12 წლის შემდეგ აწარმოებდნენ. ხოლო მთლიანად გაკორ-  
დებას კი უფრო მოგვიანებით—20-25 წლიდან, რადგანაც ხე ამ პე-  
რიოდში ძირითადად „ტანშეყრილი და დამდგარი“ ანუ ზრდადას-  
რულეებულია.

მთხრობელთა გადმოცემით, რადგანაც ხეხილი ღრმად გადა-  
ჭრუნებულ ნიადაგში ირგვის და ყოველ ორ წელიწადში ერთხელ

ხელახლად იბარება და ამავე დროს 3-4 წელიწადში ნარგავის ძირებში ნაკელსაც უყრით, ამისათვის ნიადაგი ნაკლებად უღონოდება, ამ ხნის განმავლობაში, ე. ი. 10—12 წლამდე ნარგავი კარგად თამამდება, რის შედეგადაც შესაძლებელია მისი გაყამირებით განოყიერება.

მეხილეთა დაკვირვებით გარდა იმისა, რომ გაყამირება-გაყორდება ნიადაგს ანოყიერებს და მოსავლიანობას ზრდის, ის ამავე დროს საუკეთესო თვისების ხეხილსაც იძლევა. როგორც მთხრ. მიხა სოლომონის ძე აღლემაშვილი (ახალციხის რაიონი, სოფ. უდე, 1961 წ.) გადმოგვცემს, „სანამ ბალი ვახდება ხეხილს ყოველ წელიწადსაც კი ვბარამთ და როცა ნიშანს მოგვცემს, მერე ვაყამირებთ. ხოლო კარგა სხმაში რომ შევა, მაშინ სულ ვაყაყორდამთ“. მისივე გადმოცემით, რადგანაც თავისით ამოსული ბალახი „კურცხალი“—თხელი და „ფუქსავატია“, ამისათვის ხეხილში ბალახეულობის სპეციალურ თესვასაც აწარმოებენ ხოლმე<sup>1</sup>.

აღმოსავლეთ საქართველოს მეზაღეობაში მიმართავდნენ როგორც მუდმივი ისე დროებითი დაყორდების წესებს. ის, ვინც ხეხილის ბალს მეტი და კარგი მოსავლისათვის მუდმივად აყორდებდა, ნარგავის ძირებში 4-5 წელიწადში ერთხელ დამატებით ნაკელით ანოყიერებდა. ეს პროცესი განსაკუთრებით შეიმჩნევა ახალციხისა და მთიულეთის მეხილეთა ყოფაში, სადაც კერძო მფლობელთა ნაკეთების უმეტესი ნაწილი მუდმივად არის დაყორდებული. აქ რამდენიმე წელიწადში ერთხელ (სოფ. ვალე, არალი, უდე, აწყური) თითო ხეს 2-3 ხელძარ პატივს, მხოლოდ ზემოდან მოუფენენ და პატივის წვენს ფესვებს მორწყვის საშუალებით აწვდიან. მეურნეთა გადმოცემით, აღნიშნული წესით მოყვანილი ხილი თავისი სისუფთავით, შეფერილობითა და გამძლეობით გამოირჩევა.

ხეხილის ბაღების ნაწილობრივი დაყორდება, რომელსაც იგივე პრინციპისათვის მიმართავენ, მდგომარეობს ბაღების მთლიანი ფართობის გაყამირებაში, სადაც 5-6 წელიწადში ერთხელ თვითეულ ხეს „ძირის კალთებს“ უბარავენ ხოლმე.

როგორც მთხრობელები გადმოგვცემენ, ნიადაგის დაყორდებით—„გასანოყიერებლად დაგდება“ განსაკუთრებით ხელმისაწვდომი და სასარგებლოა ფერდობებში და დიდრონი ხეხილის ბაღებში. მათი დაკვირვებით, „დაყორდებული ბაღი ფერდობზე საშიში არ

<sup>1</sup> ხეხილის ბაღში ბალახეულობის თესვის მნიშვნელობის შესახებ. იხ. პ. კაკარავას ნაშრომი: ნიადაგის დამუშავების წესები ხეხილის ბაღში, თბილისი, 1948.

არის მიწის „მოზღვავეებისაგან და ამავე ღროს ჩრდილში ფეხის მოსავლის მაგივრობას თივა გვინაზლაურებს“-ო.

აქვე უნდა აღინიშნოს, რომ გაყამირება-გაკორდების წესით ნიადაგის სტრუქტურის აღდგენა გარკვეულ პერიოდებსა და ვადებში უნდა მომხდარიყო, წინააღმდეგ შემთხვევაში ხეხილი ხმობა-გაჯანდაცებას იწყებდა, რაც კარგად იცოდნენ მასში მომუშავე მებაღეებმა. ამის გამო ყოფაში ზემოთ აღნიშნულ, კერძოდ ორგანული სასუქის დამატებით მიცემას და 3-4 წელიწადში ერთხელ ძირების შემობარვას აწარმოებდნენ.

მეურნეთა დაკვირვებით გაყამირებულ ან გაკორდებულ ბაღებს განსაკუთრებული მზრუნველობა სჭირდებათ წყლით მომარაგების მხრივაც. მამული, რომელიც ყოველ წელიწადს იბარება და ითონება, აღნიშნავენ მთხრობლები, ის შედარებით დიდხანს ინარჩუნებს სიგრილეს, ხოლო უმუშევარი კი უფრო ადრე ფიცხდება და მეტ წყალს თხოულობსო.

ხეხილის ზრდისა და მოსავლიანობის გადიდების საქმეში განსაკუთრებული მნიშვნელობა აქონდა ნიადაგის პატივით განოყიერებას, რომელიც ჩვენ წინა თაეში გვქონდა აღნიშნული. ხეხილის შოვლა-მოშენებასთან დაკავშირებით გვქონდა აგრეთვე რწყვის მოწესრიგება-სარგებლიანობაც. ახლა ჩვენ შეევეებით მხოლოდ მორწყვის ისეთ პერიოდებს, რომელნიც უშუალოდ მოსავლიანობის გადიდებისაკენ არის მიმართული.

ცნობილია, რომ გამოცდილი მებაღეები სანაყოფე კვირტის კარგად გამოტანის მიზნით ხეხილისათვის ნაკელის მიცემას ზაფხულ-შემოდგომის პერიოდებშიც მიმართავდნენ. ამავე მიზნით ხალხის დაკვირვებით, შემოდგომით (მოკრეფის დაწყებამდე) ხეხილის მორწყვისას გარდა იმისა, რომ ხე ნაყოფს „ისრულებს და სრულდება“, ის მომავალი წლის კვირტსაც იმარაგებსო. ხოლო იმისათვის, რომ ზამთრის პერიოდში ხეხილი დაზღვეული ყოფილიყო სიმშრალისაგან, ყოფაში მას შემოდგომით რწყავდნენ, რითაც ნიადაგში ხეხილის მავნებლებსაც სპობდნენ. ხეხილის მოსავლიანობის გადიდების მიზნით რწყვას არანაკლებ მნიშვნელობას ანიჭებდნენ ადრე გაზაფხულობით, რაც კვირტის „სიმამღრის“—კარგად „გამორწყვისათვის“ იყო საჭირო.

როგორც მთხრობლები გადმოგვცემენ ხეხილის მორწყვა გაზაფხულის იმ პერიოდში უნდა მოხდეს, რომ ყვავილობის დროს ხეს მომეტებული სინესტე არ აქონდეს. რადგანაც მათი დაკვირვებით ყვავილში შესულ ხეხილს სიცხე საჭიროებს და წყალი ამ შემთხვევაში აგრილებს და დაყვავილებას ხელს უშლისო.

ხეხილის მოსავლიანობის გადიდებისათვის მებაღეები არა ნაკლებ მნიშვნელობას ანიჭებდნენ თვით ხის დროულ და წესიერ გასკლას. მართალია ხეხილის ყოველგვარი მოვლა-გაზრდა მეტი მოსავლის მიღებისათვის წარმოებს, მაგრამ ხეხილისათვის დიდი მნიშვნელობა ჰქონდა ზოგიერთი ისეთი სამუშაოების ჩატარებას, რომელთა გარეშეც ხე ზრდას კარგად ისრულებდა, თუმცა მოსავალს შედარებით ნაკლებსა და მდარე ღირსებისას იძლეოდა. ერთ ასეთ წესად უნდა ჩაითვალოს ხეხილისათვის წვერების წაჭრის ანუ „წაკვერცხვის“ მეთოდი.

ხეხილისათვის წვერების წაჭრას ანუ წაკვერცხვას ძირითადად დიდრონი ხეებისათვის „საგაისო-მუშა კვირტის“ გამოსატანად აწარმოებდნენ. წაკვერცხვის წესით გამოცდილი მებაღეები ხეს კონუსისებურ ფორმას აძლევდნენ, რითაც ზემოთ აღნიშნულთან ერთად ნაყოფს დიდი ქარებისაგანაც იცავდნენ.

როგორც ეთნოგრაფიული მასალები გვიჩვენებს, მართლაც ხეებისათვის წვერების წაჭრა-წაკვერცხვა განსაკუთრებით გამოყენებული ყოფილა მეხილეობის ისეთ ადგილებში, სადაც ხშირი ქარები იცის. წაკვერცხვის წესის გამოყენებაზე მიგვიჩვენებს გასული საუკუნის მეორე ნახევრის ცნობაც, სადაც მაგალითისათვის მოყვანილია გორის მაზრაში ერთი სანაქებო ხეხილის ბაღი, რომელიც დესეტინას მოიცავდა და 1871 წელს ყოფილა გაშენებული. აღნიშნული ბაღის პატრონი „ხეებს პირამიდის ფორმას აძლევდა მალღითა, გვერდითი ტოტების წაჭრით, რითაც ქარისაგან კარგად იცავდა ხეების ტოტებს დამტვრევისაგან და ნაყოფსაც კარგად ირჩენდა“<sup>2</sup>.

დასერვა. მეურნეთა დაკვირვებით ხეხილის მოსავლიანობის გადიდების ერთი სახეობაა ხის ტანის ან ტოტის დასერვა ანუ დაკოდვა, რაც მოზარდი ხეებისათვის დანით ჰრილობის მიყენებაში გამოიხატებოდა. დაკოდვის წესს, რომელსაც უმეტესად ე. წ. „აწროკებული“-თამამად და წვრილად ნაზარდი ხეებისათვის მიმართავდნენ ხის დამსხვილებისა და მსხმოიარობის დაჩქარებისათვის იყენებდნენ. დაკოდვის წესი მეხილეობაში განსაკუთრებით გამოიყენებოდა ვაშლის, მსხლის, კომშის, კაკლისა და სხვა ხეხილის მსხმოიარობის დაჩქარებისათვის, თუმცა ძველთაგანვე ცნობილი ყოფილა შემინდვრობა-მებოსტნეობა-მევენახეობაშიც, რომელთა-

<sup>2</sup> ი. უთურაშვილი, დასახ. შრომა, გვ. 138.

ჯან აღსანიშნავია პურეული კულტურების მაღალი მოსავლისათვის სათესლე მარცვლის შერჩევის „თავთავის დაკოდერა“ მეთოდი<sup>3</sup>.

დაკოდვის ჩატარებას მეხილეობაში თავისი ვიდეები და გარკვეული გამოცდილება ესაჭიროებოდა, რომელიც წელში მოხრილი წვერიანი და მკრელი დანით უნდა შესრულებულიყო.

როგორც ველზე მოპოვებული ეთნოგრაფიული მასალები გვიჩვენებს, დასერვა ანუ დაკოდვა ადრე გაზაფხულზე უნდა მომხდარიყო. მთხრ. სიმონ იოსების ძე პავლიაშვილის (გორის რ-ნის სოფ. ტყეიავი, 1957 წ., 66 წლის) ცნობით, დასერვა მაშინ ხდება, როდესაც ხეში წყალი დგება და სივრილია, სადაც კარგი მკრელი ნამყენის დანაა საჭირო და ძირიდან ტოტების მიმართულებით უნდა ამოსეროსო. მისივე გადმოცემით, დასერვა ისე უნდა მომხდარიყო, რომ ცილა არ გაქრილ-ჩახვეტილიყო, რადგანაც წინააღმდეგ შემთხვევაში გულამდე ჰაერი და წყალი ჩავიდოდა, გაშავდებოდა და ქერი კარგად აღარ შედუღდებოდა. დასერვის ადგილი და რაოდენობა, თვით ხის აგებულება-წლოვანებაზე იყო დამოკიდებული. შედარებით პატარა ხე თვით ტანზევე 2-3 ხაზით ისერებოდა, ხოლო მოზრდილი და უფრო მსხვილი ტოტებიანი ხე მთელ სიგრძეზე, რომელსაც ამავე დროს მეტი ხაზი—ჭრილობა უყეთდებოდა.

როგორც მასალებიდან ირკვევა, დასერვა განსაკუთრებით საჭიროებს აგრეთვე „ნაპატივარ“ ხეს, რადგანაც დაჩქარებული ზრდის დროს ქერქი უსწორმასწოროდ უსკდება და შედუღებისას „ნაწიბურებს“—შეუღღღებელ ადგილებს ირჩენს. ამ შემთხვევაში დასერვა ეხმარება ხეს ტანის სწრაფად დასხვილებაში. რაც ამავე დროს, ჩეხილეთა დაკვირვებით, მოსავლის ადრე მოცემასაც აჩქარებს.

მთხრობელთა აზრით, დასერვა, რომ ხეს შედარებით მუშასა და ნაყოფმომცემს ხდის, ეს კარგად ჩანს სეტყვის შემდგომი წლის დაკვირვებიდან, როდესაც დაკოდილი, სეტყვისაგან ნაკეპნი ტოტების კვირტები იშვიათად თუ გასცდება ხოლმეო.

გ ა ა ხ ა ლ გ ა ზ რ დ ა ვ ე ბ ა. აგროლიტერატურიდან და ყოველდღიურ პრაქტიკიდან ცნობილია, რომ ხეხილს თავისი განვითარების პერიოდები გააჩნია, კერძოდ: ზრდის, ზრდის დასრულებისა და დაწყვითების ანუ სიბერის. ისიც ცნობილია, რომ ხეხილის უმეტესობას „შიგადა-შიგ“ ტოტების ხმობის წინა პერიოდიდან ახალი ამონაყრები ანუ „ნამხრეულები“ ეზრდება, რამაც, საფიქრებელია მებაღეები იმ დასკვნამდე მიიყვანა, რომ მისი „დაბელება“—გაახალგაზოდადება ეწარმოებიანთ.

<sup>3</sup> გ. ჯალაბაძე, დასახ. შრომა, გვ. 154.

„ხეხილის გაახალგაზრდავება—აღნიშნავს აგრონომი მ. დედაბრიშვილი, არ არის ახალი და უცნობი ღონისძიება, ის დიდი ხანია ცნობილია და სხვადასხვა დროს სხვადასხვა ხერხი ყოფილა გამოყენებული ხეხილის გაახალგაზრდაებისათვის, მისი მსხმოიარობის უნარის გაგრძელებისათვის: გადამყნობა, ბუჩქის დაყოფა, ფესვთა სისტემის გამრავლება და კიდევ ბევრი სხვა ხერხი, რომლებიც დღე-ღამე თითქმის ყოველდღიურად გვხვდება მებაღეობის პრაქტიკაში“<sup>1</sup>.

თვითმცდელი ქართველი მეურნეები სხვადასხვა ხეხილის თავისებური მეთოდებით აახალგაზრდაებდნენ ანუ ანედლებდნენ. მათ დაკვირვებიდან იცოდნენ, რომ ზოგიერთ ხეს ტანს ზევით — ტოტების დაბელება-გადაკაფვა უხდებოდა და ახალი ყლორტების ამოტანის უნარი. ჰქონდა, ხოლო ზოგიერთ მათგანს მიწისპირად უჯობდა გადაკაფვა და სხვა. ამისათვის ეთნოგრაფიულ მასალებზე დაყრდნობით აღმ. საქართველოს სინამდვილეში ხეების განედლება-გაახალგაზრდაების სამი ფორმა დავადგინეთ: 1. გამხმარი ან „ხმობა-შეპარებული“ ტოტის წვერების წაჭრა, 2. ხის მთლიანად გადაკაფვა ანუ „დაბელება“ დატოტვიდან 1-2 მტკაველზე და 3. მიწისპირად გადაკაფვა.

აღნიშნული მეთოდებით ხეხილის განედლებას იმავე ხელსაწყო-არაღებით აწარმოებდნენ. რომელიც გასხვლის პროცესში გამოიყენებოდა. მსხვილი ტოტების ან თვით ტანის გადაკაფვისას მიღებული იყო ირობად გადაჭრა და ზედ სხვადასხვა საგოზავების წასმა, რაც ჭრილობის კარგად შედუღების მიზანს ემსახურებოდა.

ხეხილის განედლებისას, ე. ი. ახლად ამოტანილ ყლორტებს მომდევნო წელს გასხვლა ესაჭიროება, რომელთაც ხის „სითამამის“ — ამტანიანობის მიხედვით იმდენ ტოტებს დაუტოვდნენ, რომ არ დანაკულიყო“. ამ მიზნით გადაბერებული ხეების კარგად განედლებისათვის მას ფესვებიდან მიწას გამოუღებდნენ და დამწვარ მიწანარევე ძველ პატივსა და სილამიწას ჩაუყრიდნენ. იმავე დანიშნულებისათვის გამოცდილი მეხილეები, ხეებს ირგვლივ 3-4 ნაბიჯის შოშორებით ღრმა კვალს უთხრიდნენ. ფესვებს უჭრიდნენ და იმ ადგილას დამბალ ქერსა და მიწანარევე პატივს მიუყრიდნენ.

საკითხის ირგვლივ საიჭტერესოა ხალხის რწმენა-წარმოდგენებში შემორჩენილი „დაშინების“ მეთოდი. რომელიც, მათივე გადმოცემით, ხეხილის მოსავლიანობასთან არის დაკავშირებული. „როდესაც ხე არ ისხამდა—აღნიშნავს მთხრ. გიგა ჯოხარიძე (სოფ. საქო-

<sup>1</sup> მ. დედაბრიშვილი, ხეხილის გაახალგაზრდავება, თბილისი, 1948, გვ. 9—10.

ბო. სიღნაღის რ.-ნი. 73 წ., 1959 წ.) მაშინ რომელიმე ტოტს შე-  
ვაქრიდით და ერთ ადგილას ცულს ჩავარტყამდით და თან დაეატან-  
დით, თუ არ მოისხამ მოგჭირა“-ო. ხეხილის დაშინების აღნიშნული  
წესი ძველთაგანვე უნდა მომდინარეობდეს, რომელიც სამეგრელო-  
ში გასული საუკუნის მიწურულში თ. სახოკიასაც აქვს დამოწმე-  
ბული<sup>5</sup>.

უნდა აღინიშნოს, რომ აღმოსავლეთ საქართველოს ეთნოგრა-  
ფიულ სინამდვილეში ხეხილის მოსავლიანობის გადიდებისათვის  
სხვა ხალხურ დაკვირვება-რწმენიდან საყურადღებოა აგრეთვე  
„ხარის ძირა“-ს (ბალახია) გამოყენება, რომელიც უნაყოფო ხეხილის  
ფესვის გახვრეტასა და შიგ აღნიშნული ბალახის გაყრაში მდგომარე-  
ობდა. აქვე უნდა აღინიშნოს, რომ „ხარის ძირას“ გამოყენება ჩვენ  
მიერ დამოწმებულია საქონლის სიმსივნეებისა და პურის ცომის  
„ღვარძლის“ მოსაგროვებლად (სიღნაღის რაიონის სს. ძე. ანა-  
გა, ყარაღაჯი. წნორი).

ხარის ძირა ბალახის აღნიშნული თვალსაზრისით გამოყენებაზე  
მიუთითებს გასული საუკუნის მეორე ნახევრის ცნობა, რომელზეც  
ერთ-ერთი უცხოელი სპეციალისტი შენიშნავს: „1858 წელს  
მე ვნახე ვაშლის ასეთი უნაყოფო ხე და რაც ეს ოპერაცია (ხა-  
რის ძირა ბალახი—დ. პ.) გაუკეთეს, ძლიერ ბევრს ისხამს ყოველ-  
წლიურადო. ასევე გაუკეთეს კაკლის ხეებს და ვნახოთ რას იზამს  
ამ წელსა“-ო<sup>6</sup>.

ყოველივე ზემოთ აღნიშნულმა ძველმა ხალხურმა მეთოდებმა  
სათანადო ადგილი დაიკავე საბჭოთა აგროტექნიკაშიც. კერძოდ ხე-  
ხილის მოსავლიანობის გადიდების საკითხის პრაქტიკულად შესწავ-  
ლისათვის 1941 წელს აკად. ნ. ხომიჭურაშვილის მიერ გორის რაი-  
ონში საცდელად შერჩეულმა ხეხილმა „მიმდინარე“ და „ძლიერი“  
წესებით გაახალგაზრდავებისას თავისი შედეგი გამოიღო<sup>7</sup>.

მეხილეობის ირგვლივ ხალხური ცოდნა-დაკვირვებიდან ხეხი-  
ლის მოსავლიანობის გადიდებისათვის აღსანიშნავია ცეცხლის —  
უფრო სწორად ბოლის გამოყენება, რომელიც ყოფაში „კიაკოკო-  
ნა“-ს სახელწოდებით არის ცნობილი.

საკვლევი ობიექტის რიგ მიკრო-რაიონებში (ახალციხის, გო-  
რის, ცხინვალის, ქარელის, დუშეთის, კასპის) ცივი კლიმატური პი-  
რობების გამო ხშირად ადრე გაზაფხულობით „გამოწეულ“—გაფოთ-

<sup>5</sup> თ. სახოკია, ახალწლიწადი სამეგრელოში, შოამბე, 1897, № 1, გვ. 97.

<sup>6</sup> ა. დეიჩმანი, „გუთნის დედა“, 1863, № 24, გვ. 207.

<sup>7</sup> მ. დედაბრიშვილი, დასახ. ნაშრ., გვ. 11.

ქილ ხეხილს სპობს „რთვილი“. აღნიშნულ პერიოდში მთხრობელთა თქმით „ხეხილის კოკორი ან გაფოთქვის პროცესშია ან გამოწასკულია“ (ახალი დაყვავილებულია), რომელიც ძალზე „მალალი“—ნაზია და ცოტა სიცივეც აფუჭებს. ამის გამო აღნიშნულ პერიოდში დიდი მნიშვნელობა ეძლეოდა სწორედ ე. წ. „მალალი“ ყვავილის ან დაყვავილებული ნაყოფის მოვლას, რომელის შესარჩენადაც ყოფაში ფართოდ იყენებდნენ ბოლის ღრჩოლვის მეთოდს.

რთვილის მოსვლას, ან როგორც ყოფაში იტყვიან „რთვილის კაგდებას“ გამოცდილი მებაღეები მაშინ ელოდებიან, როდესაც ახლო-მახლო მთის კალთებზე თოვლია ჩამოსული და საღამო ხანს ცაზე „მოიწმინდავს“. ამისათვის ბაღებში გაჰქონდათ ბზის, ხმელი ნაკელის, თივის, ჩალის ფოთლების, კაჰაჰების და ნახერხის ნესტიანი ნარჩენები, რომელთაც ხეხილის „გულეებში“ რამდენიმე ადგილას მოაგროვებდნენ. ყოველივე ამის შემდეგ გაათენების ხანს, ე. ი. როდესაც რთვილი იყო მოსალოდნელი—მთხრობელთა სიტყვით „მამალი რომ მესამედ დაიყვილებდა“, ცეცხლს მაშინ მოუკიდებდნენ. რადგანაც ნესტიანი „ბუნჩო“ უალოდ იწვის, ის დიდი რაოდენობით იკეთებს ბოლს, რომელიც თავის მხრივ სითბოს ატარიალებს ხეხილის ბაღებში.

ბუნჩო ხეხილის ბაღში გარკვეულ ადგილებსა და ახლო-ახლო უნდა დაყრილიყო, რათა ბოლი ყველგან მიწვდენოდა. მაგ. მეურნემ დაკვირვებიდან იცის, რომ თავის ხეხილის ბაღს ქარი უმეტესად რომელი მხრიდან ხვდება. ამისათვის „ქიაკოკონას“ ისე დაუნთებდა, რომ ბოლი თავის ბაღს არ ასცდენოდა. ამდენად ბევრჯერ, ე. ი. ნიაგის დროს, მისი მოწყობა-დანთება მხოლოდ ერთ მწყრივზე და ახლო-ახლო კიდურებზე—მიჯნებზე წარმოებდა, საიდანაც ნიაგის დაშუალებით ბოლი მთელ ბაღს მოედებოდა ხოლმე.

აღსანიშნავია, რომ ხალხის რწმენით ქიაკოკონას დანთება, რომელიც ბევრჯერ აღდგომას ემთხვეოდა, უფრო სასარგებლოდ იყო მიჩნეული. მათი წარმოდგენით ამ დროს ქიაკოკონის ბაღში დანთება, რომელსაც სახლის ეზოებშიც აწყობდნენ და ზედ გადახტომისას იძახდნენ „არული კუდიანებსა“-ო, სასარგებლო იყო იმითაც, რომ ბაღს „ეშმაკები და ავიფუზი არ დაპატრონებოდა“ (მთხრ. პეტრე მალვენის ძე ხითარაშვილი, 81 წ. (სოფ. ვალე, ახალციხის რ-ნი, 1961 წ.).

რთვილის საწინააღმდეგო ბოლის გამოყენების ეს საინტერესო წესი სომხეთში ბამბის პლანტაციების გადასარჩენადაც ყოფილა გა-

მოყენებული, ასევე, მველი იტალიის მებაღეებს პლინიუსი ნიადაგისა და ჰაერის გათბობის მიზნით უოჩევდა იმავე ცეცხლის დანთვზის მეთოდს<sup>ა</sup>.

ხილის კრეფა. ხილეულის კრეფას რაიმე განსაზღვრული წესები და ზუსტად დადგენილი ვადები არ გააჩნია. მისი კრეფის დრო დამოკიდებულია ამინდზე, ბაღის მდებარეობაზე, მოსავლის-წობაზე, რაც აგრეთვე დიდად არის დამოკიდებული ნიადაგების თავისებურებაზე. ამაზე მეტყველებს მაგ. ი. გარემოება, რომ იქ, სადაც ხილი შედარებით ფიცხსა და ურწყავ ადგილებშია გაშენებული, ის მალეც შემოდის.

ხალხის დაკვირვებით შედარებით ადრე შემოდის ხილი აგრეთვე ბაქნებზე გაშენებისასაც. ბაქნებზე ანუ ფერდობზე გაშენებული ხილი სიცივესაც ადვილად „სცდება“, რადგანაც მათივე დაკვირვებით „მთის წვერის სიცივე უმეტესად დაბლობში სცემს ხოლო ფერდობი კალთაშია შეფარებული“-ო.

იმის გამო, რომ ბაქნებად მოსწორებისას, როგორც სათანადო ადგილასაც გვექონდა აღნიშნული, მშრალად ნაგები ქვის ყორე-კედელი კეთდებოდა, ეს გარემოება ერთის მხრივ აჩქარებდა ხილის მოსავლის შედარებით ადრე შემოსვლასაც. აღნიშნული მიწების ხილი იმავე მხარის სხვა ადგილებთან შედარებით, თავისი გამძლეობითა და კარგი შეფერილობით გამოირჩეოდა (სილნალი, ბორჯომის, ღუშეთის და ახალციხის რაიონები). ბაქნების რთულად მოწყობისას, ე. ი. ერთიმეორის მიყოლებით კედლის ქვების სიმბურვალე შთხრ. გადმოცემით, ნიადაგს აფიცხებდა და გვაღვიანი წელიწადიც რომ არ ყოფილიყო, მაინც ხშირად უქირდა წყალიო (მახათაძე აკა-აი, გოგოლაძე გიორგი, სოფ. აწყური, ახალციხის რ-ნი).

შესაძლებელია, რომ აღნიშნული წესით ბაქნების მოწყობა და ჩასხე ხეხილის გაშენება ძველად ცნობილი „მზიური ბაღების“ ანალოგიას წარმოადგენდეს. რადგანაც „მზიური ბაღების“ მოწყობის წესი ძველი იტალიის მებაღეობაში ქვის მაღალი კედლების აგებით, ქარებისაგან დაცვისა და ქვის გაცხელებისაგან მოსავლიანობის დაჩქარების პრინციპზე იყო აგებული<sup>ბ</sup>.

ხალხური მეურნეობა იცნობს ხილეულისათვის მთელი წლით ადრე მოსავლიანობა-მოუსავლიანობის შეტყობის სხვადასხვა ზერხებს. მათ შორის კვირტით. ფოთლის ფერით, ახლად ნაზარდი ელორტებისა და სხვა მეთოდებს.

<sup>ა</sup> „გუთონისდგა“, 1865 წ., № 7. გვ. 100.

<sup>ბ</sup> M. E. Сергеевко. დასახელებული შრომა, გვ. 93.

გამოცდილი მეურნე ჯერ კიდევ შემოდგომის პერიოდში არჩევს მომავალი წლის მსხმოიარობას, როდესაც ხეს „საგაისო კვირტი დასრულებული აქვს“. მთხრობელთა გადმოცემით, სანაყოფე კვირტს „თვალდათვალ ემჩნევა“, რადგანაც ის „ბოკოტა“—მსხვილი და მრგვალი თავის მქონეა, რომელსაც ნაცრისფერიც „დაკრავსო“. აქვე აღნიშნავენ, რომ ჩვეულებრივი „ნაზარდის კვირტი“ შედარებით წვრილია, მოგრძო და წვერიანი, რომელსაც წაბლისფერი დაჰკრავს. თვით ზაფხულის პერიოდშიც კი, როდესაც ხეხილი მთბრბელთა სიტყვით „ლურჯათ იცქირება“, ე. ი. კარგი, ღონიერი, მუქი მწვანე ფერის ფოთოლი აქვს—საგაისო კვირტს კარგად ისრულებს. ასევე იტყვიან თამამად ნაზარდი ყლორტების დროსაც—„ხე ზრდაში მიდის და მუშა კვირტს ნაკლებად გაიკეთებს“—ო და ა. შ.

ყოველივე აღნიშნული ხერხებიდან ყოფაში სხვადასხვა ჯურის ხეხილს მოსავლიანობა-მოუსავლიანობის შეტყობის თავისი წესი აქვს. მათ შორის ორი უკანასკნელი განსაკუთრებით წვრილი ხილის ნაყოფიერებას განსაზღვრავს, „ბოკოტა“ და „ნაცრის“ ფერი კვირტი უფრო მსხვილი ხეხილის მოსავლიანობას და ა. შ. როგორც ჩანს, ქართველი მეურნე დახელოვნებული იყო იმ საკმაოდ რთულ ცოდნას, რაც ხეხილის მოსავლიანობის წინასწარი შეტყობის ზოგიერთ საკითხებს შეეხებოდა. ამასთან ერთად უნდა აღინიშნოს მეხილეთა ის მდიდარი ცოდნა-გამოცდილება, რაც ხილის კრეფის ვადების შეტყობა-გამოცნობასაც შეეხება. მართალია, ხეხილის კრეფის ვადების დიდი ხნით ადრე დადგენა ზემოთ აღნიშნულის გამო შეუძლებელია, მაგრამ სირთულე, რომელიც უამრავი ჯურის ხილის კრეფის ვადების შეტყობაშია, ხალხის მიერ ნაწილობრივ თავისებურად არის ამოხსნილი.

ეთნოგრაფიული მასალები გვიჩვენებს, რომ სხვადასხვა ხილულის კრეფის ვადების დადგენისას განსაკუთრებული ყურადღება ექცეოდა: ნაყოფის შეფერილობას, გულის ან თესლის დასრულებას, იის გემოვნებას, ხელით შეხებას, ნაყოფის ნაქარს და სხვა.

კურკოვანი ხილულის კრეფის ვადების შეტყობას მეურნეები შედარებით იოლად ამჩნევენ, რადგანაც მისი ნაყოფის უმრავლესობა, ფერის შეცვლასა და სირბილესთან ერთად „ძირს ჩამოდის“. მაგრამ შედარებით ისეთი ხილი, რომელიც ხსენებულ თვისებებს მოკლებულია, უფრო მეტ დაკვირვება-ცოდნას მოითხოვს (ვაშლი, მსხალი, კომში, ზღმარტლი და სხვა).

ცნობილია, რომ საქართველოს კლიმატური პირობებში ხილულის შემოსვლა გაზაფხულიდანვე იწყება და ზამთრის დადგომამდე გრძელდება, რაც თავის მხრივ უფრო მეტ ცოდნა-გამოცდილე-

ზას თხოულობს მისი მოვლის, მოკრეფისა და დაბინავების მხრივ. იმის მიხედვით თუ ხეხილის ესა თუ ის ჯიში წელიწადის რომელ დროს შემოდის და მისი გამძლეობის პერიოდი როდემდე გრძელდებოდა, ყოფაში მას სათანადო ჯგუფს მიაწერდნენ. ხეხილის დაჯგუფება ძირითადად სამი სახითაა წარმოდგენილი: ზაფხულის, შემოდგომისა და ზამთრის.

როგორც ეთნოგრაფიული მასალებიდან ჩანს, მეხილეები ზაფხულის ჯიშების მოკრეფას ვადამდე ერთი კვირით ადრე რჩებოდნენ, რათა შესაძლებელი ყოფილიყო მისი შედარებით მეტი ხნით შენახვა. მთხრობელთა გადმოცემით, ადრე დაკრეფილი ზაფხულის ხილი (ვაშლი, მსხალი, ატამი და სხვა) ჯერ ჭკნება, მერე ისევ „სუქდება“ და ბევრჯერ უფრო კარგი გემოვნებისა ხდება. ყოველივე ამას გარკვეული დრო ესაჭიროება და შედარებით გვიანობამდეც ძლებდა ხოლმე. ხოლო მათივე დაკვირვებით ზაფხულის ჯიშის ხილს დაგვიანებით კრეფისას კანი და გული თანაბრად აქვს დასრულებული და ამისათვის „თავსაც დიდხანს ვერ იჭერს“-ო.

მეურნეთა დაკვირვებით ადრე დაკრეფა ხილს განსაკუთრებით უხდება გვალვიან წელიწადს, რადგანაც მისი ყუნწი ადრე შრება, რასაც ხელით შეხებისას ამჩნევენ. გვალვიან წელიწადს—აღნიშნავს მთხრ. იოსებ როსტომის ძე ბუდედიშვილი (გორის რ-ნის სოფ. კარალეთი, 71 წ. 1958 წ.) ხილი ადრე ჭიანდება, რაც იწას ნიშნავს, რომ ის უკვე შემოსულია და რომ წავეტანებით ხელში თითონ მოგვდევს ხოლმეო.

უნდა აღინიშნოს, რომ ხილის კრეფისას ყოფაში განსაკუთრებულ სიფრთხილეს იჩენდნენ ზამთრის ჯიშების მიმართ, რაც ბუნებრივია მისი დიდი ხნით გამძლეობისაკენ იყო მიმართული. ზამთრის ჯიშების ხეხილისათვის კრეფის ვადების დადგენა საკმაო სიძნელესაც წარმოადგენდა, მისი მარტო შეფერილობით, გულის გასინჯვით და გამძლეობის პერიოდებს დიდი მონდომებით აკვირდებოდნენ. წლების მანძილზე ამგვარმა დაკვირვებებმა თავისი შედეგი გამოიღო და დღეს მეურნე მამაპაპური გამოცდილების გადმოცემის შედეგად კარგად ამჩნევენ ისეთი ხეხილის მოკრეფის დროსაც, როგორცაა: კომში, ზღმარტლი, ვაშლისა და მსხლის ზოგიერთი სახეობანი. მაგ. ქართველი მეურნე კომშს მხოლოდ მაშინ დაკრეფს, როდესაც მას „რთვილი აქვს ნაჭამი“, ზღმარტლსა და კვრინჩხს მაშინ დაკრეფს, როდესაც მისავე ხეს ფოთოლი აქვს გაცვენილი, ჯახველის ტოტებს მანამდე არ დაამტვრევს, სანამ თოვლს არ ჩამოყრის და ა. შ. რადგანაც მან გამოცდილებიდან იცის, რომ ხილეულის ზოგი-

ერთი ჯიში, მხოლოდ მოკრეფისა და სათანადოდ შენახვის შემდეგ იძებს გემოვნებას. ყოველზე შემოთხსენებულ დაკვირვება-გამოცდილებებს თავისი გარკვეული გზები აქვს გავლილი, რაც ოდითგანვე უნდა მომდინარეობდეს.

ვიდრე ხილის კრეფის პროცესებს განვიხილავდეთ, მოკლედ შევეხებით სათანადო საკოფეი ხელსაწყოების აღწერილობას, რომელთაგან ზოგიერთს დღესაც არ დაუთარგავს თავისი მნიშვნელობა.

აღმოსავლეთ საქართველოს ეთნოგრაფიულ სინამდვილეში ხილულის მოსაკრეფად ძირითადად გამოიყენებოდა შემდეგი ხელსაწყო იარაღები: კიბე, კალათა, ხოკერა, სანცურევი, თოკი, კავი და კოდორი ან ყუთი.

კიბე აღმოსავლეთ საქართველოში სხვადასხვა სახისა გვხვდება, რომელთაგან აღსანიშნავია „ტანტრა“ ანუ გასაშლელი კიბე და „ლატანი“ იგივე (მესხეთში) „მერდევანი“. „ლატანი“ ანუ „მერდევანი“ წარმოადგენს გრძელსა და მეტწილ შემთხვევაში ოდნავ დაკუთხულ ლატანს, რომლის სიგრძე ბევრჯერ 6—8 მეტრამდე აღწევს. ლატანი—გრძელი ხე, რომლის ტანი თანდათან ვიწროვდება. ბოლო ნაწილით ჩასმულია დაახლოებით ერთი მეტრის სიგრძის ხეში, რაც საყრდენს წარმოადგენს. „ლატანს“ ჩვეულებრივ კიბესთან შედარებით საფეხურები ახლო-ახლო აქვს განლაგებული. ის გასაშლელ კიბესთან შედარებით მსუბუქია და ხეზე ყველგან ადვილად ეყუდება. უნდა აღინიშნოს, რომ „ლატანი“, რომელიც უშუალოდ ხეხილის კრეფისათვის არის შექმნილი და საქართველოს მეხილეობის თითქმის ყველა კუთხეებში გამოიყენებოდა, დღეს მხოლოდ მესხეთისა და ბორჯომის ხეობის ყოფისათვისა არის დამახასიათებელი.

კალათა ხეხილის საკრეფად ძველთაგან სპეციალურად იწვნოდა, მისი მოყვანილობა უეჭველად პირამიდის ფორმისა უნდა ყოფილიყო, რომელიც „სუფთად წვრილი წნელით“ იწვნოდა. მთხრობელთა გადმოცემით ხილის კალათა ძირვიწრო და პირგადაწლილი იყო, რომელსაც თავსა და ბოლოზე ნაწნავის მსგავსი გრებილი წნული უკეთდებოდა. ამგვარი წნული, აღნიშნავენ მთხრობელები, ნაწნავს კარგადაც ინახავდა, უფრო მკვიდრი გამოდიოდა და კარგადაც იდგმოდაო. როგორც მთხრ. გენო ლუარსაბის ძე ჩიქილაძე უსოფ. ტყვიავი, გორის რ-ნი) გადმოგვცემს, „ხილის საკრეფი ბაყლის კალათა, ძირვიწრო უნდოდა, რათა ჩამოწოდებისას ტოტებში ადვი-

ლად გამოძევალიყო. მისივე გადმოცემით აღნიშნულ კალათებზე ისეთი დიდი მოთხოვნილება ყოფილა (1920 წლამდე), რომ „ოუე-ბი“ — სომხებიც კი ჩამოდიოდნენ, წნავდნენ ან იქიდანვე ჩამოქონ-ღათ და ყიდდნენო.

აღსანიშნავია, რომ „ლატნის“ ხმარებასთან ერთად ახალციხის რაიონის მეხილეობით განვითარებულ რიგ სოფლებში ფართოდ გა-მოიყენება პირამიდის ფორმის ბოლომახვილიანი კალათა. იგი წარ-მოადგენს ერთ დატოტვილ წნელს 3-5 კაპით. რომელზედაც უწავენ და თანდათან უმატებენ ახალ-ახალ „მანებს“— შედარებით მსხვილ წნელებს. თავისი დაწენისა და ფორმის მიხედვით ამგვარი კალათები აღმ. საქართველოს ეთნოგრაფიულ სინამდვილეში სხვაგან არსად დაგვიმოწმებია, რომელიც მხოლოდ აღნიშნული მხარის დამახასია-თებელს უნდა წარმოადგენდეს.

ზევით განხილული კალათების ტევადობა 8—16 კგ აღწევდა. რომელთაც კრეფის დროს ძირში სუფთა თივას უდებდნენ. ხოლო ქურზე ხის კაეებს აბამდნენ, და ხიდან თოკის საშუალებით ჩამო-აწვდიდნენ ხოლმე.

აღმოსავლეთ საქართველოს მეორე რიგის საკრეფელებიდან აღ-სანიშნავია ე. წ. წვრილი ხილის (ბალი, მაყვალი, ხურტკმელი, მოცხარი, მარწყვი და სხვა) საკრეფი პატარა ზომის კალათები და ხოკერები. აღნიშნული ხილის საკრეფად განკუთვნილ ქურჭელს ძი-რითადად ხის ქერქისგან (ბალაშწარის, წაბლის, რცხილის, თელისა და სხვა) აკეთებდნენ, რომელნიც უმეტესად პატარა ზომის კეთლე-ბოდა და წელზე შემორტყმული წესით ატარებდნენ. საქართველოს მეცნიერებათა აკადემიის აკად. ს. ჯანაშიას სახ. საქართველოს სა-ხელმწიფო მუზეუმის ხის ფონდებში დაცულია ხილის საკრეფად და „სანცრევად“ განკუთვნილი საინტერესო ხელსაწყო იარაღები, რომელთა ილუსტრაცია ამჟერად ვერ მოხერხდა.

მიუხედავად ზემოთ აღნიშნული საკმაოდ მაღალი ლატნების გა-როყენებისა. ხეხილის კრეფისას ხშირად რჩებოდა მოსაკრეფად მიუ-წვდომელი ადგილები. ამ მიზნით ყოფაში ფართოდ იყენებდნენ თა-ვიანთივე შექმნილ ე. წ. „სანცრევ“ ხელსაწყოებს, რომელნიც სხვა-დასხვა მასალისა და ფორმით არიან წარმოდგენილი. აღსანიშნავია, რომ ამგვარი სახის საკრეფელებს იგივე ხრიკებს რაჭაშიც ხმარობ-დნენ (საბას განმარტებით ხრიკა—მაჯის შესაკრავ კავს ქვიან).

ხილის კრეფა. ძველ ქართულში ხილეულის ნაყოფის მოკ-რეფის აღსანიშნავად, როგორც ივ. ჯავახიშვილი აღნიშნავს, ორი ტერმინი არსებობდა: მოსთულაჲ და მოწილვაჲ. მისივე აზრით,

პირველი ტერმინი ძეგლებში ხშირად გვხვდება და ჩვეულებრივი სიტყვა იყო, მეორე კი მხოლოდ უძველეს ძეგლებში გვხვდება და მისი კვალი ოდნავ-ღა არის გადარჩენილი<sup>10</sup>.

მოსთულაჲ ძველ ქართულში ზოგადად ნაყოფის 'მეკრებასა და მოკრეფას ნიშნავდა. მაგალითად (დაბადება) ლევიტელთა 26-ში წერია „თუ ჩემი მცნებანი აასრულეთ, ქუეყანამან გამოსცეს ნაყოფი თვისი და ხეთაი ველისათა მოსცენ ხილი მათი და მოიწიოს სალენჯი, თქუენი ვიდრე სთულებადმდე და სთუელი მოიწიოს თესვამდე“-ო<sup>11</sup>.

ივ. ჯავახიშვილის განმარტებით „მოწილვა“ ქართულ სამწერლო ენაში „მოსთულაზე“ უძველესი ხანის ტერმინი ყოფილა.

V—VII სს-ში მოწილვა თუმცა არსებობს, მაგრამ ამ ხანაში უკვე მოსთულა-ს ჰქონია უპირატესობა მოპოვებული<sup>12</sup>. ამის დამადასტურებელია აგრეთვე გიორგი მთაწმინდელის ცნობაც: „ოდესაც რაიმე საერთო საქმე არს მონასტრისაჲ, თვნიერ უცილოებისა თანავე გავიდის გინა თუ ნავისა გამოზიდვისა გინა თუ ნავი მოვიდის ხუარალითა გინა თუ ვენაქთა ასრვისა გინათუ აჯოჯვისა გინა თუ სთულებასა“-ო<sup>13</sup>.

აქვე უნდა აღინიშნოს, რომ იმ ხანას, როდესაც ხილ-ბოსტნეული პირველად შემოვიდოდა, ივ. ჯავახიშვილის გამოკვლევით „ახლობლობა“ ეწოდებოდა, რაც დღევანდელ ეთნოგრაფიულ სინამდვილეში „ბლობის“ სახელწოდებით იხსენიება: ხოლო იმ ხანას, როდესაც გამოლევის გამო ძნელი საშოვნელი იყო „ყურძნობა“-ს ეძახდნენ<sup>14</sup>.

ზემოთ აღნიშნულის ირგვლივ აოსებული სხვა წყრილებით და რეტორიულ წყაროებთან ერთად საყურადღებოა ქალაქის მოურავისათვის ხილის მირთმევა დაკანონებულ პერიოდებში, სადაც აღნიშნული იყო: „ქალაქის მოურავს ქალაქის მებაღეებმა უნდა მოართვან, რომ მოურავის კაცი უნდა წავიდეს და საპალნეებით ხილი უნდა მოუკრიფოს და მოართვას, ერთი ახალბალობას, რაც იმ დროს ხილი რქნება. ერთი ყურძნობას უნდა მოიკრიფოს საპალნეებით, რაც იმ

<sup>10</sup> ივ. ჯავახიშვილის, ხელნაწერთა ფონდი, გვ. 12.

<sup>11</sup> იქვე, გვ. 13—14.

<sup>12</sup> იქვე, გვ. 19.

<sup>13</sup> გ. მთაწმინდელის ენა, იოანეს და ექვთიმეს ცხოვრების მიხედვით, თბილისი, 1946, ივ. ჯავახიშვილის გამოცემით, გვ. 42.

<sup>14</sup> ივ. ჯავახიშვილი, დასახ. შრომა, II, გვ. 146.

ღრის არის. ყოვლის ნივთისაგან დაუკლებლად უნდა მოერთვას ყოვლის ბაღებიდამ<sup>15</sup>—ო<sup>16</sup>.

აღმოსავლეთ საქართველოს სამეურნეო ყოფაში ხილის კრეფის გარკვეული წესებია დამკვიდრებული. კრეფის ხალხური ტექნიკა ხედავს ჭურის ხილისათვის იყო გამოყენებული. ეთნოგრაფიული მასალებიდან ჩანს, რომ მებაღეები ხილის კრეფას ხის ქვედა ტოტებიდან იწყებდნენ. რადგანაც კიბით ან ზედ ასვლით კრეფისას აღნიშნული ტოტებიდან ნაყოფი ჩამოსცივოდა. კრეფის დროს გამოცდილი მუხილები დიდ ყურადღებას აქცევდნენ ხეხილის ყუნწიანად მოწყვეტას და ისე ფრთხილად ჩაწყობას კალათებსა და სხვა საჭირო საკრეფლებში, რომ ნაყოფის კანი არ „გატეხილიყო“ არ „დაჟეჟილიყო“. ამ მიზნით ყოველგვარ საკრეფელებში წმინდა თივას ჩაუდებდნენ ან ტილოს გამოაკრავდნენ ხოლმე.

მთხრობელთა გადმოცემით უყუნწოდ მოწყვეტილი ან გატეხილი ნაყოფი თავს ღიღხანს ვერ იჭერს, რადგანაც წვენი დენას იწყებს და ჩქარა ლბებაო. ამისათვის ყოფაში ძირითადად არჩევენ ნაყოფის ორი სახის დაზიანებას: „მშრალსა“ და „სველს“. შესანახად უვარგისი ე. წ. მშრალი ნაყოფი მთხრობელთა გადმოცემით არის კიანი, მზისგან ან სეტყვისაგან გახეთქილი და შეხორცებული, ან ნაწილობრივ დაჟეჟილი. ხოლო სველი სახით დაზიანებული ნაყოფი არის უყუნწოდ ნაკრეფი, „ხორც ნაჩხვლეთი“, დახეთქილი და ანლად დაჟიანებული, რომელთაც ჭერ კიდევ წვენი არ შემრობიათ.

ხილის კრეფისას ძველთაგანვე დიდი ყურადღება ექცეოდა ამინდს, რადგანაც გამოცდილებიდან იცოდნენ, რომ თუ ნაყოფს სისველე შეჰყვებოდა, იმ „ჩახურებას“ იწყებდა და მალე ლბებოდა.

თვით კრეფის ხალხური ტექნიკიდან აღსანიშნავია ნაყოფის ფრთხილად გვერდზე გადაწევის წესი, ფრჩხილების სუფთად დაქრა და ხეზე ასვლისას მხოლოდ ქალამანის ჩაცმა. თუ როგორ უფრთხილობდნენ კრეფისას ხეხილის პატრონები, ეს კარგად ჩანს თვით ხალხის გადმოცემიდანაც. ამის შესახებ სოფ. ტირძნისის (გორის რ-ნი) მკვიდრი გიგუცა ლუარსაბისძე ნშიადაშვილი შემდეგს აღნიშნავს: -ბალის პატრონები ისე უფრთხილდებიდნენ ნარგავსაცა და ხილსაც, რომ როცა იმათთან ქირითა ვმუშაობდით ხოლმე, ბიჭებს<sup>16</sup> წინ პატარა ფართუკები უნდა გვქონოდა შემოკრული,

<sup>15</sup> საქართველოს სიძველენი ვ. თ ა ყ ა ი შ ვ ი ლ ი ს რედაქციით, თბილისი, 1909, ტ. II, გვ. 54.

<sup>16</sup> ბაყლის ბიჭებდა ეთნოგრაფიულ ყოფაში იხსენიებოდა „ბაყლის“ ხილით მოვარგეთაგან დაქირავებული მუშები. ბაყლების სახელთან არის დაკავ

ღრჩხილები შირში დაკრილი და ფეხზე რბილი ფეხსაცმელი ქალა-  
ზანი უნდა გვემოდა. რაკი ქალამანი ხეზე ძალიან ცურაობდა, ამისა-  
თვის სულ წინდების სიმარა ვკრეფდით ხოლმე და ტოტი რო მოგე-  
ტეხოდა ხო სულაც ვაგვაგდებდა სამუშაოდანაო“. აქვე უნდა აღი-  
ნიშნოს ის ვარემოებაც, რომ მსნმოიარე ხეხილის ტოტების ჩამომ-  
ტვრევისაგან დასაცავად კაპიანი ლატანების ან ბოძების მიდგმას  
აწარმოებენ, რომელსაც „ჭინჭიბახი“ ან „ბოწკანტი“ ეწოდებოდა.  
ჭინჭიბახი საბა ორბელიანის გ-მმარტეპით არის—ორი ლატანი გაო-  
დაბმული დიდის ძალის ასაწევად.

ხილე რომ „შეთვალდებოდა“ და ნაქარს გაიჩენდა, ბალის პატ-  
რონს დღედაღამ ბაღში უნდა ეტრიოლა, რადგანაც უამისოდ ის საქ-  
რეებს თავს ვერ გაართმევდა. ამ პერიოდიდან იწყება, როგორც ფე-  
ხის მოსავალისაგან გასუფთავება ისე ნაქარის აკრეფა-ჩირვა, საად-  
რეო ჯიშების კრეფა, გოდორ-კალათებისა და ლასტების წვნა, სა-  
ჩირეების მოწყობა და სხვა. ამ მიზნით ისევე, როგორც მეურნეობის  
სხვა დარგებში, აქაც დაქირავებული მუშახელიც იყო გამოყენებუ-  
ლი, რომელნიც სოფლიდან-სოფლად ან საქართველოს სხვა კუთხე-  
ებიდან მიმოდრიოდნენ.

„ბერძნებსა და კრუებს—აღნიშნავს მთხრ. გიორგი გოგიაშვი-  
ლი (სოფ. კარალეთი, გორის რ-ნი, 80 წ-სა, 1958 წ.) ხეხილის კრე-  
ფაში რას გავაკარებდით—ისინი ნაქარს უვლიდნენ, კალათებს  
სწნავდნენ და აწევ-დაწევაში გვეხმარებოდნენ“-ო.

იმასთან დაკავშირებით. რომ ხეხილის ბალი თავიდანვე ზრუნვა-  
როვლას საჭიროებდა და განსაკუთრებით შემოდგომის პერიოდიდან  
შიგ გამუდმებით „ტრიალს“ მოითხოვდა. ბაღებში სათანადო „ხილ-  
საცავი“ შენდებოდა. ხილსაცავები ანუ მებალის ქოხები გამოიყენე-  
ბოდა, როგორც დასაძინებლად, ისე სამეურნეო იარაღისა და თვით  
ხილის დროებით შენახვის მიზნით. მებალის ქოხი, რომელიც ქვიტ-  
კირის ან ფიჩხის წნულის სამეურნეო ნაგებობას წარმოადგენდა.  
სრულყოფილი სახით ვერ დავამოწმეთ. რის გამოც მისი, ამ ნაგე-  
ბობის სრული აღწერილობა; სამწუხაროდ არ შეიძლება.

როგორც ველზე შეკრებილი მასალებიდან ჩანს, იმ შემთხვევა-  
ში, თუ ბალის პატრონი გაზაფხულიდანვე ნარდად გაყიდოდა მომა-  
ვალ მოსავალს, მაშინ მყიდველი თვით პატრონს უჩივდებოდა მისი  
თვალყურის დაქერისა და პოვლისათვის. ხოლო წინააღმდეგ შემთ-

---

შირებული აგრეთვე „ბაყლის კალათა“, „ბაყლის გოდორი“, „ბაყლის კიბე“—  
გასაშლელი კიბე ანუ ტანტრა და სხვა.

ხვევაში ის „მებალეს“ ქირაობდა. ბალების მყიდველებად მიმდინარე საუკუნის 20-იან წლებამდე ქალაქიდან ჩასული ვაჭრები და ბაყლები გვევლინებიან.

აღსანიშნავია, რომ აღნიშნული წესით დაქირავებულ მებალეს ხშირ შემთხვევაში მდიდარი ცოდნა-გამოცდილებისა და კარგი მოვლა-პატრონობის გამომქლავების შემდეგ ბალის პატრონი ან დროებითი მფლობელი, მას „ამხანაგად“ — მოწილედაც კი გაიხდიდა ხოლმე.

ხილის კრეფისას განსაკუთრებული ყურადღება ექცეოდა შემოდგომა-ზამთრის ჭიშების სიფრთხილით კრეფას, რაც მისი დიდი ხნით შენახვასთან იყო დაკავშირებული. ამ მიზნით მოკრეფილ ხილს (ვაშლი, მსხალი, კომში) ადგილზევე, ერთ ადგილას „დააწყობდნენ“, რომელიც იქ 8-10 დღის განმავლობაში უნდა ყოფილიყო. მთხრობელთა გადმოცემით, უმჯობესი იყო ხილი ისეთ ადგილას — გადათარებულში დაეყარათ, რომ ცის ნამი არ მოხვედროდა და კარგად გამოშვრალიყო. ამ პერიოდში ნაყოფი ზედმეტ სისველეს იშრობდა, გატეხილს, დაეყვილსა და ჭიანს კარგად იმჩნევდა და მისი გადარჩევა გვიადვილდებოდაო. აღნიშნულ მეთოდს ე. ო. ხილის დროებით ადგილზე დაყრას ეთნოგრაფიულ ყოფაში „ოფლის მოხდის“ წესს უწოდებენ. რომელსაც სპეციალისტები დიდ პრაქტიკულ მნიშვნელობას ანიჭებენ<sup>17</sup>.

აღსანიშნავია, რომ აღმ. საქართველოს ზოგიერთ ადგილებში (ყახეთი), ხილის კარგად გამოშრობა-გამსუფთავება დანიშნულებით დაზამთრებამდე (თუ ეს შესაძლებელია), ბაღში ან სხვენზე გაშლილი სახითაც ინახავენ ხოლმე<sup>18</sup>.

ყოველივე ამის შემდეგ ოფლმონდილ ხილს კარგად გადაარჩევდნენ, რაც იმაში გამოიხატებოდა, რომ „შვრალი ჭიანი“ ცალკე ინახებოდა, რადგანაც ის შედარებით გვიან ღებება, „სველი ჭიანი“ და „ნაუეყი“ კი საჩირედ და საარაყედ იყრებოდა.

აქვე უნდა აღინიშნოს, რომ გამოცდილი მებალე ზოგიერთი ჭიშის დაეყვილ ან გატეხილ ნაყოფს „სუფთა“ ხილშიც მიაყოლებს, რადგანაც მან გამოცდილებიდან იცის, რომ ისეთი ჭიშის, მაგ. ვაშლი, როგორცაა კიტრა, ზერტულა, კეხურა და სხვა მცირე ნაჩვენეტსა და ნაუეყს კარგად იშრობს, იხორცებს და ჩვეულებრივად ძლებს.

<sup>17</sup> ზ. კეცხოველი, ხილის მოკრეფა, დახარისხება და ჩაწყობა, თბილისი, 1926. ნ. ხომიზურაშვილი, ვ. ჭიპაშვილი, მებღელობა, თბილისი. 1956.

<sup>18</sup> საქ. მეცნ. აკადემიის ისტორიის ინსტიტუტში დატული შინამრეწველობის მასალები, მებღელობა, გვ. 969—973.

ველზე მოპოვებული მასალების საფუძველზე დგინდება ხილის დაუზიანებლად ტრანსპორტირება, რომელიც პირგადაშლილი გოდრების პირქვე დამხობით ხდებოდა. აღნიშნულ გოდრებში, სადაც 8—10 ფუთი (ვაშლი, მსხალი, კომში) ჩადიდდა ძირში და გვერდებზე სუფთა თივას უშლიდნენ, რომელსაც ზემოდან თივის სქლად მოფენის შემდეგ თავს წნელებით გადაუკრავდნენ და ურმით ან მარხილით მიიტანდნენ. მთხრობელთა გადმოცემით მარხილის ხმარება სიმშრალეში, მართალია საქონელს უჭირდა, მაგრამ ამ წესით მოზიდული ხილი უნაკლო იყო ხოლმეო. მათივე გადმოცემით. პირგანიერი გოდრის „მომხობით“ გადატანისას თავზე ნაყოფი ნაკლებად აწვევა ერთმანეთს და ძირსაც გრძლად წაჭრილი გოდრის „მანები“ არ უშვებს მთლიანად დადების ადგილზე შეხებასაო.

აღმოსავლეთ საქართველოს სინამდვილეში ხილის ნედლათ შენახვის შემდეგი წესები დავამოწმეთ: ტოტებით, აჯაგვით, ცვილში, თათარაში, წყალში, ბზეში, გოდორში, ორმოში, მარანში, ქვევრებში, მიწაზე დაყრის, ლასტებზე ანუ ტახტებზე დაწყობის და სხვა.

ხილის როგორც ნედლად ანუ ცოცხლად, ისე ხმელად (ჩირად, კერკად, ტყლაბად და სხვა) შენახვა ქართველ ხალხს ოდითგანვე უნდა სცოდნოდა. ნედლად ხილის დიდი ხნით (10 თვემდეც შენახვა) განსაკუთრებულ სიფრთხილესა და ცოდნა-გამოცდილებას საჭიროებდა, რაც კარგად ჩანს ველზე შეკრებილი ეთნოგრაფიული მასალებიდან.

ძველ ქართულ მწერლობაში ხშირად იხსენიება. როგორც ნედლი, ისე ხმელი ხილი, რაც იმას ნიშნავს, რომ ჩვენს წინაპრებს წგლიწადის თითქმის ყოველ დროს უნდა ჰქონოდათ: საამებელად და საქმელების შესანელებლად, სხვადასხვა წესჩვეულებებისა და რიტუალური დანიშნულებისათვის, სამკურნალოდ და სხვა.

შუასაუკუნეების ერთ ნაწარმოებში ვკითხულობთ: „თახები მოწყობილი იყო ყოვლის კაი ხილითა... სულ ხილი იდვა ყოვლიფერი, ნედლი თუ ხმელი... თუ ნედლი ხილი არ ვარგა, ხმელი მაშინც ბევრი კარგია და ამოო საქმელი და შესაქცევი... ყუთები გავხსენ. ხმელი ხილი ყველა იმ დღეს ჩაწყობილსა გვანდა“ და ა. შ.<sup>15</sup>

აღმოსავლეთ საქართველოს ყოფისათვის დამახასიათებელი იყო ხილის ტოტებიანად და აჯაგვის წესით შენახვა, რომელიც სხვენში და მარანში იკიდებოდა. მთხრობელთა გადმოცემით ტოტებიანად ან ყუნწით დაკიდული ხილი შედარებით დიდი ხნის განმავ-

<sup>15</sup> რუსუდანიანი, ი. ა ბ უ ლ ა ძ ი ს გამოცემა, თბილისი, 1957, გვ. 451—452.

ლობაში ინახება, რადგანაც ჰაერი ყოველმხრივ კარგად უდგება. ტოტებოთა და აჯაგვის წესით ხილის შენახვის ოდითგანვე არსებობაზე მიუთითებს ტერმინები: „აკიდო“, „ჯაგანი“ (საბა, ლექსიკონი) „ჩხა“, „უხწულა“ და სხვა. რომელთა გამოსახულება კარგად შემოგვინახა ქართული ხუროთმოძღვრების ძეგლებმაც (იხ. სურათი ივ. ჯავახიშვილის ეკონ. ისტორია. ტ. II). აღსანიშნავია, რომ ყოფაში შედარებით მცირე რაოდენობით ხილის კონსერვაციას ცვილითა<sup>20</sup> და თათარათიკ აწარმოებდნენ. რაც ცოცხლად და დიდი ხნით ინახავდა მათში „ამოვლებულ“ ამა თუ იმ ხილის ნაყოფს.

ხილის ცოცხლად შენახვის წესთა შორის თავისი სიძველით უნდა გამოირჩეოდეს წყალში და ორმოში ჩაყრის წესები.

როგორც ეთნოგრაფიული მასალების საფუძველზე დგინდება, წყალში ხილის შენახვის ორი ხერხი არსებობდა, მარილით და უმარილოდ. მარილით შეგემებული წყალში შენახული ხილი, რომელიც იგივე „ხილის წნილს“ წარმოადგენდა, მისთვის განსაკუთრებით „მომხო“—მომჟაო გემოს ხილს არჩევდნენ. უმარილო წყალში კი ყოველგვარი გემოვნების ხილის ჩაყრა შეიძლებოდა, რომელიც შეტწილად ტყიდან ჩამოქონდათ ხოლმე (ბორჯომის ხეობა და მთიულეთ-გუდამაყარი, ალგეთის ხეობა). როგორც მთხრ. შაქრო გიგოლას ძე ქავთარაძე (80 წ. სოფ. ჩაბარუხი დუშეთის რაიონი, 1960 წ.) ვადმოგვცემს „ხილი (ვაშლი, მსხალი, მსხალპანტა, ზღმარტლი) განსაკუთრებით კარგად ინახება ჩვეულებრივ წყალში, რომელსაც ხის კასრებსა და გობებში ვყრიდით ხოლმე და წვენსაც გაზაფხულობით სიცხეში ისე ვსვამდით, როგორც ლუდსა“-ო. აღსანიშნავია, რომ სამწნილე ხილს მარილწყალში ჩაყრამდე დაჩხვლეთავდნენ და მალე დამყავების მიზნით შედარებით თბილ ადგილზე გააჩერებდნენ, ხოლო ცოცხლად შესანახავ ხილს, რომელიც „უმანკო“-სუფთა უნდა ყოფილიყო, ჩვეულებრივ წყალში ჩაყრით გარეთ „სიცივეში, დახურული წესით ინახავდნენ.

აქვე უნდა აღინიშნოს, რომ საქართველოს ეთნოგრაფიულ სინამდვილეში იყენებდნენ და იყენებენ ხილის (განსაკუთრებით მსხლის) ქვევრებში მშრალად შენახვის ხალხურ წესებს, რომელიც კარგად აქვს აღწერილი განსვენებულ თ. სახოკიას<sup>21</sup>.

სორბლეულის ორმოებში შენახვა საქართველოში ძველთაგანვე უნდა სცოდნოდათ, რომელმაც ჩვენს საუკუნემდე მოაღწია. როგორც ივ. ჯავახიშვილი აღნიშნავს „მიწაში ამოთხრილ ორმოს სინი-

<sup>20</sup> ალ. რთბაქიძე, მეფუტკრეობის ისტორიისათვის, თბილისი, 1960 გვ. 131.

<sup>21</sup> თ. სახოკია, დასახლებული შრომა, გვ. 316.

ტივისაგან დასაცავად ჩალით და ბზით მოფენდნენ ხოლმე და შემდეგ შიგ მარცვლელს ჰყრიდნენ და ზემოთგან ჰხურავდნენ“<sup>22</sup>.

აღსანიშნავია, რომ ხსენებული ტიპის ორმოებში. საქართველოს სინამდვილეში ხილსაც (უმეტესად ვაშლს. ხოლო ნაწილობრივ მსხალსა და კომშსაც) ინახავდნენ. ხორბლის ჩაყრისაგან განსხვავებით სახილე ორმოებში გარკვეული რაოდენობის ხილის ჩაყრს შემდეგ ფენებად თივას უგებდნენ. საფიქრებელია, რომ ხილის მიწაში შენახვა პურის შესანახი ორმოდან ანუ ხაროდან უნდა გამომდინარეობდეს, რომელსაც ყოფაში ეზობესა და სხვადასხვა სამეურნო-საცხოვრებელი ნაგებობების ქვეშაც აწყობდნენ.

ორმოში შესანახავ ხილს საგანგებოდ გადაარჩევდნენ, და უმეტესად მაგარ-გამძლე ჯიშს შეუარჩევდნენ (ვაშლებიდან მაგ. ზერტულა, კიტრა, თურაშაული, კეხურა და სხვა). მათი ორმოში შენახვა გვიან შემოდგომას ხდებოდა, ამოღება კი მაის-ივლისის გასულს.

აღმ. საქართველოში გამოყენებულ ორმოებში ხილის გამოზამთრების ზემოთ აღნიშნული წესის პარალელურად რაჭაში ბზისა და თივის დახმარებით საწინახელში ხილის შენახვის წესიც არის დამოწმებული<sup>23</sup>.

მიწაში ანუ ორმოებში ხილის გამოზამთრების დადებითი თვისება, მთხრობელთა გადმოცემით, მისი ცოცხლად და დიდი ხნით „გაუშრობელად“—უქლებლად შენახვაში მდგომარეობს. მათივე გადმოცემით „ორმოში ნამყოფი ხილი ხორციანია, ახალ მოკრეფილსა გავს და ესე გასინჯე იგი ახლად მოკრეფილთან შედარებით უფრო კარგი შეფერილობისაც კი გამოდის ხოლმე“—ო.

გარდა აღნიშნულისა, დაუმწიფებელი ხილის (უმეტესად მსხალი, ვაშლი, ატამი) ადრე დამწიფების მიზნით ბაღებში „სახელდახელო“ მცირე ორმოებსაც თხრიდნენ. ამგვარ ორმოებში „ჩაფლული“ ხილი 4-6 დღეში მწიფდებოდა და საამო საქმელი იყო. აღსანიშნავია, რომ ხილის ორმოში შენახვის ამ წესს უმეტესად ბავშვები მიმართავდნენ.

ეთნოგრაფიული მასალებიდან ნათლად ჩანს მიწის ზეგავლენა ხილის კარგად გამოზამთრება-დამწიფებაში, როგორც მიწაში, ისე მასზე დაყრის გზით. ამ მხრივ არანაკლებ საინტერესოდ წარმოგვიდგება ყოფაში დღემდე შემორჩენილი ხილის მიწაზე დაყრის

<sup>22</sup> ივ. ჯავახიშვილი, დასახ. შრომა. ტ. II, გვ. 95.

<sup>23</sup> ცნობა მომწოდია ეთნოგრაფმა ლ. ფრუიძემ.

ხალხური მეთოდი, რომელსაც განსაკუთრებით ქართლსა და მეს-  
სეთ-ჯავახეთის სანახებში მიმართავდნენ. იმისათვის, რომ ხილი  
(ვაშლი, მსხალი, კომში და სხვა) დიდი ხნითა და ცოცხლად შენახუ-  
ლიყო. გამოცდილი მეურნეები საცხოვრებელი საგებობის იმ ნა-  
წილში, სადაც მის დაყრას აპირებდნენ სამი-ოთხი თითის დადებით  
სილამიწასაც მოუფენდნენ ხოლმე (სოფ. ვალე, უღე. თმოგვი ახალ-  
ციხის რ-ნი).

აღსანიშნავია, რომ მიწაში ან მიწაზე სილის განსაზღვრული  
დროით და გარკვეული ჯიშების დაყრის დადებით თვისებებს ბოტა-  
ნიკოსი სპეციალისტებიც აღნიშნავენ<sup>24</sup>, რაც პირველ რიგში ითქმის  
შედარებით ადრე ნაკრეფი ხილეულის კარგად შემოსევის—დამ-  
წიფებისა და კარგად გამოზამთრების მიმართ.

აღმოსავლეთ საქართველოს ეთნოგრაფიულ ყოფაში ჩვენ მი-  
ერ ხილის გამოზამთრების სხვა მეთოდებიც იქნა დამოწმებული. მათ  
შორის საცხოვრებელი ნაგებობის თავზე—„კალოზე“ (მთიულეთ-  
სუდამაყარი) ხილის გოდრებით, ხოკერებით, ჩვეულებრივად დაყ-  
რის ხალხური წესები, სადაც ხილის სიცივისგან დაცვის მიზნით ზე-  
მოდან თივის ან ბზის ზეინის დადგმას აწარმოებდნენ.

ყოველივე ზემოთ აღნიშნულთან ერთად ქართველი ხალხი არა-  
ნაკლები ყურადღებით ეკიდებოდა ხილის ხმელად დამზადება-შე-  
ნახვის საქმეს. ამზადებდნენ შემდეგი სახის პროდუქტებს: ჩირს,  
კერქს, ჩურჩას, ტყლას, მაშარაფს და სხვა.

ხმელი ხილის ოდითგანვე შენახვა-გამოყენებაზე მრავალი ის-  
ტორიული მასალები მოწმობენ. საბა ორბელიანის განმარტებით  
ქმელი ხილი ჩირს ნიშნავს. ხოლო ზოგადად ხმელი ხილის ქვეშ ჩირ-  
თან ერთად ყოფაში ნაგულისხმევია ხილისაგან დამზადებული ისე-  
თი საკვები პროდუქტები, რომლებიც ზემოთ გვქონდა აღნიშნული.

ხმელი ხილი, ძირითადად მზისა ან ცეცხლის დახმარებით მზად-  
დებოდა და ფართოდ გამოიყენებოდა როგორც საამებლად და საკ-  
ვებად. ისე სამკურნალო დანიშნულებისათვის. როგორც წინა ნა-  
წილში გვქონდა აღნიშნული ქართველი პურის ისე არ შექამდა, რომ  
ზედ ხილი ან ხილისაგან დამზადებული პროდუქტი არ დაეყოლე-  
ბინა. ამისათვის ხალხში ასეთი გამოთქმაც არსებობდა: „სადილს  
უკან ხილობაო არის გვარიშვილობა“-ო (აღლემამშვილი მიხა, სოფ.  
უღე. ახალციხის რ-ნი, 1961).

ხილისა და უმეტესად ხმელი ხილის ფართო გამოყენება განსა-  
კუთრებით მნიშვნელოვანი იყო საქარავნო მიმოსვლისა და მომთაბა-

<sup>24</sup> П. Виноградов-Никитин, დასახ. შრომა, გვ. 20.

რე მეურნეობის დროს. ხილის პროდუქტები უაღრესად დიდმნიშვნელოვანი იყო ადამიანთა კვების ამ პერიოდში, როდესაც ხალხს რწმენით ხორცისა და მისგან დამზადებული საქმელების გარკვეულ რაოდენობაზე უშეიძლებოდა. სწორედ ამ პერიოდში, რომელსაც ქართველი ხალხი დიდმარხვას უწოდებდა, საქმელების ძირითადი ნაწილი ზეთისა და ხილის პროდუქტებისაგან „იკაზმებოდა“. აღნიშნული საკითხის სინამდვილეს ისტორიული წყაროებიდანაც ვგებულობთ, რომელთაგან აღსანიშნავია გიორგი მთაწმინდელის ნათქვამი. რომ „დიდმარხვას მონასტრის ძმათათვის დაევოს... პური და ჩირისა წუენი და მწნილი, ანუ სხუთი რაიმე ესე ვითარი (საქმლისათვის და სასმელთა)“<sup>25</sup>. აღსანიშნავია, რომ ამ პერიოდში საქმელად იყენებდნენ, როგორც „უმგებარ“ ანუ მოხარშულ ისე „უმგებარ“— ზოუხარშავ მხალეულსა<sup>26</sup> და ხილეულის პროდუქტებს.

ქართველ ხალხსა და მის წინაპრებს უძველესი დროიდანვე რომ ჰქონიათ შეგნებული ხილის ხმელი სახით შენახვის სხვადასხვა ხერხები ამაზე ბერძნული წყაროებიც მიგვითითებს. ქსენოფონტეს ცნობით, ხალიბები სახლის სახურავზე ახმობდნენ წაბლსა და მოხარშული სახით ან მისი ფქვილისაგან ნამცხვრებს აცხობდნენ<sup>27</sup>.

„უმგებარ“ ხილად აღმოსავლეთ საქართველოში ახმობდნენ: ყურძენს, თუთას, კვრინჩხს, შინდს, ჭანჭურს, ღოღნოშოს, ალუბალსა და სხვა. ჩირად აკეთებდნენ: ვაშლს, მსხალს, ქლიავს, ატამს. ლედვს, ხოლო ვაშლის, მსხალის, ტყემლის, თუთის, ჭანჭურის, კლიავის და სხვა ხილეულსაგან ტყლაპებს. მაშარაფს, ბურაფს და ღვინოსაც კი. აქვე უნდა ითქვას, რომ ძველი ხალხური წესებით დამზადებული გამხმარი ხილი და ხილის პროდუქტები დიდი რაოდენობით ინარჩუნებდა ადამიანისათვის სასარგებლო ნივთიერებებს. ამ მხრივ პირველ რიგში აღსანიშნავია ხილის ხმელად გახმობის ისეთი წესები, რომელიც არქაულ ელემენტებსაც შეიცავს: გახურებულ ჭკაზე, სახლის სახურავზე, ლასტზე, ცხელ ნაცარში გაშრობა-გახმობა და სხვა.

საყოველთაოდ ყოველგვარი ხმელი ხილის დამზადებისას ერთ-ერთ აუცილებელ პირობად ხალხი ნაყოფის კარგად შემოსულობასა და მზეზე ნებით გამხმარ პროცესს მიიჩნევდა. ამ მიზნით ყოფაში სიამისოდ განკუთვნილ ხილს სათანადოდ გააღარჩევდნენ და სპეციალურ ე. წ. საჩირებზე ახმობდნენ.

<sup>25</sup> ივ. ჯავახიშვილი, დასახ. ნაშრომი, ტ. II, გვ. 146.

<sup>26</sup> იქვე.

<sup>27</sup> Ксенофонт, დასახ. შრომა, გვ. 138.

როგორც ეთნიკრაფიული მასალები გვიჩვენებს აღმ. საქ. რაი-  
ველოს სინამდვილეში ჩირის გახმობას (ვაშლის, მახლის, ქანქურის,  
ატმის, კერკის და სხვა) ძირითადად ლასტებზე, ხოლო გამონაკლის  
„უმთხვევეაში წნელზე ან კანაფზე ასმული სახითაც მიმართავდნენ.  
საჩირეები იმართებოდა მზისგულ ადგილებში. როგორც ეხოვპში.  
ისე ბაღებსა და სხვენებზეც კი, რომლებიც ისე უნდა ყოფილიყო მო-  
წყობილი, რომ „წვრილ ფეხი“ (შინაური ფრინველები) არ მისდგო-  
ნოდა. ლასტის (სირტყეზე დაწული წნელი) დადებითი მხარე ჩი-  
რის გახმობის საქმე იმაში მდგომარეობს, რომ როგორც ზემოდათ,  
ისე ქვემოდან ჰაერის კარგი გამტარობით ხასიათდება. როგორც  
მთხრობელები აღნიშნავენ ლასტზე ჩირი უმზეოთაც კი კარგად სმე-  
ბოდა, რადგანაც ჰაერი ქვემოდან „ქურასავით უბეოავდა“ ხოლმე.  
მათივე გადმოცემით, ჩირს კარგ ცხელ დღეში ერთხელ უნდა  
უბრუნო პირი და 3 დღეში აიკრიფება. აღსანიშნავია. რომ ხმელი  
ხილის დამზადების ყველა სამუშაოები ქალის საქმეს წარმოადგენდა,  
რაც ქართველ ქალს სხვა სამეურნეო სამუშაოებთან ერთად დიდ  
ჯაფად აწვა.

ხილის ხმელად გაკეთებას აღმ. საქართველოს პირობებში ივ-  
ნის-ივლისიდან იწყებდნენ. რომელიც შემოდგომის გასულამდე  
გრძელდებოდა. ზმელად ხილის დამზადებისას სხვა სირთულესთან  
ერთად. რასაც ხილის უამრავი სახეობის თავისებურება და სათანა-  
დოდ დამუშავება მოითხოვდა, ქალს დიდ ცოდნა-გამოცდილებას  
აეალეზდა. მაგალითად, მხლის ჩირის დამზადებისას საჭირო იყო  
გათუთქვა, წყალში ერთი ჰოდულება და გაუფტქვენელად დაყრა და  
გაშლა; ქანქურის ჩირის გახმობისას კურკის გამოღება და გადაშლი-  
ლი სახით დაწყობა, მისი კურკიანად გახმობისას ანუ „ხაზულათ“  
შენახვისათვის დანიტ დასერვა (მესხეთ-ჭავჭავთი), პანტის გახმობი-  
სათვის მისი ცხელ ნაცარში შეყრა ან ცეცხლზე მოხალვა (ბორჯომის  
ხეობა, მთიულეთ-გუდამაყარი), ლელვის ჩირის გაკეთებისას „ჩხე-  
ბით“ თონეში ჩადგმა, შემდეგ ლასტზე გაშრობა და წნელზე აბმა  
(კახეთი). ატმის ჩირის—„გორგო-მიჭელას“ გასაკეთებლად ქართული  
ატმის გაფტქენა შიგ მთელი ლებანის—ნიგვზის ჩადება და ძაფზე აბ-  
მა (ქართლი), ზოგიერთი ჩირის კრიალა ფერის მისაცემად მარილიან  
ან შაბიან წყალში გავლება, ჩირის სიტკბოს მიცემისა და კარგად შე-  
ნახვის მიზნით ბადაგში (ყურძნის წვენის ნადულში) ამოვლება  
(ქართლ-კახეთი) და სხვა მრავალი, რომელთაც ცალ-ცალკე მომდევ-  
ნო თავში განვიხილავთ.

ხილვულები და მათი გამოყენება

მეხილეობიდან კულტურულ-ისტორიული მნიშვნელობის თვალსაზრისით განსაკუთრებული ინტერესის შემცველია ხილის პროდუქტების მოხმარების საკითხი.

საქართველოში რომ ხილს სხვა პროდუქტებთან ერთად გლეხის ცხოვრებაში ფართო მნიშვნელობა ენიჭებოდა კარგად ჩანს ხალხური გამოთქმიდანაც: „თუ პური არ მოვა—ღვინო დაგვიხსნის გაჰირვე-ზისაგან, თუ არც ღვინო მოვა—ხილის მოსავალი გვიშველის, თუ არც ეს იქნება სხვა რომელიმე მცენარე, პირუტყვი, საქონელი, აბრეშუმის კია, ფუტკარი ან კიდევ სხვა რამ მაინც შეგვიწყობს ხელს და იოლად წაგვიყვანს“-ო<sup>1</sup>.

გარდა ამისა, რომ ხილი ნელი და ხმელი სახით იხმარებოდა, მისგან და მისი პროდუქტების დახმარებით საქართველოში ძველ-თავანვე მზადდებოდა საგანგებო საქმელ-სასმელები, სამკურნალო წამლები და ქიმიური საღებავები. სამეურნეო მნიშვნელობასთან ერთად, როგორც ხეხილის მასალას, ისე ნაყოფს ფართოდ იყენებდნენ სხვადასხვა სარიტუალო ცერემონიალის შესრულებისას და სხვ.

ვაშლი. ყველა სხვა საკვებ ხილეულთან შედარებით განსაკუთრებულად ფართოდ არის გავრცელებული ვაშლი, რომელიც, პ. ჟუ-ღოვსკის სიტყვით რომ ვსთქვათ, საერთოდ პირველ ადგილზეა, როგორც ფართობის, ისე მოსავლიანობისა და მოხმარების მხრივ.

ვაშლის ხეს ევროპაში უძველესი დროიდანვე აშენებდნენ, რაც ნათლად ჩანს საბერძნეთისა და რომის მწერლობაში (ვარონი, კატონი, კოლუმელა, პლინიუსი და სხვა).

ძველ ქართულ მწერლობაში ვაშლი მოხსენებულია დაბადების ქართულ თარგმანში<sup>2</sup>. ტერმინი ვაშლი ნახმარი აქვს ქსენოფონტესაც: „რომელიც მეომარი ხალიბების იარაღის (შუბის) მხატვრულად აღწერისას იყენებს“<sup>3</sup>.

<sup>1</sup> ბალოანობის შესახებ, მეურნე № 5, 1890.

<sup>2</sup> საქ. მეცნ. აკადემიის ხელნაწერთა ინსტიტუტის ივ.ჯავახიშვილის ფონდი, № 11, გვ. 156.

<sup>3</sup> ი. ვ. ჯავახიშვილი, ქართ. ერის ისტორია, წიგნი პირველი, თბილისი, 1960, გვ. 29.

აკად. ივ. ჯავახიშვილის გამოკვლევით საქართველოში ვაშლის ფართოდ გავრცელების ერთი მანიშნებელი ისიცაა, რომ იგი გეოგრაფიულ სახელებში მრავლად მოიპოვება: მაგ. ვაშლოვანი, ვაშლიეთი, ვაშლიანი, ვაშლები, ვაშლობით<sup>4</sup> და სხვა.

ვაშლის ხისა და თესლის უძველესი ნაშთები ნეეგს, დიროვან ნაშენობათა უკვე ქვის ხანის ნაშთებში აქვს აღმოჩენილი.<sup>5</sup> უძველესი რომაელი მწერლები ახსენიებენ ვაშლის 26 ჯიშს; 178 წ. ჩვ. ერამდე კატონი ურჩევს მებაღეებს, რათა გაეშენებინათ ვაშლი „მუსტეუმი“; ასი წლის შემდეგ ვარონი კიდევ ორ ჯიშზე მიუთითებს. შემდეგ მათ დაემატათ კიდევ—ნ, ხოლო ჩვ. წელთაღრიცხვის 79 წელს პლინიუსმა აღწერა კიდევ 13 ჯიშ<sup>6</sup>.

ძველმა ქართულმა მწერლობამ ჩვენს დრომდე ვერ შემოგვინახა ხილეულის, მათ შორის, ვაშლის ჯიშობრივი მრავალფეროვნება, რაც საკმაოდ მდიდრად უნდა ყოფილიყო წარმოდგენილი საქართველოს ბუნებრივი პირობებისა და მიწათმოქმედების დიდი კულტურის ქვეყნის წყალობით.

ვაშლის სიუხვეზე და მრავალჯიშინობაზე მიუთითებს ვახუშტი ბატონიშვილი, რომელიც ხილეულის ჩამოთვლისას აღნიშნავს: „ვაშლი მრავალგვარი“-ო<sup>7</sup>. ამასვე აღნიშნავს იოანე ბატონიშვილი: „ვაშლნი სხვადასხვა გვარნი“-ო.<sup>8</sup> და ა. შ. რაც აშკარად მეტყველებს ძველ საქართველოში ვაშლის ჯიშობრივ სიჭრელზე.

ვაშლის ჯიშობრივი სიჭრელე დღითიდღე მატულობდა და მეცხრამეტე საუკუნის მიწურულისათვის ამ დარგის სპეციალისტები უკვე ექვსასამდე სხვადასხვა ჯიშს ითვლიდნენ<sup>9</sup>.

ბოტანიკოს-სპეციალისტების მიერ დამტკიცებულია, რომ ვაშლის წინაპარი არის ტყის გარეული—წვრილი ვაშლი, ე. წ., მაყალო, რომელიც კავკასიასა და კერძოდ საქართველოს ტყეებში ძველთაგანვე ფართოდ ყოფილა წარმოდგენილი ათას ორას—ათას ოთხასი მეტრის სიმაღლეზე<sup>10</sup>. მათივე აზრით, იქ, სადაც ამა თუ იმ ხილის წინაპარი გარეული სახით უხვადაა წარმოდგენილი, მისი წარმოშო-

<sup>4</sup> ივ. ჯავახიშვილის ხელნაწ. ფონდი, № 11.

<sup>5</sup> იქვე.

<sup>6</sup> ვ. ბიბილაშვილი, საქართველოს ხილი, თბილისი, 1931, გვ. 23.

<sup>7</sup> ვახუშტი ბატონიშვილი, დასახელებული შრომა, გვ. 29.

<sup>8</sup> იოანე ბატონიშვილი, „კალმასობა“ ტ. II, თბილისი, 1903, გვ. 218.

<sup>9</sup> არჩ. დარეჯანიშვილი, საუნჯე მებაღისა, თბილისი, 1903 გვ.

<sup>10</sup> ნ. კეცხოველი, კულტურულ მცენარეთა ზონები საქართველოში, თბილისი, 1957, გვ. 318.

ბის კერად არის აღიარებული (ეუკოვსკი. ნ. კეცხოველი, ნ. სომი-  
ზურაშვილი).

აღმ. საქართველოში ვაშლის გამოყენების უამრავი წესები მოწ-  
მდება. ვაშლის ნაყოფისაგან ძირითადად ამზადებდნენ: ჩირს,  
ტყლაპს, ტკბილ წვეს, ხდიდნენ არაყს, დებდნენ წნილად, იყენებ-  
დნენ საახალწლო ტაბლაზე, გვერგვაზე; ჩიჩილაკზე, ქორწილში,  
ჩალხურ მედიცინაში და სხვა.

როგორც XV საუკ. მეორე ნახევრის ლიტერატურიდან ჩანს  
„გამოზრდილი—მწილი—შაქრით შენახული ხილები... თაფლში ან  
პარკილწყალში, რომელ შემწიფდენ და მერმე გამოილო მარილწყლი-  
საგან და ჩასხრე წყალსა წმიდასა... მერე ჩასდვა თაფლსა“ და ა. შ.<sup>11</sup>  
მოწმობს ძველ საქართველოში საერთოდ ხილეულის სამკურნალო  
ღანიშნულებით ფართო გამოყენებაზე და მათ შორის ვაშლისაც.

იმავე წიგნიდან ვგებულობთ: „ერგების სტომაქსა გარ(ყ)უნილ-  
სა, რომელნი საჭამადსა ვერა ჰამდენ და გული ემალოდეს... სტო-  
მაქსა შიგან ქარი შეესქმნებოდის... აილო... ვაშლი ტკბილი კეკელია-  
თუალივით ასი დასჭრა და გურკისაგან განასწმიდო, დანაყო და გა-  
მოსწურო წყალი, თანგირაგთა ჩა(ა)სსა იგი ვაშლისა წყალი და  
ადულო ვირემ თაფლისა ზომად შესქელდეს და პერულმოქდილი  
თაფლი თანა ჩაურთო“<sup>12</sup>... აქვეა აღწერილი ვაშლის ნაყოფისა და  
ფოთლისაგან სხვადასხვაგვარი წესით წამლების დამზადება-გამოყე-  
ნების უამრავი მეთოდები (გვ. 254, 255, 260).

ვაშლის ჩირი ისევე, როგორც სხვა საკვები პროდუქტები ფარ-  
თოდ უნდა ყოფილიყო გამოყენებული სალაშქრო და საქარავნო  
მოგზაურობისას, როგორც მოხარშული. ისე მოუხარშავე სახით.  
ვაშლის ჩირი იხმარებოდა ჩაის მაგივრადაც (ეცხლზე მოხალვის  
შემდეგ), მისგან აკეთებდნენ ჩურჩხელებს; თითქმის იმავე დანიშ-  
ნულებით გამოიყენებოდა მისგან დამზადებული ტყლაპი და სხვა.

ვაშლის გამოწურულ წვენს რომ ფართო მნიშვნელობა ჰქონდა  
ამაზე მეტყველებს ჩვენ მიერ დამოწმებული, სათანადო ადგილას  
უკვე ხსენებული საქაჯავი. ვაშლის წვენისაგან ამზადებდნენ ე. წ.  
ტკბილ წვენს, რომელიც გამოიყენებოდა სასმელად, როგორც ტკბი-  
ლი, ისე შემაჭრებული სახით. ახლად გამოწურული წვენი იხმარე-  
ბოდა აგრეთვე თათარის მოსადულებლად, რომელსაც ფქვილით აზა-  
ვებდნენ და ჩურჩხელების ამოსავლებად იყენებდნენ. იმავე წვენი-

<sup>11</sup> ზ ა ზ ა ფ ა ნ ა ს კ ე რ ტ ე ლ ი - ც ი ც ი შ ვ ი ლ ი, სამკურნალო კარაბადი-  
ნი, თბილისი, 1959, გვ. 29—30.

<sup>12</sup> ზ ა ზ ა ფ ა ნ ა ს კ ე რ ტ ე ლ ი - ც ი ც ი შ ვ ი ლ ი, დასახ. შრომა, გვ. 252.

დან აკეთებდნენ ტყლაპებს. როგორც სამზარეულო დანიშნულები-სათვის (მეავეს). ისე ხილად (ტკბილს). ხოლო ყელის ტკივილის და ხველების დროს კი ყოფაში „უებარ“ წაშლად მიიჩნევენ შემწეარ ვაშლს.

ვაშლისაგან ხარშავენ მურაბას: ურჩევენ მეავე. მაგარ და შე-დარებით წვრილს. ხოლო ძ-რითადად სამურაბე მასალად იყენებენ სპეციალურად სამურაბე ჭიშს—„მურაბის“ ანუ „სამოთხის ვაშლს“<sup>12</sup>.

ყოფაში ვაშლის გამოყენების მხრივ არა ნაკლებ საინტერესოა მისი მწნილად ჩადება: შერჩეულ ხილს ქვევრებსა და კასრებში ჩას-ხმულ მარილით შეზავებულ წყალში ყრიან. ვაშლისხაირი სახით გამოყენებისას საკვლევ რაიონში სხვა ხილთან ერთად. მას ძირი-თადად ახარისხებდნენ გამძლეობისა და გემოვნების მიხედვით. ვაშ-ლის უამრავი ჯურის მრავალფეროვნების წყალობით მეურნე არ-ჩევს: მეავე. ტკბილი. „მწკლატე“. „მაგარი“. „ქაშა“. „ფატარი“, „თხელკანა“ და სხვა დამახასიათებელი თვისებების მქონე ვაშლის ჯიშებს, რის მიხედვითაც ხდება მისი გამოყენება. მაგ. მეავე ჭიშის ვაშლებს ძირითადად სამზარეულო და სამკურნალო დანიშნულები-სათვის იყენებდნენ. ტკბილსა და ქაშას ნედლად სახმარად. ტყლაპათ. პაჭრად და ა. შ. ისევე, როგორც თხელკანასა და რბილ ვაშლს ჩვილ ბავშვთა და მოხუცთა საკმელად ინახავდნენ.

გარდა იმისა, რომ ვაშლი ქართული სუფრის მშვენება და ლა-ზათი იყო. მას ქართველი ხალხი ღვინისმასთან დაკავშირებით გარკვეულ მიზნითაც იყენებდა. იოანე ბატონიშვილს „კალმასობაში“ აღნიშნული აქვს: „უკეთუ ვისმე ნებაეს. რომ წავიდეს სადმე სტუმრად. და ეწინის მუნ დათრობისა. დალა უზმას ერთი მეავე ვაშლი შეკამოს და ზედ ერთი თასი. ანუ სტაქანი ცივი წყალი შეს-ვას: როდესაც ამ ღვინისძიებას იხმარებს. მას დღეს იმ კაცსა ნულარ ეშინის მას მეჭილისსა შინა. რომე დაათვროს ვინმე გინდ რაოდენი ღვინო მიიღოს“<sup>14</sup>.

განსაკუთრებული სიციხადით არის წარმოდგენილი ვაშლის მნი-შვნელობა ქართველი ხალხის უძველეს რწმენა-წარმოდგენებში. გად-მოცემებში, ფოლკლორულ მასალებსა და ხელოვნების სივადასხვა ძეგლებზე.

<sup>12</sup> ა. მაყააშვილი, ბოტანიკური ლექსიკონი, თბილისი, 1961, გვ. 27.

<sup>14</sup> იოანე ბატონიშვილი, დასახ. შრომა. ტომი I, თბილისი, 1936, გვ. 260.

როგორც ეთნოგრაფიული მასალიდან ჩანს, ვაშლის ნა-  
ოფი ხალხის რწმენით ნაყოფიერებისა და დოვლათიანობის სიმ-  
ბოლოდ იყო მიჩნეული. ქართულ ქორწილს ისე არ გადაიხდიდნენ,  
თუ „ნეფე-დედოფალს“ წინ „ჯვრის პურს“ არ დაუდგამდნენ, რო-  
მელზეც საში ცალი წითელი ვაშლისაგან ჯვარი იყო გამოსახული.  
კახეთის სინამდვილეში ქორწილის დროს ნეფე-დედოფალი „მეჯვარე-  
ების“ თანსლებით ოჯახის კერას სამჯერ შემოუვლიდნენ. შემოვ-  
ლისას მეჯვარეები და „მაყრები“ ხანჯლის წვერებით ან ხმლებით  
ღედაბობიდან ან ჰერიდან წინასწარ ჩამოკიდებული ხილის ჯაგნებს  
(უმეტესად ვაშლის დ. პ.) ჩამოაგდებდნენ. ამ ცერემონიალის დროს,  
რომელიც დედოფლის ოჯახში ეწყობოდა თან სიმღერას დასაძახებ-  
დნენ „ჯვარი წინა, ჯვარი უკანა“-ო.

ამავე დანიშნულებიდანაა მოხვეუტი „კარაჩხა“-ც, რომელიც ქორ-  
წილის დროს ეწყობა. როგორც ვ. ითონიშვილი წერს, „ის გარე-  
მოება, რომ კარაჩხის შედარებით მსხვილ ტანზე ვაშლი-  
თა და ხილეულ-ტკბილეულით შემკობილი მრავალი უფრო წვრი-  
ლი ტოტი კეთდებოდა და ამ სახით ნეფის ტაბლაზე იდგ-  
მებოდა გვაფიქრებინებს, რომ კარაჩხა ახლად შეუღლებულ-  
თა ტკბილად შებერებისა და გამრავლების ხელშემწყობ საშუალე-  
ბად, ანუ დალოცვისა თუ მათდამი ამ სურვილის გამოთქმის ერთ-  
გვარ ხერხად უოფილიყო გამოყენებული. ჩენი აზრით, კარაჩხის  
ტანი თვით შთამომავლობის მომკემ წყვილს უნდა გულისსმობდეს.  
ხოლო ხილეულით მორთული ტოტები მათი ნაყოფის სიმბოლიურ  
გამოხატულებას უნდა წარმოადგენდეს. ე. ი. ნაძვის ხის სახით წარ-  
მოსახული და ხისავე ნაყოფით (ვაშლით, მსხალით) მორთული მო-  
ხეური კარაჩხა სიცოცხლისა და ნაყოფიერების მომნიჭებელ საგნად  
წარმოგვიდგება და არა მარტო სუფრის ლაზათად, როგორც ამას  
ჩვენი მთხრობლები გვაუწყებენ“<sup>15</sup>.

საინგილოში ქორწილის დროს, როდესაც დედოფლის კარებს  
ბაყრიონი მიადგებოდა „წინ გრძელი ალატი (ხე—დ. პ.) ერკო, რომ-  
ლის წვერზეც ვაშლი იყო წამოცმული და ბაყრიონს კარებს მაშინ  
გაუხსნიდნენ, როცა ისინი თოფით ჩამოაგდებდნენ ვაშლს“<sup>16</sup>. საფიქ-  
რებელია, რომ აღნიშნული წესი პარალელს უნდა პოულობდეს

<sup>15</sup> ვ. ითონიშვილი, ქართულ მთიელთა საოჯახო ურთიერთობის  
ისტორიიდან, თბილისი, 1960, გვ. 276—277.

<sup>16</sup> ძველი საქართველო ტ. II საქ. საისტ. საეთნოგრაფიო საზოგადოების  
კრებული, თბილისი. 1911—13, გვ. 146.

XVII ს-ის იტალიელი მხატვრის (კასტელის) მიერ შესრულებული ნახატის შინაარსთან, სადაც მხედრები მშვილდისრით ცდილობენ ჯოხიდან ვაშლის ჩამოგდებას. ამ მხრივ საინტერესოა ძველი ქართული ყაბახის—საასპარეზოს მოწყობა, სადაც თეიმურაზის თქმით: „როდის იქნება ქორწილი ან სხვა დღეობა კარგიო, ყაბახზედ ოქროს ვაშლს შესმენ ძვირფასის იყოს, ვარგო“<sup>17</sup>...

აღსანიშნავია საახალწლო „გვერგვის“-ს, „ჩიჩილაკი“-სა და „ტაბლი“-ს გაკეთების პროცესი, რომლის აუცილებელ ელემენტს ვაშლი წარმოადგენდა. ახალ წელიწადს ლეჩხუმსა და რაჭაში ე. წ. გვერგვის გაკეთებისას თხილის ჯოხების წვერებზე წითელი ვაშლები უნდა ყოფილიყო ჩამოცმული. ამავე დანიშნულებით თურმე ჩიჩილაკის ორ წვერზე ბროწეულის ან ვაშლის ნაყოფს ჩამოაცმევდნენ<sup>18</sup>.

იანვრის 5 რიცხვი ხევსურეთში განცხადების დღედ იყო გამოცხადებული: ამ დღეს კაცები შინ შემოიტანდნენ ორ „მყოვან“ ჯოხს ვაშლისა და მსხლისას, რომლებზედაც ვაეები შესდებოდნენ და ზედ თაფლიან ბედის კვერებს გასტეხდნენ. ამ ჯოხებს შემდეგ კერის ცეცხლს დაუდებდნენ<sup>19</sup>. აქვე უნდა აღინიშნოს ის გარემოებაც, რომ წინათ ხევსურები მიცვალებულს საფლავში ვარეული ვაშლისა და კაკლის ნაყოფს ატანდნენ<sup>20</sup>.

მიცვალებულთან ხილის ჩატანების აღნიშნული წესი დღევანდელ ეთანოგრაფიულ ყოფაში არ დაცვიდასტურებია. კახეთის მასალებით თუ ვიმსჯელებთ შეიძლება კავშირი ჰქონდეს „აბრამის ტაბლა“-ს, ხილის ჭურჭლიანად მიწაში ჩამარხვის წესის შესრულებას ზემოთ აღნიშნულთან (სოფ. ქვ. მაჩხაანი, დარჩიამეილი ზაქარია აბრამის ძე, 80 წ., 1959 წ.).

აღმ. საქართველოს ეთანოგრაფიულ სინამდვილეში დამოწმებული ვაშლის ერთ-ერთი ჯიში—„ღვთის ვაშლი“ (შინამრეწველობის მასალები), საფიქრებელია ზემოთ აღნიშნული რწმენა-წარმოდგენების ნიადაგზე წარმოშობილ ტერმინად იყოს მიჩნეული.

ძველ საქართველოში ვაშლი რომ ყოველმხრივ საუკეთესო ხილად ყოფილა მიღებული. კარგად ჩანს გარსევან ჩოლოყაშვილის „ხილთა ქებიდანაც“:

<sup>17</sup> თეიმურაზ მეორე, თხზულებანი, თბილისი, 1939, გვ. 73.

<sup>18</sup> ვ. ბარდაყვლიძე, ქართველი უძველესი სარწმუნოების ისტორიდან (ღვთაება ბარბარ-ბაბარ) თბილისი, 1941, გვ. 71—72.

<sup>19</sup> ს. მაკალათია, ხევსურეთი, თბილისი, 1935, გვ. 225.

<sup>20</sup> Р а д д е, Хевсурия и хевсуры, Тифлис, 1881, ст. 85.

„ვაშლამან უთხრა: შევნებითა თქვენ ეკრა ხართ ჩემი დარი,  
ეარ ყოველთა უტურფესი ხილი ბრძენთა საქებარი,  
სალხინო და სანადიმო სუფრაზედაც საღებარი,  
გულის ჰირის უკუ მყრელი. ვისაცა სწევას ცეცხლის ზარი“<sup>21</sup>.

რ. ერისთავს ვაშლის შემდეგი ჯიშები აქვს დასახელებული:  
თურაშაული, მყაველი, რევაზბეგი, სირმა, ქაშა, ყარყარა, შაქარ-  
ვაშლი, ძუძუვაშლი და ხომანდული.<sup>22</sup> ხოლო გევესკისა და შარკეს  
შიდა ქართლში შემდეგი ჯიშები აქვთ დამოწმებული: თურაშაული,  
აბელაური, სუგმა ვაშლი, რევაზბეგი, კიტრა-ვაშლი, ყარყარა, ხო-  
მანდული, ხევაშლი, ზერტულა. სანანაური და ბორავაშლი<sup>23</sup>.

ივ. ჯავახიშვილი ვაშლის ქართულ ჯიშებში ჩამოთვლის: აბე-  
ლაური, ხომანდული. კიტრა-ვაშლი მწვანე, კიტრა ვაშლი ყვითელი,  
რაკრაკა, ნისკარტა, ზერტულა, ბორა, სირმა, ნაბადა, წითელა, კეხუ-  
რა, თურაშაული, მეფის ვაშლი, ქაშა ვაშლი, ყარამფილა და ხე  
ვაშლი<sup>24</sup>.

სპეციალისტების გამოკვლევებით და დღევანდელი ეთნოგრა-  
ფიული მონაცემების საფუძველზე დამოწმებულია ვაშლის შემდეგი  
ადგილობრივი ჯიშები ქართლისათვის: აბილაური, ბორა, თეთრი ად-  
რეულა, ქართული სინაპი, გოგიაანთ კიტრა, ნისკარტა, კიტრა, ყვი-  
თელი კიტრა, ქაშა კიტრა, რაკრაკა კიტრა, მყავე კიტრა, ძუძუ-ქალა,  
ზერტულა, ხანდაკურა, კეხურა, ყირიმულა, თურაშაული, გორული  
სინაპი, ქაშავაშლი, სირმა ლურჯი, მერეთულა, წითელი ვაშლი, ყრუ-  
ალა, მესხურ ჯიშებში: წითელი შაქარვაშლა, შაქარა, თეთრი შაქარა,  
რძე ვაშლი, ბოსტანა, რაკრაკა, მეფის ვაშლი, კობრუხულა, კურკის  
შაქარვაშლა, კურკის ვაშლი, ლამაზო, თეთრი სობა, წითელი სობა,  
ქონავეშლი, ქალაქურა, მამულო, მესხური თურაშაული, როკეთულა,  
თეთრავეშლი, ზოლიანი თეთრი ვაშლი, ყარანფილა, ყარანფილა  
ოეთრი, ჯორის ცხვირა, მსუქანა მესხური, შაქარნაბადა, მახარა,  
უღირი საგვიანო, ახალციხური კიტრა. კახურ ჯიშებში შედის: კახუ-  
რი თურაშაული, რევაზბეგი, ლაგოდეხის რენეტი, ძუძუვაშლა და  
სხვა,<sup>25</sup> რაც ნათლად მეტყველებს საბჭოთა პერიოდის საქართველო-  
ში სეხილის სწრაფ განვითარებაზე.

<sup>21</sup> ქართული სიტყვაკასმული მწერლობის ანთოლოგია, ტ. II, თბილისი,  
1928, გვ. 65, ტაეპი 18.

<sup>22</sup> რ. ერისთავი, ლექსიკონი.

<sup>23</sup> Краткий очерк садоводства Закавказья, Тбилиси. 1886, ст. 90—91.

<sup>24</sup> ივ. ჯავახიშვილი, ხელნაწი ფონდი, № 11.

<sup>25</sup> ნ. კეცხოველი, დასახ. შრომა, გვ. 318—319.

მსხალი. ისევე როგორც ვაშლი ძველ საქართველოში მსხალი საუცხოვო ხილად იყო მიჩნეული. გროსკეიბი მსხლის სამშობლოდ აზერბაიჯანსა და სომხეთთან ერთად საქართველოსაც მიიჩნევს, მისი მტკიცებით კავკასიაში გავრცელებულ 27 სახეობიდან საქართველოში 15-ია<sup>26</sup>.

საქართველოს ტერიტორიაზე არქეოლოგიური გათხრების შედეგად, სხვა მცენარეულთან ერთად აღმოჩენილია მსხლის ნაშთებიც. რაც იმას მოწმობს, რომ ჯერ კიდევ პალეოლითის ხანაში ადგილობრივი მცხოვრებნი იცნობდნენ და თავიანთ სასარგებლოდ იყენებდნენ. როგორც მის ნაყოფს. ისე მთლიან<sup>27</sup>.

ეს კულტურა ცნობილი იყო ძველ საქართველოში და ძველ სპარსეთში ჯერ კიდევ ალექსანდრე მაკედონელი, ლაშქრობამდე. ძველ რომში კატონი იხსენიებს მსხლის 5 ჯიშს. პლატონის უმატებს მათ კიდევ 35-ს, რომელთაგან განთქმული იყო კრუსტეუმის მსხალი. ძველ გერმანიაში ვალერი კორფუსი იხსენიებს და აღწერს მსხლის 50-მდე ჯიშს, რომელთა სახელწოდებები დღემდეა შემოსახული (ე. ბიბილაშვილი, დასახ. შრომა. გვ. 92). უაველესი ბერძნული ჰემექტები, მათ შორის მეტაპონტი და ტერენტო ცნობილი იყვნენ მეხილეობის განვითარებით. რაც ნათლად ჩანს მეტაპონტის ფულს. ნოსახულებიდანაც. ჩვენს ერამდე IV საუკუნის მეტაპონტის ფულზე, ქვეყნის სიმდიდრის გამოსახატვად გამოსახული იყო პერის თავთავი და მსხალი<sup>28</sup>.

საქართველოს ველური ხილით მდიდარ ტყეებში ფართოდ ვხვდებით დღევანდელი კულტურული მსხლის წინაპარს. რომელიც ჩვენში პანტის სახელწოდებით არის ცნობილი (ნ. კეცხოველი). ფრანგი ბოტანიკოსის ცნობებით. რომელიც მეჩვიდმეტე საუკუნეში მოღვაწეობდა და იმოგზაურა აღმოსავლეთის ქვეყნებში— მათ შორის საქართველოშიაც. აღნიშნავდა. რომ თბილისის „ბაზარზე განსაკუთრებით ბევრია ქლიავი და საუცხოვო მსხალი“-ო<sup>29</sup>

ვახუშტი ბატონიშვილს საქართველოს ხილეულის ჩამოთვლისას აღნიშნული აქვს: „მსხალი და ვაშლი მრავალგვარი“-ო.

<sup>26</sup> А. А. Гросгейм, Растительный покров Кавказа. Изд. Московского общ. испыт. природы. М., 1948, гв. 152.

<sup>27</sup> გ. ნიორაძე. ქვის ხანის ადამიანი საკვების გამოყვამული. თბილისი. 1953. გვ. 27.

<sup>28</sup> М. Е. Сергеевко, Очерки по сельскому хозяйству древней Италии. Москва-Ленинград, 1958, ст. 84.

<sup>29</sup> В. Каллимаქოვი, და გ. ნათაძე, ძველი თბილისი, 1929. გვ. 29.

XIX საუკუნის მიწურულისათვის, ნ. სპენსერს მარტო გორის მაზრაში აღწერილი აქვს მსხლის 12 ჯიშა, რომელთაგან ყველაზე ძალიან გავრცელებული ყოფილა: გულაბი, ხეჭეჭური, თავრიზული, გვერწითელი, მილახული, შავი მსხალი; თაფლმსხალი, ბობალა, კალოს მსხალი<sup>20</sup> და სხვა. ზემოთ ჩამოთვლილ მსხლების ჯიშებს რ. ერისთავი თავის ლექსიკონში უმატებს: ძალაჩინს, კათათვის, ყბაწითელს, ვაზისძირას, კაცისთავას, საივანობოს, სესელოს, საყვითლიას და სხვა, რომელშიც საქ. სხვა კუთხეებში გავრცელებული მსხლის ჯიშებიც შედის.

მსხლის ჯიშთა სიმდიდრით განსაკუთრებით გამოირჩევა დასავლეთ საქართველოს რაიონები, სადაც თ. სახოკიას აღწერილი აქვს 40-მდე სახეობა<sup>21</sup>. ამავე ავტორის ცნობით მსხალი „ხეჭეჭურა რთველის დროს მოდის და საზამთროდ ქურში ინახავენ. საიდანაც სახელიც ხეჭეჭურა შეურქმევიათ“-ო<sup>22</sup>.

აღსანიშნავია, რომ მსხალს უყვარს ვაშლთან შედარებით ნესტიანი ადგილი და შესაძლებელია მისი ფართოდ გამრავლება დას. საქართველოს რაიონებში ამითაც იყოს გამოწვეული.

ცნობილია, რომ ვაშლის შემდეგ, როგორც გამრავლების ისე ჯურთა სიჭრელით მეორე ადგილზე მსხლის კულტურაა. ჯერ კიდევ მეცხრამეტე საუკუნის მიწურულის ცნობებით მსხლის 40-ზე მეტ სახედასხვა ჯურს ითვლიდნენ<sup>23</sup>.

ძველ საქართველოში მსხლის კულტურის მოწემა 20-ზე მეტი გეოგრაფიული სახელწოდება, რაც მის სახელთან არის დაკავშირებული: „პანტიანი“, „მსხლიანი“, „მსხლები“<sup>24</sup> და სხვა.

როგორც მსხლის ხე, ისე მისი ნაყოფი განსაკუთრებული მრავალფეროვნებითაა გამოყენებული. პანტისაგან ხდიან ცნობილ „პანტის არაყს“, ახმობენ ჩირს, ხალავდნენ და ფქვევენ ფქვილად, რისკანაც აკეთებენ -ჩირხალს“, მსხლის ნაყოფისაგან ამზადებენ ჯემს, სდებენ წნილად, შემწვარს იყენებ ხალხურ—მედიცინაში. დიდი წინიშენლობა ჰქონდა სარიტუალო დანიშნულებით და ა. შ.

პანტის არაყს, რომელიც თავისი გემოვნებით გამოირჩევა განსაკუთრებით ფართოდ ხდიდა მთის მოსახლეობა. საინტერესოა, რომ

<sup>20</sup> Сборник сведений по плодоводству в Зап. крае, Горнского уезда, Тифлис, 1895, გვ. 75.

<sup>21</sup> თ. სახოკია, მოვზაურობანი, თბილისი, 1950, გვ. 316.

<sup>22</sup> იქვე.

<sup>23</sup> არჩ. დარეჯანაშვილი, დასახ. შრომა, გვ. 7.

<sup>24</sup> ნ. კეცხოველი, გარეული ხილი, თბილისი, 1950, გვ. 4.

ყოფაში ანწლის არაყის გამოხდისას, იმის გამო, რომ არაყს სიმაგრე და სურნელება ჰქონოდა, გარკვეული რაოდენობის პანტას ან მანჯლოს ურევდნენ. ბოტანიკოს ვინოგრადოვ-ნიკიტინის ცნობით გარეული მსხლის — პანტისაგან ბორჯომ-ახალციხის მიდამოებში ხდიდნენ ბურახსა და მაქარს<sup>96</sup>, ისეთივე წესით. როგორც ვაშლის წვენი და მსაღებისას იქცეოდნენ ხოლმე.

როგორც ისტორიულ-ეთნოგრაფიული მასალები მეტყველებენ მსხლის და განსაკუთრებით კი პანტის ჩირს ქართველი ხალხის სამეურნეო ყოფაში ოდითგანვე გარკვეული ადგილი უნდა ჰქონოდა. პანტას, რომელსაც დიდი რაოდენობით ნახულობდნენ და აგროვებდნენ ახლომახლო ტყეებსა და ვალებში, განსაკუთრებული წესებით ახშობდნენ და ინახავდნენ. საქართველოს (უმეტესად მთის აოლის) ბოსასლეობა პანტის ჩირს მეტწილად პურის საცხობ ღუმელებში ახშობდნენ, რომელსაც პევრჯერ ცხელ ნაცარსაც წააყრიდნენ ხოლმე და შემდეგ ძაფზე ასმული წესით მშრალ ადგილას ინახავდნენ. იგი უებარ წამლად ითვლებოდა კუჭის აშლილობის პროცესში, რის გამოც „დელოფალს“ მწიფეში სხვა ნივთებთან ერთად ევალებოდა „ნეფის“ ოჯახში პანტის ჩირის მიტანაც, რომელიც ი. გრიშაშვილს აქვს აღწერილი: „ერთი ასხმა პანტის ჩირი, — თუ მეფე მუცელში გაიხსნას, უებარი წამალია“<sup>97</sup>.

გამხმარი სახით მსხლის გამოყენებიდან აღსანიშნავია მთელად ან დაკრული სახით ღუმელში ან ცეცხლზე მოხალვის შემდეგ მისი ფქვილისაგან ე. წ. „ჩირხალი“ — ს დამზადება. ჩირხალის გაკეთება ჩვენ მიერ დამოწმებულია მთიულეთ-გუდამაყარში და ბორჯომისა და ვერის სეობებში. როგორც თვით სახელწოდება „ჩირხალი“ გვიჩვენებს იგი სიტყვა ჩირის-ა და ხალისაგან უნდა იყოს ნაწარმოები, რაც მის პირდაპირ რაობას ასახავს — ჩირის-ხილი.

ჩირხალს ძველ ქართულ საქმელებში თავის დროზე სათანადო ადგილი უნდა სჭეროდა. რომელიც ფართოდ გამოიყენებოდა მომთაბარე მეურნეობის დროს. როგორც ეთნოგრაფიული მასალები გვიჩვენებს ჩირხალი დღესაც საუკეთესო საკვებად ითვლება მომთაბარე მწყემსების კვების კომპლექსში, რომელშიც ურევენ ხორბლის, სიმინდისა და ქერის ფქვილსაც. ჩირხლის სხვა ღაღებით თვისებებთან ერთად, რომელიც კუჭ-ნაწლავის კარგი წამალია და ხი-

<sup>96</sup> П. Виноградов-Никитин, დასაბ. შრომა, გვ. 28—29.

<sup>97</sup> ი. გრიშაშვილი, ძველი თბილისის ლიტერატურული ბოქვა, სახელგამი, 1927. გვ. 63.

ლის მაგივრობასაც სწევს, მგზავრობის ან დაძველებისას არ ფუჭდება და გამომცხვარ პურსაც სცვლის.

მსხლის ნაყოფის ფართო გამოყენებას ხალხის ცხოვრებაში გარკვეული ხნის ისტორია აქვს, რომლის წვენისაგანაც შემზადებული წამლები: ვაშლის, ბროწეულის, ისრიმის (დაუმწიფებელი ყურძნის წვენი), კოწახურისა და სხვა, ხილეულის წვენთან ერთად შერეული. უფრო წამლად ითვლებოდა გულის აჩქარებული მუშაობისა და წყურვილის მოკვლის შემთხვევაში<sup>27</sup>.

განსაკუთრებით აღსანიშნავია მსხლის როგორც ხის ისე ნაყოფის მნიშვნელობა ხალხის რწმენა-წარმოდგენების თვალსაზრისით. როგორც „წმინდა ხე“. მსხლის ხეს ჩრდილო კავკასიის ზოგიერთი ტომები ჯოგის მფარველადაც მიიჩნევდნენ: „Сосерес—большой любитель путешествий и ему подчиняются ветры и воды, его особенно почитают шапсуги и натухаджи. Его образ — молодое грушевое дерево, срубленное в лесу, которое несут отрубив ветки и оставив только сучки к себе домой для того, чтобы поклонятся ему как рождеству—покровителю стад“<sup>28</sup>.

ეთნოგრაფიულ სინამდვილეში ხშირად ვხვდებით ისეთ „წმინდა ადგილებს“, რომელიც მსხლის ხეებით არის ხოლმე გალამაზებული, ხოლო ზოგიერთ შემთხვევაში მის ძირებში „ნიშნები“-ც არის როწყობილი და თვით ხეზე ჭვარიც არის ხოლმე ამოკვეთილი (სოფ. ჰანტიანი, თეთრი წყაროს რაიონი). აქვე უნდა აღინიშნოს ის გარემოება, რომ ხევსურეთში სახატო ადგილებში მღვარი პანტის ნაყოფის ქამა სასტიკად არის აკრძალული.

განსაკუთრებული დანიშნულებით იყენებდნენ მსხლის ხის მასალას, რომელიც თავისი სისუფთავითა და მასთან ერთად სიმაგრითაც გამოირჩევა. ყოფაში დამოწმებულია ხით ხურობის უამრავი ნიმუშები. რომელნიც მსხლის ხისაგან არის ნაკეთები. საქ. მეცნ. აკადემიის აკად. ს. ჯანაშიას სახ. სახელმწიფო მუზეუმის ხის ფონდში დაცული კოლექციებიდან აღსანიშნავია მისგან დამზადებული საჩითავი ყალიბები (ქსოვილებისათვის) საქსოვი დაზგებისა და ხელსაწყობების ნაწილები. ღვინისა და წყლის სასმისები, მუსიკალური ინსტრუმენტები და სხვა. რომელთა სრულად ჩამოთვლა შორს წაგვიყვანდა.

<sup>27</sup> ზ ა ზ ა ფ ა ნ ა ს კ ვ რ ტ ე ლ ი : ც ი ც ი შ ვ ი ლ ი . დ ს ა ზ . შ რ ა ) , გვ.241

<sup>28</sup> Ф. Дюбуа де Монперэ, Путешествие вокруг Кавказа, Сухуми, 1937, ст. 55.

მსხალი, როგორც საუცხოვო ხილი, იველ საქართველოში ფართოდ ყოფილა გავრცელებული, რომელიც სიტყვაკაზმულ ლიტერატურაშიც გვხვდება:

„სხალი იკადრებს ქებასა, ვერ ხარ საქები ენისა,  
ჩემბრივ ქვეყანაზედა ხილი ვერაჲინ ჰმევენსა,  
უტურფესი ვარ ყოველთა, ნაქები ბრძენთა ბრძენისა,  
საუარელი ვარ საქმელად, შერმე მყურნალი სენისა“<sup>10</sup>.

ახალი მონაცემებით აღმ. საქართველოში მსხლის შემდეგი ჯიშებია დამოწმებული: ბორბალა, გულაბი, თბილისური, ხევექური, შავი მსხალი, გოხა მსხალი, გორშამა, კალოს მსხალი, ნესვა, რევაზი-ანთ მსხალი, სუნიანი მსხალი, ადრეულა, ავქალური, ადრეულა, დიღმური, მილახური, ადრეულა, სანთელა, პანტა მსხალი, მსხალ პანტა, გვერდწითელა დიღმური, ლიმონა, ორთაქალური, გრძელი მსხალი, ბებიას მსხალი, თავრიზული, კახური გულაბი, ლაგოდნური გულაბი, თაფლა მსხალი, კახური გოხა და სხვა.

კომპი. საქართველოში ფართოდ გავრცელებული ხილია. ველური სახით გვხვდება ქალებსა და ვაკის ტყეებში, რომელიც 1200 მ სიმაღლემდე ხარობს<sup>10</sup>. კომპს უყვარს ცხელი ქვეყნები მისი პირველი დაწინაურების ქვეყანად პ. უუკოვსკი საქართველოს მიიჩნევს, საიდანაც სხვა ქვეყნებში იქნა გატანილი<sup>11</sup>. იგი უძველესი კულტურაა; ჯერ კიდევ ბერძნები დიდ ყურადღებას აქცევდნენ ამ ხეხილს და მისი ნაყოფი მიჰქონდათ ძღვენად შესაწირავად ვენერასთან<sup>12</sup>.

აღმ. საქართველოში კომპს ორი სახელწოდებით იხსენიებენ, ტყეში ველურად მდგარს, ბიას უწოდებენ, ხოლო მოშინაურებულს — ბალურს. ჩვენ მიერ დამოწმებულია კომპის შემდეგი ჯიშები: ნაბა-და, მალაჩინა, ქართული, ვირკომპა, მახჩობელა. ზაფხულის, ვაშლა-კომპა, მურაბის კომპი, ლობის კომპი და სხვა.

აკად. ნ. კეცხოველი საქართველოში გავრცელებულ კომპის ჯიშებს ორ მთავარ ჯგუფად, კახურად და ქართლურად ყოფს: კახური — შილდური, ახალსოფლური, ლაგოდნური, კელის თავა, სანავარდო კავშირული, ყვარული, ფორე, ქართლური — მეჭვრისხეურა

<sup>10</sup> ანთოლოგია, ტ. II, გვ. 65, ტაბეი 18.

<sup>10</sup> ნ. კეცხოველი, კულტ. მც. ზონები საქართველოში. თბილსი. 1957. გვ. 319.

<sup>11</sup> П. Жуковский, Происхождение культурных растений, Москва, 1960, გვ. 18.

<sup>12</sup> ვ. ბიბილაშვილი, დასახ. შრომა, გვ. 94.

მეავე, ტინიხილური ტკბილი, ქართული, ჩადუნელი კომში, მალაჩი-  
ნი, შილდური მეავე, მსხლისებრი და სხვა<sup>43</sup>.

მთხრობელთა გადმოცემით, კომში იზრდება როგორც ბუჩქად,  
ისე დიდროს ხედ, რომელსაც ლეღვის მსგავსად განსაკუთრებით  
უყვარს ნაცრით გაპატივება.

კომშს ნაყოფთა თვისებების მიხედვით, ყოფაში ძირითადად  
არჩევენ სამი სახისას: მეავე, მალა და ტკბილი. მეავე კომშს განსა-  
კუთრებით იყენებენ სამკურნალო დანიშნულებით, რომელიც  
მთხრობელთა თქმით „შემწვარი უებარი წამალია ხველებისა და  
ყელის ტკივილების დროს“. მალა კომშებს, რომელნიც მოტკბო-  
მომეავეო გემოვნებით ხასიათდება იყენებენ სამურაბედ და საჩირედ,  
რომელსაც ჩაისათვის ამზადებდნენ, ხოლო ტკბილ კომშებს, ძირითა-  
დად, ნედლად სახმარად შემოდგომა-ზამთრის პერიოდში, რომე-  
ლიც დიდხანს არ ინახება.

ზემოთ ჩამოთვლილი კომშის ჯიშებიდან ყოფაში განსაკუთრე-  
ბულ ყურადღებას აქცევენ ქართულ კომშს. მთხრობელთა დახმარე-  
ზით მისი აღწერილობა შემდეგნაირად წარმოვგიდგება—იგი ყვე-  
ლაზე ფერიანია „ლუღაჟა“—ცალი ლოყა უწითლდება, ღია ყვითე-  
ლი ფერისაა, საშუალოზე მეტი სიმსხოი, აურნელოვანი და ყველა-  
ზე გამძლეს. მოკრეფის პროცესში მას მომწვანო ფერი დაჰკრავს,  
ნაგარიც და მეავე, ხოლო ზამთარში ღია ყვითელი ფერისა ხდება,  
გემო უწმინდავდება და წყლიანობას ინარჩუნებს. მოყვანილობით  
მრგვალია, კუნწის ადგილი უმეტესად ოდნავ ჩაბრუნებული აქვს,  
ხოლო თვით კუნწი იცის „ბოკოტა“—დაკოჭრილი. განსაკუთრებით  
კარგად ძლებს გვიან მოკრეფილი — რთვილნაჭამი და დაკიდულა-  
აჯანგული წესით შენახული. დაკიდული წესით კომშისა და  
საერთოდ ხილის შენახვა ძველთაგანვე ცნობილი იყო გამოცდილ  
რებალეთათვის, რომელსაც იტალიის ძველი მოსახლეობაც იყენებ-  
და<sup>44</sup>.

მთხრობელთა გადმოცემით გვიან გაზაფხულამდე შენახულ  
კომშს „შირიმი“ უჩნდება ე. ი. შავდება, მაგრდება და წვენი უშრება  
(შირიმი საბას განმარტებით ბუშტისა და თირკმელის ქვას ნიშნავს).

გარეული კომშებიდან აღსანიშნავია „ვირკომშა“, რომელიც,  
მთხრობელთა გადმოცემით, შედარებით წვრილი და დაღარულია.  
ვირკომშა დღესაც ფართოდ გვხვდება ძველ ნამოსახლარებთან, რო-  
ნელსაც მოსახლეობა ძირითადად ხილის, სულადისა და ქაქის არა-

<sup>43</sup> ნ. კეცხოველი, დასახ. შრომა, გვ. 320.

<sup>44</sup> M. E. Сергеевко, დასახ. შრომა, გვ. 121.

ყის გამოხდისას იყენებს. ვირკომშას საარაყეში გარევიტ, როგორც მთხრობელები გადმოგვცემენ, არაყი სურნელოვანი და გემოწმინდა კამოდის. გარდა თვით კომშის ნაყოფისა, მის ფოთოლსაც არანაკლები მნიშვნელობით იყენებენ: წნილების გაკეთებისას, სამზარეულოში, რომელშიაც ახვევენ ხორცს, ხოლო კახეთში მისი დახმარებით ღვინის დაყენებასაც მიმართავენ. კომშის ფოთოლი— აღნიშნავს მთხრობელი წიკლაშვილი ალექსი მიხეილის ძე (95 წ. სოფ. ყარაღაჯი სიღნაღის რ-ნი. 1959 წ.) ღვინოს აძლევს კარგ შეფერილობასა და სურნელებას, რის გამოც ქვევრების გარეცხვისას კარგია თუ საბოლოოდ ერთ პირს კომშის ფოთლების კონით ამოვაკლებო.

კომშის ხმელი ფოთლის ნახარში, რომელსაც ყოფაში ჩაის მაგივრად იყენებდნენ განსაკუთრებით სასარგებლოა კუჭის აშლილობისას. თვით კომშის გულისაგან მიღებულ „ლორწოს“ ხალხურ მედიცინაში ხმარობენ თვალის მკურნალობისას, რომელსაც გარედან ღაადებენ ხოლმე. იმავე წებოს იყენებენ თმის ცვენის პროცესის შესაჩერებლადაც. მისი გულის ანუ კურკისაგან აკეთებენ ხველების წამალსაც, რომელშიც სხვადასხვა მინარევებთან ერთად ნუშის ზეთსაც ურევდნენ<sup>46</sup>.

აღმ. საქართველოს სინამდვილეში კომში ფართოდ გამოიყენება წითელი ლობიოს „შესაკაზმავად“— შესანელებლად, ხოლო ახლად გამოფოთილი კაკორის ფოთლებს ბავშვები განსაკუთრებით წვიმიანი ამინდის შემდეგ კარგად შეეჭყევიან ხოლმე.

ძველ საქართველოში კომშის სხვა ღირსებებთან ერთად მასზე განსაკუთრებული მოთხოვნილება იყო, როგორც ერთ-ერთ სურნელოვან ხილთაგანზე. კომშის კარგი სურნელების გამო ქართველი დიასახლისი მას იყენებდა ქაღის გამოცხობისას. ამ მიზნით ის წინასწარ საქადე ფქვილში კომშს ჩაფლავდა და გამოცხობილი ქადა საამო სურნელებას ღებულობდა (მესხეთ-ჯავახეთი). იგი იყო ქართული სუფრის სურნელება, მშვენება და საქმელად „მხაროში“ შემყო. რომელსაც ყელის „ჩასაწმენდად“ ხმარობდნენ. თეიმურაზ I თავის ხილთა ბაასში კომშს ასე ათქმევენებს:

„მოისმინეთ. თუ რას ვიტყვი ჩემს ქებსა:  
ხესა თეთრად. ავაყვავებ. ბამბას მოვართმევ ღელასა.  
როს გავევითლდები. სუნი მაქვს. მე გუშ-აბარი მზერავსა.  
სანუქკარი ვარ სუფრის, ყოველი მსმელი მხედავსა“<sup>46</sup>.

<sup>46</sup> ზ ა ზ ა ფ ა ნ ა ს კ ე რ ტ ე ლ ი - ც ი ც ი შ ვ ი ლ ი დ ა ს ა ხ . შ რ ო მ ა , გვ . 149 , 252 .

<sup>46</sup> თ ე ი მ უ რ ა ზ II , თ ხ ზ უ ლ ე ბ ა თ ა ს რ უ ლ ი კ რ ე ბ ე ლ ი , თ ბ ი ლ ი ა , 1959 , გვ . 111 , ტ ა ე ბ ი 24 .

ლედვი საქართველოში ფართოდ გავრცელებული მცენარეა. რე განსაკუთრებით ფართოდ გვხვდება აღმ. საქართველოს სანახებში. ლედვის უყვარს თბილი ქვეყნები, რის გამოც მისი წარმოშობის კერებად შუა და მცირე აზიას მიიჩნევენ. აკად. ნ. კეცხოველის აზრით „საქართველოში გავრცელებული ზოგიერთი ლედვის ჯიში თავის სათავეს უძველესად ჩვენში გავრცელებული ჯიშებისაგან იღებს“<sup>47</sup>.

როგორც აკად. ივ. ჯავახიშვილი აღნიშნავდა—სპეციალისტების მიერ დამტკიცებულია, რომ ლედვის კულტურა საბერძნეთში ქვისა და ბრინჯაოს ხანაშია და 1400 წელს ჩვ. წელთაღრიცხვამდეც უფროა. ხოლო პლინიუსის დროს მისი ჯიშთა სიმრავლე 97-მდეც აღწევდა<sup>48</sup>.

საქართველოს ტერიტორიაზე ლედვის კულტურა უძველესი დროიდანვე უნდა ყოფილიყო, რომელსაც ხალხი უამრავი დანიშნულებისამებრ იყენებდა. ძველი საქართველოს ტერიტორიაზე, რომ ლედვის კულტურა ფართოდ გავრცელებული ხილი იყო კარგად ჩანს სტრაბონის ცნობითაც. რომელსაც პომპროსის სიტყვებით პონტოსა და ეგვიპტის აღწერისას აღნიშნული აქვს „ის ნთქამდა ზღვის მარტილიან წყალს, მე კი ავედი მალა დიდ ლედვის ხეზე და მივეწებე მას როგორც ღამურა“-ო.<sup>49</sup> ლედვის ფართო გამოყენებაზე მეტყველებს სხვა ისტორიული ცნობებიც, მათ შორის ხელმწიფის კარის ვარიგებაში ნათქვამია: „გარეჯის უდაბნოს მეფისათვის სანახავი ძღვენის მირთმევა წესად იყო. სადაც უძველესად უნდა ყოფილიყო ლედვი კეოტსა ზედა დაცმული, ჩურჩხელა, ნუში, თუთიბო, ბროწყული“<sup>50</sup>.

იოანე ბატონიშვილის ცნობით „ქვეყანა ესე მოსავლიანი... როცელ მრავლობით მოდრს ყურძენი, ლედვი, ბროწყული...“<sup>51</sup>, ხოლო ვახუშტი ბატონიშვილი ხილის ჩამოთვლისას ლედვსაც იხსენიებს. სამკურნალო წიგნში—ხშირად არის ნახსენები, როგორც ლედვის ჩაყოფის, ისევე ქერქის გამოყენება ძველ ხალხურ მედიცინაში<sup>52</sup>.

<sup>47</sup> ნ. კეცხოველი. დასახ. შრომა, გვ. 309.

<sup>48</sup> ივ. ჯავახიშვილი, ხელნაწ. ფონდი, გვ. 69.

<sup>49</sup> თ. ყაუხჩიშვილი, სტრაბონის გეოგრაფია, თბილისი, 1957, გვ. 69.

<sup>50</sup> ხელმწიფის კარის ვარიგება, ექვთ. თაყაიშვილის გამოცემა, თბილისი, 1920 გვ. 15.

<sup>51</sup> იოანე ბატონიშვილი. კალმასობა, ტ. II, თბილისი. 1948, გვ. 21ა.

<sup>52</sup> ზაზა ფანასკერტელი-ციციშვილი, დასახ. შრომა, გვ. 211, 215, 245.

ბევლად საქართველოში, ივ. ჯავახიშვილის მტკიცებით, ლეღვის ადრეულ წინს „ლეღვსთუილი“ ეწოდებოდა. ფიქრობენ, რომ ადრეულ ლეღვად წვრილი ზამთრის ლეღვი უნდა ყოფილიყო მიჩნეული, რომელსაც ქებათა-ქებათასში პავგიმი ეწოდებოდა, რომელიც ზაფხულში დამწიფებას ვერ ასწრებდა და მეორე გაზაფხულზე ადრე მწიფდებოდა.<sup>53</sup>

გვიანი შემოდგომით გამოტანილი ლეღვის ნაყოფი, რომელიც დამწიფებას ვერ ასწრებს და გაზაფხულის პერიოდში მწიფდება კასეთის ეთნოგრაფიულ სინამდვილეში „გუდალეღვის“ სახელწოდებით არის ცნობილი. აღსანიშნავია, რომ საბა ორბელიანს თავის ლექსიკონში თუთის განმარტებისას „ლეღვსულელი“ აქვს აღნიშნული, რომ ეს არის „ქოლა-ო“<sup>54</sup>, მაგრამ ტერმინი ლეღვსულელი რადგანაც დღევანდელმა ეთნოგრაფიულმა ყოფამ სრულყოფილად ვერ შემოგვიანა, ამასათვის საფიქრებელია, რომ ის ქოლას ერთ-ერთი სახეობათაგანი უნდა იყოს და არა უდროვოდ დამწიფებული ლეღვის ნაყოფი, რომელსაც ზოგიერთი მთხრობელი მიაწერს.

ლეღვის ზოგიერთი ჯიში, მთხრობელთა გადმოცემით, ნაყოფს ანუ, როგორც მას ხშირად კაკრასაც უწოდებენ ხოლმე, წელიწადში ოოჯერ „იღებს“. პირველ კაკრას თიბათვე-მკათათვეში, სოლო მეორე კაკრას შემოდგომაზე ისხამს.

ლეღვს მრავალგვარი დანიშნულებით იყენებენ. მისგან აკეთებენ მურაბას, ჯემს, ხდიან არაყს, ახმობენ ჩირს და სხვა. ლეღვისაგან განსაკუთრებით ახმობენ ჩირს, რომელიც დიდი რაოდენობით მზადდება ხოლმე. ჩირი ხმება გაფუცქვნილი სახით, რომელსაც ქერქს ფრჩხილებით აცლიან. იმ შემთხვევაში, თუ კარგად არ არის დამწიფებული, მაშინ კანს დანითაც აცლიან, რადგანაც მთხრობელთა სიტყვით რომ ვთქვათ „დუტკოს გვიჩენს ფრჩხილებში“-ო. დაფუცქვნილ ლეღვს „აასხამენ ჩხებზე და ნახურებელ“ თონეში ჩააქუდებენ. იმ შემთხვევაში თუ თონე ძალიან ცხელია, მაშინ მას ძირში თავისავე ფოთლებს მოუფენდნენ, რომელიც ამავე დროს შემთხვევით ჩავარდნილ ლეღვს იცავდა სისუფთაობისა და დაწვისაგან. აქვე უნდა აღინიშნოს, რომ ლეღვის ფოთლების ნახარშს კახეთში შალეულის ქსოვილების დასარეცხადაც ხმარობდნენ. ჩხების ჩაწყოების შემდეგ თონეზე ლასტს დაათარებენ. რომელზედაც აგრეთვე ჩირია ხოლმე გაფენილი. მთხრობელთა დაკვირვებით ჩირი მზეზე

<sup>53</sup> ივ. ჯავახიშვილი. ხელნაწერთა ფონდი, გვ. 68.

<sup>54</sup> სულხან-საბა ორბელიანი, ლექსიკონი, გვ. 185.

გამხმარი ჯობია, რადგანაც ნება-ნება შრება, მაგრამ იმის გამო, რომ შემოდგომის მხეზე ის ძალიან გვიან ხმება, ამისათვის თონეში გახმობის წესს მიმართავენ. თონიდან ჩირის ამოღების შემდეგ თითქმის გააბრტყელებენ და ლასტზე გაშლილს ორი-სამი დღის განმავლობაში მხეზე ამყოფებენ. ამის შემდეგ ე. ი. გამხმარ ჩირს წნელზე ან ძაფზე „ასხამენ“ და დაკიდული წესით შეინახავენ. აღსანიშნავია, რომ ჩირის დიდხანს შენახვისა და სიტკბოს შენარჩუნების მიზნით, კახეთში მას ყურძნის წვენი ნადულში—ტებილში ამოავლებდნენ ხოლმე. ლელვის ჩირის კარგად შენახვის მიზნით თურქეთში, სადაც ლელვის კულტურა საკმაოდ ფართოდ არის წარმოდგენილი, სპეციალური ტომრებიც კი ჰქონიათ, რომელთაც ცხენის ძუისაგან ქსოვდნენ<sup>55</sup>.

კარგად გამხმარი ჩირი პატარა კვერებს წააგავს, რის გამოც საბა ორბელიანს „ლელვის კვერი“ ასხმული ჩირის აღმნიშვნელად მიანდა, რითაც ირკვევა, რომ ლელვის გახმობა ძველადვე ჩხებზე ხდებოდა.

ლელვის ჩირი ფართოდ ყოფილა გამოყენებული ძველ საბერძნეთშიაც. „საჯარო სუფრასთან, სადაც თხუთმეტი და მეტი კაცი იკრიბებოდა, თვითველ მონაწილეს ყოველთვიურად მიჰქონდა: მედიმნი ქერი, ფქვილად. რვა ტოლჩა ღვინო, 5 მნა ყველი, ხუთნაღევარი მნა ლელვის ჩირი“ და სხვა<sup>56</sup>.

1933 წლის ცნობებით, მსოფლიოში ლელვის მოყვანის მხრივ 1—5 ადგილს იტალია, ესპანეთი, ალჟირი, პორტუგალია და თურქეთი იკავებდა, რომელთაც გამხმარი ჩირი სხვადასხვა ქვეყნებში გაჰქონდათ<sup>57</sup>. საქართველოს ტერიტორიაზე, როგორც აღვნიშნეთ ოდითგანვე არსებობდა ლელვის კულტურა, რის გამოც ჩვენს დრომდე მოაღწია მისმა უამრავმა სახეობებმა. რაფ. ერისათვის თავის ლექსიკონში შეტანილი აქვს ლელვის შემდეგი ჯიშები: შავი ლელვი, გაზაფხულის ლელვი, თეთრი ლელვი, შემოდგომის ლელვი, ბუშტა ლელვი და ტყის ლელვი. აღმ. საქართველოს ეთნოგრაფიულ სინამდვილეში ჩვენ მიერ ლელვის შემდეგი ჯიშებია დამოწმებული: ყარფუზა, თეთრი, მწვანე, ბაკურციხული, კუმური, იმერული, ქალაქურა, კვირისტავა, ჰროლა, წვნიკი ლელვი, ძუძულელვი, ღვინა ლელვი, შა-

<sup>55</sup> И. М. Жуковский, Земледельческая Турция, Москва, 1933, стр. 633.

<sup>56</sup> ბლეტარქე. თბილისი, 1957 გვ. 27 (ბერძნულიდან ნათარგმნი აკაკი ფილოზოფის ხელი).

<sup>57</sup> И. М. Жуковский, с. 633.



მელთა გადმოტანის შემდეგ ჩვენში წარმოიშვა მრავალი კულტურული ადგილობრივი ჯიშის, მათ შორის: ატამი, გარგარი და სხვა<sup>62</sup>. საქართველოსთვის და ჩისი მეზობელი ქვეყნებისათვის ატამის კულტურა უძველესი დროიდან ყოფილა შემოტანილი, რაც არქეოლოგიური გათხრების დროს აღმოჩენილი კურკითაც მტკიცდება. „В западную Европу он проник в начале нашей эры в так называемое римское время. Наша находка показывает, что распространение культуры персика в передней Азии и, в частности, в Азербайджане приурочено к значительно более раннему периоду, чем в Западной Европе“<sup>63</sup>.

აგრონომ ვ. ბიბილაშვილის ცნობით, სანამ უცხოურ ჯიშებს შემოიტანდნენ ჩვენში არსებობდა მისი მრავალგვარი ჯიშის, მაგრამ აღრეულა „ატამები ცოტა იყო. მაგალითად, სიმწიფის ვადის მიხედვით კასპის სანერგეში, რომელიც ს. ხეთაგურს ეკუთვნოდა შემდეგი სახელწოდებების ატამები იყო: საიენისო-საივლისო, საივლისო-სააგვისტო, სააგვისტო-სასექტემბრო, სასექტემბრო-საოქტომბრო და ა. შ. მარტო ქართლიდან—ხიდისთავიდან 1915 წელს თბილისის ბოტანიკურ ბაღში ჩამოტანილია ატამის შემდეგი ჯიშები: წითელი გვიანი, მოლოზანის, ბერების ატამი, ლიმონის ატამი, ატენური გიჟანტი, წითელი საოქტომბრო, საპობი და ხიდისთაური, ხოლო დას. საქართველოდან: ადგილობრივი, წითელი ატამი, თეთრი ატამი და სამარიობო ატამი.“<sup>64</sup> დღეისათვის სპეციალისტების აზრით 40-მდე ადგილობრივი ჯიშია. ხალხურ მეხილეობაში ჩვენ მიერ აღმ. საქართველოში დამოწმებულია: ქართული სახლეჩი ანუ საპობი, ქართული სახრავი, ყვითელი ატამი, შემოდგომის ატამი, სამარიობო, თიბათვის, ვაშლ-ატამა ანუ „ეშმაკი ატამი“ და ზოგჯერ „მაიმუნის ატამი“, ხიდისთაური, ბესტავაშვილი, წედისური, სიღნაღური ატამი, ხირსულა ატამი, შადინოვი და სხვა. აღსანიშნავია, რომ კახეთში ერთ-ერთს თითქმის გავრცელებული ყოფილა არაბული ატამიც<sup>65</sup>, რომელიც. ჩვენი აზრით, იგივე ვაშლ-ატამა უნდა იყოს.

<sup>62</sup> ნ. ხომიჯურაშვილი, ე. ერისთავი. საქართველოს ხელოვნება, თბილისი. 1939, შესავალი.

<sup>63</sup> Гумель Я. И., К проблеме археоботаники Закавказья, Сообщ. АН Груз. ССР, т. 1-2, Тбилиси, 1941, стр. 750.

<sup>64</sup> Труды Бот. сада, Тбилиси, 1915, XIV, стр. 94.

<sup>65</sup> ივ. ჯავახიშვილის სახ. ისტორიის ინსტიტუტის ენ. გან. დაცული შინა-მრეწველ. მასალები. გვ. 956—959.

ატამი პროდუქტიული კულტურაა, რისგანაც ყოფაში ამხადებენ: მურაბას, ყელეს, ხდიან არაყს, სასმელებს, დებენ წნილად. ახმობენ ჩირად; მის ტკბილ კურკას იყენებენ ჩურჩხელის გასაყეთებლად და ნელლად საქმელად, ხოლო მწარეს ღორების საკვებად და სხვა. აღსანიშნავია, რომ აკვანში ჩაწოლილი ბავშვის გასართობად სხვა სათამაშოებთან ერთად ძველად მიღებული ყოფილა ატმის კურკის „ჩანჩხურა“... „ზედ უბია ჩანჩხურაი, იავ-ნანიანაო“<sup>66</sup>. ატმის ფოთლის ნახშირში, როგორც მოხრ. გადმოგვეცემენ, კარგია საქონლის განსაკურნავად თურქულით დაავადების დროს.

განსაკუთრებით აღსანიშნავია ატმის ჩირისაგან გორგომიჭელას გაკეთება, რომელიც წინა თავში გვქონდა აღწერილი. წვრილი სახრავე ატამის ჩირად გაკეთებისას გაფუჭვნიან, დასერავენ და მზეზე გაახმობენ, ხოლო დათლილსა და გამშრალს წნელზე ან კანაფზე ახმობს მერე თონეში ჩააკიდებენ. მწიფე ატმისაგან აზაეებენ ღვინო, რომელსაც სასიამოვნო სასმელად ხდის და ა. შ.

ატამს ამრავლებენ თესლით—კურკით, რომელსაც შემდეგში ამყნიან, თუმცა მოხრობელთა გადმოცემით, ბევრგან კურკაზე ამოსული ჯობს, განსაკუთრებით კი ცივ ადგილებში, რადგანაც გადარჯულ ნამყენთან შედარებით ეს ღრმად იდგამს ფესვებს და კარგად იტანს სიცივესაო.

ატამი აყვავების დროს სასარგებლოა ფუტკრისა და ადამიანისათვის, რომელსაც საამო სურნელება აქვს, თუმცა ძველად ზოგიერთი ავადმყოფობის გადამღებადაც თვლიდნენ. გარს. ჩოლოყაშვილა წერს:

„ატამა უთხრა: „ვიკადრო საქმე ჩემისა თავისა, უტრფესი ვარ ყოველთა, ხე ჩემი ტურჟად ყვავისა, შეყრა უხარის ყოველთა ტურფისა სანახავისა. მე და ნესევი ვართ ნიადგ ამშლელი სენის თავისა“<sup>67</sup>.

ატმის ირგვლივ, რომელიც საუკეთესო გემოვნების ხილად ითვლება, სხვა მრავალი საინტერესო ხალხური ლექსები და გადმოცემებიც გვხვდება, რომლებზედაც ჩვენ აღარ შევჩერდებით.

ჭე რ ა მ ი და გ ა რ გ ა რ ი გარეული სახით საქართველოს ტერიტორიაზე არ გვხვდება. როგორც სპეციალისტები ამტკიცებენ მისი სამშობლო შუა აზია უნდა იყოს, საიდანაც გადავიდა სპარსეთს,

<sup>66</sup> პ. უ მ ი კ ა შ ვ ი ლ ი. ხალხური სიტყვიერება, ნაწ. I. თბილისი. 1937. გვ. 202.

<sup>67</sup> ანთოლოგია, გვ. 65.

სომხეთს და ამ გზით ჩვენამდე მოაღწია. ვ. ბიბილაშვილის მტკიცებით, იგი აღნიშნული გზით გავრცელდა იტალიაში, სადაც მას „სომხის ვაშლს“ უწოდებენ, ხოლო აქედან—საფრანგეთში.<sup>68</sup> აღსანიშნავია, რომ საქართველოს კუთხეებში ჭერამი ნაირი სახელწოდებებით არის წარმოდგენილი: ქიზიყში და თუშეთში—ჭერემი; მესხეთ-ჯავახეთში—წირანი; ინგილოებში—ერიგ და სხვა<sup>69</sup>.

ჭერამსა და გარგარს უყვარს თბილი ხირხატ-კირიანი ადგილები, ნესტიანსა და გაპატივებულ ნიადაგში ის კარგად ვერ გვარობს. საქართველოში დიდი ხნის შემოტანილი კულტურაა და დღეისათვის გავრცელებულია მრავალნაირი ჭიში, რომელთაგან აღსანიშნავია: აღჯანაბადი, ყვითელი ჭერამი, ლოყაწითელა და ატამა, ხოლო ჯრიდონოვების კატალოგში მოხსენებულია: აღჯანაბადი. თეთრი შაქრის ყინული. თეთრი სამეფო, ბრედა, დიდი ყვითელი ჭერამი, ლოყა წითელა. რომბურტის მოგონება, ატმისებური, შირაზული, საძეფო საგვიანო, ოვერნიხ დიდება და ანანასური<sup>70</sup>.

ჩვენს ქვეყანაში მის დიდხნის ისტორიაზე მეტყველებს ის თაქტები, რომ ვახუშტი და იოანე ბატონიშვილები ხილთა ჩამოთვლისას ძველ საქართველოს ხილულში ჭერამისა და ყაისის რამდენიმე ჭიშს გულისხმობენ. მაგ. „ყაისი, ჭერამი“<sup>71</sup>; „ჭერამნი და ყაისნი“<sup>72</sup> და ა. შ.

ჭერამი ძირითადად წვრილი და მწარე კურკიანია, ხოლო გარგარი მსხვილი. სუფთა და ტკბილკურკიანი. მისგან ამზადებენ: მურობას. ჭემს. ხდიან არაყს, ახმობენ ჩირად, ხოლო მის ტკბილ გულს, სიგვზის მაგივრად ხმარობენ ჩურჩხელისათვის; მწარე კურკას ღორების საკვებად იყენებენ, ხოლო ზოგიერთ შემთხვევაში ზეთსაც (დიდნენ<sup>73</sup>).

ჭერამისაგან ახმობენ როგორც გათლილსა და კურკაგამოცლილს იორს, ისე კურკიანსაც, როგორც ატმის ჩირის დამზადების დროს იქცევიან ხოლმე. ჭერამის ტკბილ კურკას, რაც მეტად იშვიათია, ინახვენ და ზამთარში შეექცევიან ხოლმე. მთხრობელთა გადმოცემით ტკბილი კურკა ახასიათებს ყაისს, რომელიც მოთეთრო ფერისაა და ადვილად იხლიჩება.

<sup>68</sup> ვ. ბიბილაშვილი, დასახ. შრომა, გვ. 111.

<sup>69</sup> ა. შაყაშვილი, ბოტანიკური ლექსიკონი, თბილისი, 1961: გვ. 95.

<sup>70</sup> ძმ. ფრიდონოვების დასახ. შრომა, გვ. 41 — 42.

<sup>71</sup> ვახ. ბატონიშვილი, დასახ. შრომა, გვ. 29.

<sup>72</sup> იოანე ბატონიშვილი, დასახ. შრომა, 218.

<sup>73</sup> კ. კეკელიძის სახ. ხელნაწერთა ინსტიტუტის 'S ფონდი, № 19.

როგორც ირკვევა, საქართველოს პირობებისათვის ძველად და-  
ზახასიათებელი ყოფილა ჭერმის ერთ-ერთი სახეობა „დარანდო“,  
რომელიც საბა ორბელიანის განმარტებით კურკატკილი (ხე) არი-  
სო<sup>73</sup>. მთხრობელთა გადმოცემით ჭერმის კურკათაფლთან ერთად  
აზელილი, უებარი წამალია მუცლის ქრის მოსაცილებლად ისევე.  
როგორც მოხალული გოგრის თესლიო. ჭერმის გული რომ შარო-  
ლაც სხვა დაავადებათა სამკურნალო დანიშნულებისათვისაც გამოი-  
ყენებოდა კარგად ჩანს ვინოგრადოვ-ნიკიტანის ცნობიდანაც, რომე-  
ლიც აღნიშნავს მის სამკურნალო თვისებებს გულის ავადმყოფო-  
ბასთან დაკავშირებით<sup>74</sup>.

ისევე როგორც სხვა ხილეულის ჩირი. ჭერმისა და გარგარის  
ჩირზეც დიდი მოთხოვნილება ყოფილა ძველ საქართველოში. სხვებ-  
თან შედარებით ჭერმის, გარგარისა და ყაისის ჩირი განსაკუთრე-  
ბულ სიტკბოს შემცველია, რის გამოც ფართოდ იყენებდნენ საქა-  
რავნო მიმოსვლისას და სხვა ქვეყნებიდან შემოტანილი „ფინიკის“  
ნაყოფის შემცვლელად ითვლებოდა<sup>75</sup>.

ჭერამისა და გარგარის ხე მაგარია, თუმცა განხმობისას დასკ-  
დომა და გამრუდება იცის. რის გამოც კახეთის სინამდვილეში მას  
„მერქნებად“ (სარებად და მარგილებად) ხმარობენ.

კურკაზე ამოსული ჭერამი გვხვდება სხვადასხვა სახისა, რო-  
გორც გემოვნებით, ისე შეფერილობითა და მოყვანილობით, რომელ-  
თა უმეტესი ნაწილი კარგად დამწიფებამდე უგემურია. რაც არ ითქ-  
მის, მაგალითად, გარგარისა და ყაისის უმრავლესობაზე. თეიმურაზ  
II-ს თავის ხილთა ბაასში ჭერამი კარგ ხილად აქვს დახასიათებული:

„ჭერამი იტყვის. თქვენ ჩემსა ვერ იტყვით ვერას ძვირსაო.  
ჩემი ხე თერთად აუყედეს, მსმელნი სხდეს მისსა ძირსაო.  
როდესაც თვალი შევრთვის. მოინდომებენ ჭირსაო,  
კაცი მკამს — ჭირსა შეარის, მერმე მაგონებს ფირსაო“<sup>76</sup>.

ნ უ შ ი საქართველოში ერთ-ერთი უძველესი ხილთაგანია, რომ-  
ლის მრავალგვარი ჭიშები ყოფაში დღესაც ფართოდ არის წარმოლ-  
დენილი.

<sup>73</sup> П. Виноградов-Никитин, დასახ. შრომა, გვ. 30.

<sup>74</sup> П. М. Жуковский, Земледельческая Турция, გვ. 668.

<sup>75</sup> ანთოლოგია, გვ. 111, ტაბი 17.

საქართველოში ველურად იზრდება ქართული ნაგალა ნუში, რომელიც გვხვდება ველის ბუჩქნარებისა და ჩაგ-ეკლიანების ფლომაციებში<sup>77</sup>. ამიერკავკასიის ტერიტორიაზე არქეოლოგიური გათხრების შედეგად აღმოჩენილი ხილის ნარჩენები—ქერძოდ ნუშის, ატმის კურკისა... და სხვათა<sup>78</sup>, მოწმობენ აღნიშნული კულტურების სიძველეზე. ხოლო შემდგომი ისტორიული ცნობები მის ფართო გავრცელებაზე. ზემოთ აღნიშნული წყაროებიდან აღსანიშნავია: „ხელმწიფის კარის გარიგება“, რომლის მიხედვითაც გარეჯულ იღვენში, სხვა ხილთან ერთად აუცილებელს წარმოადგენდა ნუშის პირთმევა<sup>79</sup>; იოანე და ვახუშტი ბატონიშვილების ცნობები ნუშის ფართო გავრცელებაზე მიგვიჩვენებს საქართველოში; ფრანგი ორიენტალისტი კლაპროტი 1807—8 წლებში წერს, რომ: „თბილისის ახლომანლო ბლომად არის ნუშის ხე, მაგრამ რაკი მკვახე ნუში არ იკმევა, ამიტომ სპარსულ ნუშს ამჯობინებენ“—ო<sup>80</sup>. მსოფლიოში მისი მწარმოებელია ხმელთაშუა ზღვის ქვეყნები: თურქეთი, ირანი<sup>81</sup>.

ნუშს უყვარს ცხელი ქვეყნები და კარგად გვარობს ხრიოკ ადგილებში. მისი პირველი მტერია ნაადრევ გაზაფხულზე ყვავილობის დროს ნაგვიანევი ყინვები; თუმცა მისი ზოგიერთი ჯიშო გვიან ყვავილობს და ამიტომ ყინვებს სცდება.

საქართველოს ეთნოგრაფიულ სინამდვილეში ნუშის კულტურა განსაკუთრებით ფართოდაა გავრცელებული კახეთისა და თბილისის სანახებში. მისი ფართოდ გამრავლება ბუნებრივ პირობებთან ერთად განაპირობა ნუშის მაღალმა პროდუქტიულობამ, რომლისგანაც ამზადებენ: ზეთს, გოზინაყს, ხმარობენ ფლავში. ჩურჩხელაში, ჭამენ დახალულს, საწებელაში ნიორთან ერთად. იყენებენ კოსმეტიკავილობს და ამიტომ ყინვებს ცდება.

ნუშის, როგორც საკვები, ისე სამკურნალო დანიშნულებით გამოყენებას დიდი ხნის წარსული აქვს. იგი მარტო ძველ ხალხურ მედიცინაში უამრავი წამლების შემზადების პროდუქტად იყო გამოყენებული. ამ მხრივ აღსანიშნავია „მწარე ნუშის გომიზი“-ს. ჩვეულებრივი „მწარე ნუშის“, „ნუშის ზეთის“, „ტკბილი ნუშისა“ და

<sup>77</sup> ნ. კეცხოველი, დსახ. შრომა, გვ. 212

<sup>78</sup> Я. И. Гумелъ დსახ. შრომა, გვ. 750.

<sup>79</sup> ხელმწიფის კარის გარიგება, პროფ. ექთ. თაყაიშვილის გამოცემით, თბილისი, 1920, გვ. 15.

<sup>80</sup> მ. პოლივეკოვი, გ. ნათაძე, ძველი თბილისი. 1929, გვ. 29.

<sup>81</sup> ბ. ივანოვი, პ. კაქარაეა, გ. კვაქაძე, აღ. კობერიძე, ვ. ქანთარია, ვ. კიკაშვილი, დსახ. შრომა, გვ. 348.

სხვათა გამოყენება ჯერ კიდევ XV საუკუნეში, რომელთაც დღესაც არ დაუკარგავთ მნიშვნელობა<sup>82</sup>.

ახალი ეთნოგრაფიული მასალებით თუ ვიმსჯელებთ ნუშის ფქვილი—ქათო გამოიყენება სახის კანისათვის, ავადმყოფი ან დასუსტებული ადამიანისათვის, ხოლო ხველების დროს იხმარება მისგან შემზადებული რძე. მთხრ. ანიკო ალექსის ასული ჭანიკაშვილის (68 წ. გურჯანის რ-ნის სოფ. ბაკურციხე) გადმოცემით, მწარე ნუშს ახმობენ. დაარჩევენ, ჩაყრიან წყალში და როდესაც წყალი გათეთრდება კუქში ამოიღონ ავადმყოფს დაალევიან. მისივე გადმოცემით, აღნიშნულ წვეს „სიცხის დასაწევად და კუქის გასაგრძობლადაც ხმარობენ. თუ ნუში არ გვექნება მაშინ სუფთად დარჩეულ ხორბალს ქილაში ცოტა წყალს შემოუყენებთ და ერთი კვირის შემდეგ დამბალ ხორბალს გამოვხდით ხელით და გამოხდომულ წყალს ცალკე შევინახავთ, რომელიც შემდეგ დაილექავს თეთრად და გადაწურვის შემდეგ ყველის კვერთხით გახდება“. ამ დანალექს — ხმარობენ, როგორც წამლად. ისე სახამებლადაც.

ნუშის დაუმწიფებელ ნაყოფს ე. ი. „ქყინტლი“ გულის დროს, რომელსაც ქართლში „წაყულაყ“-ს უწოდებენ, ბავშვების საკმელადაც იყენებენ.

აღმ. საქართველოში ნუშის ჯიშებიდან ჩვენ მიერ დამოწმებულია: ქალბადაში—თხელკანა, გრძელი და ბრტყელი, ქალბადაში წვრილი, მაგარკანა, მწარე ნუში, ვირნუშა და სხვა. აღსანიშნავია, რომ ა. მაყაშვილს თავის ბოტანიკურ ლექსიკონში შეტანილი აქვს ქართული ნუშის ჯიში, რომელიც გარეკახეთში ატამას და ნუშ ატამას, ხოლო ქართლში თავის ნუშის სახელწოდებით არის ცნობილი<sup>83</sup>. ხოლო ძმ. ფრიდონოვების ხეხილის სანერგეების გასასყიდ წარგავთა შორის მოხსენებულია ნუშის ჯიშები: „თავადის ქალი“ და „სუდაკური ტყუბები“<sup>84</sup>.

მის ფართო გამოყენება საკვებ-სამკურნალო დანიშნულებით ძველ საქართველოში მხატვრულ სიტყვა-თქმებიდანაც ჩანს. სადაც წარს. ჩოლოყაშვილი ნუშს ათქმევენებს:

<sup>82</sup> ზაზა. ფანასკერტელი-ციციშვილი. სამკურნალო წიგნი კაბადინი. თბილისი, 1959. გვ. 100. 132. 134. 140. 150 და სხვა.

<sup>83</sup> ა. მაყაშვილი, ბოტანიკური ლექსიკონი. გვ. 72.

<sup>84</sup> ძმ. ფრიდონოვების დასახ. კატალოგი. გვ. 46. 47.

„აი არ მახსენებთ. თქვენ ხართ თავთა მკებელი.  
სახატრელი ვარ მეფეთა საქმლისა შემამკობელი.  
უტურფესი ვარ ყოველთა აქიმი სახმარებელი.  
მკურნალი ყოელის სენისა, ღვიძლისა განგრი ლებელი“<sup>85</sup>.

ტყემალი გარეული სახით აღმ. საქართველოს ქალისა და  
ცაქის ტყეებში ფართოდ გვხვდება, იგი დიდი ხნის მოშინაურებული  
ცეცნარეა, რომელიც დღესაც ჩამოაქვთ ტყიდან და საკარმიდამო  
წაკეთებებზე რგავენ. მას ქიზიყში ეწოდება ტყიმალი, ინგილოებში  
ტყიმალ, კანურად ცომური; მეგრულად ცომური, ომური; სეანურად  
ბარყენ, ბარყენ და სხვ<sup>86</sup>.

ხელმწიფის კარის გარეგებაში აღნიშნულია: „სიგელი ვისაცა  
ეპოდოს მეჯამეთ-უხუცესისა ხელისა არის ნიგოზი ზეთი, საწებელი,  
წუზატერი, წველა, მეკირე, ხმელი თევზი, მუხუდო, ტყემალი და  
სხვა“<sup>87</sup>. ტყემლის ხეს საქართველოში ძირითადად ბალ-ვენახებისა და  
კარმიდამოს ღობის ძირებში აშენებენ, რადგანაც ის კარგად იტანს  
ყოველგვარ ნიადაგსა და დაუმუშავებლადაც კარგად ცოცხლობს.

გარეული ტყემლის ხეს ფართოდ იყენებენ ნამყენის საძირედ,  
რომელზედაც განსაკუთრებით ამყენებენ ქლიავის კულტურულ: ჯი-  
ნებს, კარგ ტყემლებს—მათ შორის ალუჩას და ატამსაც კი. იგი საქ-  
ართველოს ენდემურ მცენარედ ითვლება.<sup>88</sup> ტყემალი და ალუჩა  
ქართველი ხალხის ყოფაში ძველთაგანვე ყოფილა ცნობილი; ვახუშ-  
ტი ბატონიშვილს ისინი ცალ-ცალკე აქვს მოხსენებული. საბა ორბე-  
ლიანს შინაური ტყემლის ქართულ შესატყვისად „შუშტყემალი“  
აქვს ნახმარი, ხოლო ალუჩას სპარსნი უხმობენო.

ქართველი ხალხისათვის ტყემალი განსაკუთრებულად საყვარ-  
ელი ხილია და მისი ფართო გამოყენება სხვადასხვა საქმელებში  
და ხალხურ მკურნალობაში უდაოდ მის დიდ წარსულზე მეტყვე-  
ლებს.

ეთნოგრაფიული თვალსაზრისით არჩევენ ტყემლის ორ სახეო-  
ბას: ყვითელი და წითელი, რომელნიც თავის მხრივ იყოფიან თავი-  
სი მოყვანილობით და სიმწიფის ვადებით. აღმ. საქართველოს  
სინამდვილეში დამოწმებულია: კანჭურა ტყემალი, ალუჩა ტყემალი,  
სამურაბე ტყემალი, ყვითელი ტყემალი, თეთრი ტყემალი და სხვა.

ტყემლის ფართოდ გამოყენება ყოფაში მისი სიმკვავიანობით  
აიხსნება. ტყემლისაგან ამზადებდნენ: „ტყემლის შექამანდს“:

<sup>85</sup> ანთოლოგია, გვ. 65, ტაეპი 15.

<sup>86</sup> ა. მ ა ყ ა შ ვ ი ლ ი. დასახ. ლექსიკონი, გვ. 66.

<sup>87</sup> ხელმწიფის კარის გარეგება, ექვთ. თ ა ყ ა ი შ ვ ი ლ ი ს გამოცემა, თბი-  
ლისი. 1920, გვ. 5.

<sup>88</sup> ნ. კ ე ე ხ ო ვ ე ლ ი. დასახ. შრომა, გვ. 321.

ტულაჰს, ტყემლის „წუას“, სხვადასხვა საწებელებს, მურაბას, კერკს, ხოლო კურკას ინახავენ და ზამთარში მის გულსაც შეექცევიან. აღსანიშნავია, რომ ტყემლის ნაყოფით ან მისგან შემზადებული ტულაჰის საშუალებით მთიულეთისა და ვერის ხეობის მოსახლეობა ყველის ამოსაღებ ე. წ. „დერიტა“-საც ამზადებს. ხილეულისაგან შემზადებული საკმელებით განსაკუთრებით სარგებლობდნენ ე. წ. მარცვის პერიოდში, როდესაც ხორცის ჰამა წესის დარღვევად იყო პიჩნეული. ტყემლისაგან წვნიანი საკმელების დამზადება დღევანდლამდე ტრადიციულად მომდინარეობს, რომელიც ძველადაც სუფროის დამამშვენებელი იყო. იოანე ბატონიშვილის „კალმასობა“-ში ვკითხულობთ: „საკმელნი: შინდის ჩურჩა ანუ ტყემალთა წვნიანი“-ო<sup>99</sup>. ტყემლის შექამანდს აკეთებენ, როგორც ტულაჰისა და კერკის, ისე მოდუღებული ტყემლის საწებლის—ქართლში წუად წოდებულისაგან, რომელიც სხვადასხვა მწვანელიეულობითაა შეჯახებული. „ჩათუთქული“—მოხარული ტყემლის გახეხვის შემდგომ დარჩენილ სველ ნაწილობრივ ჩენჩოიან კურკას ჯისურის—სასიმინდის წნულ კედელზე გააჩრავენ და ზამთარში ან გაზაფხულზე ამტკრევენ და ჰამენ. ჭერ კიდევ მწვანე-შემოუსვლელი ტყემლისაგან აკეთებენ მწვანილებით საჩელდახელოდ შემზადებულ ე. წ. „ჭრიანტელს“.

ტყემლის ტულაჰს, რომელსაც აზერბაიჯანში „ლავაჰს“ უწოდებენ, ქართულ ხალხურ მედიცინაში გარკვეული ადგილი უქირავს. სოფ. ბაკურციხის მცხრ. სიკო მიხეილისძე ბეჟაშვილის (78 წ.) გაღმორცემით, ტყემლის ტულაჰი განსაკუთრებით კარგია ყელის ტკივილისას, რომელსაც უცეცხლო თაფლს წავუსვამთ და ისე შემოვადებთო. მტკივნეული ადგილების მოსარჩენად ტყემლის ტულაჰის გამოყენების ზემოთ აღნიშნული წესი საქართველოს სხვა კუთხეებშიაც არის დამოწმებული და მათ შორის მთიულეთშიც<sup>100</sup>.

აღსანიშნავია, რომ ტყემლის ხე მთიულეთში წმინდა ხედ არის მიჩნეული, რადგანაც მისი ნახშირი ფართოდ იყო გამოყენებული „წველა-დღვების საკმეში, რათა „ავი თოლი“ არ სცემოდა და ბარაქიანი ამოსავალი ქონებოდათ. „ავი თოლისა“ და „ავი ქარი“-საგან დასაცავად იგივე ტყემლის ჯოხს ბავშვის აღზრდის დროსაც იყენებ-

<sup>99</sup> იოანე ბატონიშვილი, დასახ. შრომა, ტ. II, თბილისი, 1948, გვ. 225.

<sup>100</sup> აღ. რობაქიძე, მეფუტკრეობის ისტორიისათვის, თბილისი, 1960, გვ. 119.

დნენ, რომელსაც აკვანზე შეებადნენ და „აკენის დამახვილება“ ეწოდებოდა<sup>91</sup>.

ქლიავი საქართველოს ტერიტორიაზე უამრავი ჯურისა გვხვდება, მათ შორის ბევრია როგორც გარეული ისე კულტურული ჯიშები. პ. უუკოვსკი კულტურულ ქლიავის სამშობლოდ კავკასიას მიიჩნევს. ძველ საქართველოში მის ჯურთა სიჭრელზე მიუთითებს ვახუშტი, რომელიც აღნიშნავს: „ქლიავი მრავალგვარი“-ო<sup>92</sup>.

როგორც ვ. ბიბილაშვილი აღნიშნავს „პირველად ქლიავს იხსენიებს თეოფრასტი 400 წ. წინათ ჩვ. წ. აღრიცხვამდე“<sup>93</sup>.

აღმ. საქართველოს ეთნოგრაფიულ სინამდვილეში ქლიავის შემადგენლობაში თელიან სხვადასხვა ჯურის ჭანჭურებს, რომელთაც თავთავიანთი ცალკე სახელწოდებებიც გააჩნიათ: დამასხს, ოტურს, არიქელას, ღოღნოშოს, ალიბუხარსა და სხვა. თვით ქლიავის სახეობიდან აღსანიშნავია: ღორქლიავა, ყვითელი ქლიავი, თეთრი ქლიავი. შავქლიავა, შაბქლიავა, ჭანჭურა ქლიავი, მურაკა ქლიავი, კორკიმელა (საბას განმარტებით—ხე), ერეენის ქლიავი, ლენკოტი და სხვა, ხოლო საინგილოში ძველი ცნობებით ქლიავის შემდეგ ჯიშებს იცნობდნენ: „წითელაი. ვაშლაი, იისფერი, ცომაი, ტყემლაი, ჩურჩაი“<sup>94</sup>.

საბა ორბელიანს ქლიავი თავის ლექსიკონში არ აქვს განმარტებული, მაგრამ იგი კაკინარს დამასხს ქლიავად განმარტავს. ქლიავი ისევე როგორც ტყემალი, საქართველოს ეთნოგრაფიულ ყოფაში ფართოდ გამოიყენება. მისგან ამზადებენ სხვადასხვა საწებლებს, ტყლაპს, მურაბას, ყელეს, ახმობენ ჩირად, კერკად და ხდიან არაყს. მათი გამხმარი ნაყოფი ჩირის, კერკის, ტყლაპისა და სხვათა სახით ჩვენში იმდენი რაოდენობით მზადდებოდა, რომ საზღვარგარეთ ქვეყნებშიაც ვაჭონდათ<sup>95</sup>.

ქლიავის ნაწარმი, მათ შორის კურკაც, ფართოდ გამოიყენებოდა და გამოიყენება როგორც სამზარეულო, ისე სამკურნალო მნიშვნელობით (კარაბადინი, გვ. 172, 173, 174, 245).

ძველ ქართულ მწერლობაში ქლიავის სილამაზე შემდეგნაირად არის აღწერილი:

<sup>91</sup> ე. შ ა კ ვ ა რ ი ა ნ ი, ბავშვის მოვლა-აღზრდის წესები მთიულეთში, საქართველოს მუზეუმის მოამბე, ტ. XIX — A, XIX — B. 1957, გვ. 73.

<sup>92</sup> ვ ა ხ უ შ ტ ი ბ ა ტ ო ნ ი შ ვ ი ლ ი, დასახ. შრომა, გვ. 29.

<sup>93</sup> ვ. ბ ი ბ ი ლ ა შ ვ ი ლ ი, დასახ. შრომა, გვ. 94.

<sup>95</sup> ა რ ჩ. დ ა რ ე ჟ ა ნ ი შ ვ ი ლ ი, დასახ. შრომა, გვ. 20.

„ქლიავან უთხრა არა ხართ წემი და  
ცოტასა ხ.ნის სიცოცხლე რა თქვ. ჩ. საკეცხ.  
ქანდა უთხრა შეყოლიხართ. კვლ. გაქვს ს.უბაოა,  
უფრო უეუარვარ ყოველთა. ვარ ვ.ნ.ი. 'ანუკეარია' 96.

ქლიავან წინაპარი თვით გარეული ქლიავია. რომელიც გავრ-  
ცელებულია საქართველოს ტყეებში. თუმცა ზოგიერთი ქლიავის  
ჭკუფში შემავალი ხილი თავისი ფორმითაც განსხვავებულია და თა-  
ვისი წარმოშობის გზა აქვს გავლილი.

კ ვ რ ი ნ ჩ ხ ი. სპეციალისტების მტკიცებით, ზოგიერთი ქლია-  
ვის ჯიშის მავ. ლოღნოშოს წინაპარი არის კვრინჩხი, რომელსაც ყო-  
ფაში ნუგბარ ხილად, ხოლო მის მასალას სხვადასხვა სამეურნეო მნი-  
შვნელობით იყენებენ. კვრინჩხი რომ ნამდვილად ლოღნოშოს წინა-  
პარია ეს კარგად ჩანს ეთნოგრაფიული ყოფიდანაც. რადგანაც მესხე-  
თში დღესაც ლოღნოშოს კვრინჩხად იხსენიებენ. კვრინჩხის საკვე-  
ბად გამოყენების თვალსაზრისით აღსანიშნავია მისგან „შექამანდის“  
გაკეთება. მთხრ. ოლა ხეთისოლ ასულ პატიაშვილის (1959 წ. ს. გრეკი.  
75 წ.) გადმოცემით, „რთვილნაკრავი — რთვილნაკამი კვრინჩხი—  
მურაკი ძალიან კარგი საქმელია. რადგანაც სიმწკლატეს ცოტას  
ინარჩუნებს, მარახოში საქმელია და ყელს სასიამოვნოდ შაბამს“.  
მისივე გადმოცემით, მას დიდი რაოდენობით კრეფენ. თუთქაშენ ან  
ისე ახმობენ და ინახავენ მშრალ ადგილებში, რომელსაც კვრინჩხის  
კერკს უწოდებენ. კვრინჩხის კერკისაგან. რომელსაც აზავებენ ცხი-  
ბით, ხახვით; საფანლითა და ხმელი მწვანილით, ამზადებენ ქართულ  
ნაციონალურ საქმელს — ე. წ. „კვრინჩხის შექამანდს“, რომელიც  
ამავე დროს უებარ წამლად ითვლება კუჭ-ნაწლავის დაავადებისას,  
ხოლო მისი მასალა გამოიყენება ყაჯარჯნებისა და აგრეთვე ცოც-  
ხალი ღობის გაშენების საქმეში.

კვრინჩხის ფართო გამოყენება, როგორც საკვები და სამკურ-  
ნალო დანიშნულების ხილი კარგად ჩანს ძველი ქართული მწერლო-  
ბის ნიმუშიდანაც:

„კვრინჩხი იტყვის: შენ რას ამბობ? შავი ვარ და მარგებელი,  
ჩემს ხეზედა ბუღბული ზის, შენ მოგძებნის ყოველი მელი.  
ავადმყოფსა მოუხუბი, და კაცი მზამს მერმე მთელი,  
სიმდაბლითა ნუ მიწუნებ. მე არა ვარ აგრებელი“<sup>97</sup>.

კვრინჩხს ანუ „მურაკს“. როგორც მას კახეთში უწოდებენ, ინა-  
ჩავენ როგორც გათუთქულს ისე გაუთუთქავს—კერკად, ტოტებია!

<sup>96</sup> ანთოლოგია. გვ. 64. ტაეპი 7.

<sup>97</sup> ანთოლოგია, გვ. 112, ტაეპი 30.

ნად დაკიდული წესით. აღსანიშნავია, რომ ამ უკანასკნელს ხმარობენ კისელის მოსახარშავადაც.

**ბ რ ო წ ე უ ლ ი** უძველესი კულტურაა, რომელსაც უყვარს ცხელი ქვეყნები. ს.ბ.კოთა კავშირში განსაკუთრებით გავრცელებულია საქართველოსა და აზერბაიჯანში. საქართველოში გავრცელებული ბროწეულები გარეული ბროწეულებიდანაა წარმოშობილი, რომლის მოშინაურებასაც დიდი ხნის ისტორია აქვს გავლილი. ამიერკავკასიაში წარმოებული არქეოლოგიური გათხრები ამის საუკეთესო დამადასტურებელია, სადაც 2000 წ. წინათ ჩვენს ერამდე სხვა ძეგნარეთა თესლებთან ერთად ბროწეულის თესლსაც პოულობენ<sup>98</sup>.

„ბროწეული“ ანუ „მრეწეული“ (ქებათა-ქება) ივ. ჭავჭავაძის გამოკვლევით ვიორგი მონაზონის ხრონოგრაფიის თარგმანში, არსენი იყალთოელს დედანის.. (ბერძნ. წარწ.) „ხენი ბროწეულისაგან უთარგმნია“-ო<sup>99</sup> ივ. ჭავჭავაძისასავე აზრით, კარგი ბროწეული გარეჯის უდაბნოს ჰქონია, რაც იქიდანაც ჩანს, რომ ამ საჯანეს მეფისათვის მისართმევ ძღვნად სხვათაშორის „ალარდენი და ბროწეულიც“ ჰქონდა დაკისრებული.<sup>100</sup> ამისათვის წელიწადის ჯოველ დროს ბროწეულის შენახვა სავალდებულოც იყო. რომელსაც მეტწილ შემთხვევაში აკიდობის სახით ან ტოტეზიანად სხვენში კიდებდნენ (სოფ. ძვ. ანაგა, ყარაღაჯი, დილომი). „გაჩხილ ბროწეულებს—აღნ. მთხრ. ალექსი მიხეილის ძე ბეგიაშვილი (სოფ. ძვ. ანაგა, 70 წ., 1959 წ.) წინა რიგზე ვკიდებდით ან ვაწყობდით, რომ გზადაგზა გვეხარჯა, ხოლო საღებს უკანა მხარეს და ზამთარში კიდევ რომ გაიყინოს გაზაფხულობით თითონ გამოდის“-ო.

ზემოთ აღნიშნული ცნობა იმითაცაა საინტერესო, რომ ძველ საქართველოში ბროწეულის კერკად შენახვა სტოდნიათ ისევე როგორც ძველ იტალიაში, პლინიუსის ცნობით „*prunat ut hanc in cereis in arena*“<sup>101</sup>.

ძველად საქართველოში, რომ ბროწეულის კერკად შენახვა სტოდნიათ ეს საბას ლექსიკონიდანაც ირკვევა. სადაც აღნიშნულია „ალარდენი ბროწეულის გერკი“-აო.

<sup>98</sup> ნ. კეცხოველი, დასახ. შრომა, გვ. 313.

<sup>99</sup> ი. ჭავჭავაძისი, ხელნაწ. ფონდი. გვ. 62

<sup>100</sup> ხელნაწილის კარის გარეგება. გვ. 15.

<sup>101</sup> M. Сергеевico, დასახ. შრომა, გვ. 121.

XVII ს-შიც კი, როდესაც საქართველო, წინანდელთან შედარებით. სხვადასხვა შემოსევების ნიადაგზე ეკონომიურად ჩამოქვეითებული იყო, მეხილეობა თანახმად შარდენის ცნობისა, მაინც მაღალ დონეზე მდგარა: ხილიც ძალიან კარგი იცის, ყოველგვარი ხილულობა მოდის. ევროპის არც ერთ ადგილას არ მოდის უკეთესი ვაშლი და მსხალი; აზიაშიც არსად არ მოდის უკეთესი ბროწეული<sup>102</sup>

ბროწეული მრავალგვარი ჭურისაა, რომელნიც ერთმანეთისაგან განირჩევიან გემოვნებით, სიმსხოთი, ფერით, დამწიფების დროით და მცენარის აგებულებით.

ეთნოგრაფიულ სინამდვილეში ბროწეულს გემოვნების მიხედვით არჩევენ შემდეგი სახისას: მქავე, მალა—მოტკბო-მომკაო, ტკბილი და წილიანი. წილიან ბროწეულს უწოდებენ თეთრ მარცვალას, როდესაც დაუმწიფებელია. სოფ. ძვ. ანაგის მცბრ. მიხა სოლომ. ქე ბეგიაშვილის (98 წ., 1959 წ.) გადმოცემით. „ხირხატ ადგილზე რო დაიციხება და ველარ შემოვა მაშინ იცის თეთრი და წვრილი მარცვალი, ამიტომაც წილიან ბროწეულს ვეძახით“-ო. მისივე გადმოცემით, ნამუშევარ ადგილას ბროწეული უფრო მსხვილსა და გემოწმინდას ისხამს—ნამეტნავად კი მაშინ თუ ვრიც პატივს ჩაუყრი“-ო. აღნიშნული წესით სასურველი გემოვნებისა და მოცულობის ნაყოფის მიღების დამოწმება (ძველი ანაგა, ყარაღაჯი, ბაკურციხე) მით უფრო საინტერესოა, რომ იგი ძველ რომშიც ცნობილ წესს უკავშირდება. სადაც ვარონს რჩევით თუ ბროწეული მქავეს ისხამს მაშინ ურჩევდა მისთვის ფესვებში ჩაეყარათ ღორის პატივი, ან ადამიანის განავლიანი წყლით წელიწადში ოთხჯერ ნოერწყოთ, რის შემდეგაც იმავე წელს მოისხამს ღვინის გემოსას, ხოლო მომავალი წლიდან კი ტკბილს<sup>103</sup>.

ბროწეულის პროდუქტიულობა ყოფაში მეტად მდიდრად წარმოგვიდგება. მისგან ამზადებენ ჟელეს, სხვადასხვა სასმელებს; ნაყოფის ქერქს ხმარობდნენ ძაფებისა და კვირცხების შესაღებადად. ზალხურ მედიცინაში მის წვენს იყენებდნენ გულის რევისა და ყელის ტკივილის დროს; ნაყოფის დანაყულ ქერქს ციებ-ცხელების, კუჭის აშლილობისა და მუცლის ქირს საწინააღმდეგოდ; ხოლო ტოტების ქერქს დაბახანებში ტყავების შავად გამოსაყვანად და ა. შ.

<sup>102</sup> ე. შარდენი, მოგზაურობა საქართველოში, თბილისი, 1935, 82.

<sup>103</sup> Катон, Варрон, Колумелла, Плиний, О сельском хозяйстве, Москва, 1957, стр. 262.

აღსანიშნავია, რომ ბროწეულის ეკრქს იმდენად დიდი გამოყენება აღმოჩნდა, რომ ძველად პატარძლის სამზიფო სიაში თავის ტკივილის წამლად განსაზღვრული რაოდენობის ბროწეულის ქერქიც შედიოდა<sup>104</sup>. ძველი სამკურნალო წამლებიდან ჩანს, რომ მისი გული აღარდენი თირკმელის ტკივილის დროსაც გამოიყენებოდა: — „აღარდენი მკავისა ბროწეულისა და ქუნჯითი გაქურცნილი... ნუშის ზეთითა და თაფლით შეზელილი-“ო. ასევე გამოიყენებოდა მისი ყვავილები და ა. შ<sup>105</sup>.

სამკურნალო დანიშნულებისათვის განსაკუთრებით ფართოდ იყენებდნენ მკავე ბროწეულს, რომელსაც მთბრ. გადმოცემით „ყულის ტკივილასას შევწავთ მერე დავეჩამთ და ისე შემოვადებთ. ან გულს გამოვაცილით გავშლით ტაფაზე, გავათბობთ და ნაქერზე გაშლილს შემოვადებთ ყელზე და ამავე დროს იგრე მარცვლებსაც ვაყლდაპებთ“-ო. მათივე გადმოცემით, „ტიტიბს“—ბროწეულის ქერქს. გარდა საღებავისა იყენებენ კუქის ტკივილისას, რომელსაც „ვხარშავთ წითელ ღვინოში და მოხარშულ წვენს ვასმევთ“.

მკურნალობის ძველი ხერხებიდან რამდენიმე მათგანი დღევანდელმა ეთნოგრაფიულმა ყოფამაც შემოგვინახა, სადაც უნდა აღინიშნოს მისი ქერქის—აღმ. საქართველოში „ტიტიბად“ ცნობილ ნახარში შეშის სუფთა ნაცარის და ქალის რძეში არეული წამლის ნიციემა ძუძუთა ბავშვის მუცლის გვრემის დროს.

ბროწეულის ფართოდ გამოყენება საქართველოში უძველესი დროიდანვე უნდა მომდინარეობდეს და საფიქრებელია, რომ სტრაბონის ცნობა მკენარეული საღებავების შესახებ ტიტიბსაც უნდა გულისხმობდეს<sup>106</sup>.

ბროწეულის ნაყოფის წვენის ფართოდ გამოყენებაზე მიუთითებს დღევანდელ ეთნოგრაფიულ სინამდვილეში შემორჩენილი ხის მასალისაგან დამზადებული სპეციალური საქაჯავები, რომლებიც საქართველოს სინამდვილეშია დამოწმებული. მის გამონადენ წვენს მოდუღებული სახით ინახავენ, როგორც ტკბილს—სასმელად, ისე ჭკავეს—სამზარეულოდ. რომელსაც მაშარაფს უწოდებენ. აღსანიშნავია ბროწეულის წვენის ღვინო, რომელზედაც სწარტულად არის გამოთქმული ხალხურ ლექსებშიც:

<sup>104</sup> ი. გ რ ი შ ა შ ვ ი ლ ი, დასახ. შრომა, გვ. 63.

<sup>105</sup> ზ ა ზ ა ფ ა ნ ა ს კ ე რ ტ ე ლ - ი - ი - ი - ი შ ვ ი ლ ი, დას. შრომა, გვ. 112. 116, 189, 149, 191, 213.

<sup>106</sup> თ. ყ ა უ ხ ჩ ი შ ვ ი ლ ი, სტრაბონის გეოგრაფია, თბილისი, 1953 გვ. 156.

უნივერსალური სოც. გაქმნა.  
მონათვის მოგაქარავო.  
ბროწეულის ღვინო გასვი.  
წავალი ან მოგაქარავო 17.

განსაკუთრებით უნდა აღინიშნოს ბროწეულის როლი ქართველი ხალხის უძველეს რწმენა-წარმოდგენებში, რომლის ნაყოფსა და ზეს სხვადასხვა რიტუალური დანიშნულებისამებრ იყენებდნენ. კახეთის სინამდვილეში დამოწმებულია, რომ „ყველიერში აღდგომის წინა დღეს, როცა მარხვა გაიხსნებოდა, ახალგაზრდები თავო-თავოს გავედოდნენ. სადაც ანკილის ან ბროწეულის ჯოხზე ჩამოცმული უნდა ყოფილიყო პური, ქადა, ყველი და სხვა. რომლითაც შვილოურბენდნენ ჯერ ოჯახის კარმიდამოს და მერე ეზოდან მოცილებით გავიდანდნენ და იქ დაარქობდნენ. რამდენიმე დღის მერე გავიდოდნენ. ნახავდნენ და თუ პური შექმული იყო იტყოდნენ თავყები გამოსულანო“. მთავობელთა გადმოცემით, შობა-ალილოობას ახალგაზრდები, რომ დადოდნენ. ხელში ბროწეულის ხისაგან გაძოთლილ „გუჯუთები“—ჯოხები უნდა სქეროდათ, რომელიც აქრელებულები იყო ხოლმეო. მათივე გადმოცემით, ბროწეულის ხისაგან უნდა ყოფილიყო გამოთლილი სადღეებლის „შუშუტა“—საპაე-რო. —ოდგანაც წმინდა და პარაქიანი ხეაო.

„ჩიჩილაკი“. რომელსაც ქართველი ხალხი საახალწლო ცერემონიალის დროს აწყობდა. მრავალტანიანი ხის მსგავსი საგანია და წარმოდგენს ბედნიერების. კეთილდღეობისა და დოვლათიანობის სიმბოლურ გამოსახულებას<sup>107</sup>. ჩიჩილაკზე ვ. ბარდაველიძის გამოავლევით. პირველ რიგში ხილეულიდან აუცილებლად უნდა ყოფილიყო ბროწეული<sup>108</sup>.

როგორც ს. შაკალათია აღნიშნავს „ბროწეულს მეგრელები ახალ წელიწადს ერთმანეთს ულოცავდნენ. ამ ხეხილის ნაყოფითა და ტოტებით შემკულია ხშირად ქართული ძველი ტაძრების ჩუქურთმები და ხატები, ამიტომ შესაძლებელია ვიფიქროთ, რომ ბროწეულის ხეც მზის ღვთაების საკუთრებას შეადგენს და მის წმინდა ხეი-

<sup>107</sup> გ. სონღელაძე ვ. ლ. ხალხური ზეპირსიტყვიერების მასალები, თბილისი. 1955, ტ. I, გვ. 137.

<sup>108</sup> ვ. ბარდაველიძე. ქართველთა უძველესი სარწმუნოების ისტორიიდან (ღვთაება პარბარი — ბაბარი). თბილისი, 1941, გვ. 74.

<sup>109</sup> В. В. Бардавелидзе, Древнейшие религиозные верования и обрядовое графическое искусство грузинских племен, Тбилиси, 1957, стр. 76.

ჯახს ამშვენებს“<sup>110</sup>. მისივე სიტყვით ბროწეულს ძველ აღმოსავლეთში, სირია-ელამში (ძხის) ასტრას სწირავდნენ, როგორც ნაყოფიერების სიმბოლოს.

გარდა ყოველივე ზემოთ აღნიშნულისა ბროწეულს ქართველი ხალხი დიდად აფასებდა, როგორც ყვავილის მხრივ ბალ-წალკოტების დასამშვენებლად, ისე ნაყოფისათვის, რაც კარგად აქვს გადმოცემული გარს. ჩოლოყაშვილსაც:

„ბროწეულმა სთქვა: ვერ უბნობთ მართლეთა სამართალითა, ჩემს უტურფესი ნაყოფი არვის უნახავს თვლითა, მე ჩემსა ხესა მოვჯახმავ, უცხოდ შევა-(მ)კობ ხალითა, სუფრას ავახსებ ნიადაგ იაგუნდითა, ლალითა“<sup>111</sup>.

ბ ა ლ ი და ა ლ უ ბ ა ლ ი ქართველი ხალხის სამეურნეო ყოფაში ძველთაგანვე საკმაოდ გავრცელებული იყო, რადგანაც წერილობითა შორის ყველაზე ხელმისაწვდომია, როგორც გამრავლებით, ისე ყოველწლიური მოსავლიანობის მხრივ. გარდა ამისა მას ბიწების განსაკუთრებული ადგილები არ უნდოდა, როგორც ვაშლისა და მსხლის ხეს, რომლებიც ძირითადად მემამულეებს ხელში იყო თავმოყრილი.

საქართველოში ბალი ფართოდაა გავრცელებული, რომელიც გარეული სახით „ბალამწარის“ სახელწოდებით გვხვდება. როგორც ყოფაშია დამოწმებული, მას ბალამწარს იმისათვის უწოდებდნენ, რომ ის ძირითადად მწარე გემოსია.

ვ. ბიბილაშვილის მტკიცებით ბალი პირველად მოხსენებული აქვს IV ს-ში ჩვ. ერამდე თეოფრასტეს<sup>112</sup>; ხოლო ძველი ნოვგოროდის (რსრ) გათხრისას (10—13 სს.) ნაპოვნია ბლის კურკა და სხვადასხვა თესლეული<sup>113</sup>, რაც მის ძველ წარსულზე მიგვიჩივებს.

ბლითა და ალუბლით მდიდარ ქვეყნად მიიჩნევენ აგრეთვე თურქეთს, სადაც მარტო გარეული სახის 8 ჯიშია დამოწმებული<sup>114</sup>.

ქართულ ჯიშებში ივ. ჭავჭავაძის მიერ ჩამოთვლის: გოგრა ბალი, შავი ბალი, ადრეულა, გვიანა<sup>115</sup>. ხოლო საინგილოს ჯიშებიდან ზე-

<sup>110</sup> ს. მ ა კ ა ლ ა თ ი ა. ახალწელიწადი საქართველოში, თბილისი, 1927,

გვ. 38.

<sup>111</sup> ანთოლოგია, გვ. 65, ტაეპი 16.

<sup>112</sup> ვ. ბ ი ბ ი ლ ე ი შ ვ ი ლ ი, დასახ. შრომა, გვ. 111.

<sup>113</sup> БСЭ, том 33, стр. 267 (1955).

<sup>114</sup> П. М. Жуковский, Земледельческая Турция, Москва, 1933'

стр. 664.

<sup>115</sup> ივ. ჭ ა ვ ა ხ ი შ ვ ი ლ ი, ხელნაწ. ფონდი, გვ. 37.

მთ ჩამოთვლილს ემატება ქალა ბალი. ბალდუნჰი ანუ ბალლი-  
ჯი, თეთრი ბალი და სხვა<sup>116</sup>.

აღმ. საქართველოს ეთნოგრაფიულ სინამდვილეში ჩვენ მიერ  
ღამოწმებულია ბლის შემდეგი ჯიშები: ალუბალი, გოგრა ბალი, შავი  
ბალი. მაისის ბალი, გვიანა ბალი, თეთრი სპანწყი, წითელი სპანწყი,  
პროლა ბალი. კოპორტულა (ნ. კეცხოველი). ქანჭურა, ყაჭა მბალი  
(შინამრეწ. მასალები), ქვიშნა მბალი (დილომი. სამეგრელო) და სხვა.

საქართველოში ბლის კულტურა რომ ძველთაგანვე ცნობილი  
იყო კარგად ჩანს, როგორც გეოგრაფიულ სახელწოდებებიდან, ისე  
რიგ ტერმინოლოგიიდან, მაგ. „ახალბალობა“ ხეხილის პირველად  
შემოსვლის დროის აღმნიშვნელი ტერმინი ყოფილა და ა. შ.

ბლის ჯიშებიდან ყოფაში განსაკუთრებული ადგილი უკავია  
ალუბლის გამოყენებას. ალუბალი თავის მხრივ მისი გემოვნებისა  
და შეხედულობის წყალობით იყოფა რამდენიმე ჯურად, რომელსაც  
გამოცდილი მებაღეები ამჩნევენ. ალუბლის კულტურა საქართვე-  
ლოს ტერიტორიაზე უძველესი დროიდანვე იყო გამრავლებული.  
ლუკულუსმა, რომელიც მითრიდატეს წინააღმდეგ ომობდა შავი  
ღღის სანაპიროდან თავის ქვეყანაში წაიღო ალუბლის ერთ-ერთი  
ჯიში<sup>117</sup>.

ბლებისა და ალუბლისაგან ეთნოგრაფიულ ყოფაში ძხადდება:  
აერკი, მურაბა, „კრიანტელი“; ხოლო მისი ტოტების, ფოთლებისა  
და ქერქის მეშვეობით რეცხავენ ქვევრებს, სდებენ წნილებში და  
ა. შ. ამათგან აღსანიშნავია ქართულ სამზარეულოში ალუბლის გა-  
მოყენების ერთი წესთაგანი, რომელსაც შემზადების შემდეგ „კრი-  
ანტელი“ ეწოდება. ამ მიზნით მწიფე ალუბალს გამოჰყლეტავენ,  
კურკასა და ჩენჩოს გამოაცლიან (რისთვისაც საცერში გახეხავენ  
ხოლმე). შემდეგ ქონდრის ტოტებში გაატარებენ და წვრილად დაქ-  
რილი ხაზვით, ნიორით, კამით. ქინძით, პიტნით, რეპანით, კიტრითა  
და მარილით შეაზავენ.

ბლის კურკისაგან ზამთარში და გაზაფხულზე აკეთებენ კი-  
სელს, რომელიც ამავე დროს სამკურნალო დანიშნულებითაც გამო-  
იყენება; ხოლო ბალამწარის ქერქისაგან ხილის და მატყლის შესა-  
ნახავად ფართოდ ამზადებდნენ ხოკერებს, აკეთებენ ქვევრის  
სარეცხებსა და სხვა.

<sup>116</sup> საქართველოს საისტორიო და საეთნოგრაფიო საზოგადოების კრებული  
ტ. 11. ექვთ. თაყაიშვილის რედაქციით. თბილისი, 1911—13. გვ. 102.

<sup>117</sup> M. E. Сергеевко, დ.სახ. წიგნი. გვ. 87.

ძველ ხალხურ მედიცინაში სხვა ხილულთან ერთად, ავი სისხლისა და ღვიძლის ტკივილის მკურნალობისას, ბლის პროლუქტიც გამოიყენებოდა<sup>118</sup>.

აქვე უნდა აღინიშნოს, რომ აღმ. საქართველოს მთიანეთში მწარე ბლის—ბალამწარის ქერქს ფართოდ იყენებდნენ ცეცხლის ასანთებად. რომელსაც მთიულეთ-გუდამაყარში „ჩრაქეს“ უწოდებენ და კვარის მაგივრობას სწევს.

გარსევან ჩოლოყაშვილი თავის ხილთა ქებაში ბალს ათქმევი-  
ნებს:

„ამხანაგო. თქვენ ვერ იტყვით ჩემსა ძვირსა,  
ხესა ტურჯად ავაყუაებ. დაეაშვენებ ჩემსა ძირსა.  
თავსა მხოლოდ გადაეაქვევ. ლალისფერად შიგნით ქვირსა.  
შაქრის მსგავსად ვარდავიქვევ, რა ჩამიდებს კაცი პირსა“<sup>119</sup>.

თუთა საბა ორბელიანის განმარტებით სხვათა ენაა, ქართულად ყოლა ჰქვიანო, რომელიც დაბადების ქართულ თარგმანშიც გვხვდება „ვითარცა ყოლა რომელია ველთა ზედა სიმრავლით“<sup>120</sup>.

ივ. ჯავახიშვილის მტკიცებით ყოლისა და თუთის ძველი ქართული სახელი ყოფილა „ნეყვი“, რომელიც XVI ს. უხმარიათ. მისივე აზრით „ნეყვი გარეჯის უდაბნოს ჰქონია ძღვნად დადებული და ცნობილია ძველად კახეთის თუთით სიმდიდრე“-ო<sup>121</sup>. ისტორიულ წყაროებიდან ვიცით ჯერ კიდევ XVI ს-ში, კახეთი განვითარებული სოფლის მეურნეობის ქვეყანა იყო; შაჰ-აბასის არაერთგზის შემოსევამ ძირფესვიანად გაანადგურა და უკაცრიელი გახადა დასახლებული სოფლები. ამ შემოსევების დროს „გაიკაფა ბალ-ვენახები, ერთი ხნით მოისპო თუთისა და კაკლის ხეები, გაწყდა ოთხფეხი საქონელი“<sup>122</sup> და სხვა. თუთა ანუ ყოლა, რომელსაც გურია იმერეთში ბეოლოს, ხოლო ქართლ-კახეთში ფურცლითუთას, მქადას, მრეში დურცელს, ქიზიყში კი ჭალდას უწოდებენ ველური სახით, განსაკუთრებით გავრცელებული ყოფილა ჩინეთში და მისი პირველი გა-

<sup>118</sup> ზ ა ზ ა . . ფ ა ნ ა ს კ ე რ ტ ე ლ ი - ც ი ც ი შ ვ ი ლ ი , დასახ. შრომა, გვ. 104, 175.

<sup>119</sup> ანთოლოგია, გვ. 64, ტაეპი, 4.

<sup>120</sup> დაბადება (ბიბლია), თბილისი, 1884, გვ. 885.

<sup>121</sup> ივ. ჯავახიშვილი, ხელნაწ. ფონდი, № 11, გვ. 72.

<sup>122</sup> ვ. ბერძენიშვილი, ვ. დონდუა, მ. დუმბაძე, გ. მელიქიშვილი, შ. მესხია, პ. რატიანი, დასახელებული შრომა, გვ. 293.

ჩენის ადგილად სპეციალისტები იმავე ქვეყანას მიიჩნევენ. მაგრამ ეს იმდენად სასარგებლო მცენარეა, რომ ჯერ კიდევ დღეი ხნის წინათ—სწრაფად გავრცელებულა მსოფლიოს თითქმის ყველა ქვეყანაში. ვ. პენის აზრით, თუთის ხე აღმოსავლური წარმოშობისაა. რომელიც ძალიან ადრე გავრცელდა დასავლეთში<sup>123</sup>.

საქართველოს ქალისა და ვაკის ტყეებში თუთა ველური სახითაც გვხვდება, რომელსაც ბოტანიკოსი სპეციალისტები კულტურულიდან გაგარეულებულად მიიჩნევენ<sup>124</sup>.

თუთა ყველგან კარგად ხარობს გარდა ცივი ადგილებისა; უყვარს მყუდრო და ხმელი ნიადაგები, ნესტიან ნიადაგს ვერ იტანს.

აღმ. საქართველოში ცნობილია თეთრი თუთა, რომელსაც ჯალღასაც უწოდებენ (კახეთი), ჭროლა ანუ მრეში. შავი, წითელი და ზართუთის ჯიშები; ზოლო ნაყოფმომცემიანობის თვალსაზრისით უოფაში არჩევენ: „უშვილო“ — უნაყოფო (ქართლი) და მამალ (კახეთი) იგივე უნაყოფო თუთის ჯიშებს, რომელსაც ქართლ-კახეთში მჭადა ფურცელსაც უწოდებენ (მაყაშვილი, ბოტანიკური ლექსიკონი). თუთის კულტურის ფართო გამრავლების მიზეზი ძველ საქართველოში მისი ნაყოფის, ხის მასალისა და რაც მთავარია ფოთლის აბრეშუმის ჰიისათვის საკვებად გამოყენება იყო. აბრეშუმის ჰიის საკვებად საქართველოში განსაკუთრებით ამჟობინებდნენ დაუმყნელ თეთრ თუთას, რომელსაც „ქართულს“ (კახეთი). „ძველებურს“, „ჩვენებურს“ (გურია-იმერეთი, სამეგრელო) უწოდებდნენ<sup>125</sup>. უნდა აღინიშნოს, რომ დღევანდელი ეთნოგრაფიული მასალები გვიჩვენებს, რომ თეთრი თუთის ჯიშები უფრო ფართოდაა გამრავლებული ვიდრე შავი თუთისა.

თუთის ნაყოფისაგან საქართველოში აკეთებენ: კერკს, რომელსაც ახმობენ, ფქვავენ და ტკბილ კვერებს აცხობენ. ხარშავენ ტკბილს (ბადაგს), ბაქმაზს, აკეთებენ თათარას. ხდიან არაყს. სჭამენ ნედლად, კვებავენ წვრილფეხს და ა. შ. კარგად შეზავებული მამარაფის—ხართუთის ბაქმაზი,—აღნ. მთხრ. ნატა სონდულაშვილი (ს. დილომი) უებარი წამალია ყელის ტკივილის დროს. რომელიც ასუფთავებს სიმსივნისაგანაო. მის სამკურნალო თვისებებზე ზაზა

<sup>123</sup> В. Г е н, Культурные растения и домашние животные в их переходе из Азии в Грецию и Италию, а также в остальную Европу. СПб. 1872, стр. 221.

<sup>124</sup> Б. კ ე ტ ხ ი ვ ე ლ ი, დასახ. შრომა, გვ. 315.

<sup>125</sup> Б. ა ბ ე ს ა ძ ე, შეაბრეშუმეობა საქართველოში, თბილისი, 1957, გვ. 21.

დენასკერტელ-ციციშვილს აღნიშნული აქვს. „ტუტისა შარაბისა ხა-  
სიათი ერგების ტკვილსა ყიისასა და სიმსივნესა მისისა და ხუნაყ-  
სა მარჩობელისა სარგებელია—აილე ტუტა შავი მწიფე და გამოს-  
წურე და წასწურო მისგან 10 ლიტრა წყალი... ცეცხლზე შეასქე-  
ლე“<sup>126</sup>.

თუთის მასალა ქვირფასია სხვადასხვა მუსიკალურ საკრავების,  
სისმისების. ხის დასამუშავებელი იარაღებისა და ავეჯის დასამზა-  
დებლად. თუთის ხე როგორც გამძლე მასალა გამოიყენებოდა აგ-  
ოეთვე ციხე-გალაენებისა და ბალ-ვენახების შემოსაზღვრავად, რაც  
კარგად ჩანს ძველი ხალხური ზეპირსიტყვიერებიდანაც:

„იასე მეფე მობრძანდა. დაქდა ქალაქის პირსაო,  
ვარს გაღავანი მოივლო გათლილი თუთის ხისაო.  
შივ ბალი-ბალია ჩაყარა. სულ არჩეული ხისაო“<sup>127</sup>.

ქართველ ხალხში თუთის ხისადმი თაყვანისცემა, როგორც  
წმინდა ხისადმი, ოდითგანვე მომდინარეობს, რაც კარგად ჩანს სხვა-  
დასხვა რწმენა-წარმოდგენებსა და ეზო-კარმიდამოებზე მისი დარ-  
ჯვის აღცილებლობით.

ვ. ბარდაველიძის გამოკვლევით. ქართული სიმღერის „ნანას“  
ზოგი ნაწილის შიხედვით, „ბატონები“ ცხოვრობენ იების და ვარ-  
დების ბაღში ან თეთრი თუთის ხეზე<sup>128</sup>, რაც ნათლად ჩანს ხალხურ-  
ი იავნანის ტექსტიდანაც:

„ბატონების ბაღშიაო. იავ-ნანიანაო.  
თეთრი თუთა ასხიაო, იავ-ნანიანაო“<sup>129</sup>.

ს. მაკალათიას გამოკვლევით კი თუთის ხის ყლორტები ძველად  
საახალწლო ცერემონიალის დროს ერთ-ერთი მისალოცი ყოფილა<sup>130</sup>.

თუთის ნაყოფის პროდუქტიდან აღსანიშნავია ეთნოგრაფიულ  
სინამდვილეში დამოწმებული ტკბილი წვენის — ბადაგის შო-  
დულებისა და ტყლაპის გაკეთების წესი. მთხრობელთა გადმოცემით

<sup>126</sup> ზ ა ზ ა ფ ა ნ ა ს კ ე რ ტ ე ლ ი - ც ი ც ი შ ვ ი ლ ი, დასახ. შრომა, გვ. 263.

<sup>127</sup> ვ. უ მ ი კ ა შ ვ ი ლ ი, ხალხური სიტყვიერება, ნაწ. I, თბილისი, 1937, გვ. 95.

<sup>128</sup> В. В. Бардавелидзе, Древнейшие религиозные верования и обрядовое графическое искусство грузинск. племен, Тбилиси, 1957, стр. 79.

<sup>129</sup> ა ნ. ე რ ი ს თ ა ე ი - ხ ო შ ტ ა რ ი ა, მოთხრობები, თბილისი, 1934, გვ. 6.

<sup>130</sup> ს. მაკალათია, დასახ. შრომა, გვ. 17.

სუფთად დარბეულ...დაქანებულ“ თუთას ჩაყრიდნენ ტომარაში, ტომარას ჩადებდნენ ხის ვარცლში, ზემოდან ფიცრებს დააწყობდნენ და დიდ ქვებს დაალაგებდნენ. ამ წესით გამოწურულ წვეს სერე სუფთად გადასწურავენ ქვაბში, პირველი ადულების შემდეგ ქაფს იზონდიდნენ და ქურქელში პირმოკრულად შეისახავდნენ. მათივე გადმოცემით „კუდი ნადული ერთ თვემდე, ხოლო კარგი ნადულა ერთ წელსაც სძლებს“-ო. თუთის გამოსაწურავედ, როგორც წინა ნაწილშიც გვქონდა აღნიშნული სპეციალური ხილის საწური ხელსაწყოებიც იყო გამოყენებული. თუთის წვენიშვი მესხები თითქმის ყველა ხილის ჩირს ავლებდნენ, რაც მათი გადმოცემით აძლევის სიტკბოს, არ უჩენს ატლსა და კარგად ინახავს. როგორც გასული საუკუნის მეორე ნახევრის ცნობიდანაც ჩანს, თუთისაგან ბაქმანისა და ტყლაპის დამზადებას ხეობა აღნიშნული წვესის მსგავსად მესხეთ-ჯავახეთში ფართოდ მისდევდნენ.<sup>111</sup>

თუთის სამკურნალო დანიშნულებით გამოყენებისას ყოფაში არჩევენ ხართუთის ბაქმანს, რომელიც გასსაყუთრებით კარგ წამალს წარმოადგენს ყელის ტკივილის დროს. ხოლო მის ქერქსა და ფესვებს ხმარობდნენ ხალხურ მედიცინაში ბრტყელი კიის წინამდებ. რომელთაც ხარშავდნენ წყალში და გაციებული ნახარშის წვენს ავადმყოფს უზმოზე დაალევიანებდნენ. ამ მიზნით დილით უზმოზე სასარგებლოა აგრეთვე თუთის ნედლად ქამაც. ამის გამო. აღიიწნავენ მთხრობელები—„თითო-ოროლა მაშარაფის ხე ყველას გვედგა და რაკი ისე დიდი იზრდება, რომ ვერც კი ვლევდით. მისგან არაყსაც კი ვხდიდით ხოლმე“-ო (სოფ. დილოში). მათივე გადმოცემით „მაშარაფი“<sup>112</sup> ანუ ხართუთა ძველად ძალიან გამრავლებული ყოფილა და მართალია ის ცოტა გვიან შემოდიოდა. მაგრამ გვიან შემოდგომამდეც არ ილეოდა და თუ კარგად არ დაშავდებოდა ხელითაც კი ვერ მოგლეჩამდი“-ო. თუთისა და ხართუთის ფართო გამრავლებასზე მიუთითებს ვახუშტი ბატონიშვილიც. რომელსაც თუთა და ხართუთა ცალ-ცალკე აქვს მოხსენებული.

**ზღმარტლი.** საბას განმარტებით იგივე ხუთგულაა, რომელიც ძველ ქართულში ხმარებულა. საქართველოში ის ფართოდაა გავრცელებული, როგორც ველური ისე კულტურული სახით. ზღმარტლის კულტურა ჩვენი ქვეყნის ფლორისათვის უძველესი დროი-

<sup>111</sup> X. A. Вермишев, МИЭБГКЗК. I-III, Ахалцхский и Ахал-калякский уезды, 1886, стр. 135.

<sup>112</sup> მაშარაფი-მაშარაბი. ხილის წვენი მოღებულა. ძველი საქართველო. ტ. II. გვ. 14.

დანვე ყოფილა დამახასიათებელი და როგორც პ. ეუეკოესკი აღნიშნავს „შორეულ წარსულში კავკასიის ხალხთაგან იგი უბრალოდ მოშინაურებული იყო“<sup>33</sup>.

როგორც აღმ. ისე დასავლ. საქართველოს ტყეებში და განსაკუთრებით ტყის პირებში. გარეული ზღმარტლისაგან გაუვალი ზუჩქები და ხეები შექმნილი, რაც უდაოდ მისი დიდი ხნის წარსულზე მიგვითითებს.

იმის მიხედვით, რომ ძველთაგანვე ჩვენში იცნობდნენ, როგორც გარეულ ისე მოშინაურებულ ზღმარტლს, ყოფაში არჩევენ ტყიურსა და ბალურს, რომელნიც აშკარად განირჩევიან ერთმანეთისაგან. მთხრობელთა გადმოცემით ბალური ზღმარტლი მსხვილია, პირგადაშლილი და უფრო ბრტყელი. რომლის ხეც ღონაერი, დიდ ფოთოლაა. ხოლო ტყისა წვრილია. მისი ნაყოფი „ცერათისს არ ასცდება“, წვეტიანია. პირდახურული, შედარებით მწკლატე, თვით ხემ იცის ეკლები და წვრილი ფოთოლი.

ზღმარტლი გვარობს ყველგან. ყველა ნიადაგზე. მას არ ეშინია ზიციხე-სიცივის. დამწიფებამდე ნაყოფი იცის ბუსუსიანი. რომელსაც აცივებისთანავე კარგავს. ზღმარტლს განსაკუთრებით ფართოდ იყენებდნენ კახეთისა და მთიულეთ-გუდამაყარის მოსახლეობა, სადაც დიდი რაოდენობით ეზიდებოდნენ ტყიდან და ნედლად ხმარებასთან ერთად სდებდნენ წნილად: სხვადასხვა წესებით ინახავდნენ „ცოცხლად: აკეთებდნენ საშემელებს და სხვა. ყვარელის რაიონის სოფ. გრემის მცხრ. ვანო აგლაძის გადმოცემით „ზღმარტლა ახლო-მახლო ტყეებში ბევრია, რომელიც ჯორებით ჩამოგვექონდა ხოლმე. ვკრეფდით გვიან შემოდგომით და რაც უფრო გვიან ჩამოიტან უფრო უჯობს. რადგანაც სიცივე უნდა მოხვდეს. მისივე გადმოცემით ზღმარტლი ხეზე ძიენ ძნელად მწიფს. ხოლო მოკრეფიდან 10—12 დღის მერე კი უკვე სიმწიფეში შედის, რომელსაც დროდადრო გადავარჩევთ. მწიფეს—„ჩაშავებულს“ გამოვიღებთ და იკრევე გაშლილს დავტოვთ“. ზღმარტლი ნედლი სახით ინახება იანვრამდე, ხოლო თუ სქლად არის დაყრილი მაშინ მალე ფუჭდება—„ჩახურება“ იცის.

მთიულეთში. ისევე როგორც ზოგიერთ სხვა ხილს, ზღმარტლსაც უმარტილო და მარტილიან წყალში ინახავენ, რომელსაც ზამთრობით შეექცევიან ან შექამანდს აკეთებენ. ზღმარტლის შექამანდს მწიფე

<sup>33</sup> П. М. Жуковский, Культурные растения их сородичи, 1950, Москва, стр. 229.

ნაყოფისაგან ამზადდებდნენ, რომელსაც ამოკულიტავენ აუღუღარ წყალში და თხელ ნაქერში გაწურავენ, ხოლო ხშირად მოუღუღარს შაქრის ფხვნილს მოაყრიან და ისე შეექცევიან. მთხრობელთა გადმოცემით, ზღმარტლის ქამა ან წვენის დაღვევა საუკეთესო წამალია კუქის აშლილობისას.

როგორც ცნობილია, ხილეულის უმეტეს ნაწილს განსაკუთრებით ხმარობენ პწყემსები და ისინი კარგადაც იცნობენ თავიანთ ნხარეში გავრცელებული ხილის დადებით-უარყოფით თვისებებს. სოფ. კიკანის (დუშეთის რ-ნი) მცბრ. გიორგი ბერასძე კიკაიძის გადმოცემით „როდესაც ახლად მოკრეფილი ზღმარტლის მალე დამწიფება გვინდოდა, მაშინ მას გულაში ჩაყვრიდით, პირს წავიკრავდით და ისე ვაგორავებდით ან ზედაც შევდგებოდით, რომ კარგად დაეეცილიყო. აღნიშნული ხერხით ზღმარტლი 1-2 დღეში მწიფდებოდა, ხოლო ვისაც დიდხინით შესანახავად უნდოდა, მაშინ ახლად მოკრეფილს ქვევრში ჩაყრიდა, წყალს დაასხამდა და გაზაფხულამდე კარგად სძლებდა ხოლმე“.

ზღმარტლისაგან აკეთებენ ძმარსაც, ხდიან არაყს, ხოლო მასალისაგან სხვადასხვა ხელსაწყოს და სამეურნეო იარაღებს, მათ შორის კოვზებს, რადგანაც მისი მასალა გამძლეა და მაგარი.

ზღმარტლი მრავლდება: თესლით, ბარტყებით, ნამყენს აკეთებენ თვით გარეულ ზღმარტლზე და კუნელზე, რომლის მყნობა შეიძლება მარტივად ივნისის თვემდე.

შინდი გარეული სახით ფართოდაა გავრცელებული განსაკუთრებით აღმ. საქართველოს მუხნარ-რცხილნარ ტყეებში, არაწაკლებად გვხვდება ტყიდან ჩამოტანილი მყნობის გზით გაკულტურებული შინდიც, რომელიც ძირითადად ორი ჯურისა არსებობს: წითელი და თეთრი ანუ ყვითელი. განსაკუთრებით გამრავლებულია წითელი შინდი, ხოლო თეთრი, რომელსაც კახეთში „ფაშა“ შინდსაც უწოდებენ, გარეული სახით თითქმის იშვიათად გვხვდება. მას უყვარს მაგარი და ურწყავი ადგილები, რის გამოც მას ცოცხალი ღობეების მაგივრადაც იყენებენ. ყვავის ყველაზე ადრე და მწიფს ყველაზე გვიან. შინდის ამგვარი თვისების გამოსახატავად ხალხში შემდეგი გადმოცემა არსებობს: „როდესაც დათვმა დაინახა ადრე აყვავებული ხე, ის ძირში წამოუწვა, დაუწყო ლოდინი მის დამწიფებას, მაგრამ ამაოდ, რადგანაც ის დაყვავილებასთან შედარებით გვიან მწიფდება, ამის გამო იტყვიან ხოლმე — შინდმა დათვი მოატყუა“-ო.

შინდი მიუხედავად იმისა, რომ სულ ორი ჯიშისაა მათ შორის ვხვდებით სხვადასხვა შეფერილობის, მოყვანილობისა და გემოვნებისას. მისი ნაყოფი სიმწიფეში გამოირჩევა თავისი სილამაზით, რომელსაც განსაკუთრებით საამოვნებით უყურებენ ქალები. აი რას ათქმევინებს შინდს გარსევან ჩოლოყაშვილი:

„შინდმ. სთქუა: „ტუყა ხალი ვარ. არ ვაგვოფერ ლალშია.  
რა დამინახვენ ქალები. მოვეწონები თვალშია.  
ტანის-სამოსის კალთასა ზეჲ-ღ ჩავაგდებ ძალშია.  
მამწევეტენ უკუმიგდებენ. უკუმიყრიან გულშია“<sup>134</sup>.

შინდმა თავისი სილამაზით ოდითგანვე მიიქცია ყურადღება, რადგანაც საფიქრებელია საქ. ტერიტორიაზე აღმოჩენილი უამრავი არქეოლოგიური მასალა (გიშრის, ლალის ქვისა და სხვა), რომელიც უძველეს დროშივე ქალის სამკაულებს წარმოადგენდა, სწორედ მისგან გაღმოდებული ფორმით იყოს ნაკეთები.

„ცხეთასა და არმაზში „დვა ხეი შუენიერნი ბრინჯისაი—ნათქვამია ჴშინდა ნინოს ცხოვრებაში—მაღალი და რტომრავალი“ო, რაც იმას ნიშნავს. რომ აქ ნაგულისხმებია შვინდის ხე, რომელიც სანაყოფედ და საჩრდილობლად იყო გაშენებული<sup>135</sup>.

შინდი მისი სილამაზესთან ერთად გამოიყენება როგორც საკვები ისე სამკურნალო დანიშნულებით, ხოლო მასალა სხვადასხვა სამეურნეო იარაღების დასამზადებლად.

შინდის ნაყოფისაგან ანობენ კერკს, ჩურჩას, აკეთებენ მურაბას, ტყლაპს, შექვამანდს, ხდიან არაყს, ხოლო მის ხეს იყენებენ წნელად, ყავარჯნად, უღლის ტაბიკებად, მეცხვარის კავებად, თითისტარებად და სხვა. აღსანიშნავია, რომ იოანე ბატონიშვილს საქართველოში თავის დროისათვის მიღებულ საქმელებთან ერთად შინდის ჩურჩა და მისი წვენიც აქვს ნახსენები<sup>136</sup>.

გერმანიაში შინდის დაუმწიფებელ ნაყოფს ხარშავენ დაფნის ცოთოლში, პიტნაში, ქონდარში და როცა მოიხარშება გააციებენ, სხვა ჭურჭელში გადაიღებენ, ზეთს დაასხამენ და ისე ინახავენ. აღნიშნული წესით დამზადებული შინდი იღებს ზეთის ხილის გემოს და მის მაგივრად ხმარობენ სუფრაზე.<sup>137</sup> იმავე ავტორის ცნობით

<sup>134</sup> ანთოლოგია. გვ. 65, ტ. 17.

<sup>135</sup> ივ. ჭავჭავაძის შვილი. დასახ. შრომა, ტ. 1, გვ. 279

<sup>136</sup> იოანე ბატონიშვილი, კალმასობა, გვ. 225.

<sup>137</sup> არჩ. დარეჯანაშვილი, დასახ. შრომა. გვ. 17.

წინდის გამხმარ ყვაილს ჩაის მაგივრად ხმარობენ „გულღებისა-და ხველების წინააღმდეგა“-ო.

წინდის კერკს, რომელსაც გათუთქვის ან ცოცხლად მზეზე გახ-  
ზობის წესით აკეთებენ გარდა შექამანდისა იყენებენ სხვადასხვა  
სორცეულის შესანელებლადაც. სხვა სამკურნალო თვისებებთან ერ-  
თად აღსანიშნავია მისი წვეწის დაღვეა უზმოზე, ოფლის დენისათ-  
ვის, სიცხის დასაწვევად და კუჭის გასასუფთავებლად, ხოლო კერკის  
ტკვილი მედიცინაში მიღებულია როგორც კუჭის აშლილობის სამ-  
კურნალო საშუალება<sup>138</sup>. იმავე ავტორის მტკიცებით ალუჩის  
ტყლაპთან ერთად ახალგაზრდა ზეთის ხილის ტოტები გამოიყენება  
შალის ქსოვილების ბორდოსფრად შესაღებავად<sup>139</sup> და სხვა.

კაკალი. სულხან საბა ორბელიანს, როგორც ნაწილობრივ  
წემოთაც გვქონდა აღნიშნული, ხილეულის სამი სახეობა აქვს მოხ-  
სენებული: ხიჩატელი, ზული და ხმილი. „ხულა ეწოდების ქერქთ  
მაგართა, ვიეთა: ნუშთა, ნიგოზთა, წაბლთა, ნაყეთა და მისთანა-  
თა“<sup>140</sup>. აღმ. საქართველოს ეთნოგრაფიულ სინამდვილეში კაკალს  
ნიგოზს ან ნიგეზის ხესაც უწოდებენ. ნიგეზის ხეს ძველ საქართვე-  
ლოში ძალიან აფასებდნენ, როგორც ნაყოფისათვის და სამასალედ,  
ისე საჩრდილოებლის თვალსაზრისით. უყვარს ნესტიანი და თბილი  
ადგილები, დიდ ყინვებს ვერ უძლებს, გვხვდება თითქმის ყველგან—  
საქართველოში, ხოლო მომეტებულად იმერეთში, საიდანაც მისი  
კულტურა თითქოს რომაელებს უნდა ჰქონდეთ გატანილიო.<sup>141</sup> ჩვენს  
ტყეებში საკმაო რაოდენობით გვხვდება, თუმცა ის ნ. კეცხოველის  
მტკიცებით მეორადი ე. ი. გაველურებული უნდა იყოსო. ერთი კი  
ნათელია, რომ საქართველოსათვის ის ძველისძველი კულტურა უნ-  
და იყოს, რაც ნაწილობრივ გეოგრაფიული სახელებიდან და ზოგი-  
ერთი ისტორიული წყაროებიდანაც ჩანს.

XVII საუკუნის პირველ ნახევარში შაჰ-აბასმა სხვა ხეხილთან  
ერთად კახეთში ძირფესვიანად ამოაგდებინა ნიგეზის ხეებიც, რაც იმ  
დროისათვის ფართოდ გამრავლებული უნდა ყოფილიყო. ნიგოზი,  
როგორც შემდგომი წყაროებიდანაც ჩანს. ისევ მალე გაუშენებიათ  
და XVIII საუკუნისათვის უკვე კარგად გამრავლებული ყოფილა  
(აღწ. სამეფ. საქართ-სა, „კალმასობა“). „აქ (საინგილოში)—აღნიშ-  
ნავს ავტორი—ბევრია კაკალი. რასაც ხელს უწყობს ყვა-

<sup>138</sup> В. А. Петров, დასახ. შრომა, გვ. 60.

<sup>139</sup> იქვე, გვ. 60.

<sup>140</sup> საბა, ლექსიკონი, გვ. 468.

<sup>141</sup> ძველი საქართველო, ექვთ. თაყაიშვილის რედაქციით. გვ. 103

ეების სიმრავლეს, რომელიც მაღლიდან აგდებს გასატეხად და ხშირად უადვილო ადგილას ვარდება და ასე ბევრი მრავლება“-ო!<sup>142</sup>

ნიგვზის ხე იზრდება დიდი. რის გამოც მას ბალ-ვენახებიდან მოცილებით აშენებენ, მისი ნაყოფი სხვადასხვა გვარისა გვხვდება: მრგვალი, მოკრძო და წვეტიანი, ხოლო მისი სიმეგრის თვალსაზრისით ყოფაში არჩევენ: თხელნაჭუჭა, სქელნაჭუჭა და კირკიტს!<sup>143</sup>

ვარდა ზემოთ აღნიშნულისა, ყოფაში კაკალს გემოვნებისა და მოყვანილობითაც არჩევენ. რის გამოც იტყვიან: „ფშითიანი“, „ზეთიანი“, „თხილა“, „წოპა“, „ჰილა კაკალი“, ხოლო საინგილოში არჩევენ: „ქონიან კაკალ“, „ჩუნგურა კაკალ“, „ფოხრუტ კაკალ“, „როფურ კაკალ“ და ა. შ.<sup>144</sup>

კაკლის ლებანი ანუ ნიგოზი განსაკუთრებული მოთხოვნით ხასიათდება ქართული ხალხის ყოფაში. მისგან ხდიდნენ ზეთს, აკეთებდნენ გოზინაყს, ჩურჩხელას, ხინკალს, ანელებენ საცივს, ლობიოს. ლოლოს. შექამანდს, მისი დახმარებით ამზადებენ სხვადასხვა საწებლებს, მისი შემოუსვლეელი ნაყოფისგან ხარშავენ ე. წ. „წენგოს მურაბას“ და სხვა. მისი შენახვა ხდება როგორც დამტკრებული ლებანის ისე კაკლად—ნაჭუჭიანი სახით.

როგორც ეთნოგრაფიული მასალები გვიჩვენებს, ხალხის დაკვირვებით კაკლის ყვავილის წვენს. რომელსაც თავლში ურევდნენ გამოიყენებოდა ყელის ტკივილისას, ხოლო ნაყოფის—წენგოიანი წვენის ნახარშს იყენებდნენ მუცლის ქიისა და სურავანდიანი ბავშვის გასაკურნავად. ხალხის დაკვირვებით კაკლის ფოთლის ნახარშით თავის დაბანვისას თმა მაგრდება, ხოლო ტანსაცმელის კარგად შენახვის მიზნით შიგ ფოთლების ჩაწყობით ჩრჩილი იხოცება.

როგორც აღვნიშნეთ, კაკლის ფართო გამოყენებას ისიც ემატება, რომ ძველად მისი წენგო და ფოთოლი შალის ქსოვილების ან ნაწარმის კარგი შესაღებავიც ყოფილა, რომელისაგანაც სხვადასხვა მეთოდებით იღებდნენ შავსა და ყვითელი ფერის საღებავებს!<sup>145</sup> ხოლო რაც შეეხება მის სამკურნალო თვისებებს ეს კარგად ჩანს ძველი ხალხური მკურნალობის წიგნიდანაც. მაგ. ხუნაგის, მუცლისა, გულისა და დაბეგვილი ტკივილების გასაკურნავად წამალში სათანადო რაოდენობით კაკლის სხვადასხვა ნაწარმსაც ურევდნენ!<sup>146</sup>

<sup>142</sup> ი. ქ. ვე.

<sup>143</sup> საკითხთან დაკავშირებით იხ. ვ. ჰიპაშვილის სადისერტაციო შრომა —კაკლის კულტურა ქართლში“, თბილისი, 1948.

<sup>144</sup> ივ. ჯავახიშვილის სახ. ისტორიის ინსტიტუტში დატული შინამრეწველობის მასალები, საინგილო, გვ. 393.

<sup>145</sup> П. Виноградов-Никитин, დასახ. შრომა, გვ. 157.

<sup>146</sup> ხ ა ხ ა თ ა ნ ა ს კ ე რ ტ ე ლ ი - ი ი ც ი შ ვ ი ლ ი, დასახ. შრომა, გვ. 225.

ცნობილია თვით კაკლის ხის მასალის მაღალი ღირსება და გამოყენება, რომელიც სხვადასხვა ზელსაწყო-იარაღებისა და საოჯახო დანიშნულების საგნების გასაკეთებლად იხმარება. როგორც კაკლით მდიდარი ქვეყანა, საქართველოს მოსახლეობა ძველად მას იყენებდა სამრეწველო დანიშნულებისათვის, რომელიც საზღვარგარეთაც გაჰქონდათ. სხვა უმარავ ცნობებთან ერთად ვ. კრივენკოს ცნობაც ადასტურებს, რომ საზღვარგარეთ ჯერ კიდევ ძველად განთქმული იყო კავკასიური ხე-ტყის მასალა, საიდანაც ყოველწლიურად გაჰქონდათ კაკლისა და პალმის ხეები.<sup>147</sup>

ნიგოზი რომ ძველადვე ქართული ნაციონალური საკმელებრს შესანელებელი და ფართო მოხმარების პროდუქტი იყო ეს კარგად ჩანს XVIII ს. სიტყვა-ვაზმულ ლიტერატურიდანაც. სადაც ნიგოზს ატქმევიანებენ:

„ნიგოზმან უთხრა. ვიკადრო მართალი. სწორი გულისა.  
მე ხე ვარ კარგი სახმარი საესე ლხინითა სრულითა,  
მასპინძელი ვარ ნიადაგ გულითა მხიარულითა,  
საქმლისა შემამკობელი, მაცხოვრებელი სულისა“<sup>148</sup>.

ნიგოზის ანუ კაკლის ხე ძველ საქართველოში წმინდა ხედ იყო მიჩნეული, რომელსაც ქართველი ხალხის რწმენა-წარმოდგენებში გარკვეული ადგილი ეჭირა. ამის გამო საქართველოში ეკლესია-მონასტრებთან და სხვა წმინდან ადგილებში ხშირად ვხვდებით კაკლის ხეებს, რომელთა მოკრა სარწმუნოებას ეწინააღმდეგებოდა.

საახალწლო ჩიჩილაკის მორთვისას ცნობილია, რომ სახლის პერიდან კაკლებს ჩამოიღებდნენ და წმინდანების სახელზე სტეხავდნენ. იმ შემთხვევაში, თუ რომელიმე ფუჭი გამოდგებოდა, იმავე წმინდანს ევედრებოდნენ და შესთხოვდნენ რათა ფათერაკისაგან დაეცვა მათი ოჯახი. ამ წესით კაკალს ამტერევედნენ ოჯახის ყველა წევრთათვის და ამით მომავალს უწინასწარმეტყველებდნენ<sup>149</sup>.

თ ხ ი ლ ი. ვახუშტი ბატონიშვილი იმ დროინდელი ბილეთლის ჩამოთვლისას შინაურ-კულტურულ თხილთან ერთად გარეულ—

<sup>147</sup> В. С. Кривенко, Очерки Кавказа, Санкт-Петербург, 1893 გვ. 103.

<sup>148</sup> ანთოლოგია, გვ. 65, ტ. 14.

<sup>149</sup> ს. მ ა კ ა ლ ა თ ი ა, დასახ. შრომა, გვ. 36.

ტყის თხილსა და დათვის თხილსაც იხსენიებს. და დღესაც „ჩვენში კელურად იზრდება“ რამდენიმე სახეობა, რომელთა შორის უნდა აღინიშნოს დიდ ხედ მოზარდი კირკიტნაყოფიანი ქართული თხილი, დათვის თხილი, კოლხური თხილი, იმერული თხილი, პონტური თხილი<sup>150</sup>, ძუძუთხილა და სხვა.

თხილის კულტურას ქართველი ხალხი ოდითგანვე იცნობდა, „ველი რომელი მწერლების ცნობებით თუ ვიმსჯელებთ (კოლუმელა, პლინიუსი) საბერძნეთში თხილს პონტოს ზღვის ქვეყნებიდან ეხილებოდნენ<sup>151</sup>. უუკოვსკის აზრით, თხილის გავრცელების არიალი ძალიან დიდია: ხმელთაშუა ზღვა, შავი ზღვის სანაპიროები, მცირე აზია და სხვა „ასე თუ ისე—აღნიშვანს ავტორი, ესენია მისი წარმოშობის კერები“<sup>152</sup>.

თხილის ხე ძალზე ამტანიანი კულტურაა, მას არ ეშინია სიციხესიცივისა, თუმცა ნესტიან ადგილებში კარგად ვერ გვარობს. ჩვენში განსაკუთრებით გამრავლებულია სამეგრელოსა და კახეთში, სადაც თხილნარების ტყეებიც კი გვხვდება. ეთნოგრაფიულ ყოფაში მას ფართოდ იყენებენ, შემოდგომით სპეციალურად მიდიან ტყეში და დიდი რაოდენობით ჩამოაქვთ, რაც ძირითადად ქალების საქმედ ითვლება. ხოლო იქ, სადაც მთებს მდინარეები ჩამოუდის, მოსახლეობა მდინარეზე ფაცრებს მართავდა. ფაცრები იმართებოდა ლასტებისა ან მსხვილი წნელების ჩაწყობით, რომელსაც გვერდებზე და ბოლოზე ფიჩხი ქონდა შემოწყობილი და ასე აგროვებდნენ<sup>153</sup>. ამ წესით შეგროვილ თხილს კარგად გაშრობის შემდეგ შშრალ ადგილას ტომრებში ინახავდნენ.

როგორც ზემოთაც გვქონდა აღნიშნული, ჩვენში თხილის მრავალი სახეობები არსებობს, ჯერ კიდევ ძველ საინგილოში იცნობდნენ ადრეულა, მოწითალო, მოწაბლისფრო, ქართულ, მოწითალო-წაბლისფრო, დუდრუან ანუ „ბერძნულად“ ცნობილ თხილს. ტყიურ ანუ გარეულსა და სხვა<sup>154</sup>.

თხილისაგან ხდიან ზეთს. აკეთებენ ჩურჩხელას, გოზინაყს, სქამენ ნედლად, ხმელად და ა. შ. საინგილოში ყველაზე გემრიელად ითვლება „ქარული“ თხილი. მიუხედავად იმისა, რომ ის ბერძნულ

<sup>150</sup> ნ. კეცხოველი, დასახ. შრომა, გვ. 325.

<sup>151</sup> П. М. Жуковский, Земледельческая Турция, გვ. 675.

<sup>152</sup> იქვე.

<sup>153</sup> ნ. კეცხოველი, დასახ. შრომა, გვ. 325.

<sup>154</sup> იქვე. თაყაიშვილი, ძე. საქართველო. თბილ-ს. 1911, 1913. ტ. II, გვ. 101.

თხილთან შედარებით წვრილია გემოვნებით ბევრად უსწრებს ბერძნულს. თხილის ჩამოტანისა ან დაბერტყვის დროს იმის მიხედვით თუ რამდენნაირი ჭურისაა ცალცალკე ინახავენ, რადგანაც ყველა ერთნაირად როდი ინარჩუნებს გემოვნებას. ზოგი მალე იფუტება, მძალდება და დროზე უნდა დაიხარჯოსო. იქ სადაც თხილს სამრეწველო ხასიათი აქვს სპეციალურად ახარისხებენ და საბაზრო სახელებსაც ადებენ. მაგ. ცნობილია, რომ თხილის საბაზრო წარმოების მხრივ თურქეთს პირველი ადგილი უჭირავს. სადაც ახარისხებენ და საბაზრო სახელებს ადებენ: 1. „Ташык“ — გრძელი, 2. „Сухри“ — გრძელწვეტიანი, 3. „Хашак“ ნუშისმაგვარი, რომელთა ერთმანეთში შერევა აკრძალულია<sup>155</sup>.

ეთნოგრაფიულ სინამდვილეში თხილის ხეს წმინდა ხედ მიიჩნევდნენ, რის გამოც საახალწლო ცერემონიალის მზადებისას ჩიჩილაკს მისგან თლიდნენ, რომელსაც რამდენიმე დღით ადრე წყალში ალბობდნენ და შემდეგ ფურცელ-ფურცელ დახუპუპებულად ძლიდნენ.

თხილის მასალა კარგია სხვადასხვა სამეურნეო იარაღების დასამზადებლად: კირნახულის კოდი (ერთი ასეთი უზარმაზარი თხილის კოდი შემორჩენილია გელათის მონასტერში), ფოცხებისა, არნადეჭისა და ორთითების გასაკეთებლად, ლასტებისა და გოდრების საწნავად, ხაქონლის რკალებად, სარებად და სხვა. თხილის მასალა მოქნილია, როცა ხმება მაგარია, ჰია ნაკლებად ეკარება და დიდხანს ძლებს. მთიულეთ-გუდამაყარში მის წნელს ფართოდ იყენებდნენ კალოს მოწყობისა და თვით სახლის „გასაწოლავად“ — გადასატიხრავად, რომელსაც მიწანარევი საქონლის პატივით ლესავდნენ.

ძველ ქართულ სიტყვა-კაზმულ მწერლობაში სხვა ხილთან ერთად თხილიცაა ნაქები:

...ოხილმან სთქვა: გადრო მართალი. ჩემი პანჯი გულსა.

მოჰყევით ტყვილ-ტყვილსა, მე ამან გამაგულისა.

სალხინოდ შესაქცევაოი მე ვარ ყოვლისა რჩელისა.

ვარ მატყვენელა კბილისა. მერმე დამწეული გულისა-<sup>156</sup>.

წ ა ბ ლ ი კავკასიისათვის უძველესი კულტურაა, საქართველოში ის გაველურებული სახით გვხვდება, რომელიც ხშირად წმინდა წაბლნარის ტყითაა წარმოდგენილი. საკვლევი რაიონებიდან წაბლი ყველაზე მეტი რაოდენობით გვხვდება კახეთის სინამდვილეში რო-

<sup>155</sup> П. М. Жуковский II, დასახ. ნომო. გვ. 675.

<sup>156</sup> ანთოლოგია, გვ. 64, ტაეპი 6.

ნელიც უ. კეცხოველის გამოკვლევით 1500 მ სიმაღლემდე გვარობს<sup>157</sup>.

წაბლის ნაყოფს სხვა გარეულ ხილთან ერთად კაცობრიობა უძველესი დროიდანვე თავის სასარგებლოდ იყენებდა. წაბლის ფართო დანიშნულება-გამოყენების ირგვლივ სხვა ისტორიულ წყაროებთან ერთად აღსანიშნავია IV საუკ. (ჩვ. ერამდე) ბერძენი ისტორიკოსის ქსენოფონტეს ცნობა, რომელსაც მოსინიკების აღწერისას აღნიშნული აქვს: „На кришах лежало много плоских каштанов без поперечных стенок. Мосиниики употребляют их в большом количестве в пищу, отваривая их и выпекая из них хлеб»<sup>158</sup>.

წაბლის ხე კავკასიაში, სახელდობრ ყარაბაღში, მკვლევართა გამოკვლევით გვიან—მესამეულის პერიოდშიც ყოფილა გავრცელებული.<sup>159</sup> ხოლო საქართველოს ტყეებისათვის ძველთაგანვე ტიპური დამახასიათებელი და ფრიად გავრცელებული, რომელსაც ვახუშტი ბატონიშვილი ტყის ხილში იხსენიებს<sup>160</sup>.

ეთნოგრაფიულ სინამდვილეში წაბლს, მისი ნაყოფის მოყვანილობის, ფერისა და გამოყენების თვალსაზრისით არჩევენ სხვადასხვა ჯურისას, მათ შორის აღსანიშნავია ჩვეულებრივი და ე. წ. „ცხენის წაბლი“, რომელიც მუშტის სიმსხოა და საკმელად გამოუსადეგარი. ცხენის წაბლი, რომ ძველთაგანვე საკმელად გამოუსადეგარი ყოფილა კარგად ჩანს საბას განმარტებიდანაც: „ცხენის-წაბლა სხუა რიგი წაბლია ხე შვენიერი, კაი ყუავილი და ხილი მწარე“ (იქვე აღნიშნავს) „ცხენის-წაბლა+და წმ. ეგნატეს წაბლა<sup>161</sup>“.

წაბლის ხე ყველგან გვარობს, ეჭვარება ქანჭრობი ადგილები და არც დიდი სიციხე-სიცივე უყვარს. ნაყოფს დიდი მოთხოვნილება აქვს, როგორც ჩვენთან ისე სხვა ქვეყნებშიც, ქამენ როგორც უმს, ისე მოხარშული სახით. გვიან შემოდგომას კახეთში ჩამოაქვთ დიდი რაოდენობით, სადაც ღამის თევითაც მიდიან ხოლმე. კარგად შემოსული წაბლი, მთხრობელთა გადმოცემით „გადაკუჭულია და შერხევისთანავე თვითონ ჩამოდის ხრიალით, ხოლო თუ ძალიან სუფთად გვინდა დავკრიფოთ მაშინ კაკალივით ვბერტყავთ ხოლმე“-ო. დაბერტყილ წაბლს ადგილზევე გადაარჩევენ, სახლში ჩამოტანისთანა-

<sup>157</sup> ნ. კეცხოველი, დასახელებული შრომა, გვ. 326.

<sup>158</sup> Ксенофонт, Анабасис, Москва, 1951, стр. 138.

<sup>159</sup> В. А. Петрова, დასახ. შრომა, გვ. 51.

<sup>160</sup> ვახუშტი ბატონიშვილი, დასახ. შრომა, გვ. 29.

<sup>161</sup> სულხან-საბა ორბელიანი, ლექსიკონი, გვ. 42.

ვე ცოტა ხანს მზეზე შეაფიცებენ (მიწაზე ან ტილოებზე გაშლილს) და შემდეგ ასევე გაშლილს მშრალ ადგილას ინახავენ. მისი ნაყოფი, კარგად შენახული, ძლებს გაზაფხულის ბოლომდე, რომელსაც შემდეგ უმეტესად მარილწყალში ხარშავენ, და ისე ქამენ, ხოლო ახალ ჩამოტანილს კი უფრო მოუხარშავად ან შემწვარი სახით იყენებენ. მისი ნაყოფი ფართოდ ყოფილა გამოყენებული საკონდიტრო წარმოებაშიც<sup>162</sup>. მართალია წაბლის ხის მასალა ძვირფასია სხვადასხვა საოჯახო ჭურჭლის დასამზადებლად, მაგრამ ყოფაში ტყეების გაკაფვისას, სხვა გარეულ ხილთან ერთად წაბლის ხესაც საკმაო რაოდენობით სტოვებენ. მთხრობელთა გადმოცემით: „ნაყოფმომცემი მცენარის მოჭრა დიდი ცოდვაა და თუ მოსჭერი ხატიც დაკწყევლის, ხეცა და ხალხიცა“-ო.

ეს ძველისძველი კულტურა, რომელსაც ხალხი ოდითგანვე იყენებდა საკვებად, როგორც სახამებლის დიდი რაოდენობით შეტყველი ხილი, სიტყვაკაზმულ ლიტერატურაში გარსევან ჩოლოყაშვილს ასე აქვს შექებული:

„წაბლმა სთქუა:

„ტურფა ხილი ვარ მეტად დიდისა მთისაო.  
სახლი მაქვს შიგან საჯღომი, სხუა არა მინდა სხვისაო.  
ტანსა მაკვია მრავალი, შიგნით არ ცივა, თბისაო.  
ნახუა სწადიან ჩემი და ყოველთა ლამაზისაო“<sup>162</sup>.

ფშატი ეთნოგრაფიულ სინამდვილეში ველური ფორმითაა წარმოდგენილი, რომელიც აღმ. საქართველოს ბალ-ვენახებისა და ქალის ტყეებში ფართოდაა გამრავლებული. ის საუკეთესო მასალას წარმოადგენს ცოცხალი ღობის გამასენებლად, ვენახის სარებისა და ღობის „მანეებად“<sup>164</sup>. ფშატს, როგორც ხილს ქართველი ხალხი ძველთაგანვე იყენებდა, რადგანაც ვახუშტი ბატონიშვილს სხვა გარეულ ხილთან ერთად ისიც აქვს მოხსენიებული.

ფშატი სხვადასხვა ჭურისაა, ზოგს მოაქვს წვრილი ნაყოფი, ხოლო ზოგს თითის სიმსხოც კი, რის გამოც ეთნოგრაფიულ ყოფაში ორი სახის ფშატს იცნობენ: ბალურს — მსხვილსა და ქალისას — წვრილს, თუმცა მეურნეთა გადმოცემით ერთგვარ, ძალიან წვრილ-ნაყოფას ანუ გამოუსადეგარს „კატაფშატასაც“ უწოდებენ ხოლმე. ფშატი იტანს ყოველგვარ ადგილს, განსაკუთრებით უძლებს

<sup>162</sup> П. М. Жуковский, Земледельческая Турция, 1933. გვ. 578.

<sup>163</sup> ანთოლოგია, გვ. 66, ტაეპი 24.

<sup>164</sup> კახეთში მანას უწოდებენ, როგორც საწნავ ისე ღობეში მარჯვლად გამოყენებულ მასალას.

უწყლობას და ადვილად მრავლდება: დაწვენით, თესლით, პატარა ტოტებით, ხოლო კარგი ჯიშის ფშატის მისაღებად გაზაფხულობით ხამყენსაც აკეთებენ. ფშატი განსაკუთრებით ფართოდ ყოფილა გავრცელებული აზერბაიჯანისა და სომხეთის ტერიტორიაზე, აგრეთვე თურქეთში, სადაც მას საბაზრო დანიშნულებითაც კი იყენებენ<sup>165</sup>.

ეთნოგრაფიულ სინამდვილეში ფშატის ნაყოფს სხვადასხვა დანიშნულებისათვის ხმარობენ. იგი, მშრალ ადგილას შენახული, მთელქი წლის განმავლობაში ძლებს. კრეფავენ გვიან შემოდგომაზე „სიცოცხეწამ“ ფშატს, რომელსაც არხევენ ან უმეტეს შემთხვევაში პერტყავენ.

საკმელად იყენებენ ზამთარ-გაზაფხულზე, რომელსაც ქერქს ატლიან და ისე შეექცევიან, ხოლო ზოგან დახალულს გაუფტქვენლად ჭამენ.

ისევე როგორც წაბლის ფშატის ნაყოფიდანაც ყოფაში ფქვილსაც ამზადებდნენ, რომელსაც მშრალად, პრიმიტიული წესით ქვაზე დაფშენით იღებდნენ<sup>166</sup>. ფშატის ფქვილის ასეთი არქაული წესით მიღება საყურადღებოა იმ მხრივაც, რომ გარდა საკვები მნიშვნელობისა, ძველ ქართულში იგი გამოიყენებოდა, როგორც კარგი სამკურნალო თვისებების შემცველი პროდუქტი. მაგ. კარაბადინში აღნიშნულია: „ერგების ტკივილსა ღუძლისასა... და სტომაქსა... აღარდენი ნოხალული და ნაცარფშატისა ფქვილი“...<sup>167</sup> იმავე წიგნში ფშატის ნაყოფისა და ფქვილის მინარევებით მოხსენებულია სხვა მრავალი წამლების შემზადების პროცესებიც (გვ. 145, 174, 234).

ფშატის ხე ეკლიანი, მაგრამ სასიამოვნო შესახედავია განსაკუთრებული ფერისა და ყვავილის წყალობით, რომელსაც ძალზე ეტანება ფუტკარიც.

ძველ ქართულ სიტყვაკაზმულ ლიტერატურაში თეიმურაზ II-ს სხვა ხილთან ერთად ფშატიც აქვს შექებული, როგორც სასიამოვნო შესაქცეველი:

„ფშატმან თქვა, ნეტამც იკადროთ თქვენ ჩემი შემოხედავო,  
საკმელად შესაქცევაო, ხელს მოუქირებ ჰხედაო,  
მზის შუქი ასე დამაქცნობს, აველა მე მეტყვის „ბედაო“.  
ჩემი ყვავილის სურნელა ყველაყამ იცით ხედაო“<sup>168</sup>.

<sup>165</sup> П. М. Жуковский, Землед. Турция, г. 667.

<sup>166</sup> Виноградов-Никитин, დასახ. შრომა, გვ. 149.

<sup>167</sup> ზ. ა. ზ. ა. ფ. ა. ნ. ა. ს. კ. ე. რ. ტ. ე. ლ. ი. ე. ი. ე. ვ. ი. ლ. ი, დასახ. შრომა, გვ. 225.

კ ე ვ ი ს ხ ე გავრცელებულია აღმ. საქართველოს ქალის ტყეებში. იგი განსაკუთრებით ფართოდ გვხვდება „შირაქის ველებში“. სადაც ადგილობრივი მოსახლეობა „სახსახაქს“ უწოდებდა. ნ. კეცხოველის გამოკვლევით აღმოსავლეთ საქართველოში მისი გამრავლების საზღვრები სამხ. საქართველოდან ქსნის ხეობამდე მიდის<sup>169</sup>.

კევის ხიდან ხლიდნენ ანუ აღნობდნენ კეცს, რომელსაც მოსახლეობა (ნამეტნავად მწყემსები და ბავშვები) „თავის შესაქცევად“—გასართობად იყენებდა. როგორც მთხრობელები გადმოგვცემენ „გაჟამდნარს ლერწმის ჩიხებში (გულამოღებული ლერწამი) ჩავასხამდით და როცა გაცივდებოდა დანით გავხეჩამდით ჩიხებსაცა და კეცსაც; კევით ძიენ ვერთობოდით, როგორც მწყემსები, იგრე დედაკაცები და ბავშვები, კეცსა ძიენ ეტანებოდნენ და ასალებდნენ მერე მეწვრიმალეები, რომელთაც სოფელ-სოფელ კარი-კარ დაქქონდათ, ცვლიდნენ ჰირნახულზე, კევრცხებზე და სხვა“ (მთხრ. კრაწაშვილი წყალობა გლახოს ძე 98 წ., სილნ. რ-ნი, სოფ. ჰოტორი 1959 წ.).

კ უ ნ ე ლ ი. კუნელს კახეთში გვინელას, ქართლში—კუნელი, სკუნელი, იმერეთში—კუმელა, გურიაში—კურკანტელა, მესხეთში, აჭარაში—ლიცივი, სამეგრელოში—ქუნცი, ეშმაკის მათრახსაც უწოდებენ<sup>170</sup>. ის სხვადასხვა ჭურისაა, ხარობს ყველგან—ხრიოკ ადგილებშიც და იცის ეკალი, რას გამოც მას ეთნოგრაფიულ ყოფაში განსაკუთრებით აშენებენ ცოცხალი ღობისათვის, რომელსაც სამწელიწადში ერთხელ თავსა და გვერდებს შეუკვეცავენ ხოლმე.

კუნელი ძირითადად ორგვარია, წითელი და შავი. რომელთა შორის პირველი უფრო გავრცელებულია; კუნელის ნაყოფი ხილად საკმელად ძველადვე უნდა ყოფილიყო გამოყენებული, რადგანაც სხვა საკმელ ტყის ხილთან ერთად ვახუშტის ეს უკანასკნელიც აქვს დასახელებული.

როგორც დღევანდელი ეთნოგრაფიული მასალები გვიჩვენებს მიუხედავად ხილთა სიმრავლისა, მას დღესაც არ დაუკარგავს თავისი მნიშვნელობა. „მთხრ. გადმოცემით კუნელი, როცა კარგად შემოდის და სიცივეს სჭამს ფქვილივით საკმელია, ხოლო ზოგიერთი მათგანი და ნამეტნავად კი შავი წყლიანიც არის“. მისი ნაყოფი განსაკუთრებით კარგი საზრდოა წვრილფეხის გასაზრდელად. ქერქი და ფოთლები მოწითალო ფერის საღებავად, ხოლო ხალხურ მედიცინაში მას იყენებდნენ „კატური ავადმყოფობისათვის მიღში“-ო (მთხრ. ბაბო ივანეს ასული ფსუტერი, სოფ. ტყვიავი, გორის რაიონ-

<sup>169</sup> ნ. კეცხოველი, დასახ. შრომა. გვ. 313.

<sup>170</sup> ა. მაყაშვილი, ბოტ. ლექსიკონი, გვ. 41.

ნი, 1957 წ.). ყოველივე ამის გამო კუხელის ნაყოფს კრეფენ და ზამთარ-გაზაფხულისათვის ინახავენ, ხოლო შემდგომ ახმობენ, ხელსაფქვაზე ფქვავენ და ხორბლის ფქვილთან ერთად კვებებს აცხობდნენ.

კუნელის მასალა ფართოდ გამოიყენებოდა სხვადასხვა სასოფლო-სამეურნეო იარაღების დასამზადებლადაც (ტაბიკების, საქსოვი სელსაწყობის, ყავარჯნისა და სხვა).

კოწახური სომხურში „ԿՄԻՄԿՐ“, გვაროს ყველგან და განსაკუთრებით უძლებს ხმელ ადგილებს. ისე, როგორც სხვა ეკლიან მცენარეულობას, კოწახურსაც იყენებენ ცოცხალ ღობედ. მისი ნაყოფი, რომელიც მოცხარის მტევნებს მოგვაგონებს დამწიფებისას წითლდება და „რთვილის ქამის“ შემდეგ კრეფენ, რომელიც მუავე და მწკლატე გემოთა ხასიათდება.

კოწახურის; როგორც ნაყოფს, ისე მასალასა და ფესვებსაც კი სხვადასხვა დანიშნულებისათვის იყენებდნენ. სხვა გარეულ ხილთან ერთად ძველ ხალხურ მედიცინაში მასაც გარკვეული ადგილი ექირა. როგორც კარაბადინიდან ჩანს მის ძირს, ნაყოფის გამოწურულ წვესსა და ნედლსაც სხვადასხვა წამლების შესამზადებლად იყენებდნენ<sup>171</sup>.

ხალხურმა მედიცინამ დღევანდლამდე კარგად შემოგვინახა კოწახურის სამკურნალო მნიშვნელობა, რომ მისი ფესვების ქერქის ნახარშისაგან მკურნალობენ სურავანდს. კოწახური გამოყენებული უოფილა აგრეთვე საქონლის სხვადასხვა დაავადებათა განსაკურნადაც, რომელთაგან აღსანიშნავია ცხვრის ავადმყოფობის „პიზოოტიის“ მკურნალობისას<sup>172</sup>.

კოწახურის სიმრავლეზე და ფართოდ გამოყენებაზე თავის დროზე მიგვითითებდა ვახუშტი ბატონიშვილიც, რომელიც მას გარეულ ხილთან ერთად იხსენიებს. კოწახურის ნაყოფისაგან ამზადებდნენ წვენს, ინახავდნენ ნედლად ტოტებიანად, დაკიდული ან დაკრეფილი სახით, რომელიც კარგად ძლებს მეორე მოსავლამდე. კოწახურის ნაყოფს ფართო გამოყენება აქვს ქართული ნაციონალური საკმელების „შეგემებისას“, რომლითაც არაერთხელ მოხიბლულან უცხოელი სტუმრებიც.

ეთნოგრაფიული მასალები გვიჩვენებს, რომ გარდა ზემოთ აღნიშნული მნიშვნელობისა კოწახურის ნორჩი ფოთლები ერთ-ერთი

<sup>171</sup> ზაზა ფანასკერტელი-ციციშვილი, დასახ. შრომა, გვ. 101, 201, 238, 241, 245 და ა. შ.

<sup>172</sup> П е т р о в, დასახ. შრომა, გვ. 46.

„ნადრევი ხილი“ ყოფილა, რომელსაც განსაკუთრებით შეექცეოდნენ მწყემსები. აღმ. საქართველოს ზოგ ადგილებში მას „მეაუნსაც“ უწოდებდნენ. კოწახურის ფოთლების მომქაო გემოს წყალობით მისთვის ხალხს მეაუნსაც შეურქმევია, მით უმეტეს, რომ ისევე, როგორც ჩვეულებრივი მეაუნისას კოწახურის ფოთლებისაგანაც ხშირად შეჰკამანდსაც აკეთებენ. იმის გამო, რომ კოწახურს ბასრი ეკლები ახასიათებს, მის დაფოთლილ ტოტს სასურველ ადგილას მოქუქავენ და ქვემოდან ზემოთ ამოსხვეპის წესით კრეფენ ხოლმე.

მთხრობელთა გადმოცემით „კოწახურის ხე ძვალივით არის“, რაც მის სისუფთავეში და ძარღვიანობა-სიმაგრეში მდგომარეობს. ამის გამო მას ფართოდ იყენებდნენ საქსოვი სავარცხლის კბილებად, თიხის სადღობელის შუშუტად, ტაბიკებად<sup>123</sup> და სხვა. არანაკლები მნიშვნელობა ჰქონდა ხალხურ ფეიქრობაში მისი ქერქის სამღებრო დანიშნულებით გამოყენებას, რომლითაც მატყლს ჭერ შელებავდნენ, ხოლო შემდეგ სათანადოდ დაამუშავებდნენ.

ჯახველი ხარობს როგორც ტყეში, ისე მდინარის პირა კალებში და უყვარს ნოტიო ადგილები. იზრდება ბუჩქად, რომელიც რისხამს პატარა მტევნებისმაგვარ გრძელყუნწა წითელ ნაყოფს. შემოდის გვიან შემოდგომით, უყვარს სიცივე და ამის გამო სანამ ყინვა არ მოხვდება ქალიან მეავე საქმელია. ხეზე ძლებს გაზაფხულამდე, რომელიც მწკლათე გემოსა და ოდნავ შემქქნარ სახეს ღებულობს.

ყოფაში ჭახველს, როგორც ფართო მოთხოვნილების ხილს არ ხმარობენ, თუ მხედველობაში არ მივიღებთ მის დიეტურ-სამკურნალო მნიშვნელობას. ჭახველისაგან ხდიან წვენს, ატკობენ და ისე სვამენ, მის მსხმოიარე ტოტებს ამტვრევენ და ზამთარ-ზაფხულ გარეთ დაკიდული წესით ინახავენ. მთხრობელთა გადმოცემით ჭახველი უებარი წამალია უგუნებობისას, მადის გასახსნელად და ხველება-ყელის ტკივილის დროს, რომელსაც „ცოცხლად გამოსწუნწიან“ ხოლმე. მათივე გადმოცემით ჭახველი ბევრ შემთხვევაში მრეწონიომქაო ბროწეულის შემცვლელი არის სხვადასხვა საქმელის შესანელებლად, ხოლო ნორჩი ყლორტების ნახარში კი სურავანდის სამკურნალოა.

საქართველოს ტერიტორიაზე არქეოლოგიური გათხრების შედეგად აღმოჩენილი მუხნის, მსხლისა და ჭახველის ნაშთები მოწმობ-

123 გ. ჩ ი ტ ა ი ა. სახველი იარაღების ისტორიისათვის საქართველოში. საქ. მეზუემის მოამბე. თბილისი, 1929 წ., ტ. V, გვ. 273.

ბენ, რომ ჯერ კიდევ პალეოლითელი ადამიანი ამ მცენარეთა ნა-  
კოფს საკვებადაც იყენებდა<sup>174</sup>.

მოცხარი აღმ. საქართველოში ფართოდ გავრცელებული ხი-  
ლია, რომელიც რამდენიმე სახეობისა გვხვდება. არჩ. დარეჯანი-  
შვილის გამოკვლევით იგი 28 ჯურისა უნდა იყოს, საიდანაც 12 წი-  
თელია, 2 ვარდისფერი, 4 თეთრი, 2 მოკრელო და 8 შავი. მთხრ. გად-  
ბოცემით, „ეს არის ახლობას საკმელი ხილი, რომელსაც ვერ ვინა-  
ხავთ“-ო.

როგორც ეთნოგრაფიული მასალები გვიჩვენებს მოცხარი ანუ  
ქუნწი ყველგან ადვილად და კარგად მრავლდება, მაგრამ უჯობს  
ნოყიერი ნოტიო ადგილები. ისხამს წვრილმარცვალა ნაყოფს, რო-  
მელიც პატარა მტევნებს მოგვაგონებს. კარგად მოვლის (გაბატივე-  
ბის, გასხვლისა და რწყვის) შემთხვევაში იძლევა მომსხო ნაყოფსაც.  
განსაკუთრებით ბევრია ჩვენში წითელი მოცხარი, რომელიც ძველ-  
თაგანვე ფართოდ ყოფილა გავრცელებული საქართველოს შთის  
ტყეებში. მიუხედავად მისი დიდი ხნის წარსულისა, რომელსაც ვა-  
ხუშტიც იხსენიებს, ჩვენში ფართოდ არ აშინაურებდნენ, მაგრამ  
მას შემდეგ (XIX—XX საუკ. დასაწყისში ე. ი.), რაც ევროპიული  
ჯიშების ბალები გაშენდა. შავი მოცხარიც გაჩნდა, რომელთაც  
წყვირეთა შორის რგავენ<sup>175</sup>.

ეთნოგრაფიულ ყოფაში მისგან ამზადებდნენ მურაბას, ტკბილ  
სასმელებს, ჟელესა და სხვა.

ხურტკმელი კულტურაში ველური ჯიშებიდან არის გამრავ-  
ლებულ-მოშინაურებული. საქართველოში ხურტმელის ნარგაობა  
სამრეწველო დანიშნულებით ძალზე ნაკლებია. იგი მოცხარივით  
საკარმიდამო ნაკვეთებზე გაფანტული სახით გვხვდება.

პირველი ცნობები ხურტკმელის შესახებ გვხვდება საფრანგეთ-  
ში — XVI საუკუნეში, მისი კულტურული ჯიშების გამოყვანა იწ-  
ეება იმავე საუკუნიდან და ასი წლის შემდეგ უკვე ცნობილი იყო  
რამდენიმე ათეული ახალი ჯიში, რომელიც ძირითადად ინგლისში  
იყო გამოყვანილი.<sup>176</sup>

<sup>174</sup> ა. აფაქიძე, ნ. ბერძენიშვილი, გ. გობეჯიშვილი, ს. კალანდაძე, გ. ლომთათიძე, ო. ჭაფარიძე, ნ. ხოშტარია, საქართველოს არქეოლოგია, თბილისი. 1959, გვ. 53.

<sup>175</sup> ნ. კეცხოველი. დასახ. შრომა. გვ. 322.

<sup>176</sup> ბ. ივანოვი. 3. კაქარავა და სხვა ავტორთა კოლექტივის დასახ. შრომა, გვ. 448.

რუსეთში ხურტკმელი ჭერ კიდევ XI საუკუნეში იყო ცნობილი და მოსახლეობის მიერ გამოყენებული. კულტურაში იგი გადააქვთ XV საუკუნეში, ხოლო XIX საუკუნეში შემოტანილმა უცხო წარმოშობის მსხვილნაყოფა ჭიშებმა თანდათან განდევნეს ადგილობრივი წვრილნაყოფა ჭიშები და კიდევ უფრო შეუწყვეს ხელი მის კულტურაში ფართოდ გავრცელებას<sup>177</sup>. ხურტკმელი სხვადასხვა ჭურისაა, რომელიც ერთიმეორისაგან სიმსხოთი, შეფერილობით, სიმწიფის დროით, ფოთლებითა და ეკლებით განსხვავდება. უყვარს ნოტიო, მსუქანი და ჩრდილიანი ადგილები; აშენებენ ღობისა და მიჯნის ადგილებზე. ხურტმელისაგან ხარშავენ მურაბას. ხოლო იქ სადაც დიდი რაოდენობითაა იგი გამრავლებული, ხარშავენ ყელეს, ღდიან არაყს, ლეინოს და სხვადასხვა სასმელებს. მრავლდება ყოველნაირად, თესლით, ტოტებით, ფესვებით, გადაწყენით, ნამყენითა და სხვა.

საქართველოს ეთნოგრაფიულ სინამდვილეში იგი სხვადასხვა სახელწოდებით არის ცნობილი: „ქვ. ქართ. კრიკინა; ფშ., ხეს. ორყუნწა; მხვ. ეკალხუნწაი; მსხ., ჭვხ. ღორღომინა, გორგოშა, ღორღოშო; ზემ. რკ. რუსული მოცხარი; ინგ. ურუსი ყურზენ; ერ. თეთრეკალა, კინკრია, კუნკრუხელა; ჩ. ეკალხუნწა, კვრიხი“<sup>178</sup>.

ს უ რ მ ა საქართველოში ველური სახით ძველთაგანვე ყოფილა გავრცელებული, რომელიც ვახუშტი ბატონიშვილს ტყის ხილში აქვს მოხსენებული. საკვლევი რაიონებიდან ველურად მდგარი ხურმა განსაკუთრებით ფართოდ გვხვდება კახეთის ქალის ტყეებში და თბილისის სანახებში, რომელიც საკმაოდ დიდი ხეების სახით არის წარმოდგენილი. მთხრობელთა გადმოცემით ხურმას უყვარს თბილი ადგილები და არის ორგვარი—ბალური და ტყისა. ბალური მსხვილია და ნამყენსაც ეძახიან, ხოლო ტყისა წვრილია, რომელიც თავისითაა ამოსული. სიღნაღის რ-ნის ს. კოტორის მცხოვრებთა გადმოცემით: „წვრილი ხურმა ძიენ ისხამს და გვიან შემოდგომას ვკრეფამთ, მზეზე შევახმობთ და ზამთარ-გაზაფხულზე იმის ქამას არაფერი ჯობიან. რაც დრო გადის უფრო ტკბება“-ო. ხურმას ინახავენ ცოცხალი სახითაც—ტოტების დამტკრევით და მშრალ ადგილას სხვენზე დაკიდვით, რადგანაც წინააღმდეგ შემთხვევაში ობი ეკიდება. მოკრეფისას—აღნიშნავენ მთხრობელები, პირველად მწკლატეა, ხოლო როდესაც ჩაშავდება ტკბება და მეორე მოსავლამდე ინარჩუნებს ჯემოსაო. მსხვილი ხურმისაგან ინახავენ ჩირს, რადგანაც ის დიდ ხანს

<sup>177</sup> ი ქ ვ ე.

<sup>178</sup> ა. მ ა ყ ა შ ვ ი ლ ი, ბოტ. ლექსიკონი, გვ. 99.

ვერ ინახება. ეთნოგრაფიულ სინამდვილეში ხურმისაგან ხდიან არაყს, ასუქებენ ღორებს, მისი გამხმარი ნაყოფი კარგია კუჭის აშლილობისას და სხვა.

მაყვალის საქართველოს თითქმის ყველა ადგილებში გვარობს. იგი ჭურთა სიმრავლით ხასიათდება, რომელზედაც ვახუშტი ბატონიშვილი გარეული ხილის ჩამოთვლისას აღნიშნავს—„მაყვალის მრავალგვარი“-ო. ყოფაში ძირითადად არჩევენ ორი ჭურის მაყვალს: „ძუძუ მაყვალი“ და „ხე მაყვალი“. მთხრ. გადმოცემით ძუძუ-მაყვალის მიწაზეა გართხმული, ისხამს შედარებით წვრილსა და კარგად დამწიფებისას ნაცრისფერი დაკრავს, ხე მაყვალი კი ბუჩქივით იზრდება, ეკლიანია, რის გამოც ცოცხალ ღობედაც აშენებენ; ისხამს მსხვილსა და შავად „მოპყვერიალე“—მზინვარე ნაყოფს. მრავალდება ადვილად და უყვარს ცხელი ქვეყნები.

მაყვალის ნაყოფს, რომელსაც ძველ საქართველოში სხვადასხვა დაწინიშნულებით იყენებდნენ, დღესაც არ დაუკარგავს მნიშვნელობა. ჩვენ მიერ დამოწმებულია მისი კერკად შენახვის, შეჭამანდის გაკეთების, მაშარათის მოღულების, მურაბის გაკეთების, ღვინისა და არაყის გამოხდის სხვადასხვა წესები. ანნა გიორგის ასულ კრაწაშვილის (სიღნ. რაიონი, სოფ. კოტორი, 1959 წ. 79 წ.) გადმოცემით, „წითელ—ჯერ კიდევ დაუმწიფებელ მაყვალს მოხარშავენ, გამოქცულეტავენ, მარლაში გასწურავენ და მერე წამოდულებისას ფქვილს შოუკიდებენ. ნიორით, ქინძით და ცერეცოთი შეანელებენ და ისე სჭამენ“.

ძველად მაყვალი რომ სანაქებო ხილად იყო ცნობილი კარგად ჩანს, როგორც ფოლკლორულ. ისე ძველ ქართული სიტყვა-კაზბიულ ლიტერატურიდანაც, სადაც თეიმურაზ მეორე მაყვალს ათქმენინებს:

„მაყვალმან უთხრა: არა ვარ ხილი თქვენებრი ქებული,  
ჟარესი ვარ ყველასა, არვისგან მოწონებული,  
ზედან მასხია ეკალი. ვარ მისთვის დაწუნებული,  
პირველ ვახლავარ ყირმიზი, მერმე პირ-გაშავებული“<sup>179</sup>.

ყოლო სხვადასხვა ჭურისაა, მაგრამ ყოფაში ძირითადად არჩევენ თვიურსა და ზაფხულისას. მთხრობელთა გადმოცემით ზაფხულის ყოლოს მთელი წლის განმავლობაში ერთხელ მოაქვს ნაყოფი, ხოლო თვიურს რამოდენიმეჯერ, რაც ამინდებზეც არის დამოკიდებულიო. ზაფხულის ყოლო თავის მხრივ სხვადასხვაგვარია, რომელთაგან ასხევებენ მოთეთრო-მოყვითალოს და წითელს. ხოლო თვიურ ყოლოში არჩევენ 5 სხვადასხვა ჭურისას: წითელი, კროლა, ღვინა, შემოდგომისა და სხვა. მისი ხე ნაზი არ არის, გვარობს

<sup>179</sup> თეიმურაზ II, გვ. 110, ტაბ. 8.

ადვილად ტყეებსა და ქალებში, უყვარს ნოტიო ადგილი, რომელსაც აშენებენ ღობის ძირებში; სადაც ის მალე მრავლდება ბარტყობით. საქართველოში მას იყენებდნენ. როგორც საუკეთესო და სასარგებლო ხილს, რაც დასტურდება ისტორიული წყაროებიდანაც:

„ყოლო იყადრებს ქებასა; აწ ნეტყო რაცა მავდებნა.  
მოვლენ ყველანი ფრინველნი, ჩემხედა შეშოსხდებისა.  
კაცნი მრავალნი მეძებენ, ადვილად ვერ მომხვედებისა,  
სიყვარულთა ჩემითა მჯამენ და ვერ განძირანისა“<sup>180</sup>.

ყოლო როგორც ძველადვე ფრიალ გავრცელებული მთის მცენარე მოხსენიებული აქვს ვახუშტი ბატონიშვილსაც. და ეპვი არ არის, რომ ქართველი მეურნე მას ჯერ კიდევ გვიან იღობიდან თავის სასარგებლოდ იყენებდა-იშინაურებდა. ისევე, როგორც სხვა საკვებ ხილს, ქართველი ხალხი ტყის გაკაფვისას ნაპირებზე. ყოლოსაც სტოვებდა, რომელიც სწრაფად მრავლდებოდა. ეთნოგრაფიული მასალებიდან ჩანს, რომ ყოლო ჩვენში იმდენად ბევრი მოიპოვებოდა, რომ მას საბაზრო დანიშნულებაც კი აქონდა. როგორც მიმდინარე საუკუნის 30-იანი წლების ლიტერატურიდან ჩანს. მარტო ბორჯომის ტყეებიდან და განსაკუთრებით კი ბაკურიანის მიდამოებიდან ყოველწლიურად თბილისში გაჰქონდათ 5 ვაგონამდე ყოლოს ნაყოფი<sup>181</sup>.

ყოლოს ხე ოდნავ ეკლიანია, ხოლო ნაყოფი შემოსილია „წვნიკი“ ბუსუსებით. ეთნოგრაფიულ ყოფაში მის ნაყოფს დიდი გამოყენება აქვს: ხარშავენ მურაბას, აკეთებენ ტკბილ წვესს, ხდიან არაყს, ახმობენ კერკად და ხალხურ მედიცინაში ხმარობენ როგორც სამკურნალო საშუალებას. გამხმარ კერკს ხმარობენ ჩაის მაგიერად, რომელსაც გაციების დროს ავადმყოფს ოფლის მოსაღენად ასმევდნენ. ხოლო თუ კერკი არ მოეპოვებოდათ, მაშინ მის ნაცვლად ავადმყოფს ყოლოს მურაბიან ჩაის დაალევინებდნენ.

ხე თის ხილი, როგორც სპეციალისტი მკვლევარები ფიქრობენ, ჩვენში შემოტანილია საბერძნეთ-რომიდან. ცნობილია, რომ ძველად ლაშქრობისას ამა თუ იმ ქვეყანას თან შეჰქონდა თავისი კულტურა და მათ შორის მცენარეულობაც. როგორც ფიქრობენ, ბერძნებისა და რომაელების მიერ შავი ზღვის სანაპირო ახალშენების გაშენებისას მცენარეულიც გაუშენებიათ,<sup>182</sup> სადაც, რასაკვირ-

<sup>180</sup> თეიმურაზ II, გვ. 109, ტ. 4.

<sup>181</sup> П. Виноградов-Никитин, დასახ. შრომა, გვ. 141.

<sup>182</sup> ნ. კეცხოველი, დასახ. შრომა, გვ. 310.

ველია. პირველ რიგში თავიანთი საყვარელი ზეთის ხილიც არ იქნებოდა გამორიცხული. ზეთის ხილს განსაკუთრებულ ყურადღებას აქცევდნენ თურქეთში, სადაც სხვა ხეხილის (ლელვის, მსხლის, ბროწეულის, კომშის) ბაღებშიაც აშენებდნენ და ტყის გაკაფვისასაც სტოვებდნენ<sup>153</sup>.

ზეთის ხილი საქართველოში, როგორც ითქვა, დიდი ხნიდან უნდა იყოს შემოტანილი, რასაც შემდგომი ისტორიული წყაროები დასტურებენ. ზაზა ფანასკერტელ-ციციშვილის სამკურნალო წიგნში მოხსენებულია ზეთის ხილით მკურნალობის რამდენიმე მეთოდი, მათ შორის „კაცსა რომე უმართული ექამოს, მისი წამალი ეს არის... ზეთის ხილისა ზეთიცა გაურიონო“...<sup>154</sup> მრავალ ადგილას იხსენიებს ზეთის ხილს ვახუშტი ბატონიშვილიც ჩვენში, რაც უდაოდ მის დიდ წარსულზე მეტყველებს.

საქართველოს სინამდვილეში ზეთის ხილი განსაკუთრებით გავრცელებული ჩანს კახეთში (ანაგა, კარდანახი, სიღნაღი), თბილისში და მის მიდამოებში, დასავლეთ საქართველოში (ჭოროხის მიდამოებში, ახალ ათონში) და სხვ. ზეთის ხილი, როგორც ივანე ჯავახიშვილი აღნიშნავდა,—უმთავრესად სამარხო საქმელად იხმარებოდა. გულდენშტეტის აზრით, ბაღდადთან მისი ხეები მდგარა და თითქოს ახალციხიდან იყო გადმორგული, სადაც იგი ბლომად მოყავდათო<sup>155</sup>.

ზეთის ხილზე ფართო მოთხოვნილებას, რასაკვირველია, საქართველოს რამდენიმე ადგილას გაშენებული ხილი ვერ დააკმაყოფილებდა, რის გამოც იგი უცხოეთიდანაც შემოჰქონდათ. ეთნოგრაფიული ყოფიდან ცნობილია „ზეითუნის ზეთის“ სახელწოდებით, რომელსაც განსაკუთრებით იყენებდნენ ხალხურ მედიცინაში, ხოლო ხაყოფს რიტუალური დანიშნულებით სწირავდნენ, რაც ნათლად ჩანს გარს. ჩოლოყაშვილის ხილთა ქებიდანაც:

„ზეთის ხილმან სთქვა ყოველთა გვარად მე გჯობივარ ძირადო  
კაცისთვის მარგებელი ვარ, ღვთისათვის შესაწირადო.  
ეს უცხოოდ მოკვირს, ვერა ვარ ტურფა ტანად და პირადო,  
უცხო ქვეყანის ხილი ვარ, მათ ვიშოები ძვირადო“<sup>156</sup>.

<sup>153</sup> П. М. Жуковский, Землед. Турция, стр. 649.

<sup>154</sup> დასახ. შრომა, გვ. 259.

<sup>155</sup> გულდენშტეტის მოგზაურობა საქართველოში ტ. I, თარგმანი. გ. გელა-შვილის, თბილისი, 1962, გვ. 163.

<sup>156</sup> ანთოლოგია, გვ. 66, ტ. 20.

საკმარისია აღინიშნოს ის ფაქტიც, რომ საქართველოს ტერიტორიაზე გაშენებული ზეთის ხილის ბაღი (ათონის მონასტერთან) ერთადერთია თავისი სიდიდით მთელ კავშირში.<sup>187</sup>

ზეთის ხე თავის ნაყოფით წმინდა მცენარედ უნდა ყოფილიყო გამოცხადებული, რის გამოც დღევანდლამდე შემორჩენილი ზეთის ხილის ძირითადი ნაწილი ეკლესია-მონასტრების მიდამოებში გვხვდება.

ასკილი განსაკუთრებით გამოიყენება ყოფაში, როგორც სამკურნალო ხილი, თუმცა გვიან შემოდგომას „რთვილნაქამი“ სასიამოვნო საჭმელია. საქართველოს ტყეებში და ქალებში ფართოდ გამრავლებული მცენარეა. ასკილი სხვადასხვა ჯურისაა, რომელთაგან ანსხვავებენ ჩვეულებრივსა და სამურაბეს, რადგანაც მის მურაბასაც სამკურნალო დანიშნულებით იყენებენ.

მთხრობელთა გადმოცემით ასკილის ნაყოფი კარგად მოწეული ისედაც იჭმევა, მაგრამ განსაკუთრებით კარგია მოღულებული წვენი, რაც უებარი წამალია თირკმელების ტკივილისას. გარდა იმისა, რომ მის ნაყოფს თირკმელების გასაქურნავად იყენებენ, მისგან ძველ საქართველოში სხვა დაავადებასაც კურნავდნენ: „არგებს ყოველსა მოწამლულსა, გუელ ნაკბენსა უშუელის, ცოფნაკბენსა...—რის გარეშეც სხვა მინარევებთან ერთად წამლის შემზადებისას „ორმოცდაექუსი ასკილისა კუერი“-ც<sup>188</sup> იყო საჭირო.

ასკილის ახალგაზრდა ყლორტებისაგან მწყემსები აკეთებენ სტეირებს, ხოლო რელიგიური თვალსაზრისით „აღებლამეს“ თავგების გარეკვა იგივე ასკილის ჯოხებით უნდა მომხდარიყო.

ასკილს რომ სხვა ტყის ხილულთა შორის გარკვეული ადგილი ეჭირა და ქართველი ხალხი მის შეგროვებას აწარმოებდა, ეს კარგად ჩანს ძველი სიტყვა-კაზმული ლიტერატურიდანაც:

„ასკილი ეტყვის კუნელსა: ვაი შენ. ცუდათ ჰქარაო, მე ვარ კარგი და ლამაზი, ენად მოყბედი ჩქარაო, ჩემი ყვაილი შენა გჯობს, მზესა არ დავითარაო შემოდგომაზე მწიფე ვარ, ქალ-ყმანი მოველ ფარაო“<sup>189</sup>.

<sup>187</sup> П. Виноградов-Никитин, დასახ. შრომა, გვ. 143.

<sup>188</sup> ზ ა ზ ა ფ ა ნ ა ს კ ე რ ტ ე ლ ი - ც ი ლ ი შ ვ ი ლ ი, დასახ. შრომა, გვ. 95 — 99.

<sup>189</sup> თ ე ი მ უ რ ა ზ II, დასახ. შრომა, გვ. 113, ტ. 36.

ასკილის სამკურნალო დანიშნულებით გამოყენება კავკასიის სხვა ხალხებშიაც გვხვდება. მაგ. აზერბაიჯანის—ყარაბაღში მას მა-ლარიისა და ძლიერი დასუსტების დროსაც იყენებენ<sup>191</sup>.

უნაბი ბოტანიკოს სპეციალისტთა გამოკვლევით ტიპიური მშრალი სუბტროპიკების მცენარეა, რომელიც საქართველოს ტერიტორიაზე ძველთაგანვე „მცხეთასა და არმაზშიც ბევრი მდგარა“<sup>191</sup>. ვახუშტი ბატონიშვილი საქართველოსათვის იმ დროს დამახასიათებელ „წალკოტთა ხილ“ შორის უნაბსაც იხსენიებს. რაც ერთხელ კიდევ მიგვითითებს ჩვენში მის ფართოდ გამრავლებაზე.

ვ. ბიბილაშვილის მტკიცებით უნაბის გავრცელების არიალი სირიიდან იწყება, რომელიც შემდგომ რომში, საფრანგეთსა და ესპანეთშიც ჩნდება.<sup>192</sup>

როგორც ეთნოგრაფიული მასალებიდან ჩანს უნაბი ადვილად იტანს თითქმის ყოველგვარ ნიადაგს, სადაც კი მშრალი და ცხელი ადგილებია. დამწიფებამდე მისი ნაყოფი მწვანე ფერისაა, რომელიც თანდათანობით ტკბება და მოწითალო ხდება. უნაბის დაუმყნელი ტანი ეკლიანია, ხოლო დამყნელი, რომელსაც გაზაფხულ-ზაფხულში აწარმოებენ. ეკლებს კარგავს. იგი მრავლდება თესლით ტოტების ჩარქობით, გადაწვევით და ფესვდაყოფით. მთხრ. სიკო მიხეილის ძე ბუჯაშვილის (სოფ. ბაკურციხე გურჯანის რ-ნი, 1959 წ.) გადმოცემით „უნაბი ზამთრის ხმელი ხილია, რომელსაც იგრევე პარკში ჩაეყრით და იგრე ვინახავთ, რადგანაც მშრალი ხილი იცის“. მისივე გადმოცემით უნაბი განსაკუთრებით კარგი წამალია გულით დაავადებულთათვის, ხოლო ხის მასალა კარგია დურგლის ხელსაწყო-იარაღების გასაკეთებლად, სოლებად და სხვა.

უნაბი დღევანდელ ეთნოგრაფიულ სინამდვილეში შედარებით ნაკლებადაა გამრავლებული და როგორც ნ. კეცხოველი აღნიშნავს: „თბილისის კარის ბაღებში თითო-ოროლა ხე უქველად იდგა და მისი ნაყოფი სანუგბარო ხილად ითვლებოდა. ძველი თბილისის ეზობალებში დღესაც შეიძლება თითო-ოროლა ძველი ხე მოიძიოს“<sup>193</sup>.

აკაკი სხვადასხვა ჯურისაა, ხარობს ყველგან და გამძლე ხედ ითვლება. რომლის ნაყოფი წვრილია და კურკიანი. საქართველოსა და მის მეზობელ ქვეყნებისათვის აკაკი ერთ-ერთი უძველესი მცენ-

<sup>190</sup> Петров, დასახ. შრომა, გვ. 19.

<sup>191</sup> ი. ე. ჭავჭავაძე, ხელნაწერთა ფონდი, გვ. 85.

<sup>192</sup> ვ. ბიბილაშვილი, დასახ. შრომა, გვ. 123.

<sup>193</sup> ნ. კეცხოველი, დასახ. შრომა, გვ. 313.

რეთაგანია. კიროვაბადის მახლობლად არქეოლოგიური გათხრების დროს ნანახია ნუშის, ატმის კურკისა და აკაკის თესლები<sup>194</sup>.

აღმოსავლეთ საქართველოს ეზო-კარმიდამოებისათვის, როგორც საჩრდილობელი და დეკორატიული მცენარე ხილთან ერთად აკაკი ფრიად დამახასიათებელი იყო. როგორც ეთნოგრაფიული მასალებიდან ჩანს, აკაკის ხეს ხალხი წმინდა მცენარედ მიიჩნევდა, რომელსაც განსაკუთრებულ მნიშვნელობას ანიჭებდნენ ბავშვის აღზრდის საქმეში, რამაც უდაოდ ხელი შეუწყო მის ეზო-კარმიდამოებზე დარგვას.

ვ. ბარდაველიძის გამოკვლევით საზოგადოდ, ავი სულების საწინააღმდეგო საშუალებად მთიულეთში, აკვანზე სხვადასხვა ამულეტების შებმა იციან, რომელთა შორის აკაკის ხისაგან გამოჭრილი ჭვარი, ტყემლის ტოტი (რათა ბავშვი სასახელო გაზრდილიყო) და ურძელას ხის ტოტიც უნდა ყოფილიყო.<sup>195</sup>

როგორც მთხრობელები გადმოგვცემენ აკაკის ნაყოფი შემოდგომით შემოდის, რომელსაც ხალხი (უმეტესად ბავშვები) მშესუშხი-რასავეით სკამენ. აქვე უნდა აღინიშნოს, რომ ხალხის დაკვირვებით აკაკის ფოთლებით აბრეშუმის ჭიის გამოკვებაც შეიძლება, ხოლო მისი ქერქის დახმარებით ტყავის გამოყვანაც, რაც სათანადო ლიტერატურიდანაც ირკვევა.<sup>196</sup>

წიფელი საქართველოს ტყეებში ფართოდაა გამრავლებული, გვარობს თითქმის ყოველგვარ ნიადაგზე, თუმცა უჭობს ნოყიერი და ნოტიო ადგილები. აღმოსავლეთ საქართველოს სანახებში განსაკუთრებით ფართოდ გვხვდება მესხეთში, კახეთში, ალგეთის, პატარა და დიდი ლიახვის ხეობებში.

წიფლის ნაყოფი მუხის რკოსთან ერთად ძვირფას საკვებად ითვლება მელორეობაში, ამისათვის მელორე-მწყემსები საძოვრებად სოფელთვის მუხნარ-წიფლნარიან ტყეებს ირჩევენ, რის გამოც მათ ნომთაბარეობა საკმაო შორ მანძილზეც კი უხდებოდათ ხოლმე.

ხალხის დაკვირვებით წიფელით ნაკვები ღორის ზორცი თავისი გემოვნებით გამოარჩევა, ხოლო ზოგიერთი მთხრობელის გადმოცემით, ყოფაში წიფლისაგან ზეთის გამოხდასაც აწარმოებდნენო (ბუჩქუკური სანდრო, სოფ. დრე, თეთრიწყაროს რ-ნი).

<sup>194</sup> Б. Б. Пиотровский, Археология Закавказья, Ленинград, 1949, გვ. 71.

<sup>195</sup> ვ. ბარდაველიძე-ლომია, ბავშვის დაბადებასთან დაკავშირებული რიტუალი მთიან ქართლში, საქართველოს მუზეუმის მოამბე, ტ. IV, თბილისი, 1928, გვ. 235.

<sup>196</sup> ა. დარეჯანიშვილი, საუნჯე მეურნისა. თბილისი, 1903.

როგორც მთხრ. ანა გიორგის ასული წიკლაური (12 წ., თეთრწყაროს რ-ნის სოფ. ზირბითი, 1961 წ.) გადმოგვცემს, „წიფელს ქალები და ბავშვები ვაგროვებდით, კაცები ამაზე არ მოსცდებოდნენ. იგი ენკენისა და თიბათვის თვიდან თვითონ ჩამოდის დაბლა, ხოლო ზევრჯერ ჩვენც ვარხვეთ ხოლმე და სახლში მოტანისას მშრალ ადგილას ვინახავთ, რომელიც მეორე მოსავლამდე კარგად სძლებს“. მისივე გადმოცემით წიფელს აკრეფისთანავე „ჩერჩქნიან“—არჩვენ და გემრიელი საკმელია, როგორც „მოხალული“ ისე მოუხალავი სახითაც.

თუთიბო უმეტესად აღმოსავლეთ საქართველოს მთიან ზოლშია გავრცელებული. იზრდება პატარა ტანის ხედ და ისხამს წითელ ნაყოფს, რომელიც შემოდგომას იკრიფება. იგი საქართველოს ფლორისათვის ძველთაგანვე დამახასიათებელ მცენარედ ითვლებოდა, რომლის ნაყოფს ქართველი ხალხი სხვადასხვა დანიშნულები-სამებრ იყენებდა. მის ფართო გამრავლებაზე მიგვიითიბებს გარეჯული ძღვენის შედგენილობა, სადაც სხვა ხილეულთან და საკმელ-სასამელთან ერთად თუთიბოს თავისი ადგილი ჰქონდა დათმობილი.<sup>197</sup>

როგორც ივ. ჭავჭავაძის მიხედვით აღნიშნავდა თუთიბო გარეჯის უდაბნოს მამულებში ბლომად და საუკეთესო ღირსებისა უნდა ყოფილიყო.<sup>198</sup>

ეთნოგრაფიული მასალებიდან ირკვევა, რომ ყოფიდა თუთიბოს განსაკუთრებით ფართოდ იყენებდნენ სხვადასხვა ქართული ნაციონალური საკმელების შესაკაზმავად და მათ შორის ლობიოსიც. როგორც მთხრ. ანა მიხეილის ასული ჯოხარიძე (70 წ., სოფ. საქობო, სიღნაღის რ-ნი, 1959 წ.) გადმოგვცემს „თუთიბოს შემოდგომას აკრეფდით და მზეზე გახმობის შემდეგ ფილთაქვებით ვნაყამდით, მისი ნაყოფი უკურკოა, იზრდება ბუჩქად და ამოდის ლიტაოდ, რომელსაც წვერზე სქელი წვერი ამოსდევს ხოლმე“—ო.

ამპურა მთიულეთში მაპუროს სახელწოდებით არის ცნობილი, ქართლში და აჭარაში მას დათვის ბაბას, ჩრ. კახეთში კომშს, კომშარას, მესხეთში პურისცომს, იმავე მთიულეთში პურადას, პურის გულას, პურგულას. საპურეს, სამეგრელოში თუნთიში ბაცუს, ხევსურეთში სამპურას<sup>199</sup> უწოდებენ.

<sup>197</sup> ხელმწიფის კარის გარიგება, ექვთ. თაყაიშვილის გამოცემა, თბილისი, 1920, გვ. 15.

<sup>198</sup> ივ. ჭავჭავაძის მიხედვით ხელნაწერთა ფონდი, გვ. 74.

<sup>199</sup> ა. მაცაშვილი, ბოტანიკური ლექსიკონი, გვ. 11.

მთხრობელთა გადმოცემით „ამპურა იზრდება მოზრდილი ხე, რომლის ნაყოფი განსაკუთრებით „რთვილის კამის“ შემდეგ ჯობიან თამელსაცა და კუნელსაც. ის მშრალი, ფქვილივით საკმელი ხილია, კაცი რომ შეჭამს დაანაყრებს და ამისათვის ქვია მაპურო-დამაპურაო“. (მნათობიშვილი მიხეილი ივანეს ძე 42 წ-სა. დუშეთია რ-ნი. სოფ. უკანამხარი, 1960 წ.)

ამპურა განსაკუთრებით ბევრი გვხვდება აღმ. საქართველოს რთების წინა კალთებზე 1500 მ სიმაღლემდე ბუჩქნარებსა და ტყეებში, რომელიც ხალხის მიერ თანდათანობით კულტურაშია გადმოტანილი და დეკორატიულ მცენარედაც ითვლება.<sup>200</sup>

დუშეთის რაიონის სოფ. კიკაანში მცხრ. გიორგი ბერას ძე კიკაიძის გადმოცემით „ამპურა მარწყვივით ხილია, აქვს კომპივით მსხვილი და სქელი ფოთოლი, მშრალია, როგორც პური. ესკალასავით კუნწს მოვაცლით, როგორც ზღმარტლს და ისე ვჭამთ. მისი ხე დიდი არ იზრდება, ვამტერვეთ მსხმოიარე ტოტებს და ამ წესით ვინახავთ“ მისივე გადმოცემით ამპურას ნაყოფი თხილის სიმსხოა, მრგვალი, ლეგა ფერისაა და აქვს „მხვრიში“ ვაშლივით ქერქი, რომლის გულიც კი იჭმევა ხოლმეო.

მწორი, მთხრობელთა გადმოცემით ძახველივითაა, თუმცა ის ამ უკანასკნელზე უფრო დიდი ხე იზრდება, რომელიც განსაკუთრებით კარგია, როგორც „არაყის გამოსახდელად ისე იგრე საკმელად“. იცის ანწლივით კუნწულ-კუნწულა სხმა და თამელს ემსგავსება. მწორი, მშრალი ხილია, ზამთარში არ ინახავენ, რადგანაც „სამკურნალოდ არაფრის ბედენაა“-ო.

თამელი მწორსა გავს და ფქვილივით საკმელი ნაყოფი იცის, ეს არ ინახება, რის გამოც მას შემოდგომასვე სჭამენ. გვხვდება მთიულეთ-გუდამაყარის მთების შუა სარტყელზე. ნაყოფი იცის მსხვილი კუნელისებური და ბევრჯერ ბალებშიც გადმორგავენ ხოლმე.<sup>201</sup> მთხრობელთა გადმოცემით თამელის ნაყოფი მწორივით ლეგენაა— მომწვანოა და ზოგი მოწითალოც არის. მწიფდება შემოდგომას, იჭმევა უკურკოდ და არის ტკბილი გემოსი. მისი მასალა, რომელიც ძნელად იშოვება, კარგია „ქიტისა“ (საწვნე) და კოვზების გამოსათლელად.

<sup>200</sup> ნ. კეცხოველი, დასახ. შრომა, გვ. 324.

<sup>201</sup> იქვე.

აღმოსავლეთ საქართველოში მედილეობის ეთნოგრაფიულად შესწავლამ ერთხელ კიდევ ცხადყო მიწათმოქმედების სხვა დარგებთან ერთად მეურნეობის აღნიშნული დარგის მაღალი კულტურა.

ჩვენ მიერ ჩატარებული მუშაობის შედეგად დგინდება, რომ საკვლევ რაიონში საბაზელ ცალკე სამეურნეო ნაკვეთის გამოყოფისას დიდი მნიშვნელობა ენიჭებოდა ნიადაგის შედგენილობას, მის ავკარგიანობას, მდებარეობას და მოვლა-დამუშავებას. მეურნე ამ მხრივ კარგად არჩევს: „მსუქან“, „ლარიბ“, „მჩატე“, „ალქატ“, „გაოფიტულ“, „ჯანდაკ“, „ძარღვიან“, „ლარიბ“, „მლაშე“, „ფერდა“, „სარწყავ“. „მზისგული“. „მყუდრო“ და სხვა მონაცემების შემცველ ნიადაგებს თვისებებისა და შედგენილობების მიხედვით საკვლევ რაიონში არჩევენ: „შავ“, „წითელ“ ანუ თიხა“, „ტრედისფერი“, „თირ“, „ქანკრობ“. „ქვიშა“ და „აყალო“ ნიადაგებს, რომლითაც ატყობენ სხვადასხვა ხალხური მეთოდებით: მუქაში გამოფეშვით, ბალახეულობით. სუნით, რწყვით, ბარკით და ამა თუ იმ კულტურის მოსავლიანობა-მოუსავლიანობით.

ითვალისწინებდნენ რა თავიანთი ნიადაგების მდებარეობასა და შედგენილობებს ქართველი მეურნეები ხეხილის გაშენებისათვის მიმართავდნენ მიწისმოქმედების ისეთ რთულ ხერხებს, როგორც იყო: „ტერასების მოწყობა“, „კაობის დაშრობა“, „ნარგავთა ძირს დაშვება“, ფერდობ ადგილებში ბაქნების მოწყობის გარეშე ხილის გაშენება „შემობარვის“ წესით და ა. შ.

ეთნოგრაფიული მასალების საფუძველზე დგინდება ხეხილის შერჩევისა და ველურ მცენარეთა კულტურაში გადმოტანის გზები. ადგილზე მუშაობის პროცესში გამოირკვა, რომ აღმოსავლეთ საქართველოს რიგ რაიონებში იყვნენ ტყიდან გარეული საძირის— „ბაყილოს“ ჩამომტანი მეურნეები. ამასთან ერთად დადგინდა იქნა ბათ მიერ სასურველი ხეხილის შერჩევის, მოთხრის, შეკვრისა და დარგვამდე მისი შენახვა-გამოზამთრების წეს-ჩვეულებანი.

ხეხილის ტყიდან ჩამოტანისა და მოშინაურების გზით გამრავლებასთან ერთად ქართველი მეურნე ფართოდ აწარმოებდა ახალი და ძველი ჯიშების გამოყვანა-გამრავლებას: მყნობით, გადაწვევით, ლერწით, ფესვის ბარტყობით, ფესვდაყოფით, თესლთესვით და სხვა. დადგინდა „ჩხირით მყნობის“ თავისებური ხალხური ხერხები, სადაც გამოყენებული იყო სხვადასხვა ხელსაწყო იარაღები და საპირო მასალა: სასხლავი ხერხი, დანა, ხის ან ძვლის ჩხირი, მანეული,

სუფთა თივა, ზავსი, თელის ქერქი ან ტილოს ნაქერი. საგოზავებოდან განსაკუთრებით გამოიყენებოდა სარობალახის ძირისაგან გამოხადენი ე. წ. „ლაბა-წვენი“, საქონლის უმარლო ქონი, ფუტკრის სანთელი, ზეთი, საქონლის ნაკელი, თიხა, აყალო მიწა, პალახნარევი მიწა და სხვა.

ნამყენის კარგად დახარების მიზნით ეთნოგრაფიულ სინამდვილეში მიმართავდნენ სანამყენე „კეწრების“ სპეციალურად „დამშევა“-ს, რაც მის სიბნელეში, ნესტიან ადგილას შენახვაში და მოვანიებით მყნობაში მდგომარეობდა. კარგი ნამყენის გამოყენისათვის დიდი მნიშვნელობა ენიჭებოდა აგრეთვე თვით კეწრის შერჩევას, მის სითამამეს და „მუშაკვირტიანობას“.

აღმოსავლეთ საქართველოს მეურნე-მებაღეები ხეხილის ფართოდ გამრავლების მიზნით მიმართავდნენ სპეციალური სანერგეების მოწყობას, სადაც აწარმოებდნენ ჭერ სანამყენე საძირეების გამრავლების მიზნით თესლთესვას, ხოლო შემდეგ ახალი ან სასურველი სილის მყნობის სხვადასხვა წესებით გამრავლება-გამოყვანას. სანერგეების მოწყობა უმეტესად მცირე საკარმიდამო ნაკვეთებზე ეწყობოდა, რომელსაც „შკოლა“ ეწოდებოდა. აღნიშნულ ადგილზე საძირეების თესვის საწარმოებლად „მებაღე-მეხილეები მიმართავდნენ თესლის წინასწარ დამზადებას „დაჩეჩქის“, „დაქაჩის“, „დალაპოზის“ და „დაჩირვის“ საშუალებებით.

ისტორიულ-ეთნოგრაფიული მასალების საფუძველზე დადგენილია ბაღების მშენებლობა „იჯარით“, „დავირაკებით“, „სანახევროდ“, „სამწილად“ „ოთხწილად“ ე. ი. ამხანაგით დამუშავება, „მონაშენობა“ და სხვა.

საკვლევ რაიონში დამოწმებულია ხეხილის დარგვისათვის ორმოს რამდენიმე კვირით ადრე მოთხრის მეთოდი, რომელიც ნიადაგის კარგად „გამოქარვა“-ს ითვალისწინებდა, ამავე მიზნით საყურადღებოა ახლად მოთხრილი ორმოს ხელოვნურად გამოქარვის—ცეცხლით ამოწვის წესი, რომელიც თავისი სიძველით გამოირჩევა.

ეთნოგრაფიულ მასალებზე დაყრდნობით ირკვევა ხეხილის გასხვლის რიგი ხალხური წესები, რაც ნერგის კარგად გახარებას, გარეგან ფორმას, მის სიძლიერეს, ქარისაგან ნაყოფის დაცვასა და სხვა თავისებურებებს აპირებებდა. სასხლავი ხელსაწყო-იარაღებიდან თავისი სიძველით ხასიათდება წალდი და პატარა ზომის სანამყენე დანის მოყვანილობის „წალღუნა“.

აღმოსავლეთ საქართველოს სინამდვილეში ბალ-ვენახებისა და ქაერთოდ ნიადაგის განოყიერების საქმეში საზომ ერთეულად „ჩინი“ იგივე ძარი იყო გამოყენებული. ჩინი, იწვნოდა რა წნელისაგან, მარხილზე იმართებოდა და საშუალოდ 10—15 საქონლის ნაკელს ტევდა. ყოველ ორ ახალგაზრდა ხეს ერთ ჩინ ნაკელს უყრიდნენ, ხოლო „ბებერს“ ერთზე მეტსაც კი.

ეთნოგრაფიული კვლევა-ძიების შედეგად შესწავლილია ხეხილის სხვადასხვა დაავადებანი და ზოგიერთი მათგანის მკურნალობის ხალხური მეთოდები, როგორცაა: ფესვებიდან ნიადაგის გამოღება და ხამი მიწით შეცვლა, დაზიანებული ან ავადმყოფი ფესვის სათანადო წესით ჩაქრა, ფესვებში ნაცრის, დამბალი ქერის, ქვიშაწიწის ჩაყოლება და სხვა.

ხეხილის მოსავლიანობის გადიდებისა და კარგი ხილის მისაღებად მეურნე-მებაღეები მიმართავდნენ ნიადაგის გაყამირება-გაკორდებას, პერიოდულ რწყვას, ხეხილისათვის წვერების—კენწეროების წაჭრის ანუ „წაკვერცხვის“, „დასერვის“, „დაბელებისა“ და გაახალგაზრდავების წესებს. ხოლო მისი კარგად დაყვავილების და ნაყოფის კარგად გამოტანის, რთილისა და სიცივეებისაგან დაცვის მიზნით ყოფაში ძველთაგანვე მიმართავდნენ კომლის ხრჩოლის მეთოდს, რომელსაც „ქიაკოკონა“-ს უწოდებდნენ.

ხილის საკრეფად განკუთვნილ ხელსაწყო-იარაღებად გამოიყენებოდა: გასაშლელი კიბე ანუ „ტანტრა“, ლატანი ანუ „მერღევანი“, სხვადასხვა სახის „სანცრევები“, კონუსისებური ფორმის მანეულის საკრეფლები და ძირვიწრო ანუ „ბაყლის“ კალათები, ხის ქერქისაგან ნაკეთებ სხვადასხვა ხოკერების, გოდრები, ხის კავსი და თოკი.

მოკრეფილი ხილის კარგად გამოზამთრების მიზნით დადგენილია ზამთრის ხილისათვის „ოფლის მოხდის“, ორმოში, ქვევრში, საწნახელში და წყალში შენახვის ხალხური წესები, რომელნიც ქართველი ხალხის ტრადიციულ ცოდნა-გამოცდილებაზეა აღმოცენებული. ხმელი ხილის კარგად შენახვა-გამოზამთრებისა და თავისი გემოვნების კარგად შენარჩუნების მიზნით მიმართავდნენ: ჩირის დამზადება-გამოშრობას მზეზე—სახლის სახურავებზე, ლასტებზე, თონეში, ყურძნის „ბადაგში“ ამოვლების, წნელზე „აბმის“, „გორგომიქელა“-დ გაკეთებისა და სხვა მეთოდებს. ხოლო სამზარეულო და სამკურნალო დანიშნულებით მთელი წლის განმავლობაში ხილით უზრუნველყოფის მიზნით დადასტურებულია: „კერკი“-ს განმობა, ტყლაპების გაკეთება, „მაშარაფი“-ს მოღებვა, ტკბილი ხილის

წვენის, „კრიანტელის“, მურაბებისა და კომპოტებად შენახვის წესები.

მოწმდება, რომ აღმოსავლეთ საქართველოს სამეურნეო ყოფილათვის დამახასიათებელია ხილეულის შემდეგი სახეობანი: ვაშლი, ცხხალი, კომში, ლელვი, ატამი, კერამი, გარგარი ნუში, ტყემალი; ქლიავი, კვინჩხი, ბროწეული, ბალი, ალუბალი, თუთა, ზღმარტლი, შინდი, კაკალი, თხილი, წაბლი, ფშატი, კევის ხე, კუნელი, კოწახური, ჯახველი, მოცხარი, ხუტკმელი, ხურმა, მაყვალი, ყოლო. ზეთის ხილი, ასკილი, უნაბი, აკაკი, წიფელი, თუთიბო, ამპურა, მწორი, თამელი და სხვა.

როგორც ისტორიულ-აოქეოლოგიური მონაცემების და ამ დარგის სპეციალისტების შრომებიდან მტკიცდება, ხილეულის ზემოთ ჩამოთვლილი სახეობის უმეტესი ნაწილი ადგილობრივი წარმოშობისაა. საქართველოს პირობებისათვის თავისი სიძველითა და ყოფაში ფართო გამოყენებით განსაკუთრებით გამოირჩევა: ვაშლი, მსხალი, ლელვი, ბროწეული, ნუში, ატამი, კაკალი, თუთა, ალუბალი, წაბლი, წიფელი, შინდი და სხვა ხილეული, რომელთაც აგრეთვე დიდი ადგილი ეკირათ ქართველი ხალხის სხვადასხვა რიტუალური ცერემონიალის შესრულების პროცესებსა და რწმენა-წარმოდგენებში.

ყოველივე ზემოთ აღნიშნულიდან გამომდინარეობს, რომ ნაშრომში ასახული რიგი ცოდნა-გამოცდილებათა გამომზიურებას მეურნეობის დარგში დიდი პრაქტიკული მნიშვნელობა აქვს.

## ПЛОДОВОДСТВО ВОСТОЧНОЙ ГРУЗИИ

(по этнографическим данным)

### Резюме

Этнографическое изучение плодоводства в Восточной Грузии показало, наряду с другими отраслями земледелия, развитую культуру садоводства.

В результате проведенной нами работы установлено, что в исследуемом районе при выделении для фруктового сада отдельного хозяйственного участка земли большое значение придается структуре почвы, ее пригодности, местоположению, обработке и уходу. Садоводы хорошо различают: «жирные», «бедные», «выветренные», «солончаковые», «скло-

новые», «орошаемые», «солнечные», «теновые» и другие почвы. В соответствии со свойствами и составом, в исследуемых районах различают: «черноземные», «красные или глинистые», «голубого цвета», «илистые», «песчаные», и др. почвы. Эти почвы определяют разными народными способами: размалыванием в пальцах, по растущей траве, запаху, поливкой и мотыжением и по урожайности тех или иных культур.

Учитывая местоположение и структуру почв, грузинские садоводы для разведения фруктового сада прибегают к таким сложным способам, как: «устройство террас», «осушение болот», «спуск насаждения», окопывание насаждения без устройства площадки на склонах и т. д.

На основе этнографических материалов выявлены народные способы отбора фруктовых сортов и приемы перенесения в культуру диких растений. Выяснилось, что в целом ряде районов Восточной Грузии практиковалось доставка из леса диких кореньев — «бакили». Вместе с тем были установлены правила отбора, выкапывания, связывания и хранения до посадки желаемых фруктовых насаждений. Вместе с размножением фруктовых насаждений путем доставки из леса дичков и их окультивирования, крестьяне широко практиковали выведение и размножение старых и новых сортов путем прививки, «сгибанием ветвей», «отростками», «размножением корней», «разделением корней», посева семян и т. д. Установлены своеобразные народные способы «прививки палочкой», с использованием прививочной пилы, ножа, деревянной или костяной палочки, прутьев, чистого сена, мха, коры вяза или куска полотна. Из числа замазок использовались, вытекающий из корней шавеля конского, сок «лаба», животный жир без соли, пчелиный воск, растительное масло, навоз скота, глина, глинистая земля, смешанная с травой земля и т. д.

С целью хорошего роста прививки прибегали к специальному «голодашню» прививочных глазков, что достигалось в хранении в темном, сыром месте и запозданием прививки. Для успешной прививки большое значение придавалось также отбору самого глазка, его «бодрости» и «прививочности».

Садоводы Восточной Грузии с целью широкого размножения фруктовых насаждений прибегали к устройству специальных питомников, в которых сначала производили посев семян, а затем выведение и размножение новых или желаемых сортов путем прививок. Питомники устраивались на небольших участках приусадебной земли и назывались «шко-

лой». Для производства посадочного материала садоводы прибегали к предварительной подготовке семян путем «растрепывания», «выжимания», «замачивания» и «нарезки».

Историко-этнографические материалы свидетельствуют о разведении фруктовых садов «арендной», «в заклад», «исполу», «изтрети», «изчетверти», т. е. обработка артелью «за денежную или натуральную оплату» и т. д.

В исследованных районах установлено, что яма для посадки фруктовых саженцев выкапывалась за несколько недель раньше, что предусматривало хорошую «обсушку» почвы. С этой же целью прибегали к искусственной обсушке огнем; этот способ весьма древний.

Этнографические материалы выявляют различные народные способы подрезки фруктовых насаждений и обуславливающих хорошую приживаемость прививки, ее паружную формушку, защиту от ветров и т. д. Из прививочных инструментов своей древностью выделяются сади («Цалдуна») и небольшого размера прививочный нож.

В Восточной Грузии количество удобрений для фруктовых садов, виноградников и вообще почвы измерялось, т. н. «джини» (плетенные корзины большого размера на всю арбу). «Джини вмещала 10 — 15 пудов навоза. На каждые два фруктовых деревца новой посадки давали один «джини» навоза, а на каждое старое насаждение — целый «джини» и даже больше.

В результате этнографических разысканий изучены различные заболывания фруктовых насаждений и народные способы борьбы с некоторыми из них; к ним относятся: выкапывание земли из под корней и замена ее свежей землей, подрезка поврежденного или заболевшего корня, подсыпка между корнями золы, размоченного ячменя, песчанной земли и т. д.

Для увеличения урожайности фруктов садоводы прибегают к переводу почвы в целину, периодической поливке, к обрезке верхушек фруктовых насаждений и другим приемам их «омолаживания». С целью же хорошего цветения и плодоношения, сохранения урожайности от холодов издревле прибегали к окуриванию дымом, называвшемуся «чиакокона».

Из приспособлений для сбора фруктов следует отметить раскрывающую лестницу или «тантра», жердь или «мердевани»; различного вида «трясилки», «собиралки» конусообразной формы, из прутьев, корзины с узким дном или «бакли», изготовленные из древесной коры, деревянный крюк и веревки. Для лучшего сохранения в зимний период урожая фруктов выявлены народные способы «выпотение» зимних

фруктов в яме, кувшине, виноградной давильне и воде. Для сохранения в зимний период сухих фруктов без потери их вкусовых качеств сушку производили на солнце на крышах, или же в печах для выпечки хлеба; пользовались способом обливания сухофруктов сладким, неперебродившим виноградным соком. Сухофрукты напизывали и подвешивали на деревянных прутьях и т. д. Для лечебных целей и домашнего потребления изготовляли фруктовые соки, лепешки из протертой фруктовой массы, варили густой сладкий сироп, т. н. «машараби», варенье и компоты.

В Восточной Грузии наибольшее распространение имеют следующие виды фруктов и ягод: яблоки, груши, айва, инжир, персик, курага, абрикос, миндаль, «ткемали», слива, гранат, черешня, вишня, тута, мушмула, кизил, грецкий орех, мелкий орех, каштан, лох, фисташки, боярышник, барбарис, смородина, крыжовник, хурма, ежевика, малина, шиповник, ююба, каркас, сумах, рябина, и др.

По данным этнографии, истории, археологии и этноботаники, многие из видов перечисленных выше фруктов Грузии грузинско-кавказского происхождения. В условиях Грузии своей древностью и широким распространением в быту особенно выделяются: яблоки, груши, инжир, гранат, миндаль, черешня, грецкий орех, тута, вишня, каштан, кизил и др.

Роль и место садоводства в хозяйственном быту грузинского народа в прошлом хорошо отражены и в религиозных обрядах и ритуалах связанных с плодородием земли. Фруктам отведено значительное место в ряде обрядов народных празднеств, поминок и т. д.

Изучение трудовых навыков и производственного опыта грузинских садоводов имеет не только познавательное, но и практическое значение. Дальнейшее развитие и усовершенствование этой древней и высококультурной отрасли сельского хозяйства Грузии в условиях строительства коммунистического общества внесет свою значительную лепту, в деле создания изобилия продуктов в нашей стране.

## შინაარსი

შესავალი	3
თავი პირველი. ნიადაგების შერჩევა-გამოყენების ხალხური წესები მეხილეობაში	13
თავი მეორე. ხეხილის გამრავლება, ბალის გაშენება, ხეხილის მოვლა, ხეხილის დააეადებები და მისი მკურნალობის ხალხური წესები	27
თავი მესამე. ხეხილის მოსავლიანობის გადიდების, ხილის კრეფისა და შენახვის ხალხური წესები	91
თავი მეოთხე. ხილეულები და მათი გამოყენება	114
დასკვნა	176
რეზიუმე რუსულ ენაზე	179

Давид Сименович Павлиашвили  
ПЛОДОВОДСТВО ВОСТОЧНОЙ ГРУЗИИ  
(ПО ЭТНОГРАФИЧЕСКИМ ДАННЫМ)  
(на грузинском языке)

დაიბეჭდა საქართველოს სსრ მეცნიერებათა აკადემიის  
სარედ.-საგამომც. საბჭოს დადგენილებით

რედაქტორი გ. ჩიტიია  
გამომცემლობის რედაქტორი ნ. კონდრატენკო  
ტექნიკური ნ. ჯაფარიძე  
კორექტორი ე. ებრაღიძე

გადაეცა წარმოებას 5.6.1962; ანაწყოების ზომა 6×10; ხელმოწერილია  
დასაბეჭდად 15.9.1962; ქალაქის ზომა 60×92<sup>1</sup>/<sub>16</sub>;  
ქალაქის ფურცელი 5,75; საბეჭდი ფურცელი 15,75; საავტორო  
ფურცელი 11,8; სააღრიცხვო-საგამომცემლო ფურცელი 12,0  
შეკვეთა 759; უე 02956; ტირაჟი 1000  
ფასი 89 კაბ.

შეცდომების გასწორება

გვ.	სტრიქონი		არის	უნდა იყოს
	ხედი-დან	ქვემო-დან		
5	2		განვითარება	განვითარების
33		15		ან
40		12	ე.	ვი
68		სკოლით	ფეხებსაო	ფეხებსაო
112		სკოლით	დასახ. შრომა	Анабасис, Москва, 1951
115		სკოლით	დასახ. შრომა	Этноботаника нагорно-го Карабаха, Баку, 1940
162		სკოლით	უნდა დამატოს	168 თემებზე II, გვ. 111

დ. ბაკულიაშვილი